

# ANTONII ARNALDI

DOCTORIS ET SOCIJ SORBONICI  
DISSERTATIO THEOLOGICA.

*In qua Augustiniana Propositio, DE VIT PETRO GRA-  
TIA SINE QVA NIHIL POSSVMVS, totius Tra-  
ditionis autoritate confirmatur; à Schola contentionibus se-  
jungitur; cum variis Thomistica Scholæ sententiis concilia-  
tur; & à peruulgatâ de præceptorum impossibilitate calum-  
niâ purgatur.*



---

M. DC. LVI.

# THE HISTORY OF THE CITY OF BOSTON

FROM THE FIRST SETTLEMENT  
TO THE PRESENT TIME

BY  
JOSEPH NEALE, ESQ.  
OF THE BARR

LONDON:  
PRINTED BY  
JOHN BARNES, ST. PAUL'S CHURCH-YARD, 1782.

## CHRISTIANO LECTORI.

**S**CRPTIONEM istam, Christiane Lector, quam breuem esse malueram, longiorem necessitas fecit. Multa enim ac varia nobis quaestiones ex se inuicem nexa pertractanda fuerunt, ut omnia aduersariis meis effugia praecluderem. Ita singula partes per se breues longam tamen summam efficiunt. Hoc autem, ni fallor, omnibus aquis rerum aestimatoribus probabimus. sententiam nostram non modo in antiquorum Patrum, sed in omnium Thomistarum tum veterum tum recentiorum doctrinâ nemine excep'o perequè veram esse. Quaestiones illas de potestate proximâ: de gratiâ actuali: de possibilitate praeceptorum ita praedicimus, ut nulla in iis ne cauillandi quidem causa superesse videatur. Quamobrem Censores ipsos tam mihi licet sine causâ insensos vehementer oro atque obtestor, ut hanc dissertationem primùm legant; deinde ipsi respondere dignentur. Nam quò magis magisque cogito, eo magis in eam sententiam adducor, non intelligere ipsos quid sentiam. Id mihi ex ipsorum suffragiis congerere licuit in quibus tam aliena commenta mihi afflata sunt, ut mirari satis non possim tantam, ut mirissimè dicam, Theologorum indigentiam, qui eius de quo sententiam ferebant mentem explorare ne curauerint quidem: adeoque si hac contentionis & ody flamma resederis, hoc scio, dissensiones istas hore momento componi posse: non enim illis modo solida causa non subest, sed planè nulla; nullum, inquam, doctrina caput est, quod ipsi adhuc ad fidem pertinere vniuersi contendere ausi sint, quod quidem à me negetur. Itaque dum maxime fidei coloribus me insectantur, eadem omnia à quibusdam ex suis propugnari sinunt, in multis etiam ista plausu & gratulatione prosequuntur. Exemplo esse potest Holdenii Epistola, precipuis, ut ipse dicitur, Censoribus grata & probata, & tamen nihil illud à me dissidere edita de hoc argumento scriptiuncula planum fecit.

Sed illustrius adhuc huius rei exemplum suppeditant Theſes apud Presbyteros Oratorij defensione, & illustrissimis Gallia Episcopis Luertia congregatis nuncupatae, eorundemque, ut audio, frequentia coonestata. In his enim totum controuersa propositionis sensum his verbis expressum lego: Sufficiens gratia infallibiliter suo caret effectu: Efficax illud infallibiliter producit, idque in omni statu. Vnde absente hac (efficaci) ita non potuit Adam bonus se seruare bonum, ex S. Augustino; **VTI NEC PETRVS CHRISTVM CONFITERI**: infallibiliter enim id non erant voluturi: licet vtrumque ambo absolute potuerint. Dissentio quidem ab illius Theſeos autore quisquis est, quod gratiam efficacem ad persenerandum necessariam admittat etiam in statu innocentia. Sed hoc in quaestione versari nemo dicat. At planè ille mecum sentit in eo quod Petrum sine gratiâ efficaci, quam certe non habuit, Christum non potuisse confiteri dicat, eundemque potuisse per potentiam, ut ipse explicat postea, in actu primo constitutam. Nihil enim affirmat aliud Epistola propositio; & quisquis illi alium sensum tribuit, falsum affingit. Quod aduersariis meis denunciare ideo necesse est, quia video nihil aliud eos moliri, nisi ut ambiguum aliquod decretum ab Ecclesiae potestatibus eliciant, ut illius specie postmodum orbem christianum ludifarciant. Verum post meam hanc contestationem, si quid calumniis suis à quibusvis Ecclesiae iudiciis auferant, in quo meus hic sensus non clarè & apertè damnatus appareat, manifestum vel hoc indicio omnibus erit indices fraude & dolo circumuentos, nec propositionem verè damnatam dici posse, cum in sensu alieno, fictitio, & per calumniam impositio damnata sit.

Quamobrem ne sit dubitationi locus decreti formam ipse praeformabo, quod si im-

petrent ab ulla Ecclesia iudicibus, ab illis quoque propositionem meam damnatam esse non difficebor: Hæretica est illa propositio, quæ asserit Petro iusto non affuisse gratiam efficacem agendi, idest confitendi Christum (nam de gratiâ orandi nullus hic sermo) sine quâ nihil poterat quod ad vincendam tentationem attinet, eâ potestate quæ complectitur omnia ad agendum necessaria. Sin aliter se gesserint, nihil agent omnino, omnesque veritatis amantes Theologos in calumniam cogent inclamare.

Sed quod in iisdem quas dixi Thesibus legitur: Iis verò recentioribus non consentimus, qui dum potentiam proximam negant cuiquam adesse sine gratiâ efficace Saluatoris, per eam intelligi volunt illam vim voluntatis, &c. quâ si careat, ad sint licet cætera omnia, nihilo magis ipsa bonum velle possit, quàm cæcus videre, claudus currere, beatus peccare. Carere autem eâ quotquot nunc efficiaci gratiâ carent; id, inquam, unde didiceris prædictarum Thesium scriptor, & quidnam sint isti recentiores libenter ex ipso quaeserim; neque enim ullos legere me memini, qui sic teneant aut doceant? Ego verò planè non ita me tenere profiteor: modo enim id unum mihi concedatur, quod iste autor satis luculenter explicat, necessariam esse gratiam efficacem, ut potestatem actus primi in actu secundo applicet ac determinet, adeoque nihil omnino boni sine illâ unquam neque cogitando, neque orando, neque agendo factum esse, potestatem actus primi sine gratiâ efficaci in omnibus generaliter iustis libenter admitto.

Speciatim verò in iustis volentibus & conantibus gratias excitantes admittendus fateor, eisque Thomistico sensu sufficientes. Quamobrem quacumque demum sententia Constitutioni Innocentij X. subiciatur, fateor verum esse illum sensum, quo vulgò à Thomistis accipitur, nimirum omnibus iustis volentibus & conantibus adesse gratias excitantes sufficientes Thomistico sensu, neque deesse illis gratiam quâ possibilia fiant præcepta; tum quia iam habent excitantem quâ possunt sensu prædicto, tum quia si illi gratiæ plenè consenserint (quod possunt si velint, quod si non faciant in culpa sunt) gratiam efficacem non solum habaturi sunt, sed iam habebunt; quia si quis gratiæ sufficienti consenserit, ut idem docent, signum est à posteriori affuisse illi gratiam efficacem. Hæc de iustis volentibus & conantibus, de quibus solis loquitur Constitutio Innocentij X. mihi cum Thomistis recentioribus planè conueniunt.

Ceterum male elici ex Constitutione summi Pontificis alterutra ex sequentibus propositionibus, palam est. Iustis ignorantibus, incogitantibus, nec volentibus, nec conantibus adest cognitio, cogitatio, voluntas, conatus, id est, gratia excitans actualis: vel: Nullus unquam iustus peccat, ne quidem venialiter, ex ignorantia, ex incogitantia, & sine piâ voluntate, pioque conatu ab illo peccato abstinendi. Qui sic acciperit summi Pontificis Constitutionem, non ipsam interpretatur, sed nouam & planè diuersam Constitutionem condit, eamque, ut mihi quidem videtur, manifestè sibi repugnantem. Quare non est credendum id voluisse Innocentium, donec alterutra ex istis propositionibus in aliquo summi Pontificis diplomate nominatim legatur expressa, quod ab Apostolicâ sede, si denter hoc affirmo, nunquam impetrabunt aduersarij; & quamuis impetrarent, quod fieri non potest, sua tamen propositioni Epistola veritas constabit, quæ gratiam actualem non dicit Petro defuisse, sed solum efficacem, ut postea explicabitur. Hæc quamquam in huius dissertationis serie fusiùs explanentur, tamen in ipso limine predicta volui, in eorum gratiam quibus totam hanc scriptionem perlegere non vacabit. Ex omnibus autem perspicè poteris unam questionem rectè moueri posse, vtrum gratia efficax effectum infallibiliter producat & ad agendum & ad orandum necessaria sit, quam doctrinam quoniam aduersarij OPTIMAM esse professi sunt, nulla omnino controuersia iam superest.



PRÆFATIO,  
In quâ scriptoris occasio, consilium, & partitio declarantur, pag. 1

*In quâ Augustiniana Propositionis veritas totius Traditionis auctoritate roboratur.*

- SECUNDA PARS.

ART. I.	S	Copus & consilium secundæ illius partis aperitur.	P. 13
ART. II.		Consensio & dissensio Thomistarum inter se breuiter aperitur.	P. 19
ART. III.		Exponitur & soluitur questio ex duplici acceptione vocis POSSÈ ab Aluare tradita.	P. 41
ART. IV.		Vsitatiùs de eo cui deest aliquid necessarium dici NON POSSÈ, quàm POSSÈ, etiamsi illud quod deest, ad potentiam non pertineat. Variz obseruationes circa illozum verborum vsum.	P. 43
ART. V.		Idem probatur ex præclaro sancti Anselmi loco.	P. 46
ART. VI.		Vsitat us dici non posse videre qui lumine carere supponitur, quàm posse, probatur ex variis locis Patrum: Iustus autem sine gratiâ efficiaci sicut oculus sine luce, ex omnibus Thomistis.	P. 47
ART. VII.		Idem ostenditur ex adiutoriorum diuisione ab Augustino tradita libro de gestis Pelagij.	P. 48

- ART. VIII. Explicatur alia adjutoriorum diuīſio ab eodem Auguſtino tradita, & oſtenditur omne adjutorium ſine quo aliquid non fit, eſſe adjutorium ſine quo non poteſt fieri. p. 50
- ART. IX. Aſſertur neceſſarij deſinīo ex S. Thomā, & demonſtratur ex illā, ſine gratiā efficiacī nihil fieri poſſe; quam demonſtrationem non conuelli reſponſione clariffimi Theologi quamuis ſubtiliffimā declaratur. p. 52
- ART. X. Colliguntur in ſummam quæ hæc ſecundā parte conſecta ſunt, & ſuppoſitā gratiæ efficiacis neceſſitate reliquas de propoſitione meā contentiones planè abſurdas & ridiculas eſſe oſtenditur. p. 54

### TERTIA PARS.

*In qua incidentes quaſtiones, & à Propoſitionis veritate diſjuncta breuiter explicantur.*

- ART. I. Prima quaſtio: Vtrum gratia efficiax det actum primum, an ſecundum: poſſe, an tantum velle & agere. Explanatur quaſtio & diuiditur. p. 1
- ART. II. Gratiā efficiacem quatenus eſt principium bonæ voluntatis, ab aliis in miſericordiā Dei & formā inhærentem conſtitui, ab aliis in ſolā miſericordiā Dei, quæ inerior motum mentis operatur. p. 2
- ART. III. Qui gratiā efficiacem formam inhærentem eſſe volunt quæ ſit principium bonæ voluntatis, conſequerenter dicere debere, gratiā efficiacem non dari tantum actum ſecundum, ſed etiam primum; ſive quod idem eſt, complementum actus primi. p. 4
- ART. IV. Gratiā efficiacem non pertinere ad actum primum, ſed ad ſecundum, in eorum ſententiā, qui illam quatenus eſt principium bonæ voluntatis, in miſericordiā Dei, non in formā inhærentem conſtituunt. p. 5
- ART. V. Gratiā efficiacem reſpectu bonorum operum dare poſſe, eſſe non ab ipſo velle diſtinctum. p. 7
- ART. VI. Superioris Doctrinæ quædam maximi momenti conſectata. p. 8
- ART. VII. Secunda quaſtio: An potentia quæ iuſtis ineſt ante gratiā efficiacem, debeat dici proxima, completa, & expedita? p. 10
- ART. VIII. Tertia quaſtio de gratiā ſufficiente; ſufficientis nomen vatīe uſurpari poſſe. p. 12
- ART. IX. Sufficientis nomen in alio ſenſu à Patribus acceptam, quā à recent oībus Thomiſtis vulgò uſatpetur. p. 13
- ART. X. Cauendum eſſe ne gratiæ ſufficientis voce ad gratiæ efficiacis neceſſitatem auertendam abutantur Moliniſtæ. p. 15
- ART. XI. Sufficientis gratiæ nomen Thomiſtico ſenſu uſurpatum habituali gratiæ rectius tribui quā actuali. p. 17
- ART. XII. Bono etiam ſenſu gratiā excitantem dici poſſe ſufficientem. p. 18
- ART. XIII. Quarta quaſtio: Vtrum ſemper adſit gratia excitans, quam Thomiſtæ ſufficientem vocant. Accuratius explicatur illius gratiæ natura. p. 22
- ART. XIV. Quando admiranda ſit excitans illa gratia. p. 23
- ART. XV. Vtrum adſit in omnibus generatim peccatis gratia excitans, ſive ſufficientis Thomiſtico ſenſu. p. 24
- ART. XVI. De peccatis mortalibus accuratius. p. 29
- ART. XVII. Nullam gratiam neceſſariam eſſe ut homini peccatum imputetur. p. 31

### QVARTA PARS.

*In qua varia quaſtiones de mandatorum poſſibilitate explicantur.*

- ART. I. Quam gratiā intellexerit Auguſtinus, ſufficientem an efficiacem, cum in lib. 2. de pecc. mer. & rem. dicit, voluntate humanā, gratiā adiuuante diuīnā, poſſe homines in hac vitā eſſe ſine peccato? p. 35

ART. II. Augustinum hic agere de vivendo per totam vitam omni peccato etiam veniali quod iustum omnem posse per gratiam sufficientem sibi collatam Tridentina Synodus diei vetat. p. 36

ART. III. Gratiam, quæ adjuvante ait Augustinus hominem esse posse sine peccato, efficacem esse, & quæ non semper homines adiunguntur. p. 37

ART. IV. Idem esse Augustino, posse hominem esse sine peccato, & fieri posse ut homo sit sine peccato; quod postremum ad gratiam efficacem sine dubio pertinet. p. 39

ART. V. Hominem vivere sine peccato opus esse divinum, idcirco possibile, quia omnia potest DEUS. p. 40

ART. VI. Illustrantur varia Augustini loca de possibilitate præceptorum. p. 40

ART. VII. DE GRATIA ORANDI. Explicatur nuperum Alphonsi le Moynes super illa commentum: & ad Propositionem contrariam minime pertinere ostenditur. p. 41

ART. VIII. Gratiam orandi omnibus semper præsentem nullo elici ex illis Augustini verbis: Deus iubendo monet & facere quod possis, & perere quod non possis. p. 48

ART. IX. Absurda quædam Molinæ istius orandi gratiæ confectaria. p. 49

ART. X. Inferuntur alia quædam non minus absurda. p. 51

ART. XI. De Concilio Tridentino circa præceptorum possibilitatem mente, non una sed triplex Catholicorum Theologorum opinio. p. 52

ART. XII. Alvarèthanus sensus nihil officii controuersæ propositioni. Reijcitur tamen ut alienus, Molinisticus autem ut falsus. p. 55

ART. XIII. Bellarmini & Eñii interpretatio quatuor rationibus confirmatur. p. 57

ART. XIV. Totius operis conclusio, in qua turbæ istarum origo, & intoleranda Censuræ iniquitas paucis aperitur. p. 60

## FINIS.

### Errata prima & secunda partis.

Pagina.	Linca.	Errata.	Correcta.
2.	42.	antiquam.	antiquum
11.	4.	accepit	accepit
11.	ultima.	procluderent	præcluderent
16.	1.	illi	sine illa
16d.	7.	mibi	malis
17.	18.	venatur	venatur
17.	31.	consecratur	consecratur
43.	41.	pernicillo	penicillo
43.	21.	catholicam	caulam

### Errata tertiæ & quartæ partis.

20.	26.	agendum	agendum
21.	27.	agendum	ad agendum
22.	19.	non semper	non semper
22.	anteq.	serm. de Assumpt.	serm. de Assumpt.
30.	24.	c. 24.	lib. 1. c. 21.
31.	31.	qui	qui
36.	32.	adjuua not	adjuuandos
47.	42.	tantum non.	tantum, non.

**P**ARTE 3. art. 11. p. 17. *post illa verba*: non à me propugnetur. **ADD.** Testis est Censuræ subscriptor Holdenus, qui gratiam actualem non semper dari vult, sed tantum sæpe; qui cum sancto Thoma dicit *gratiam habitualem & sanctificantiem dare posse; & sufficere ad illud efficiendum quod reipsa numquam sola efficeret*: & tamen in Epistolâ quâdam ad me scriptâ sic loquitur: *A nemine si quidem accepi Magistrorum nostrorum quemquam scriptiuncula mea doctrinam tanquam scholis catholicis indignam reprobasse; & certissimè novi eum quem ferunt re inimicorum suorum coryphaum habere, hanc meam efficacis gratiaë explicationem veluti legitimam approbasse*. Nuperimè verò venit in manus meas non ignobilis Thomista Conradus Koëlin, Cajetani aut æqualis aut suppar, de gratiâ habituali sic loquutus in quæst. 109. art. 9. *Homo primò indiget ipsâ gratiâ habituali quæ faciat eum potentem ad operandum meritoris; quæ est alius primus constituens hominem in potentia actuâ SUFFICIENTI ad operandum meritoris*. Quia autem suprâ art. 1. dictum est quod quantumcumque res habeat principium operandi sufficiens, indigeat auxilio & motione divinâ; idèò habitâ gratiâ adhuc opus est motione Dei, & ut patebit speciali. Admisit quidem & merito Conradus motionem Dei suprâ gratiam habitualem ad operandum necessariam: verùm eam specialem esse vult, & non omnibus dari, nec idèò tamen excusari à peccato qui eâ caruerint. Sic enim art. 6. *Iusti moventur in Deum ut specialem finem motione speciali. Quod ex eo patet: QVIA VNVS MOVETVR, ALIVS NON; unus suffizienter & non efficaciter, alius utroque modo*. Et ibid. *An si non à Deo preparatur & disponitur, sit à Deo non habitationis gratia tempore excusatum*. De hoc vide quædam contra Gentes c. 159. *Quia non est excusatus: quia per seipsum potest prestare & prout stat impedimenta. Et ut suprâ tactum est, impotentia quæ est ex concursu primi agentis non excusatur, cum sit semper propter aliquâ culpam ad minus originalem*.

Tertiâ parte art. 15. p. 27. *Post illa verba*: gravi autotitate pronuntiantur. **ADDE.** Locus Alphonsi habetur in manuscripto eius suffragio: Nicolai verò eandem sententiam sic expressit in suo nuper edito: *Dicant hoc qui ad aliquos actus habituales illum statum seipso sufficere, sine concursu actuali sentiunt; quia non propterea quidquam putant, quod ex parte divinâ requiratur ad id agendum quod occurrit ut in pristinis lectionibus à se tractum, & prepostero sensu à quibusdam detiorum vel incautus intellectum nitidissimè his comitiis explicavit illustrissimus Carnotensis*.

Ibid. paginâ 28. *post illa verba*: actuali gratiâ priuemur. **ADDE.** Eius sententia videtur esse Nicolai, qui in Censorio suffragio illa Chrylostomi verba de Petro: *Nullo fructus est auxilio*: Sic explicat. *Quid enim Petrum nullo fructum auxilio astringit Chrylostomus ne caderet, ad hoc momentum spectat, quæ negavit; quia illo se priuaverat cum presumpsit*.

Ibid. art. 16. p. 30. *post illa verba*: ex prædestinatis illum non esse. **ADDE.** Ab hac mēte non abhorret Holdenus in quâdam schedulâ satis secretâ, quam inscripsit *Vnionis & consensuæ mediæ*, etiam cum à me dissentire se putat. Statuit enim: *Neminem demonstrare posse, iustum aliquem in quâcumque gravi tentatione positum, destitutum esse omni gratiâ actuali*. Quo satis indicat demonstrari etiam non posse gratiâ actualem in omni gravi tentatione semper adesse quod vnum tamen hoc loco contendo. Non enim mihi propositum est, id quasi pro certo dogmate constituere, quibusdam iustis tum cum in peccatum mortale cadunt, aliquando gratiam actualem deesse; sed id tantum declarare, nullam mihi in mentem venire rationem, cur id non aliquando possit contingere: idèòque super eâ re malle me Ecclesiæ distinctionem expectare, quàm id definire, cuius mihi ratio non constet.



ANTONII  
ARNALDI  
DOCTORIS ET SOCI  
SORBONICI  
DISSERTATIO THEOLOGICA.

*In qua Augustiniana Propositio, defuit Petro gratia sine quâ  
nihil possumus, totius Traditionis auctoritate confirmatur;  
à Schola contentionibus sejungitur; & cum variis  
Thomistica Scholæ sententiis conciliatur.*

Ad Doctissimum Theologum N. N.

---

P R Æ F A T I O.

*In qua scriptionis occasio, consilium, & partitio declarantur.*

**P**relatæ sunt ad me nonnullæ schedulæ in quibus duo magni nominis Theologi amicè inter se concertant super illâ quæstione, an de iusto gratiâ efficaci destituto verè dici possit, deesse illi gratiam sine quâ nihil possumus. Disputationem illam commouerat propositio à me ex Chrysostomo & Augustino descripta, quam nonnulli in me iniquiores contumeliosis hæreseos, & blasphemiz notis affecerunt.

Inter illos autem Theologos illud video conuenire, gratiam efficacem ad singulos pietatis actus necessariam esse, & sine eâ nihil vmquam boni fieri. Imò eorum alter qui nonnihil à me dissentire se putat, pro eâ quâ pollet antiquitatis notitiâ libenter agnoscit, innumera ex Patribus loca posse congeri, in quibus asserunt, sine gratia efficaci nihil fieri posse, atque illo elogio semper ab Augustino donari gratiam de quâ cum Pelagio disputat, cum tamen disputet de efficaci. Vnde nulli dubium esse potest, quid ille de Censurâ sentiat, quæ nullâ

additâ exceptione eam propositionem proſcribit, quam clariffimus ille Theologus infinitis penè locis in Patrum ſcriptis inueniri fatetur.

Leuis tantum diſſenſio ſuperest, quod alter eorum ſine gratia efficaci potentiam proximam haberi vult, alter ſine eâ potentiam proximam haberi negat. Iſte eâ maximè ratione nititur, quod potentia proximæ nomine intelligatur ea quæ complectitur omnia ad agendum neceſſaria, idèoque illi tribui non poſſit cui gratia efficax ad agendum neceſſaria deſit. Alter verò qui in ea opinione eſt quam hodie multi ex Thomiſtis proſententur, gratiâ efficaci non dari poſſe, ſed *velle & agere*, potentia proximæ nomine eam intelligit cui nihil deest ex parte potentia, licet aliquid deſit ex parte actus; idèoque etiam in iis potentiam proximam eſſe contendit quibus deest gratia efficax; quia, inquit, per illam non fit vt velle poſſimus, ſed vt velimus.

De hac controuerſiâ quid ipſe ſentiam quia cognoscere ſtuduerunt, im-poſitum mihi munuscò libentiùs ſuſcepi, quod illa verborum potiùs quàm rerum contentio eſſe mihi viſa eſt, adèoque vtriuſque ſenſum & optimè inter ſe conciliari poſſe, nec vllò modo cum ſubjectâ propoſitioni meæ ſententiâ pugnare arbitratus ſum. Auguſtiniana enim illa propoſitio, quam in epistolâ meâ retuli, ſenſum habet omnino ſegregatum ab omnibus illis quæſtionibus quæ inter illos Theologos efficaciſ gratia patronos agitantur. Id affirmat quod inter illos conuenit, illud in quo diſſident non attingit. Solos illa Moliniſtas, & alios efficaciſ gratia hoſtes inuadit, ab illis etiam ſolum inuadi poteſt indigniſſimum verò fuerit illam à Thomiſtis non defendi, quorum aduerſus Molinianos cauſam agit.

Ergo ne cum dubiis & obſcuris quæſtionibus certiſſima Eccleſiæ fides permiſceatur, tria mihi præſtanda putaui, & in totidem partes digerenda.

Primâ propoſitionis meæ & ſenſum & verba ſic tutabor, vt grauiffimis Summorum Pontificum, Conciliorum, Patrum testimoniis illam ad fidem pertinere conuincam.

Alterâ ſic illam ratione confirmabo vt optimè cohærere doceam cum illorum Thomiſtarum ſententiâ, qui gratiam efficaciem non ad poſſe, ſed ad velle; non ad actum primum, ſed ad ſecundum neceſſariam ſtatuunt, in qua mihi varia de ſenſu illius verbi poſſe, & de poſſibilitatis Thomiſticæ naturâ inquirenda & diſputanda ſunt.

Tertiâ denique meum de ipſis illis quæſtionibus ſcholasticis, & de variarum vocum acceptione ſenſum ſic exponam, vt tamen meam ſuper illis controuerſiis ſententiam conjungi nullatenus velim cum propoſitionis meæ ſenſu, quæ Traditionis autoritate firmata & tuta, periclitari non debet ex iis opinionibus, in quibus pro humani ingenij infirmitate errare nonnunquam citra fidei diſpendium Theologi poſſunt.



## PARS PRIMA.

*In qua Augustiniana Propositionis veritas totius Traditionis  
auctoritate roboratur.*

### ARTICVLVS PRIMVS.

*Status quæstionis exponitur, & quedam præmittantur ad illam  
rectè intelligendam necessaria.*

**T**Orius controuersie summa est vtrum de iusto gratiâ efficaci destituito verè & catholicè dici queat, *desse illi gratiam sine quâ nihil possumus vel ad bene agendum vel ad tentationes vincendas.* Nam si de aliquo iusto id dici potest, vtique de Petro, quem in lapsu gratiam efficacem non habuisse consentiunt omnes. Tota autem illius controuersie difficultas est redit, vtrum verè dicatur, *sine gratiâ efficaci nihil hominem posse.* Nam hoc concessio nemo est qui consequens esse non videat, eum qui caret gratiâ efficaci, vt caruit Petrus, carere vtique gratiâ sine quâ nihil possumus. Ergo vtrum probes vel generatim sine gratiâ efficaci nihil hominem posse, vel speciatim iustum gratiâ efficaci destitutum nihil posse, nihil omnino ad probationis firmitatem interest.

Antequam verò quæstionis huius tractationem aggrediar, duo præmittenda sunt. Primum est, cum de victoriâ tentationis loquor, eam me victoriam intelligere quâ pio in Deum affectu tentatio vincitur: neque enim necessaria est gratia efficax vt praua cupiditas aliâ, licet fortasse minus noxiâ, cupiditate vincatur. Eâdemque ratione, cum aio sine gratiâ Dei nihil boni fieri posse, ad præcidendas omnes controuersias de eo bono me id accipere, quod ad salutem pertineat.

Alterum est, per gratiam efficacem hîc à me intelligi misericordiam Dei quemcumque in nobis bonæ voluntatis motum, siue perfectum siue imperfectum, efficaciter operantem: non verò eam solam, quæ plenam & integram vel ad Deum conuersionem, vel boni faciendi voluntatem inspirat, quam solam efficacis gratiæ nomine Thomistæ vulgò designare solent. Vnde quæstionis sensus est, vtrum verè & catholicè dici queat, *sine gratiâ efficaci nihil boni fieri posse:* hoc est, *sine illa gratiâ efficaci, quæ ad vnumquemque pium voluntatis motum necessaria est, pium illum motum haberi non posse:* neminem exempli causa sine illa gratia habere posse ipsam imperfecti boni cupiditatem: neminem orare posse, nisi cui ille spiritus qui pro nobis interpellat, quia interpellare nos facit, orandi inspiret affectum: neminem posse tentationes superare, nisi cui per efficacem Christi gratiam tentationis victoria concedatur: neminem in bono perseverare posse, nisi cui perseverantia ipsa donetur, ita vt non solum sine isto dono perseverans esse non possit, verum etiam vt per hoc donum non nisi perseverans sit.



Postremum, quod maioris adhuc momenti est, non id queri; an iustis omnibus semper adsit gratia quâ Dei mandata possibilis fiant, & quâ tentationes vinci possint: sed illud solum, vtrum verè & catholicè dicatur, sine gratiâ efficaci, quam iustis aliquando deesse omnes fatentur, nihil boni fieri, & tentationes vinci non posse. Quamuis enim illæ propositiones inter se pugnare videantur, adèd tamen non pugnant, vt vtraque ad Ecclesiæ doctrinam ex æquo pertineat. Verum & catholicum est, omnes iustos ope gratiæ interioris semper posse mandata seruare, ac tentationes vincere, quantum *ad sufficientiam operatiue virtutis*, vt loquitur S. Thomas. Sed non minus verum & catholicum, imò longè magis etiam Traditionis autoritate munitum, iustis eam aliquando gratiam deesse, sine quâ nihil fieri potest, nedum graues tentationes superari.

Ad prius illud dogma stabilendum quamuis verum & orthodoxum, pauca tamen admodum Patrum testimonia suppetunt. Rarè enim illi de aliâ potestate loquuntur, quàm quæ vel sit naturæ seculæ gratiâ; vel gratiæ efficacis, & cum effectu semper coniuncta sit. At postremum illud tot scripturarum, Conciliorum, Patrum vndique concinentibus testimoniis confirmari potest, vt si quis totam Traditionem commouere velit, innumeris pene locis illud astruere possit, *sine gratia efficaci nihil nos posse*, quam gratiam iustis aliquando deesse nemo inficiari queat. Quare cùm multa in his contentionibus mirer, quia inusitata & noua, tum nihil magis, quàm illam sententiam, *sine gratia efficaci nihil homines posse*, quæ Patrum libros tractantibus vndique in oculos incurrit, ab iis qui se Theologos haberi velint, in dubium renocari.

Nec tamen sic illam amplectimur vt ab alterâ recedamus, quam vt catholicam & orthodoxam semper professi sumus. Nouimus enim id catholici esse Theologi, qui fidem non humanâ ratione, sed diuinâ autoritate metiuntur, eâ quæ inter quasdam Christianæ doctrinæ sententias pugnâ nonnumquam apparet, ab iis pariter amplectendis non deterri, si ab Ecclesiâ quam vnâ fidei suæ normam agnoscit, sibi pariter commendatur.

Illo animo qui non fuerunt, errorum & hæreseum duces aduersus Ecclesiam fuerunt. Quarum si quis originem diligenter attendat, non aliam ferè reperiet, nisi quia ita se quibusdam, licet veris alioquin & catholicis dogmatibus addicebant, vt quicquid illis repugnare in speciem videretur, continuò velut erroneum solitâ hæreticis temeritate rejicerent. Vnitatem diuinæ naturæ cum personarum multiplicitate conciliare Sabelliani non potuerunt: ergo vnitatem sic confessi sunt, vt Trinitatem personarum negauerint. Ariani contrâ quia vnitatem naturæ destrui personarum pluralitatem putarunt, sic tres personas professi sunt, vt vnitatem naturæ diuiderint. Personas in Christo duas esse asseruerunt Nestoriani. Fons erroris ex eo est quòd personæ vnitatem cum naturarum diuersitate coniungere non potuerunt. At Eutychiani simili causâ in oppositam hæresim prolapsi sunt; sic enim vnâ in Christo personam esse docuerunt, vt duas in vnum naturas miscuerint. Denique ne abeamus ab illâ controuersiâ, quæ his temporibus inter catholicos maximè iactatur, liberi arbitrij cum gratia componendi summam difficultatem esse fatetur Augustinus, quâ tamen non tardata Ecclesia sic gratiam confitetur, vt liberum non neget arbitrium: sic arbitrium humanum agnos-

cit,

cit, vt gratiæ in illud imperium patiter agnoscat. Pelagiani contrà & Calvinistæ, quia hæc animi demissione non fuerunt in oppositos errores, sed ex eodem fonte profectos impegère; illi gratiæ necessitatem & imperium negauerunt, hi sub imperio gratiæ liberam manere voluntatem non putauerunt. Vtrumque damnat Ecclesiæ; quia gratiâ non adimi liberum arbitrium sed liberari sentit. *Non enim, vt ait Prosper contra Collat c. 12. periculum est libero arbitrio ex gratiâ Dei, nec voluntas aufertur, cum in ipsâ bene velle generatur.*

Sic affecti in iis quæ hodie vigent contentionibus esse debemus. Summorum Pontificum Constitutiones ex æquo reuereamur, quia parem omnes auctoritatem obtinuerunt. Sed non ita simus præposterâ in recentiores pietate, vt ab illis conuulsam putemus quicquid à decessoribus suis, quidquid ab antiquis Conciliis, quidquid à perpetuâ Ecclesiæ traditione definitum ac sanctum est. Qui aliter se gerunt, schisma in ipsam vnitatis sedem inducunt; exitiale contemnendæ Traditionis exemplum inuehunt; & dum vnius Pontificis Constitutione totam antiquitatem peruersâ ipsius interpretatione damnatam volunt, Calvinistis Ecclesiæ hostibus hanc facultatem suppeditant, vbique, vt faciunt, iactandi, Pontificiâ Constitutione antiquam Ecclesiæ fidem esse damnatam.

Nos verò vt illorum hæreticam audaciam ex animo detestamur, sic illis fortiter resistendum putamus, qui Pontificis decreto contra eius mentem abutuntur, ad ea dogmata destruenda quæ pro certissimis hætenus habita sunt. Quantâ possumus demissione animi Decretum Innocentij X. veneramur & amplectimur; sed non minori veneratione Innocentij I. Cælestini, Gregorij, totius denique Traditionis consensum nobis colendum esse iudicamus. Non illum à suis decessoribus distrahimus, imò optimè conciliari posse arbitramur. Et si nobis illorum conciliandorum ratio non satis appareret, religiosius tamen putaremus etiam quæ pugnare inter se videntur amplecti, quàm dum vnum sequimur, reliquos omnes deserere atque damnare. Ergo sinceram animi mei reuerentiam in postremi Pontificis Decretum contestatus, & id præterea professus, minimè, vt iam dixi, negare me iustis omnibus veram & interiorem adesse gratiam, quâ mandata seruare, & tentationes superare posse verè dicuntur: id vnum mihi querendum propono, num etiam verè dicit possit, sine gratiâ efficaci, quâ iustus aliquando destituitur, nihil boni fieri posse, neque tentationes superari.

## ARTICVLVS II.

*Vernus & præcisus Propositionis sensus ostenditur.*

QVæstionis autem illius aut sensus spectatur, aut verba. Non enim modò rectè sentire debemus, sed etiam catholicè loqui. Verùm in neutro me ab Ecclesiæ vel doctrinâ vel sermone recessisse, in neutro me cum Thomistis & cum clarissimo Theologo pugnare faciliè demonstrabo.

Cum de iusto gratiâ efficaci destituto dixi, *illum tentationem superare non*

posse, vel Petro desuisse gratiam, sine quâ vinci non poterat tentatio hoc solum significare voluit, illum à Deo non accepisse quidquid ad vincendam actu tentationem necessarium est; vel quod in idem recidit, ipsum aliquo auxilio ad vincendam tentationem necessario caruisse, quod quidem auxilium non ex ipsius nutu, sed ex diuinâ misericordiâ penderet; vel denique hac duo stare secum & componi non posse, ut Petrus gratiâ efficaci destitutus fuerit, ut reuera fuit, & tamen tentationem re ipsâ superaret.

Quamuis autem catholico Theologo mentem suam aperienti fides abrogari non debeat; tamen in Apologeticis meis nullum alium sub propositionis meæ verbis sensum inclusum esse non modò testatus sum, sed etiam probavi ex aliis epistolæ meæ locis, quibus eandem sententiam complexus eram. At in isto sensu nihil est quod omnibus S. Thomæ discipulis non probetur. Sic enim omnes ad vnum sentiunt, gratiam efficacem quæ consensum voluntatis infallibiliter elicit, ad omnia pietatis opera ad bonam voluntatem necessariò requiri; atque adeò illam esse, quâ solâ, ut ait Augustinus de Correp. & gr. c. 2. *homines liberantur à malo; & sine quâ nullum prorsus sine cogitando sine volendo & amando faciunt bonum*. Hoc quicumque profitebitur, quemadmodum omnes Thomistæ profitentur, necum velit nolit faciet & sentiet. Hoc enim vnum fidei Christianæ dogma quo salus hominum non ex humana, sed ex diuinâ voluntate suspenditur, iam per multos annos aduersus Molinianos tuentur Augustini discipuli. Quamquam verò in isto certamine omnibus iniquitatibus & calumniis oppressi sunt; illud tamen perfectum est, ut à cardine quæstionis dejecti Molinistæ, ad nescio quas argutationes, & alienas planè contentiones disputationem auertere cogantur, licet in omnibus id vnum spectent, ut gratiæ efficaci doctrinam quam apertè aggredi non audent, cuniculis & insidiis euertant, quod se censuræ suæ ope potissimum perfecturos arbitrantur.

### ARTICVLVS III.

*Sensum catholicum superius expositum controuerse propositionis verbis rectè exprimi potuisse ostenditur, primum ex Scripturis.*

**C**VM igitur illud constet ex omnium Augustini & Thomæ discipulorum mente; imò ex certissimâ Ecclesiæ doctrinâ verè & catholicè dici; 1. *Iustis, ut Petro, aliquando deesse gratiam efficacem ad vincendam tentationem necessariam*. 2. *Iustis aliquando deesse diuinum auxilium ad vincendam tentationem necessario prærequisitum*. 3. *Fieri non posse ut hac duo inter se componentur: Iustus gratiâ efficaci caret, & iustus vincit tentationem*. His positis quæritur, utrùm illi sensus, quos omnibus Thomistis probari certum est, illis vocibus exprimi possint: *Iustis aliquando deest gratia sine quâ tentationes vinci non possunt*, vel, *iustis deest aliquando gratia sine quâ nihil possunt ad vincendam tentationem*; vel: *iusti aliquando non possunt vincere tentationem*. Ecclesiastica autem loquendi ratio ad duas normas exigi potest: primum ad auctoritatem

Scripturæ, Patrum, Theologorum; deinde ad humanæ rationis, vulgaris-  
que sermonis arbitrium. At si superius expostas locutiones ex alterutro me-  
tiamur, manifestò patebit omnes tum antiquos tum recentiores Ecclesiæ scri-  
ptores illis frequentissimè vfos, & eo quo diximus sensu; neque aliter lo-  
qui debuissè, nisi ab omnium hominum loquendi more discedere vellent.  
Quæ ad auctoritatem spectant, in hac priori parte tractabimus: quæ ad ra-  
tionem, humanique sermonis arbitrium, ad alteram reijciemus. Ex eo  
enim præcipuè pender quod in secundâ dissertationis huius parte proban-  
dum suscepimus, hanc loquendi formulam cum illorum Thomistarum sen-  
tentiâ minimè pugnare, qui gratiam efficacem non *ad posse*, sed *ad velle tan-  
tum & agere* dari contendunt.

Vt Ecclesiæ doctrina, sic eius sermo fluxit ex Scripturis. Ergò vt explo-  
retur an illa loquendi ratio, *sine gratiâ effici* nihil fieri potest, catholicâ & or-  
thodoxa sit, nulla commodior via est, quàm si expendantur illa Scripturæ  
loca, in quibus affirmat sine gratiâ nihil fieri posse. Nam si pateat, illa loca  
de gratiâ efficaci semper à Patribus intellecta, catholicus non sit qui de  
gratiâ efficaci dici posse neget, sine eâ nos nihil posse.

Hoc posito facile probari potest, omnia Scripturæ loca ex quibus ea sen-  
tentia, *sine gratia nihil fieri potest*, elicitur, de gratiâ efficaci ab iis Patribus  
qui de gratiâ scripserunt, semper accepta. Vt singula non percurram, de  
gratiâ efficaci loquitur Christus Ioan.6. cùm ait: *Nemo potest venire ad me,  
nisi Pater qui misit me traxerit eum. Trahitur enim homo*, vt ait Augustinus  
l.1. ad Bonif. c.19. *miris modis vt velit, ab illo qui nouit intus in ipsis hominum  
cordibus operari, non vt homines, quod fieri non potest, nolentes credant, sed vt  
volentes ex nolentibus fiant.*

De Gratiâ efficaci loquitur Christus, cùm ibidem addit: *Sunt quidam ex  
vobis qui non credunt; propterea dixi vobis, quia nemo potest venire ad me, nisi  
fueritis datum à Patre meo*, hoc est interprete Augustino de præd. sanct. c.8.  
*nisi donum acceperis à Patre, quo credas in Christum.*

De Gratiâ efficaci loquitur Paulus in illis verbis: *Non quia idonei sumus  
cogitare aliquid ex nobis quasi ex nobis, sed sufficientia nostra ex Deo est.* De ea  
enim loquitur gratiâ, quâ ipse ad fidem conuersus est, & quâ ex nolente fa-  
ctus est volens, vt testatur Aug. de Præd. SS. c.2. *Auersus quippe, inquit, à  
fide quam vastabat, eique vehementer aduersus, repente est ad illam gratiâ poten-  
tiori conuersus, conuertente illo, cui hoc ipsum facturo per Prophetam dictum est:  
Tu conuertens viuificabis nos, vt non solum ex nolente fieret volens credere, ve-  
rùm etiam ex persecutore, persecutionem in eius fidei quam persequabatur defen-  
sione pateretur. Donatum quippe illi erat à Christo, non solum vt crederet in eum,  
verùm etiam vt pateretur pro eo. Et ideo commendans istam gratiam, quæ non  
datur secundum aliqua merita, sed efficit omnia bona merita; Non quia idonei su-  
mus, inquit, cogitare aliquid quasi ex nobismetipsis, sed sufficientia nostra ex  
Deo est.*

De Gratiâ efficaci loquitur Sapiens, cùm ait: *Cùm scirem quia nemo po-  
tesset esse continens nisi Deus det. Et hoc ipsum erat sapientiæ, scire cuius esset hoc do-  
num, adi Dominum & deprecatus sum.* Hoc enim loco Pelagianos sæpe com-  
pellit Augustinus ad gratiæ efficacis necessitatem agnoscendam. *Proprium  
arbitrium, inquit ep.143. nisi Dei gratiâ inuetur, nec ipsa bona voluntas esse in*

homine potest. Deus est enim, inquit Apostolus, qui operatur in nobis & velle & operari pro bonâ voluntate; non sicut isti sentiunt, tantummodo scientiam reuelando, ut nouerimus quid facere debeamus; sed etiam inspirando charitatem, ut ea qua discendo nouimus, etiam diligendo faciamus. Nam utique nouerat ille quàm magnum bonum esset continentia, qui dicebat: Et cum scirem quia nemo potest esse continens nisi Deus det. . . . Nec tamen ei scientia sufficit, sed ait: Ady Dominum & deprecatus sum illum. Non igitur tantummodo in hoc nos adiuvat Deus, ut sciamus quid agendum sit; verum etiam ut amando agamus, quod discendo iam scimus.

De gratiâ efficaci loquitur Christus Ioan. 15. cum ait: Sine me nihil potestis facere. Hic enim locus quo maximè niritur catholicum illud dogma, siue gratiâ Dei nos nihil posse, ab omnibus Patribus quos ad gratiæ suæ defensionem excitauit Deus, de efficaci gratiâ semper intellectus est. Quomodo est, inquit Aug. l. 4. ad Bonif. cap. 6. hominis bonum propositum sine miserante prius Domino, cum ipsa sit bona voluntas qua preparatur à Deo? . . . . Reluctanti enim prius aditus diuina vocationis ipsâ Dei gratiâ procuratur: ac deinde in illo iam non reluctante spiritus virtutis accenditur. Verumtamen in omnibus que quisque agit secundum Deum, misericordia eius preuenit eum. Quod isti nolunt, quia non esse catholici, sed Pelagiani volunt. . . . Ita namque illi tumor ipse aures cordis obstruxit, ut non audiant: Quid habes quod non accepisti? Non audiant: Sine me nihil potestis facere: Non audiant: Charitas ex Deo est. Non audiant: Deus paritum est mensuram fidei: Non audiant: Spiritus ubi vult spirat. Non audiant: Nemo potest venire ad me, nisi fuerit ei datum à Patre meo. Non audiant quod per Ieremiam dicit Dominus: Et timorem meum dabo in cor eorum, ut à me non recedant, & visitabo eos, ut bonos eos faciam. Innumera ex Augustino aliisque Patribus loca proferri possunt, quibus hanc Christi sententiam, sine me nihil potestis facere, vel de gratiâ efficaci aperte intelligunt, vel cum aliis Scripturæ testimoniis connectunt, quæ ad gratiam efficacem procul dubio pertinent. Nullus verò, fidenter hoc assero, locus reperietur, in quo hæc Christi verba de illâ gratiâ interpretati sint, quæ det solam boni possibilitatem, etiamsi nec velis homo, nec agat bene, ut loquitur Augustinus.

Hæreticæ porro temeritatis est Scripturæ sensus ex ingenio petere, non ex antiquorum Patrum consensione. Conuenit enim inter catholicos, ut Scripturas ipsas, sic Scripturarum sensum ad nos Traditionis alueo deferri; & præcipuè ex illorum Patrum scriptis in singulis quibusque fidei capitibus hauriendum esse, quos ad illa explicanda & cælestis oraculis confirmanda Deus Ecclesiæ suæ concessit; quod egregiè à Perronio notatur in opere posthumo ad Regem Britanniae obs. 4. c. 5. ubi eximium illum Augustini locum affert ex serm. 4. Multi, inquit, qui optimè poterant Scripturas cognoscere & pertractare, latebant in populo Dei, nec afferebant solutionem questionum difficultum, cum calumniator nullus instaret. Numquid enim perfectè de Trinitate tractatum est, antequam oblatrent Ariani? Numquid perfectè de poenitentia tractatum, antequam obfisterent Nouatiani? Sic non perfectè de baptismate tractatum est, antequam contradicerent foris positi rebaptizatores; nec de ipsâ unitate Christi enucleatè dicta erant qua dicta sunt, nisi postquam separatio illa urgere cæpit fratres infirmos. Quibus addit Perronius, nec de libero arbitrio perfectè tractatum esse ante Pelagianos. Cuius rei rationem idem Augustinus in

Psal. 67. his verbis exposuit. *Multi enim sensus scripturarum sacrarum latent, & paucis intelligentioribus noti sunt, nec afferuntur commodius & acceptabilius, nisi cum respondendis hæreticis cura compellis.* Denique quàm multis Scripturarum sensus de Christo Deo asserti sunt contra Phorinum; quàm multi de homine Christo contra Manicheum; quàm multi de Trinitate contra Sabellium; quàm multi de unitate Trinitatis contra Arianos, Eunomianos, Macedonianos; quàm multi de Catholica Ecclesiâ aduersus Donatistas & Luciferianos?

Vt ergo hoc argumentum breuius astringam, Scripturæ sensus circa vnumquodque fidei caput ex iis potissimum Patribus repetendus, qui illud aduersus hæreticos propugnarunt. At illum Scripturæ locum, *sine me nihil potestis facere*, & similia, nusquam de aliâ quàm de efficaci gratiâ interpretantur illi Patres, qui de gratiâ scripserunt aduersus Pelagianos & illorum reliquias. Igitur ex illis inuictè probari potest verè & catholicè dici *sine gratiâ efficaci nos nihil posse*; adeoque *in istis quibus deest gratia efficax, deesse gratiam sine quâ nihil possumus.*

#### ARTICVLVS IV.

*Eadem locutio ex summis Pontificibus asseritur.*

Certum est hoc fidei catholicæ caput ab Ecclesiâ aduersus Pelagianos definitum ac defensum esse, *sine gratiâ Dei nihil boni fieri posse.* De sensu tantum lis esse inter catholicos potest. Iam verò inuictè demonstrari posse arbitror, gratiam scilicet illam sine quâ nihil fieri posse definiunt summi Pontifices & Concilia, non aliam esse quàm efficacem.

#### INNOCENTIUS I.

Hoc dogma fidei primus, si non tempore, at autoritate, definiuit Innocentius I. *Quotidiana*, inquit ille ad Africanos Patres, *prestat ille remedia, quibus nisi freti confisque uiuamus, nullatenus vincere humanos poterimus errores; necesse est enim ut quo auxiliante vincimus, eodem iterum non adiunante vincamur.* Et paulò superiùs: *Quemadmodum Pelagius Cælestiusque sepositâ omni responsione psalmorum, talique abdicatâ doctrinâ suasuros se aliquibus esse confidunt, nos adiutorium Dei nec debere querere, nec egere, cum omnes sancti nihil se sine hoc agere posse testentur.* Sed quæ tandem illa gratia est, sine qua nihil nos posse definit Innocentius? Illa nempe *quâ auxiliante vincimus*; illa *qua magnis precibus implorata descendit*; illa *cuim obrinende causâ vir beatus & iam electus ira Dæminum deprecatur postulans: Adjutor meus esto, ne derelinquas me, neque desipias me Deus salutaris meus.* Quæ ad gratiam efficacem pertinere & per se clarum est, & ab Aluare, Medina, cæterisque Thomistis agnitum, ut infra ostendemus.

Præterea eandem gratiam intellexit Innocentius, quam eius Decreto stabiliri petierant Africani Patres. Nihil autem clarius quàm illos Episcopos non aliam quàm efficacem significasse. *Hoc itaque gestum*, inquit, *Domine frater sancte, charitati tua inimandum duximus, ut statuis nostra mediocritatis, etiam Apostolica sedis adhibeatur autoritas, pro tuendâ salute multorum, &*



quorundam peruersitate etiam corrigendâ. Id enim agunt isti damnabilibus disputationibus suis, ut non defendendo, sed potius in superbiam sacrilegam extollendo liberum arbitrium, nullum relinquant locum gratiæ Dei. Sed cui gratiæ? An sufficienti, quæ nullum umquam effectum habeat? Vide quid addant. *Gratia Dei quæ Christiani sumus, quâ & ipsum nostra voluntatis arbitrium verè sit liberum, dum à carnalium concupiscentiarum dominatione liberatur, dicente Domino, si vos Filius liberaueris, tunc verè liberi eritis, quod auxilium fides impetrat quæ est in Christo Iesu.* Illam gratiam prædicant de quâ intelliguntur hæc Scripturæ loca: *Quis me liberabit de corpore mortis huius? Gratia Dei per Iesum Christum Dominum nostrum. Non est volentis, neque currentis, sed miserentis Dei.* Et illud: *habentes dona diuersa secundum gratiam quæ data est nobis.* Et *Gratias Deo qui dedit nobis victoriam per Dominum nostrum Iesum Christum.* Denique vt paucis absoluaui, in Epistolis Synodorum Carthaginensis & Mileuitanæ ad Innocentium, & Innocentij ad illas Synodos, in quibus maximè commendatur gratia Dei sine quâ nihil possumus, nullus est locus qui ad aliam gratiam quàm efficacem cum aliquâ verisimilitudine referri possit, præsertim à Thomistis, qui fatentur non alterius gratiæ confessionem à Pelagio postulatam, quàm illius quâ Deus facit vt faciamus, hoc est efficacis, vt sæpe docet Aluarez, ac potissimum disp. 1. & 99.

### C O E L E S T I N U S.

**S**ine gratiâ Dei nihil fieri posse definiuit Cælestinus Pontifex in ep. ad Gall. c. 9. *Quod ita Deus in cordibus hominum, atque in ipso libero operetur arbitrio, vt sancta cogitatio, pium consilium, omnisque motus bona voluntatis ex Deo sit; quia per illum aliquid boni possumus, sine quo nihil possumus.* Cui verò dubium esse potest, quin ea gratia efficax sit, per quam Deus in ipso libero arbitrio omnem motum bona voluntatis operatur.

Nec verò in illo solum loco, sed in iis omnibus diuinis planè de gratiâ capitibus nullam aliam gratiam præter efficacem statuit Cælestinus. Ad quam enim gratiam nisi efficacem pertinet, quod omnia studia, & omnia opera ac merita Sanctorum ad Dei gloriam laudemque referenda sint; quia nemo aliunde ei placeat, nisi ex eo quod ipse donauerit?

Quam gratiam nisi efficacem confirmat ex illis Ecclesiæ precibus, quibus à Deo postulat, vt infidelibus doneatur fides, vt heretici catholice fidei perceptione respiciant, quæ non perfuntoriè neque inaniter à Domino peti, rerum ipsarum monstrat effectus; quandoquidem ex omni errorum genere plurimos Deus dignatur attrahere?

Quam gratiam nisi efficacem confirmat sub illius finem egregiis illis verbis: *Omnium bonorum effectuum atque operum, & omnium studiorum, omniumque virtutum, quibus ab initio fidei ad Deum tenditur, Deum proficemur autorem, & non dubitemus ab ipsius gratiâ omnia hominis merita præueniri, per quem fit vt aliquid boni & velle incipiamus & facere.* Tanta est enim erga omnes homines bonitas Dei, vt nostra velit esse merita quæ sunt ipsius dona, & pro his quæ largitus est, æterna præmia sit donaturus. Agit quippe in nobis, vt quod vult & velimus & agamus?

Ignitum cum de gratiâ efficaci vbique loquatur Cælestinus, manifestum



est de eadem gratiâ intelligendum esse quod de ipsis iustis c.6. docet, *neminem etiam baptisinalis gratiâ renouatum idoneum esse ad superandas diaboli insidias, & ad euincendas carnis concupiscentias, nisi per quotidianum adiutorium Dei perseverantiam bonæ conuersationis acceperit.* Quod ad gratiam efficacem referri debere, vel illa locutio satis indicat, *per adiutorium Dei perseverantiam bonæ conuersationis acceperit*: Sine manifestâ enim absurditate dici non potest eum qui in bonâ conuersatione non perseverauit, perseverantiam bonæ conuersationis à Deo accepisse. Igitur vel à Cœlestino definitum non est, sine gratiâ Dei nos nihil posse, & ad vincendas tentationes minimè idoneos esse: vel illud ab ipso sancitum est de gratiâ efficaci, de quâ vnâ loquitur.

### SANCTVS LEO.

**I**nter Summos Pontifices qui gratiam Dei, sine quâ nihil possumus, aduersus renascentes Pelagianæ hæreseos frutices asseruerunt, non postremus est S. Leo. Quàm verò ille gratiam intellexit? An quæ dat merum posse, etiamsi nec velimus, nec agamus; an verò quæ facit ut velimus, ipsum velle in nobis operando, idest efficacem? Optimus ipse suæ mentis erit interpres: Sic enim fideles alloquitur serm. 8. de Epiph. *Dicente discipulis suis Domino, sine me nihil potestis facere, dubium non est hominem bonam agentem à Deo habere & effectum operis, & initium voluntatis. Vnde & Apostolus copiosissimus fidelium cohortator; Cum timore, inquit, & tremore vestram salutem operamini: Deus est enim qui operatur in vobis & velle & operari pro bonâ voluntate.*

### ARTICVLVS V.

*Quod à Concilijs definitum est, sine gratiâ nihil boni fieri posse, ab iisdem Concilijs de gratiâ efficaci intellectum esse.*

**H**oc catholicæ fidei caput in omnium Christianorum non solum sermonibus, sed etiam animis penitus consignatum, sine gratiâ Dei nihil fieri posse, nullis aliis Conciliorum definitionibus constitutum est, quàm Africanorum sub Innocentio & Zozimo, Sardinienſis Africanorum Episcoporum in Sardinia exulum, secundî Africanî, & Oecumenici Tridentini. In Synodo enim Ephesinâ damnari quidem Pelagiani, sed non expressis eorum erroribus, ideoque nihil in illâ de gratiâ sancitum est; sed id tantum quod antè dectetum erat, generalis Concilij autoritate firmatum. In tercio verò Valentino Concilio multa de prædestinatione præclara, ex quâ tota de efficaci gratiâ doctrina elici potest. Sed de ipsâ gratiâ id solum nominatim cautum est c.6. *De eâ tenendum esse quod sanctissimi Patres autoritate sacrarum Scripturarum nobis tenendum reliquerunt, quod Africana Synodus professæ est, quod Beatissimi Pontifices Apostolica Sedis Catholicæ fide tenuerunt.* Breuiter igitur dispiendum, quæ nam sit illa gratia, sine quâ prædicta Concilia nihil fieri posse docuerunt.

## AFRICANA CONCILIA SVB INNOCENTIO.

**D**Vo in gratiæ causâ Concilia sub Innocentio celebrata sunt. Alterum est Carthaginense Episcoporum Africæ Proconsularis : alterum Mileuitanum Episcoporum Numidiæ, inter quos Augustinus. Huic ascribuntur octo canones de gratiâ : Sed quia in alio Carthaginensi Concilio sub Zozimo si non primùm conditos, saltem renouatos esse constat, ad illud eos referuauimus.

His ergo canonibus nunc omisiss, quid illa duo Concilia sub Innocentio habita de gratiâ senserint, ex tribus ad Innocentium scriptis Epistolis iudicandum est ; vna Carthaginensis Synodi ; altera Mileuitanæ, tertia Aurelij totius Africæ Primatis, Augustini, & trium aliorum ad eundem Pontificem, in quâ latius explicant quod in Epistolis Synodicis breuius erant complexi. Suprà autem vidimus ex Epistolâ Synodicâ Concilij Carthaginensis, gratiam illam sine quâ nihil fieri posse contra Pelagium statuunt, non aliam esse quàm efficacem, eam scilicet *quâ & ipsum nostra voluntatis arbitrium ueni sit liberum, dum à carnalium concupiscentiarum dominatione liberatur* ; eam de quâ dicitur : *Gratias Deo qui dedit nobis uictoriam per Dominum nostrum Iesum Christum.* Et : *Non est uolentis neque currentis ; sed misereentis est Dei :* quod idem ex iisdem locis erunt Mileuitani Patres.

Sed quia uerius Africanæ Ecclesiæ sententiam exponit longior illa quin, que Episcoporum ad eundem Innocentium epistola, ideo ueriora nobis huius veritatis argumenta suppeditat. In primis enim totam Pelagium inter & catholicos controuersiam in eo ponunt, quod secundum Pelagium posset homo per liberum arbitrium cupiditates, tentationesque superare ; quod sine gratiâ fieri non posset catholici defendebant. *Naturam*, inquit, *humanam tantum Pelagiani dicunt ualentem, ut POSSIT per liberum arbitrium, nil ulterius adiuvante Dei gratiâ, domare & extinguere omnes cupiditates, tentationesque superare.*

Quærendum igitur restat, quanam sit illa gratia, sine quâ ex Pelagij mente, tentationes superari poterant, ex catholicorum non poterant. Non enim ipsum gratiæ nomen generatim respuebat Pelagius : non gratiam generatim aduersus illum asserbat Ecclesia ; sed certam ille gratiam oppugnabat ; certam illa gratiam tutabatur. Nam cum in Concilio Palæstino Pelagio obiectum esset, ex illius sententiâ hominem sine gratiâ iuste uiuere posse, respondit ille se Dei gratiam confiteri, & ita posse hominem suo labore ac voluntate iuste uiuere, ut ad hoc adiuuari Dei gratiâ non negaret. Quibus auditis catholicus à Palæstinis Episcopis iudicatus est ; quia catholici Aristotes, inquit illa ad Innocentium epistola, nullam aliam Dei gratiam intelligere potuerunt, nisi quam in libris Dei legere & populis predicare consueuerunt. Sed cum ambiguo gratiæ nomine fucum Palæstinis Episcopis Pelagio factum esse sagaciores Africani deprehendissent, & gratiæ uoce pro uerâ Christi gratiâ nihil nisi liberum arbitrium, legem, atque doctrinam, & remissionem peccatorum ab ipso intellectam, ne simili uersutiâ Innocentio imponeret uaser hæreticus, gratiam illam sine quâ tentationes superari non possunt, illam, inquam, quam à Pelagio negari arbitrabantur, certis notis, & ut ita loquar, caracteribus circumscripserunt, ut omnem cauillationibus eius aditum procluderent.

Has notas soli gratiæ efficaci conuenire manifestè demonſtrabimus. Ex quo illud conſequens eſt, gratiam illam ſine quâ tentationes ſuperari non poſſe aduerſus Pelagianos defendit Eccleſia, non aliam eſſe quàm efficacem.

Imprimis catholicam illam gratiam eam eſſe dicunt, quâ iuſtificamur ab iniquitate, & quâ ſaluamur ab infirmitate. At ſolâ efficaci gratiâ iuſtificamur & ſaluamur, &c. Eam eſſe dicunt quâ Chriſtiani & filij Dei ſunt, non eam quam cum impijs habeamus; quibus verbis ſumouetur illa gratia ſufficiens, quam infidelibus perinde ac fidelibus Moliniſtæ omnes largiuntur. Illi adiutorium eſſe volunt quod per ſubminiſtrationem Spîritus ſancti pertinet ad concupiſcentias, tentationeſque vincendas; quod quique petit dum orat ut non intret in tentationem. Quibus verbis tamen non orat ſolum ut poſſit non peccare, ſed orat ut non peccet, hoc eſt, ne quid faciat mali, quod præſtatur ſolum per efficacem.

Ad huius gratiæ conſeſſionem adigere Pelagium volunt, quam doctrinâ Chriſtiana demonſtrat & prædicat eſſe propriam Chriſtianorum, quæ non eſt natura, ſed quâ ſoluatur natura, non auriſus ſonante doctrinâ vel aliquo adiuumento viſibili, ſicut plantatur quodammodo & irrigatur extrinſecus, ſed ſubminiſtratione Spîritus, & occultâ miſericordiâ, ſicut facit ille qui dat incrementum Deus. Sed quænam eſt illa gratia propria Chriſtianorum, quâ Deus occultâ miſericordiâ incrementum dat, niſi efficax, de qua Auguſtinus l. 2. operis vltimi cap. 157. Cum verbis doctô plantat & rigat, poſſumus dicere, forte credit auditor; cum verò dat incrementum Deus, ſine dubio credit & præſcit.

Hanc eſſe gratiam dicunt, quâ prædeſtinati vocamur, iuſtificamur, glorificamur. Cui conueniunt iſta, niſi efficaci? De hæc ergo gratiâ, inquit illi, queſtio veriebatur, quando ab iis quos Pelagius graniter offendeat atque turbabat, dicebatur ei quod eam ſuis diſputationibus oppugnaret, quibus aſſereret non ſolum ad faciendâ, verum etiam ad perſciciendâ mandata diuina. per liberum arbitrium humanam ſibi ſufficere naturam; hanc Apoſtolica doctrina gratiam iſto nomine appellat quâ ſaluamur & iuſtificamur ex fide Chriſti; de hæc ſcriptum eſt: Non irritam facio gratiam Dei. Neminem niſi planè pertinacem arbitror inſicias iturum, quin totâ illâ epiſtolâ non alia quam efficax gratia deſcribatur; adeoque cum ſine hæc gratiâ tentationes vinci non poſſe Patres Africani ſtatuant, manifestè ab illis definitum eſſe, ſine gratiâ efficaci tentationes vinci non poſſe.

## CONCILIA AFRICANA SVB ZOZIMO.

**A**D hæc Concilia referimus octo canones qui vulgò Mileultano tribuuntur, eò quod à Cæleſtino ſub Carthagenenſis Concilij nomine citentur. Nihil verò clarius quàm illam gratiam, ſine quâ definitur aduerſus Pelagium mandata Dei ſeruari non poſſe, non aliam eſſe quàm efficacem. Quisquis dixerit, inquit Concilium can. 4. eandem gratiam Dei per Ieſum Chriſtum Dominum noſtrum propter hoc tantum nos adiuuare ad non peccandum, quia per ipſam nobis reuelatur & aperitur intelligentia mandatorum, ut ſciamus quid appotere quid vitare debeamus, non autem per illam nobis præſtari, ut quod faciendum cognouerimus etiam facere diligamus & valeamus, anathema ſit.

Gratia quâ nobis præſtatur ut quod faciendum cognouerimus, etiam

facere diligamus atque valeamus, efficax proculdubio est; & tamen canone sequenti anathemate feriuntur, qui sine illâ gratiâ non quidem facile, sed tamen aliquo pacto diuina mandata impleri posse existiment. *Item placuit ut quicumque dixerit idcirco nobis gratiam iustificationis dari, ut quod facere per liberum iubemur arbitrium, facilius possimus implere per gratiam, tamquam & si gratia non daretur, non quidem facile, sed tamen possimus etiam sine illâ implere diuina mandata, anathema sit.* De fructibus enim mandatorum Dominus loquebatur, ubi non ait, sine me difficilius potestis facere; sed ait, sine me nihil potestis facere. Iidem Patres Africani in Epistola ad Zozimum referente Prospero contra Collat. c. 10. utrumque illum canonem his verbis complexi sunt, dum aiunt, *Pelagio & Celestio apertissimâ confessione fatendum esse, gratiâ Dei per Iesum Christum Dominum nostrum non solum ad cognoscendam, verum etiam ad faciendam iustitiam nos per actus singulos adiuuari.* (En quod Can. 4. definierant nobis præstati per gratiam, non solum ut sciamus quid appetere aut quid vitare debeamus; sed etiam ut facere diligamus atque valeamus *ita ut sine illâ nihil vera sanctæque pietatis habere, cogitare, dicere, agere VALEAMVS.* Ergo ex illorum 214. Episcoporum non semel Apostolicæ sedi probatâ definitione, quam, ut ait Prosper ad cap. Gall. c. 8. *totus mundus amplexus est, sine illâ gratiâ per quam præstatur nobis ut quod faciendum cognouimus, etiam facere diligamus atque VALEAMVS,* hoc est efficaci, nihil vera sanctæque pietatis vel habere, vel cogitare, vel dicere, vel agere VALEAMVS.

#### CONCILIUM SARDINIENSE SUB initium sexti seculi.

**N** Vllum ferè est antiquitatis monumentum quod apud omnes Ecclesiasticæ veritatis amantes maiori pretio esse debeat, quàm insignis illa Africanorum Episcoporum Epistola, quos Ariani Vvandali Africâ potiti, in Sardiniam catholicæ fidei causâ relegauerant. Non enim illa nobis exhibet solum quorumuis Episcoporum, sed egregiorum fidei confessorum sententiam, qui testimonium per tot ærurnas & labores Christi diuinitatis redditum, Christianæ gratiæ confessione cumulare voluerunt.

Tota illorum epistola damnandis Semipelagianorum erroribus instituta, quod sine ope gratiæ fieri non posse docebat Ecclesia, de gratiâ efficaci accipiendum esse apertè testatur. Nam cum illud præmisissent, *De gratiâ Dei non dignè sentire, quisquis eam putat omnibus hominibus dari; Iubet, inquirunt, Deus homini ut velit, sed Dominus operatur & velle. Iubet ut faciat; sed operatur & facere. Ac per hoc quoniam habet homo liberum arbitrium, audit præcepta quæ faciat, sed ad implenda præcepta liberum arbitrium idoneum nullatenus efficitur, nisi diuinitus adiuuetur. Ita fit ut se operari debere homo cognoscat dum præceptum accipit, & Domino se sciat semper omne bonum debere quod vult ac facit, qui suis fidelibus hanc dignatus est gratiam promittere per prophetam dicens: Spiritum meum dabo in vobis, & faciam ut in iustificationibus meis ambuletis, & iudicia mea obseruetis & faciatis.*

Et ad illius gratiæ, sine quâ statuunt liberum arbitrium ad implenda præcepta nullatenus idoneum esse, efficacitatem adhuc vberiùs declarandam. Cum ergo, inquirunt, *Dominus in homine operari coeperit velle, tunc homo ad Do-*

minum conueniunt, & eodem in se operante unde ipsi placeat operatur. De Domino enim dicit Apostolus: Apiet vos in omni bono ut faciatis voluntatem eius, faciens in vobis quod placeat coram se. Ad vitam quoque in tantum POTEST homo manum porrigere, in quantum habuerit Dominum protectionem suam, super manum dexteram suam.

Iidem verò sine illâ bonæ voluntatis effectrice gratiâ liberum arbitrium ad nihil posse appositâ luminis comparatione demonstrant. Ante largitatem quippe gratiæ est in homine quidem liberum arbitrium, sed non bonum, quia non illuminatum. Proinde nisi gratia detur, bonum ipsum arbitrium non habetur. Sic namque est liberum hominis arbitrium absque dono gratiæ, sicut est oculus sine luce. Nam & oculus ad videndum factus est, sed nisi lumen acceperis, non videbis. Sicut ergo corporis oculus semper indiget lumen accipere ut ipsum POSSIT aspicere, sic & libero arbitrio hominis nulla POTEST gratiæ suffragari cognitio, nisi detur ipsius gratia spiritalis infusio.

## CONCILIUM ARAUSICANVM II.

Sine gratiâ efficaci nihil fieri posse Africana, ut vidimus, Concilia desinunt. Sed cum huic gratiæ ipsa salutis initia detraherent Semipelagiani, ut salutem hominum ad voluntatis humanæ nutum reuocarent, non solum Africani Patres in Sardinia exules, sed & sanctissimi Galliarum Episcopi in Synodo Arausicanâ congregati, ut exitialem illum errorem penitus suffocarent, de ipsis præsertim initiis disertè sancierunt, neminem sine gratiâ efficaci credere, orare, aut omnino aliquid velle & conari posse. Non enim aliam ab efficaci gratiam illos intellexisse ex singulis canonibus patet.

Hanc can. 3. gratiam se statuere significant, *quæ facit ut Deus inuocetur à nobis.* Can. 4. *quæ fit in nobis ut purgari velimus per sancti-Spiritus infusionem & operationem.* Can. 5. *quæ per inspirationem Spiritus-sancti corrigit voluntatem nostram ab infidelitate ad fidem, ab impietate ad pietatem.* Can. 9. *Per quam quoties bona agimus, Deus in nobis atque nobiscum ut operemur operatur.*

Videamus igitur quid de ista gratiâ credi velint. Si quis, inquit c. 6. *Sine gratiâ Dei credentibus, volentibus, desiderantibus, conantibus, laborantibus, vigilantibus, studentibus, quærentibus, petentibus, pulsantibus nobis misericordia Dei dicit conferri diuinitus, non autem ut credamus, velimus, vel hæc omnia sicut oportet agere* VALEAMUS *per infusionem & inspirationem sancti-Spiritus in nobis fieri consuevit, & aut humilitati aut obedientia humane subiungit gratiæ adiutorium, nec ut obedientes & humiles simus ipsius gratiæ donum esse consentis, resistit Apostolo dicenti; Quid habes quod non acceperis? &: Gratiâ Dei sum id quod sum.* Et can. seq. *Si quis per nature vigorem bonum aliquod quod ad salutem pertinet vite æternæ, cogitare ut expedit, aut eligere, sine saluari, id est Evangelicæ, predicationi consentire POSSE confirmat, absque illuminatione & inspiratione Spiritus-sancti qui dat omnibus suauitatem in consentiendo & credendo veritati, heretico fallitur spiritum, non intelligens vocem Dei in Evangelio dicentis, sine me nihil POTESTIS facere.* Et illud Apostoli: *Non sumus sufficientes cogitare aliquid à nobis, quasi ex nobis; sed sufficientia nostra ex Deo est.* Quis ambigere possit non aliâ gratiâ quàm efficaci dari per Spiritum-sanctum suauitatem in consentiendo & credendo veritati? At de illâ pronuntiant Arausi-



cani Patres contra Semipelagianos, neminem si illà quidquam quod ad salutem pertineat cogitare aut eligere posse, &c.

Idem de iustis sanciunt c. 10. *Adjutorium Dei et am renatis & sanctis semper est implorandum, ut ad bonum finem pervenire, vel in bono possint OPERI perdurare.* Adjutorium autem quod sanctis est implorandum, efficax esse sanctis patet. *Non enim, ut egregiè notat Aug. de gr. Ch. cap. 25. oramus ut possimus nihil mihi facere, sed ne quid faciamus mali.*

Denique idem repetunt in definitionum suarum clausulà his verbis. *Ac sic secundum scripturas, vel antiquorum Patrum definitiones, hoc Deo propitiante & predicare debemus & credere, quod per peccatum primi hominis ita inclinatum & attenuatum fuerit liberum arbitrium, ut nullus postea aut diligere Deum sicut oportet, aut credere in Deum, aut operari propter Deum quod bonum est POSSIT, nisi gratia eum & misericordia diuina prænenerit.* Quod multis postea Scripturæ testimoniis probant; quæ omnia ad efficacem gratiam pertinent, quale est illud Pauli: *Vobis donatum est pro Christo, non solum ut in eum credatis, sed etiam ut pro illo patiamini.* Et illud: *Gratiâ salvi facti estis per fidem, & hoc non ex vobis, sed Dei donum est.* Et quod de se ipso ait Apostolus: *Misericordiam consecutus sum ut fidelis essem.* Ac demùm ipsi explicant quid sit gratiâ & misericordiâ Dei præneneri, dum aiunt, *se salubriter profiteri & credere quod in omni opere bono non nos incipimus, & postea per Dei misericordiam adjuvamus; sed ipse nobis nullis præcedentibus bonis meritis, & fidem & amorem Dei prius inspirat.* Igitur ex illo Concilio nisi Deus & fidem & sui amorem inspirat, quod est gratiæ efficacis, nullus aut diligere Deum sicut oportet, aut credere in Deum, aut operari propter Deum quod bonum est, potest.

### CONCILIVM TRIDENTINVM.

**T**ridentino Concilio aduersus huius temporis hæreticos congregato gratiæ diuinæ necessitas nouis decretis stabilienda non fuit. Illi enim eam aded non negabant, ut etiam nimium illi tribuere viderentur. Quod ergo quædam de gratiâ definiuit, hoc consilio fecit, ne noui hæretici aliquid ab ipso gratiæ detractum esse arbitarentur.

Vt illam suspicionem amoueret sacra synodus, non nouum aliquod dogma de gratiâ sancit, sed quod ab Africanis Conciliis & Arausicanâ synodo statutum erat, renouandum iudicauit; adedque illorum Conciliorum loca, vnde canones suos mutuabatur, margini adscribenda curauere qui illius editioni præfuerunt. Quare cùm sess. 6. c. 2. anathemate percellit: *Si quis dixerit ad hoc solum diuinam gratiam per Iesum Christum dari, ut facilius homo iuste viuere, ac vitam æternam promereri possit, quasi per liberum arbitrium sine gratiâ vtrumque, sed agere tamen & difficulter possit.* Et cùm can. 3. idem anathema intorquet in eos qui dixerint sine prænemente sancti Spiritus inspiratione atque eius adiutorio hominem credere, sperare, diligere, aut penitere posse si-  
cut oportet, ut ei iustificacionis gratia conferatur, dubium esse nemini potest quin in illis canonibus quæ ex Conc. Carthaginensi & Arausicano descripti sunt eadem gratia intelligatur, quam in antiquis illis conciliis intellectam esse demonstrauimus; id est illa gratia efficax quâ nobis præstatur, ut quod faciendum cognouerimus, etiam facere diligamus atque valeamus.

Sed Tridentini Concilij mens ex can. 22. illustrius etiam perspicui potest, quo de singulari perseuerantiæ dono ita sanciuir: *Si quis dixerit iustificatum vel sine speciali auxilio Dei in acceptâ iustitiâ perseuerare posse, vel cum eâ non posse, anathema sit.* Auxilium enim illud perseuerantiæ efficax esse, docuit ipse Lescotius Carnotensis Episcopus in prælectionibus suis de Gratia qu. 4. art. 13. & vox illa specialis quæ communi opponitur, satis indicat, & quod in cap. 13. eiusdem sess. ad quod hic canon refertur, speciale illud auxilium perseuerantiæ munus appellatur, de quo scriptum est, *qui perseuerauerit usque in finem hic saluus erit, & quod aliunde haberi non potest, nisi ab eo qui potens est eum qui stat statueret ut perseueranter stet, & eum qui cadit restituere.* Vbi & additur neminem de hoc dono absolutâ certitudine certi quidquam sibi polliceri debere; quod frustra diceretur si speciale illud auxilium sine quo iustificatus in acceptâ iustitiâ perseuerare non potest, nemini vmquam iusto decesset. Quare ex his locis eruditissimus inter recentiores S. Thomæ discipulos Guillelmus Estius meritò concludit in secundum sentent. dist. 26. n. 43. *ex doctrinâ sacris Conciliorum canonibus illoque præsertim Tridentino definitâ, neminem posse in bono perseuerare absque speciali auxilio, quod de nouo semper à Deo petendum & expectandum sit, quo nimirum Deus ipsum perseuerare in bono operetur.* Id ipsum agnoscit Lescotius Carnotensis Episcopus in prælectionibus suis de Gratia qu. 4. art. 13. & hunc Synodi Tridentinæ locum ad illud perseuerantiæ donum, quo reipsâ in bono electi perseuerant, referendum esse docet.

## ARTICVLVS VI.

*Augustini autoritate confirmatur, quod fide tenemus sine gratiâ nihil fieri posse, de gratiâ efficaci esse intelligendum.*

**T**Am crebra, tam aperta sunt eam in rem Augustini testimonia, ut si quis istud negare audeat, quamlibet multo locorum numero, & tota quasi Augustinianæ doctrinæ mole obrui possit. Vnde verè & scienter clarissimus Theologus, cuius maximè gratiâ hic nobis libellus susceptus est, proficitur & agnoscit, innumeris Patrum testimoniis probari posse, gratiâ efficaci relictâ aptari posse hanc locutionem, quod sine eâ nihil possumus. Et quidem; inquit, *Augustinus hoc elogio semper donat gratiam de quâ cum Pelagio disputat, & tamen disputat de efficaci.* Quamobrem si cum illo solo agerem, Augustini ac ceterorum Patrum locis huc congerendis superfedere potueram. Sed quia hoc scriptum in aliorum manus venire potest, nec vllum prætereâ fidei caput magis nunc in Ecclesiâ quorundam temeritate vexetur, non alienum erit pauca de multis ex Augustino afferre.

Vniuersè quidem illud affirmare non vereor, cum ducentis aut plus etiam locis asserat, sine Christi gratiâ bonum fieri, aut tentationem vinci non posse, numquam hoc ab illo de aliâ, quàm de efficaci gratiâ intellectum esse. Sed quia tam multa proferre & longum & non necessarium est, hunc habeo delectum, ut ea tantum commemorem in quibus non ut priuatus doctor loquitur, sed ut eius doctrinæ testis, quam aduersus Pelagia-



nos suis temporibus Ecclesia definiuit. Quibus in locis ne ab iis quidem repudiari S. Augustini autoritas potest, qui eam toties licet ab Ecclesia consecratam insigni audaciâ in ceteris aspernantur. Nam ut præclare Pertronijs in Epist. ad Casaubonum, cum Patres non ut privati Doctores sententiam suam promunt, sed Ecclesia fidem tamquam testes referunt, tunc argumenta ex eorum autoritate desumpta, non iam probabilia solum, sed planè innicta & necessaria sunt.

Quidquid igitur ex Augustino afferemus, ad hæc tria capita reuocabimus. Primò ostendemus de gratiâ efficaci ab Augustino intellectas Africanorum Conciliorum & Innocentij definitiones, quibus scitum est, sine gratiâ Dei nos nihil posse. 2. Temporibus illis Ecclesiam pro Catholico non habuisse, qui fateretur, uti fatebatur Pelagius, sine gratiâ Dei nos nihil posse, nisi gratiam illam efficacem esse simul fateretur. 3. Non aliter à Pelagianis catholicam illam doctrinam intellectam esse, nec alio sensu ab Augustino totius Ecclesiæ nomine propugnatam.

## I.

Quod ad primum caput attinet, huic conficiendo vel vnus locus satis fuerit ex epist. 106. ad Paulinum in quo post commemoratas Africanorum Conciliorum ad Apostolicam sedem relationes, & Innocentij responsa, hæc in illis sancita declarat: *Quod gratia Dei per Iesum Christum Dominum nostrum, quod fides vera, & catholica semper tenet Ecclesia, pusillos cum magnis à morte primi hominis ad vitam secundi hominis transfert, non solum peccata delendo, verum etiam ad non peccandum, recteque viuendum eos, qui iam uti possunt voluntatis arbitrio, sic adiuuando, ut nisi adiuuet NIHIL pietatis atque iustitiae siue in opere, siue etiam in ipsâ voluntate HABERE POSSIMUS.* Deum quippe operatur in nobis & velle & operari. Nam quis nos, nisi qui venit querere & saluare quod perierat, ab illâ perditionis massâ & concretionem discernit? Vnde Apostolus interrogat dicens: *Quis enim te discernit? Vbi si dixeris homo; discernit me fides mea, voluntas mea, bonum opus meum, respondetur ei: Quid enim habes quod non accepisti; si autem & accepisti, quid gloriari quasi non acceperis? Gratiam, quâ Deus operatur in nobis & velle & operari, quæ discernit fidelem ab infideli, quæ dat fidem, quæ dat voluntatem, quæ dat bonum opus, nemo dixerit aliam esse, quàm efficacem.* Et tamen hæc illa gratia est, de quâ teste Augustino *fides vera, & catholica tenet semper Ecclesia, ita perillam ad non peccandum recteque viuendum homines adiuuari, ut nisi adiuuet, nihil pietatis atque iustitiae siue in opere, siue etiam in ipsâ voluntate habere possint.*

## II.

Cum Pelagius apud Catholicos gratiæ inimicus audiret, quod etiam sine Dei gratiâ hominem crederet vitare posse peccatum, ut admissio in speciem gratiæ vocabulo frangeret inuidiam, offensionemque declinaret, sub ambigua istius verbi generalitate quid sentiret abscondebatur. Quare sapius profitebatur liberum arbitrium in omnibus bonis operibus diuino semper adiuuari auxilio; liberam se sic confiteri arbitrium ut diceret nos indigere Dei semper auxilio: anathematizare se qui diceret, gratiam Dei ad omnes actus nostros non esse necessariam: denique se in epistolâ ad Paulinum trecentis fortè versibus nihil aliud, quàm Dei

*gratiam & auxilium confiteri, nosque nihil omnino boni facere posse sine Deo.*

Integrum igitur librum scripsit Augustinus qui de *gratia Christi* inscribitur, ut ostenderet hanc Pelagii gratiæ confessionem neutiquam sufficere ut catholicus haberetur, quia non satis erat generatim confiteri, *sine gratiâ nihil nos posse*, nisi verbis illis ea intelligeretur gratia, quam Ecclesia catholica profitebatur. *Cernitis*, inquit cap. 31. *hæc eius verba soluenda non sufficere questioni. Querimus enim adhuc quo auxilio liberum adjuvari dicat arbitrium.* Et paulò post cum illa Pelagij verba retulisset : *In istis (infidelibus) nudum & inerme est conditionis bonum, in his verò qui ad Christum pertinent, Christi munitur auxilio. Videtis*, inquit Augustinus, adhuc incertum esse quo auxilio, secundum ea que diximus.

Certè igitur gratiæ *sine qua nihil possimus* confessionem à Pelagio deposcit, quæ nimirum has duas conditiones obtineat; vnâ, quòd sit inspiratio dilectionis; alteram, quæ ex priori sequitur, quòd non adiuuet tantum ut possimus, sed etiam ut velimus & agamus; adeòque numquam effectu cateat, propter quem à Deo datur. In priori non immoramur, quòd variis locis probari posset; posterior verò nonnullis ex eo libro testimoniis confirmanda est.

Nos, inquit Aug. c. 1. *eam gratiam volumus iste aliquando fateatur, quæ futura gloriæ magnitudo non solum promittitur, verum etiam creditur & speratur; nec solum reuelatur sapientia, verum etiam & amatur; nec suadetur solum omne quod bonum est; verum & persuadetur.* Non enim omnium est fides, qui audiunt per Scripturas Dominum regnum cælorum pollicentem; aut omnibus persuadetur quibusque suadetur ut veniant ad eum qui dicit: *Venite ad me omnes qui laboratis.* Quorum autem sit fides, & quibus persuadetur ut ad eum veniant, satis ipse demonstravit, ubi ait: *Nemo venit ad me, nisi Pater qui misit me traxerit eum.* Et paulò post cum de non credentibus loqueretur: *Dixi*, inquit, *vobis quia nemo potest venire ad me nisi fuerit ei dauum à Patre meo.* Hanc debet Pelagius gratiam confiteri si vult non solum vocari, verum etiam esse Christianus.

Et cap. 13. *Hæc gratia si doctrina dicenda est, cerè sic dicatur ut aliis & interius eam Deus cum ineffabili suauitate credatur infundere, nec solum per eos qui plantant & rigant extrinsecus, sed etiam per se ipsum qui incrementum suum ministrat occultus; ita ut non ostendat tantummodo veritatem, verum etiam imperiet charitatem:* Sic enim docet Deus eos qui secundum propositum vocati sunt, simul donans & quod agant scire, & quod sciant agere. Et quasi omnes Molinistarum cauillationes & præuidisset & elidere voluisset, adjungit: *Qui autem nouit quid facere debeat & non facit, nondum à Deo didicit secundum gratiam, s. d. secundum legem: non secundum spiritum, sed secundum litteram.* Et infra cap. 14. De isto docendi modo etiam Dominus ait: *Omnes qui audiuit à Patre meo & didicit, venit ad me. Qui ergo non venerit, non de illo rectè dicitur, audiuit quidem & didicit sibi esse veniendum, sed facere non vult quod didicit: prorsus non rectè dicitur de isto docendi modo quo per gratiam docet Deus. Si enim, sicut veritas loquitur, omnis qui didicit venit; quisquis non venit, profectò non didicit.* Videatur totum caput quod planè diuinum est, & ad gratiæ diuinæ efficacitatem demonstrandam efficacissimum.

Denique c. 47. non aliter pro Catholico Pelagium habitum iri confirmat, nisi gratiam sine quâ fieri nihil posse concedebat, talem esse agnosceret,

quorundam peruersitatem etiam corrigendâ. Idem agunt isti damnabilibus disputationibus suis, ut non defendendo, sed potius in superbiam sacrilegam extollendo liberum arbitrium, nullum relinquant locum gratiæ Dei. Sed cui gratiæ? An sufficienti, quæ nullum umquam effectum habeat? Vide quid addant. *Gratiæ Dei quâ Christiani sumus, quâ & ipsum nostra voluntatis arbitrium verè sit liberum, dum à carnalium concupiscentiarum dominatione liberatur, dicente Domino, si vos Filius liberauerit, tunc verè liberi eritis, quod auxilium fides impetrat quæ est in Christo Iesu.* Illam gratiam prædicant de quâ intelligitur hæc Scripturæ loca: *Quis me liberabit de corpore mortis huius? Gratiæ Dei per Iesum Christum Dominum nostrum. Non est volentis, neque currentis, sed misentis Dei.* Et illud: *habentes dona diuersa secundum gratiam quæ data est nobis.* Et *Gratias Deo qui dedit nobis victoriam per Dominum nostrum Iesum Christum.* Denique ut paucis absoluiam, in Epistolis Synodorum Carthaginensis & Mileuitanæ ad Innocentium, & Innocentij ad illas Synodos, in quibus maximè commendatur gratia Dei sine quâ nihil possumus, nullus est locus qui ad aliam gratiam quàm efficacem cum aliquâ verisimilitudine referri possit, præsertim à Thomistis, qui fatentur non alterius gratiæ confessionem à Pelagio postulatam, quàm illius quâ Deus facit ut faciamus, hoc est efficacis, ut sæpe docet Aluarez, ac potissimum disp. 1. & 99.

## C O E L E S T I N U S.

**S**ine gratiâ Dei nihil fieri posse definiuit Cælestinus Pontifex in ep. ad Gall. c. 9. *Quod ita Deus in cordibus hominum, atque in ipso libero operetur arbitrio, ut sancta cogitatio, pium consilium, omnisque motus bonæ voluntatis ex Deo sit; quia per illum aliquid boni possumus, sine quo nihil possumus.* Cui verò dubium esse potest, quin ea gratia efficax sit, per quam Deus in ipso libero arbitrio omnem motum bonæ voluntatis operatur.

Nec verò in illo solum loco, sed in iis omnibus diuinis planè de gratiâ capitibus nullam aliam gratiam præter efficacem statuit Cælestinus. Ad quam enim gratiam nisi efficacem pertinet, quòd omnia studia, & omnia opera ac merita Sanctorum ad Dei gloriam laudemque referenda sint; quia nemo aliunde ei placeat, nisi ex eo quòd ipse donauerit?

Quam gratiam nisi efficacem confirmat ex illis Ecclesiæ precibus, quibus à Deo postulat, ut infidelibus donetur fides, ut heretici catholica fidei perceptione resipiscant, quæ non perfuntoriè neque inaniter à Domino peti, rerum ipsarum monstrat effectus; quandoquidem ex omni errorum genere plurimos Deus dignatur attrahere?

Quam gratiam nisi efficacem confirmat sub illius finem egregiis illis verbis: *Omniū bonorum effectuum atque operum, & omnium studiorum, omniumque virtutum, quibus ab initio fidei ad Deum tenditur, Deum profiteamur autorem, & non dubitemus ab ipsius gratiâ omnia hominis merita præueniri, per quem fit ut aliquid boni & velle incipiamus & facere. Tanta est enim erga omnes homines bonitas Dei, ut nostra velit esse merita quæ sunt ipsius dona, & pro his quæ largitus est, eterna præmia sit donaturus. Agit quippe in nobis, ut quod vult & velimus & agamus?*

Igitur cum de gratiâ efficaci vbique loquatur Cælestinus, manifestum

est de eadem gratiâ intelligendum esse quod de ipsis iustis c.6. docet, *neminem etiam baptismatis gratiâ renouatum idoneum esse ad superandas diaboli insidias, & ad euincendas carnis concupiscentias, nisi per quotidianum adiutorium Dei perseuerantiam bona conuersationis acceperit.* Quod ad gratiam efficacem referri debere, vel illa locutio satis indicat, *per adiutorium Dei perseuerantiam bona conuersationis acceperit*: Sine manifesta enim absurditate dici non potest eum qui in bona conuersatione non perseuerauit, perseuerantiam bonæ conuersationis à Deo accepisse. Igitur vel à Cælestino definitum non est, sine gratiâ Dei nos nihil posse, & ad vincendas tentationes minimè idoneos esse: vel illud ab ipso sancitum est de gratiâ efficaci, de quâ vnâ loquitur.

### SANCTVS LEO.

**I**Nter Summos Pontifices qui gratiam Dei, sine quâ nihil possumus, aduersus renascentes Pelagianæ hæreseos frutices asseruerunt, non postremus est S. Leo. Quàm verò ille gratiam intellexit? An quæ dat merum posse, etiam si nec velimus, nec agamus; an verò quæ facit vt velimus, ipsum velle in nobis operando, id est efficacem? Optimus ipse suæ mentis erit interpres: Sic enim fideles alloquitur serm. 8. de Epiph. *Dicente discipulis suis Domino, sine me nihil potestis facere, dubium non est hominem bona agentem à Deo habere & effectum operis, & initium voluntatis.* Vnde & Apostolus copiosissimus fidelium cohortator; Cum timore, inquit, & tremore vestram salutem operamini: Deus est enim qui operatur in vobis & velle & operari pro bonâ voluntate.

### ARTICVLVS V.

*Quod à Concilijs definitum est, sine gratiâ nihil boni fieri posse, ab iisdem Concilijs de gratiâ efficaci intellectum esse.*

**H**OC catholicæ fidei caput in omnium Christianorum non solum sermonibus, sed etiam animis penitus consignatum, sine gratiâ Dei nihil fieri posse, nullis aliis Conciliorum definitionibus constitutum est, quàm Africanorum sub Innocentio & Zozimo, Sardinienſis Africanorum Episcoporum in Sardinia exulum, secundi Africani, & Oecumenici Tridentini. In Synodo enim Ephesinâ damnati quidem Pelagiani, sed non expressis eorum erroribus, ideòque nihil in illâ de gratiâ sancitum est; sed id tantum quod antè decretum erat, generalis Concilij autoritate firmatum. In tertio verò Valentino Concilio multa de prædestinatione præclara, ex quâ tota de efficaci gratiâ doctrina elici potest. Sed de ipsâ gratiâ id solum nominatim cautum est c.6. *De eâ tenendum esse quod sanctissimi Patres autoritate sacrarum Scripturarum nobis tenendum reliquerunt, quod Africana Synodus præfessa est, quod Beatissimi Pontifices Apostolica Sedis Catholica fide tenuerunt.* Breuiter igitur dispiciendum, quæ nam sit illa gratia, sine quâ prædicta Concilia nihil fieri posse docuerunt.

**D**Vo in gratiæ causâ Concilia sub Innocentio celebrata sunt. Alterum est Carthaginense Episcoporum Africæ Proconsularis : alterum Mileuitanum Episcoporum Numidiæ, inter quos Augustinus. Huic ascribuntur octo canones de gratiâ : Sed quia in alio Carthaginensi Concilio sub Zozimo si non primum conditos, saltem renouatos esse constat, ad illud eos referuauimus.

His ergo canonibus nunc omissis, quid illa duo Concilia sub Innocentio habita de gratiâ senserint, ex tribus ad Innocentium scriptis Epistolis iudicandum est ; vna Carthaginensis Synodi ; altera Mileuitanæ, tertia Aurelij totius Africæ Primatis, Augustini, & trium aliorum ad eundem Pontificem, in quâ latius explicant quod in Epistolis Synodicis breuius erant complexi. Suprà autem vidimus ex Epistolâ Synodicâ Concilij Carthaginensis, gratiam illam sine quâ nihil fieri posse contra Pelagium statuunt, non aliam esse quàm efficacem, eam scilicet. *quâ & ipsam nostram voluntatis arbitrium vni sit liberum, dum à Carnalium concupiscentiarum dominatione liberatur ; eam de quâ dicitur : Gratias Deo qui dedit nobis victoriam per Dominum nostrum Iesum Christum. Et : Non est valentis neque currentis ; sed misentis est Dei : quod idem ex iisdem locis erunt Mileuitani Patres.*

Sed quia vberius Africanæ Ecclesiæ sententiam exponit longior illa quinquæ Episcoporum ad eundem Innocentium epistola, ideò vberiora nobis huius veritatis argumenta suppeditat. In primis enim totam Pelagium inter & catholicos controuersiam in eo ponunt, quod secundum Pelagium posset homo per liberum arbitrium cupiditates, tentationesque superare ; quod sine gratiâ fieri non possit catholici defendebant. *Naturam, inquit, humanam tantum Pelagiani dicunt valentem, ut POSSIT per liberum arbitrium, nil vterius adiuvante Dei gratiâ, domare & extinguere omnes cupiditates, tentationesque superare.*

Quærendum igitur restat, quænam sit illa gratia, sine quâ ex Pelagij mente, tentationes superari poterant, ex catholicorum non poterant. Non enim ipsum gratiæ nomen generatim respuebat Pelagius : non gratiam generatim aduersus illum asseribat Ecclesia ; sed certam illæ gratiam oppugnabat ; certam illa gratiam tutabatur. Nam cum in Concilio Palæstino Pelagius obiectum esset, ex illius sententiâ hominem sine gratiâ iuste viuere posse, respondit ille se Dei gratiam confiteri, & ita posse hominem suo labore ac voluntate iuste vivere, ut ad hoc adiuari Dei gratiâ non negaret. Quibus auditis catholicis à Palæstinis Episcopis iudicatus est ; quia catholici Aristoteles, inquit illa ad Innocentium epistola, nullam aliam Dei gratiam intelligere poterunt, nisi quam in libris Dei legere & populis predicare consueverunt. Sed eum ambiguo gratiæ nomine fucum Palæstinis Episcopis Pelagio factum esse sagaciores Africani deprehendissent, & gratiæ voce pro verâ Christi gratiâ nihil nisi liberum arbitrium, legem, atque doctrinam, & remissionem peccatorum ab ipso intellectam, ne simili versutiâ Innocentio imponeret vaser hæreticus, gratiam illam sine quâ tentationes superari non possunt, illam, inquam, quam à Pelagio negari arbitrabantur, certis notis, & ut ita loquar, caracteribus circumscriserunt, ut omnem cauillationibus eius aditum procluderent.

Has notas soli gratiæ efficaci manifestè demonstrabimus. Ex quo illud consequens est, gratiam illam sine quâ tentationes superari non possent aduersus Pelagianos defendit Ecclesiâ, non aliam esse quàm efficacem.

Imprimis catholicam illam gratiam eam esse dicunt, quâ iustificamur ab iniquitate, & quâ saluamur ab infirmitate. At soli efficaci gratiâ iustificamur & saluamur, &c. Eam esse dicunt quâ Christiani & filij Dei sumus, non eam quam cum impijs habeamus; quibus verbis luminouetur illa gratia sufficiens, quam infidelibus perinde ac fidelibus Molinistæ omnes largiuntur. Illi autem adiutorium esse volunt quod per subministracionem Spiritus sancti pertinet ad concupiscencias, tentationesque vincendas; quod quisque petit dum orat ut non intree in tentacionem. Quibus verbis tamen non orat solum ut possit non peccare, sed orat ut non peccet, hoc est, ne quid faciat mali, quod præstatur solum per efficacem.

Ad huius gratiæ confessionem adigete Pelagium volunt, quam doctrinâ Christiana demonstrat & prædicat esse propriam Christianorum, quæ non est natura, sed quâ soluitur natura, non auribus sonante doctrinâ vel aliquo adiumento visibili, sicut plantatur quodammodo & irrigatur extrinsecus, sed subministracione Spiritus, & occultâ misericordiâ, sicut facit ille qui dat incrementum Deus. Sed quænam est illa gratia propria Christianorum, quâ Deus occultâ misericordiâ incrementum dat, nisi efficax, de qua Augustinus l. 2. operis vltimi cap. 157. Cum verbis doctor plantat & rigat, possumus dicere, forte credit auditor; cum verò dat incrementum Deus, sine dubio credit & proficit.

Hanc esse gratiam dicunt, quâ predestinati vocamur, iustificamur, glorificamur. Cui conueniunt ista, nisi efficaci? De hac ergo gratiâ, inquit illi, quasi veriebatur, quando ab iis quos Pelagius grauius offendebar atque turbabat, dicebatur ei quod eam suis disputationibus oppugnaret, quibus assereret non solum ad faciendâ, verum etiam ad perficiendâ mandata diuina, per liberum arbitrium humanam sibi sufficere naturam; hanc Apostolica doctrina gratiam isto nomine appellat quâ saluamur & iustificamur ex fide Christi; de hac scriptum est: Non irritam facio gratiam Dei. Neminem nisi planè pertinacem arbitror inficias iturum, quin totâ illâ epistolâ non alia quam efficax gratia describatur, adeoque cum sine hac gratiâ tentationes vinci non possent Patres Africani statuunt, manifestò ab illis definitum esse, sine gratiâ efficaci tentationes vinci non posse.

## CONCILIA AFRICANA SVB ZOZIMO.

**A**D hæc Concilia referimus octo canones qui vulgò Mileultano tribuuntur, eò quod à Cælestino sub Carthaginenlis Concilij nomine citentur. Nihil verò clarius quàm illam gratiam, sine quâ definitur aduersus Pelagium mandata Dei seruari non posse, non aliam esse quàm efficacem. Quisquis dixerit, inquit Concilium can. 4. eandem gratiam Dei per Iesum Christum Dominum nostrum propter hoc tantum nos adiuuare ad non peccandum, quia per ipsam nobis reuelatur & aperitur intelligentia mandatorum, ut sciamus quid appetere quid vitare debeamus, non autem per illam nobis præstari, ut quod faciendum cognouerimus etiam facere diligamus & valeamus, anathema sit.

Gratia quâ nobis præstatur ut quod faciendum cognouerimus, etiam



facere diligamus atque valeamus, efficax proculdubio est; & tamen canone sequenti anathemate feriuntur, qui sine illâ gratiâ non quidem facili, sed tamen aliquo pacto diuina mandata impleri posse existiment. *Item placuit ut quicumque dixerit ideò nobis gratiam iustificationis dari, ut quod facere per liberum iubemur arbitrium, facilius possimus implere per gratiam, tamquam & si gratia non daretur, non quidem facili, sed tamen possimus etiam sine illâ implere diuina mandata, anathema sit.* De fructibus enim mandatorum Dominus loquebatur, ubi non ait, sine me difficilius potestis facere; sed ait, sine me nihil potestis facere. Idem Patres Africani in Epistola ad Zozimum referente Prospero contra Collat. c. 10. utrumque illum canonem his verbis complexi sunt, dum aiunt, Pelagio & Celestio apertissimâ confessione fatendum esse, gratiâ Dei per Iesum Christum Dominum nostrum non solum ad cognoscendam, verum etiam ad faciendam iustitiam nos per actus singulos adiuuari. (En quod Can. 4. definierant nobis præstari per gratiam, non solum ut sciamus quid appetere aut quid vitare debeamus; sed etiam ut facere diligamus atque valeamus) ita ut sine illâ nihil vere sanctæque pietatis habere, cogitare, dicere, agere VALEAMVS. Ergo ex illorum 214. Episcoporum non semel Apostolicæ sedi probatâ definitione, quam, ut ait Prosper ad cap. Gall. c. 8. totus mundus amplexus est, sine illâ gratiâ per quam præstatur nobis ut quod faciendum cognouimus, etiam facere diligamus atque VALEAMVS, hoc est efficaci, nihil vera sanctæque pietatis vel habere, vel cogitare, vel dicere, vel agere VALEAMVS.

### CONCILIUM SARDINIENSE SVB initium sexti sæculi.

**N** Vllum ferè est antiquitatis monumentum quod apud omnes Ecclesiasticæ veritatis amantes maiori pretio esse debeat, quàm insignis illa Africanorum Episcoporum Epistola, quos Ariani Vandalici Africâ potiti, in Sardiniam catholicæ fidei causâ relegauerant. Non enim illa nobis exhibet solum quorumuis Episcoporum, sed egregiorum fidei confessorum sententiam, qui testimonium per tot ærumnas & labores Christi diuinitatis redditum, Christianæ gratiæ confessione cumulare voluerunt.

Tota illorum epistola damnandis Semipelagianorum erroribus instituta, quod sine ope gratiæ fieri non posse docebat Ecclesia, de gratiâ efficaci accipiendum esse apertè testatur. Nam cum illud præmisissent, *De gratiâ Dei non dignè sentire, quisquis eam putat omnibus hominibus dari; Iubet, inquit, Deus homini ut velis, sed Dominus operatur & velle. Iubet ut faciat; sed operatur & facere. Ac per hoc quoniam habet homo liberum arbitrium, audet præcepta quæ faciat, sed ad implenda præcepta liberum arbitrium idoneum nullatenus efficitur, nisi diuinitus adiuuetur.* Ita fit ut se operari debere homo cognoscat dum præceptum accipit, & Domino se sciat semper omne bonum debere quod vult ac facit, qui suis fidelibus hanc dignatus est gratiam promittere per prophetam dicens: Spiritum meum dabo in vobis, & faciam ut in iustificationibus meis ambuletis, & iudicia mea obseruetis & faciatis.

Et ad illius gratiæ, sine quâ statuunt liberum arbitrium ad implenda præcepta nullatenus idoneum esse, efficacitatem adhuc vberiùs declarandam. Cum ergo, inquit, Dominus in homine operari cœperit velle, tunc homo ad De-



minum conuenitur, & eodem in se operante inde ipsi placeat operatur. De Domino enim dicit Apostolus: Aptet vos in omni bono ut faciatis voluntatem eius, faciens in vobis quod placeat coram se. Ad vitam quoque in tantum POTEST homo manum porrigere, in quantum habuerit Dominum protectionem suam, super manum dexteram suam.

Idem verò sine illà bonæ voluntatis effectrice gratiâ liberum arbitrium ad nihil posse appositâ luminis comparatione demonstrant. Ante largitatem quippe gratiæ est in homine quidem liberum arbitrium, sed non bonum, quia non illuminatum. Proinde nisi gratia detur, bonum ipsum arbitrium non habetur. Sic namque est liberum hominis arbitrium absque dono gratiæ, sicut est oculus sine luce. Nam & oculus ad videndum factus est, sed nisi lumen acceperit, non videbit. Sicut ergo corporis oculus semper indiget lumine accipere ut ipsum POSSIT aspicere, sic & libero arbitrio hominis nulla POTEST gratia suffragari cognitio, nisi detur ipsius gratiæ spiritalis infusio.

### CONCILIUM ARAUSICANVM II.

Sine gratiâ efficaci nihil fieri posse Africana, ut vidimus, Concilia definierunt. Sed cum huic gratiæ ipsa salutis initia detraherent Semipelagiani, ut salutem hominum ad voluntatis humanæ nutum reuocarent, non solum Africani Patres in Sardiniâ exules, sed & sanctissimi Galliarum Episcopi in Synodo Arausicanâ congregati, ut exitialem illum errorem penitus suffocarent, de ipsis præsertim initiis disertè fanciuerunt, neminem sine gratiâ efficaci credere, orare, aut omnino aliquid velle & conari posse. Non enim aliam ab efficaci gratiam illos intellexisse ex singulis canonibus patet.

Hanc can. 3. gratiam se statuere significant, *qua facit ut Deus inuocetur à nobis.* Can. 4. *quâ sit in nobis ut purgari velimus per sancti-Spiritus infusionem & operationem.* Can. 5. *qua per inspirationem Spiritus-sancti corrigit voluntatem nostram ab infidelitate ad fidem, ab impietate ad pietatem.* Can. 9. *Per quam quoties bona agimus, Deus in nobis atque nobiscum ut operemur operatur.*

Videamus igitur quid de ista gratiâ credi velint. Si quis, inquit c. 6. Sine gratiâ Dei credentibus, volentibus, desiderantibus, conantibus, laborantibus, vigilantibus, studentibus, quærentibus, petentibus, pulsantibus nobis misericordia Dei dicii conferri diuinitus, non autem ut credamus, velimus, vel hac omnia sicut oportet agere VALEMUS per infusionem & inspirationem sancti-Spiritus in nobis fieri constitetur, & aut humilitati aut obedientia humana subiungit gratiæ adiutorium, nec ut obedientes & humiles simus ipsius gratiæ donum esse consentis, resistit Apostolo dicenti; Quid habes quod non accepisti? & : Gratia Dei sum id quod sum. Et can. seq. Si quis per nature vigorem bonum aliquod quod ad salutem pertinet vite æternæ, cogitare ut expedit, aut eligere, sine saluari, idest Evangelica, predicationi consentire POSSE confirmat, absque illuminatione & inspiratione Spiritus-sancti qui dat omnibus suauitatem in consentiendo & credendo veritati, heretico fallitur spiritu, non intelligens vocem Dei in Evangelio dicentis, sine me nihil POTESTIS facere. Et illud Apostoli: Non sumus sufficientes cogitare aliquid à nobis, quasi ex nobis; sed sufficientia nostra ex Deo est. Quis ambigere possit non aliâ gratiâ quàm efficaci dari per Spiritum-sanctum suauitatem in consentiendo & credendo veritati? At de illâ pronuntiant Arausi-

eani Patres contra Semipelagianos, neminem si illâ quidquam quod ad salutem pertineat cogitare aut eligere posse, &c.

Idem de iustis sanciunt c. 10. *Adjutorium Dei et am renatis & sanctis semper est implorandum, ut ad bonum finem pervenire, vel in bono possint OPERARI perdurare.* Adjutorium autem quod sanctis est implorandum, efficax esse satis patet. Non enim, ut egregiè notat Aug. de gr. Ch. cap. 25. *oramus ut possimus nihil mihi facere, sed ne quid faciamus mali.*

Denique idem repetunt in definitionum suarum clausulâ his verbis. *Ac sic secundum scripturas, vel antiquorum Patrum definitiones, hoc Deo propitiari & predicare debemus & credere, quod per peccatum primi hominis ita inclinatum & attenuatum fuerit liberum arbitrium, ut nullus postea aut diligere Deum sicut oportet, aut credere in Deum, aut operari propter Deum quod bonum est POSSIT, nisi gratia eum & misericordia diuina prænenerit.* Quod multis postea Scripturæ testimoniis probant; quæ omnia ad efficacem gratiam pertinent, quale est illud Pauli: *Vobis donatum est pro Christo, non solum ut in eum credatis, sed etiam ut pro illo patiamini.* Et illud: *Gratiâ salvi facti estis per fidem, & hoc non ex vobis, sed Dei donum est.* Et quod de se ipso ait Apostolus: *Misericordiam consecutus sum ut fidelis essem.* Ac demùm ipsi explicant quid sit gratiâ & misericordiâ Dei præneneri, dum aiunt, *se salubriter profiteri & credere quod in omni opere bono non nos incipimus, & postea per Dei misericordiam adiuvamur; sed ipse nobis nullis præcedentibus bonis meritis, & fidem & amorem Dei prius inspirat.* Igitur ex illo Concilio nisi Deus & fidem & sui amorem inspiret, quod est gratiæ efficacis, nullus aut diligere Deum sicut oportet, aut credere in Deum, aut operari propter Deum quod bonum est, potest.

### CONCILIUM TRIDENTINUM.

**T**ridentino Concilio aduersus huius temporis hæreticos congregato gratiæ diuinæ necessitas nouis decretis stabilienda non fuit. Illi enim eam aded non negabant, ut etiam nimium illi tribuere viderentur. Quodd ergo quædam de gratiâ definiuit, hoc consilio fecit, ne noui hæretici aliquid ab ipso gratiæ detractum esse arbitrarentur.

Ut illam suspicionem amoueret sacra synodus, non nouum aliquod dogma de gratiâ sanciuir, sed quod ab Africanis Conciliis & Arausicanâ synodo statutum erat, renouandum indicauit; adedque illorum Conciliorum loca, vnde canones suos mutuabatur, margini adscribenda curauere qui illius editioni præfuerunt. Quare cùm sess. 6. c. 2. anathemate percellit: *Si quis dixerit ad hoc solum diuinam gratiam per Iesum Christum dari, ut facilius homo iussu viuere, ac vitam æternam promereri possit, quasi per liberum arbitrium sine gratiâ utrumque, sed arde tamen & difficulter possit.* Et cùm can. 3. idem anathema intorquet in eos qui dixerint sine prænemente sancti Spiritus inspiratione atque eius adiutorio hominem credere, sperare, diligere, aut penitere posse sicut oportet, ut ei iustificationis gratia conferatur, dubium esse nemini potest quin in illis canonibus quæ ex Conc. Carthaginensi & Arausicano descripti sunt eadem gratia intelligatur, quam in antiquis illis conciliis intellectam esse demonstrauius; id est illa gratia efficax quâ nobis præstatur, ut quod faciendum cognouerimus, etiam facere diligamus atque valeamus.

Sed Tridentini Concilij mens ex can. 22. illustrius etiam perspicui potest, quo de singulari perseverantix dono ita sancit: *Si quis dixerit iustificatum vel sine speciali auxilio Dei in acceptâ iustitiâ perseverare posse, vel cum eâ non posse, anathema sit.* Auxilium enim illud perseverantix efficax esse, docuit ipse Lescotius Carnotensis Episcopus in prælectionibus suis de Gratia qu. 4. art. 13. & vox illa specialis quæ communi opponitur, satis indicat, & quod in cap. 13. eiusdem sess. ad quod hic canon refertur, speciale illud auxilium perseverantia munus appellatur, de quo scriptum est, *qui perseveraverit usque in finem hic saluus erit, & quod aliunde haberi non potest, nisi ab eo qui potens est cum qui stat statuere ut perseveranter stet, & cum qui cadit restituere.* Vbi & additur neminem de hoc dono absolutâ certitudine certi quidquam sibi polliceri debere; quod frustra diceretur si speciale illud auxilium sine quo iustificatus in acceptâ iustitiâ perseverare non potest, nemini umquam iusto deesset. Quare ex his locis eruditissimus inter recentiores S. Thomæ discipulus Guillelmus Estius meritò concludit in secundum sentent. dist. 26. n. 43. *ex doctrinâ sacris Conciliorum canonibus illaque præsertim Tridentino definitâ, neminem posse in bono perseverare absque speciali auxilio, quod de nouo semper à Deo petendum & expectandum sit, quo nimirum Deus ipsum perseverare in homine operetur.* Id ipsum agnoscit Lescotius Carnotensis Episcopus in prælectionibus suis de Gratia qu. 4. art. 13. & hunc Synodi Tridentinæ locum ad illud perseverantix donum, quo reipsâ in bono electi perseverant, referendum esse docet.

## ARTICVLVS VI.

*Augustini autoritate confirmatur, quod fide tenemus sine gratiâ nihil fieri posse, de gratiâ efficaci esse intelligendum.*

**T**Am crebra, tam aperta sunt eam in rem Augustini testimonia, ut si quis istud negare audeat, quamlibet multo locorum numero, & tota quasi Augustinianæ doctrinæ mole obrui possit. Vnde verè & scienter clarissimus Theologus, cuius maximè gratiâ hic nobis libellus susceptus est, profitetur & agnoscit, innumeris Patrum testimoniis probari posse, gratiâ efficaci rectè aptari posse hanc locutionem, *quod sine ea nihil possumus.* Et quidem; inquit, *Augustinus hoc elogio semper donat gratiam de quâ cum Pelagio disputat, & tamen disputat de efficaci.* Quamobrem si cum illo solo agerem, Augustini ac ceterorum Patrum locis huc congerendis supersedere potueram. Sed quia hoc scriptum in aliorum manus venire potest, nec vllum præterea fidei caput magis nunc in Ecclesiâ quorundam temeritate vexetur, non alienum erit pauca de multis ex Augustino asserre.

Vniuersè quidem illud affirmare non vereor, cum ducentis aut plus etiam locis asserat, sine Christi gratiâ bonum fieri, aut tentationem vinci non posse, numquam hoc ab illo de aliâ, quàm de efficaci gratiâ intellectum esse. Sed quia tam multa proferre & longum & non necessarium est, hunc habebō delectum, ut ea tantum commemorem in quibus non ut priuatus doctor loquitur, sed ut eius doctrinæ testis, quam aduersus Pelagia-

nos suis temporibus Ecclesia definiuit. Quibus in locis ne ab iis quidem repudiari S. Augustini autoritas potest, qui eam toties licet ab Ecclesia consecratam insigni audaciâ in ceteris aspernantur. Nam ut præclare Perronius in Epist. ad Casaubonum, *cum Patres non ut privati Doctores sententiam suam promunt, sed Ecclesia fidem tamquam testes referunt, tunc argumenta ex eorum autoritate desumpta, non iam probabilia solum, sed planè inuicta & necessaria sunt.*

Quidquid igitur ex Augustino afferemus, ad hæc tria capita reuocabimus. Primò ostendemus de gratiâ efficaci ab Augustino intellectas Africanorum Conciliorum & Innocentij definitiones, quibus scitum est, sine gratiâ Dei nos nihil posse. 2. Temporibus illis Ecclesiam pro Catholico non habuisse, qui fateretur, uti fatebatur Pelagius, sine gratiâ Dei nos nihil posse, nisi gratiam illam efficacem esse simul fateretur. 3. Non aliter à Pelagianis catholicam illam doctrinam intellectam esse, nec alio sensu ab Augustino totius Ecclesiæ nomine propugnatam.

### I.

Quod ad primum caput attinet, huic conficiendo vel vnus locus satis fuerit ex epist. 106. ad Paulinum in quo post commemoratas Africanorum Conciliorum ad Apostolicam sedem relationes, & Innocentij responsa, hæc in illis sancita declarat: *Quod gratia Dei per Iesum Christum Dominum nostrum, quod fides vera, & catholica semper tenet Ecclesia, pusillos cum magnis à morte primi hominis ad vitam secundi hominis transfert, non solum peccata delendo, verum etiam ad non peccandum, recteque viuendum eos, qui iam vii possunt voluntatis arbitrio, sic adiuvando, ut nisi adiuuet NIHIL pietatis atque iustitie sue in opere, siue etiam in ipsâ voluntate HABERE POSSIMVS. Deus quippe operatur in nobis & velle & operari. Nam quis nos, nisi qui venit querere & saluare quod perierat, ab illâ perditionis massâ & concretionem discernit? Vnde Apostolus interrogat dicens: Quis enim te discernit? Vbi si dixerit homo; discernit me fides mea, voluntas mea, bonum opus meum, respondetur ei: Quid enim habes quod non accepisti; si autem & accepisti, quid gloriaris quasi non acceperis? Gratiam, quâ Deus operatur in nobis & velle & operari, quæ discernit fidelem ab infideli, quæ dat fidem, quæ dat voluntatem, quæ dat bonum opus, nemo dixerit aliam esse, quàm efficacem. Et tamen hæc illa gratia est, de quâ teste Augustino fides vera, & catholica tenet semper Ecclesia, via perillam ad non peccandum recteque viuendum homines adiuvare, ut nisi adiuuet, nihil pietatis atque iustitie sue in opere, siue etiam in ipsâ voluntate habere possint.*

### II.

Cùm Pelagius apud Catholicos gratiæ inimicus audiret, quod etiam sine Dei gratiâ hominem crederet vitare posse peccatum, ut admissio in speciem gratiæ vocabulo frangeret inuidiam, offensionemque declinaret, sub ambiguitatē istius verbi generalitatis quid sentiret abscondebatur. Quare sæpius profitebatur liberum arbitrium in omnibus bonis operibus diuino semper adiuvare auxilio; liberum se sic consistere arbitrium ut diceret nos indigere Dei semper auxilio: anathematizare se qui diceret, gratiam Dei ad omnes actus nostros non esse necessariam: denique se in epistolâ ad Paulinum trecentis fere versibus nihil aliud, quàm Dei

*gratiam & auxilium confueri, nosque nihil omnino boni facere posse sine Deo.*

Integrum igitur librum scripsit Augustinus qui de gratia Christi inscribitur, ut ostenderet hanc Pelagio gratiæ confessionem neutiquam sufficere ut catholicus haberetur, quia non satis erat generatim confiteri, *sine gratia nihil nos posse*, nisi verbis illis ea intelligeretur gratia, quam Ecclesia catholica profitebatur. Cernitis, inquit cap. 31. *hec eius verba soluenda non sufficere questioni. Querimus enim adhuc quo auxilio liberum adjunari dicat arbitrium.* Et paulò post cùm illa Pelagij verba retulisset : *In i'lis (infidelibus) nudum & inerme est conditionis bonum, in his verò qui ad Christum pertinent, Christi munitur auxilio.* Videntis, inquit Augustinus, adhuc incertum esse quo auxilio, secundum ea que diximus.

Certæ igitur gratiæ sine qua nihil possimus confessionem à Pelagio deposcit, quæ nimirum has duas condiciones obtineat; vnā, quòd sit inspiratio dilectionis; alterā, quæ ex priori sequitur, quòd non adiuuet tantum ut possimus, sed etiam ut velimus & agamus; adedque numquam eo effectui careat, propter quem à Deo datur. In priori non immoramur, quòd variis locis probari posset; posterior verò nonnullis ex eo libro testimoniis confirmanda est.

Nos, inquit Aug. c. 1. *eam gratiam volumus iste aliquando fateatur, quæ futura gloria magnitudo non solum promittitur, verum etiam creditur & speratur; nec solum reuelatur sapientia, verum etiam & amatur; nec suadet solum omne quod bonum est; verum & persuadetur.* Non enim omnium est fides, qui audiunt per Scripturas Dominum regnum cælorum pollicentem; aut omnibus persuadetur quibuscumque suadetur ut veniant ad eum qui dicit: *Venite ad me omnes qui laboratis.* Quorum autem sit fides, & quibus persuadetur ut ad eum veniant, satis ipse demonstravit, ubi ait: *Nemo venit ad me, nisi Pater qui misit me traxerit eum.* Et paulò post cùm de non credentibus loqueretur: *Dixi, inquit, vobis quia nemo potest venire ad me nisi fuerit ei datum à Patre meo.* Hanc debet Pelagius gratiam confiteri si vult non solum vocari, verum etiam esse Christianus.

Et cap. 13. *Hæc gratia si doctrina dicenda est, cerè sic dicatur ut altius & interiorius eam Deus cum ineffabili suauitate credatur infundere, nec solum per eos qui plantant & rigant extrinsecus, sed etiam per se ipsum qui incrementum suum ministrat occultus; ita ut non ostendat tantummodo veritatem, verum etiam impernet charitatem: Sic enim docet Deus eos qui secundum propositum vocati sunt, simul donans & quod agant scire, & quod sciant agere.* Et quasi omnes Molinistarum cauillationes & præuidisset & elidere voluisset, adjungit: *Qui autem nouit quid facere debeat & non facit, nondum à Deo didicit secundum gratiam, sed secundum legem: non secundum spiritum, sed secundum litteram.* Et infra cap. 14. *De isto docendi modo etiam Dominus ait: Omnis qui audiuit à Patre meo & didicit, venit ad me. Qui ergo non venerit, non de illo rectè dicitur, audiuit quidem & didicit sibi esse veniendum, sed facere non vult quod didicit: prorsus non rectè dicitur de isto docendi modo quo per gratiam docet Deus. Si enim, sicut veritas loquitur, omnis qui didicit venit; quisquis non venit, professò non didicit.* Videatur totum caput quod planè diuinum est, & ad gratiæ diuinæ efficacitatem demonstrandam efficacissimum.

Denique c. 47. non aliter pro Catholico Pelagium habitum iri confirmat, nisi gratiam sine quâ fieri nihil posse concedebat, talem esse agnosceret.

quâ in nobis fieret ut bene velimus & agamus, hoc est efficacem. Si ergo, inquit, *consenserit nobis non solum possibilitatem in homine, etiamsi nec velit nec agat bene; sed ipsam quoque voluntatem & actionem; id est ut bene velimus, & bene agamus; quæ non sunt in homine nisi quando vult & bene agit; si ut dixi consenserit etiam ipsam voluntatem & actionem diuinitus adiuuari, & sic adiuuari ut sine illo adiutorio nihil bene velimus & agamus, eamque esse gratiam Dei per I. C. D. N. in quâ nos suâ, non nostrâ iustitiâ iustos facit, ut ea sit vera nostra iustitia, quæ nobis ab illo est, nihil de adiutorio gratia Dei, quantum arbitror, inter nos controversia relinquetur.*

Ecce quid Pelagium ab Ecclesiâ & Augustino diuidat. Si fateatur illâ gratiâ, sine quâ nihil possumus, dari velle & operari, catholicus est Augustino; si neget, hæreticus. Hæc est illa gratia quæ facit ut bene velimus & bene agamus, & sine quâ nec bene velle, nec bene agere possumus, cuius confessionem pro catholicæ fidei tessera deposcit à Pelagio c. 26. *Ac per hoc, inquit, gratiam Dei, quâ charitas Dei diffunditur in cordibus nostris per Spiritum sanctum qui datus est nobis, (hoc est ut alibi ait, quæ est inspiratio dilectionis, ut cognita sancto amore faciamus) sic consteatur qui vult veraciter consueti, ut omnino NIHIL boni sine illâ quod ad pietatem pertinet veramque iustitiam, FIERI POSSE non dubitet; non quomodo iste, qui cum dicit propterea dari gratiam, ut quod à Deo precipitur facilius impleatur, quid de illâ sentiat satis ostendit, scilicet quod etiam sine illâ etsi minus facile, fieri tamen quod diuinitus precipitur POTEST. Quod iam c. 19. sic expresserat, non tantum ut homo sit arbor bona, sed etiam ut faciat fructus bonos, eadem gratiâ necessarium est ut adiuuetur, sine quâ boni aliquid facere NON POTEST. Ipse quippe in bonis arboribus cooperatur fructum, qui & forinsecus rigat atque excultat per quemlibet ministrum, & per se dat intrinsecus incrementum; quod ad efficacem gratiam certo pertinere supra demonstratum est.*

Torus ferè hic liber exscribendus, si omnia velim recensere quæ inuictè præbent, non aliam ob causam Pelagium ab Ecclesiâ pro hæretico habitum, nisi quòd eam gratiam, sine quâ fatebatur nihil boni fieri posse, talem agnoscere detrectaret, quâ Deus, ut in eodem libro ait August. c. 24. *interni atque occultâ mirabili ac ineffabili potestate operaretur in cordibus hominum non solum versus reuelationes, sed etiam bonas voluntates, hoc est quod fateri recusaret, sine gratiâ efficaci nihil boni à nobis fieri posse.*

## III.

Iam verò quod postremum restat, hanc ipsam catholicam sententiam, sine gratiâ Dei nihil boni fieri posse, non aliter quàm de gratiâ efficaci à Pelagianis intellectam, eo sensu ab ipsis impugnatam, catholicis exprobratam, & ab Augustino totius Ecclesiæ nomine defensam, ut omittam alia huius rei testimonia, vnus ni fallor locus satis ostendet. Refert S. Doctor lib. 2. ad Bonif. c. 8 hæc Pelagianorum Episcoporum verba de catholicis: *Sub nomine gratiæ ita satum asserunt, ut dicant, quia nisi Deus innito & reluctanti homini inspirauerit boni & ipsam imperfecti cupiditatem, nec à malo declinare, nec bonum POSSIT arripere.*

Quid verò ad hanc exprobrationem reponit Augustinus? An eos arguit quod catholicos falsò criminarentur? Imò verò explosâ fati calumniâ, quod



quod illi obijciebant, verum esse agnoscit. id vnum explicat, sic inuito & reluctanti inspirari boni etiam imperfecti cupiditatem, ut iam non sit reluctans, non sit inuitus; sed consentiens bono & volens bonum, quo nihil validius ad efficacis gratiæ virtutem adstruendam. Omnino toto illo capite probat, sanctum & catholicum esse quod carpebant Pelagiani, sine illâ efficaci gratiâ quâ homo ex reluctanti & inuito sit consentiens bono & volens bonum, numquam haberi posse ab homine boni non solum perfecti, id enim fateri videbantur Pelagiani, sed ne imperfecti quidem cupiditatem.

Hoc nobis, inquit, obijciendam putarunt, quod inuito & reluctanti hominî Deum dicamus inspirare non quanticumque boni, sed & ipsius imperfecti cupiditatem. Fortassis ergo ipsi eo modo saltem servant locum gratiæ, ut sine illâ puerile hominem posse habere boni sed imperfecti cupiditatem, perfecti autem non facilius per illam posse, sed nisi per illam omnino non posse.... Dominus autem ut responderet futuris Pelagio non ait: Sine me difficile POTESTIS aliquid facere, sed ait, sine me NIHIL POTESTIS facere, & ut responderet futuris etiam istis, in eadem istâ enangelicâ sententiâ non ait, sine me NIHIL POTESTIS perficere, sed facere. Verum audiant & Apostolum. Dominus enim ait: Sine me nihil potestis facere, hoc uno verbo initium finemque comprehendit. Apostolus verò tamquam sententiâ Dominicâ expostior aperiens utrumque distinxit dicens; quoniam qui in vobis opus bonum capit, perficiet usque in diem Christi Iesu. Quæ vltima Pauli verba de gratiâ efficaci esse intelligenda nemo inficias erit.

Idem verò Sanctus Doctor capite sequenti ad quædam Scripturæ verba à Pelagianis objecta ita respondet, ut in illorum solutione semper significet gratiam quâ facit Deus ut faciamus id est efficacem, eam esse sine quâ bonum nec inchoare, nec perficere possumus. Scriptum est, inquebant Pelagiani, hominis est preparare cor, & à Domino responsio lingua. Quid verò Augustinus? Absit ut sic intelligant filij promissionis, tamquam cum audierint Dominum dicentem, sine me NIHIL POTESTIS facere, quasi conuincant eum dicentes, ecce sine te POSSVMS cor preparare; absit ut sic intelligant nisi superbi sui arbitrij defensores, & fidei catholica desertores. Ideò quippe scriptum est: hominis est preparare cor, non tamen sine adiutorio Dei, QUI SI TANGIT COR, HOMO PRÆPARAT COR. Ecce quale sit illud adiutorium sine quo homo preparare cor non potest, tale nempe quod illud infallibiliter efficiat propter quod datur. Nam si illo tangat cor Deus, homo preparat cor.

Et paulò infra. Sicut dictum est, hominis est preparare cor; & à Domino responsio lingua; ita etiam dictum est; Aperi os & adimplebo illud. Quamuis enim nisi adiuuante illo, SINE QVO NIHIL POSSVMS FACERE, os NON POSSVMS aperire, tamen os aperimus illius adiumento & opere nostro; implet autem illud Dominus sine opere nostro. At quale tandem illud adiumentum est, quo preparatur cor, & os aperitur, quæ ad orandi donum maximè pertinent. Quid est, inquit, preparare cor & os aperire, nisi voluntatem parare? Et tamen in eisdem literis legitur: Preparatur voluntas à Domino; & Labia mea aperies, & os meum annuntiabit laudem tuam. Ecce Dominus admonet ut preparemus voluntatem; & tamen ut hoc faciat homo, adiuvat Deus, quia preparatur voluntas à Domino, & aperit os ita iubendo, ut NEMO POSSIT NISI IPSE ID FACIAT ADIUVANDO, cui dicitur, Labia

*mea aperies. Nemo nisi in Augustini doctrinâ planè rudis, ignorat hoc maxime loco: Preparatur voluntas à Domino, gratiam efficaci: em intelligi ab ipso & probari solere; sed ad omnem dubitationem amouendam, idem Augustinus adjungit: Multa Deus facit in homine bona, quæ non facit homo; nulla verò facit homo, QUÆ NON FACIT DEVS VT FACIAT HOMO.*

Denique sub finem capitis quidquid probauerat in summam colligens, ita loquitur: *Ergo benedictio dulcedinis est gratia Dei, quâ fit in nobis ut nos delectet, & cupiamus, hoc est, amemus quod precipit nobis: in quâ si nos non praueni-  
Deus, non solum non perficitur, sed nec inchoatur in nobis. Si enim sine illo NI-  
HIL POSSVMVS FACERE; profectò nec incipere, nec perficere; quia ut  
incipiamus, dictum est: Misericordia eius praueniet me; ut perficiamus dictum  
est: Misericordia eius subsequetur me.*

Tantum illorum locorum lumen, & tanta vis, ut omnes aduersario-  
rum gratiæ tenebras discutiat, conatus frangat, effugia præcludat. Apertè  
enim pronuntiat Augustinus, hanc Ecclesiæ fidem esse quam qui neget, *fi-  
dei deservit habendus sit: Sine gratiâ quâ homo ex reluctanti & inuito fit consen-  
tiens bono; quâ bonum opus incipit Deus & perficit in nobis; quâ si tangitur, ho-  
mo preparat cor, quâ preparatur voluntas à Domino, quâ facit Deus ut bona  
faciat homo, quâ fit in nobis ut amemus Deum* (quæ tantum de gratiâ effica-  
ci dici possunt) *sine hac inquam gratiâ, boni ne quidem imperfecti haberi cu-  
piditatem POSSE; sine hac nec fieri, nec perfici bonum POSSE; sine hac os  
aperire geminem POSSE; sine hac denique nec perfici bonum in nobis nec in-  
choari POSSE.* Quibus vltimis verbis non modò illorum generatim error  
eliditur qui catholicè dici negant, sine gratiâ efficaci bona opera fieri & ten-  
tationes vinci non posse; sed nominatim exploditur Alphonsile Moyne Sor-  
bonici olim Professoris nuperum & catholicis antè auribus inauditum com-  
mentum, quo gratiam orandi ab agendi gratiâ secernens, illam sufficien-  
tem esse tantum & Moliniano quidem sensu; illam semper efficacem esse  
vult; adeòque sine efficaci gratiâ bona opera fieri non posse concedit, sed  
cum solâ sufficiente, cuius effectus à nutu voluntatis pendeat, actu & effe-  
ctiue orari posse & reipsâ orari contendit. Augustinus enim non modò per-  
fecti boni cupiditatem, sed ne imperfecti quidem sine efficaci gratiâ haberi  
posse definit.

Hoc qui ad fidem pertinere negauerit, tria in Augustinum grauissima  
crimina conferat necesse est: primum imperitiæ, quod doctrinam Ecclesiæ,  
Conciliorumque quibus interfuit mentem ignorauerit, & prauâ interpre-  
tatione corruperit: alterum sacrilegæ temeritatis, quod toti Ecclesiæ pri-  
uatas suas opiniones affingere non dubitarit: tertium denique offensio-  
nis & scandali, quod Pelagianos ab Ecclesiâ alienarit, dum ab illis non Ec-  
clesiæ fidei, à quâ fortè non abhorruissent, sed priuatæ opinionis suæ, id est,  
efficacis gratiæ confessionem exigeret, quam ut fatalem necessitatem, ut  
certum libertatis interitum, ut locordiz, ignauiz, desperationis causam  
detestabantur, & meritò quidem si Molinistæ nobis audiendi sint. Horum  
verò criminum si reus peragatur Augustinus, non iam ille inter Patres in  
supremo autoritatis apice locandus, sed infra imperitissimos simul audacis-  
simosque scriptores deturbandus est; nec præstantissimus gratiæ defensor,  
sed euerfor potius existimandus. Quod si vel cogitare nefarium sit & im-

pium, vt fatetur ipse Suarez, & non modò in tanti viri memoriam, sed in Apostolicam sedem, in totam denique Ecclesiam, à quâ toties defensa & consecrata Augustini doctrina, contumeliosum, certum illud & fixum manere debet ( quod pro fidei capite ab Augustino traditum est ) sine gratiâ efficaci nihil boni fieri posse; nec hanc loquendi rationem sexcenties ab ipso usurpatam sine sacrilegio posse damnari, aut vilius erroris suspectam iudicari.

## ARTICVLVS VII.

*Idem fidei dogma, sine gratiâ nihil fieri posse, ab iis Patribus qui post Augustinum aduersus Semipelagianos scripserunt, de gratiâ efficaci semper intellectum esse.*

**P**Ræcipuum inter Semipelagianos & Ecclesiam controuersæ caput in hoc situm fuisse nemo nescit, quòd ex primævæ integritatis reliquiis sine verâ Christi gratiâ aliquod homines bonæ voluntatis initium habere posse Semipelagiani statuerent. Nullius enim ita depravatam vel extinctam putabant esse naturam, teste Hilario in epist. ad August. vt non debeat vel possit se velle sanari, nec negari gratiam si præcedere dicatur talis voluntas, vt tantum medicum querat, non autem quidquam ipsa iam valeat. Omnes verò Theologi consentiunt catholicos contrâ contendisse naturam ita peccato esse vitiatam, vt sine medicinali Christi gratiâ nequidem posset se velle sanari. Quæritur solùm quænam illa gratia sit, sine quâ ex Ecclesiæ catholicæ sensu non potest homo velle sanari. Vnde verò condiscere possumus in hoc dogmate sanciendo Ecclesiæ mentem & sensum, nisi ex iis Patribus qui Ecclesiæ causam aduersus Semipelagianos egerunt; inter quos præcipui sunt Prosper, Fulgentius, Petrus Diaconus, & Scythiæ monachi in causâ fidei Romam missi.

### S. PROSPER.

**V**Num aut alterum ex S. Prospero locum afferre satis fuerit. Sic ergo ille in epistola ad Rustinum Semipelagianorum sententiam exponit. *Dicitum aium libero arbitrio videntibus: Venite ad me omnes qui laboratis, & ego vos resciam. Quod ad omnes homines voluit pertinere laborantes in incerto huius vite, onerososque peccatis, vt qui voluerint mansuetudinem & humilitatem Salvatoris imitari, & iugum mandatorum eius subire, inueniant requiem animabus suis in spe vite æternæ; qui autem hec facere noluerint, suâ culpâ careant salute, quam si voluissent, potuissent obtinere.* En Semipelagianam sententiam; quid Prosper respondeat videamus. *Sed audiant & dictum à Domino libero arbitrio videntibus: Sine me nihil potestis facere; & Nemo venit ad me, nisi Pater qui misit me attraxerit; & Nemo potest venire ad me, nisi datum ei fuerit à Patre meo, &c.* Qua omnia cum sint incommutabilia, & nequeant vlla interpretatione in sensum alium detorqueri, quis ambigat tunc liberum arbitrium cohortationi vocantis obedire, cum in illo gratia Dei affectum credendi obediendique generauit. Alioquin sufficeret moneri hominem, non etiam in ipso nouam fieri voluntatem, sicut scriptum est, *Preparatur voluntas à Domino, & sicut ait Apostolus; Deus est enim qui operatur in nobis & velle & operari pro bonâ voluntate.* Videmus igitur

illam Christi sententiam, *sine me nihil potestis facere*, ex qua præsertim hausit Ecclesia quod fidelibus tenendum tradidit, nos sine Christi gratiâ nihil posse, non minus aduersus Semipelagianos, quàm Pelagianos, de illâ gratiâ intellegendam, quæ affectum credendi obediendique in hominibus generat, & quâ ipsa fit in hominibus bona voluntas, adedque de efficaci.

Idem S. Prosper peculiarem Cassiani errorem ab Arauûcanâ synodo can. 8. damnatum, quo aliis petentibus gratiam tribui, alios inuitos ad salutem attrahi afferebat, hâc ratione refellit. *Quod non ex toto verum sit: quod ait Dominus: Nemo venit ad me nisi Pater qui misit me, attraxerit eum, si cuiusquam hominis sine Dei illuminatione esset credenda conuersio, aut vlla modo se voluntas hominis ad Deum sine Deo POSSET extendere, qui cum vocatum ad Filium trahit non resistentem, inuitumque compellit; sed ex inuito volentem facit, & quibuscumque modis infidelitatem resistentis inclinat, ut cor audientis obediendi in se delectatione generatâ ibi surgat ubi premebatur, ibi discat ubi ignorabat, inde fidat unde diffidebat, inde velut unde nolebat. Etenim Dominus dabit suauitatem & terra nostra dabit fructum suum.* Catholica ergo veritas est aduersus Cassiani errorem à Prospero asserta, voluntatem hominis nullo modo se ad Deum posse conuertere sine illâ gratiâ per quam Deus ex inuito volentem facit, per quam infidelitatem resistentis inclinat, per quam in corde audientis obediendi delectationem generat, per quam ita dat suauitatem ut terra nostra det fructum suum. Quæ si ad gratiam efficacem non pertineant, nescio quibus illa verbis exprimi possit.

#### S. FULGENTIVS.

SANCTUS Fulgentius, quem Sirmundus post Ferrandum Diaconum, *sancti Episcoporum ingenium & linguam*, Perronius verò *alterum Augustinum, alterum Africanam Ecclesiam oraculum* appellat, innumeris in locis gratiam sine quâ nequidem desiderari bonum posse, aduersus Pelagianorum reliquias contendebat Ecclesia, efficacem esse demonstrat. Ea verò feligam ex variis S. Fulgentij operibus, in quibus hanc non suam, sed Ecclesiæ aduersus Semipelagianos sententiam esse dicit.

In primo igitur libro de verit. præd. & gratiæ c. 15. *Dignum est*, inquit, *charissimi fratres, ut in singulis quibusque sententiis, in quibus núbilo cuiusdam obscuritatis ambigimus, sanctorum Patrum definitionibus hæreamus, quos præueniens misericordia Dei gratis illuminauit ut crederent, & sequens instruxit spiritaliter ut docerent. Hi enim Apostolica predicationis tenentes per omnia veritatem, certissimè cognouerant, cognoscendumque libris & epistolis reliquerunt, gratiam Dei non omnibus hominibus generaliter dari, gratuitum quippe donum est gratia.* Ecce primam veræ gratiæ dotem, non omnibus dari, quia gratuita est.

*Ista gratia, quam Deus vasis misericordie gratis donat, ab illuminatione cordis incipit, & hominis voluntatem non bonam inuenit ipsa, sed facit, atque ut eligatur, ipsa prius eligit; neque suscipitur aut eligitur, nisi hoc ipsa in corde hominis operetur. Ergo & susceptio & desiderium gratiæ, opus ipsius est gratiæ. En secundam gratiæ virtutem, omnis bonæ voluntatis in hominibus effectricem esse.*

ISTAM gratiam nullus hominum desiderare vel poscere, sed nec cognoscere POTERIT, nisi eam prius ab illo accipiat, qui eam nullis præcedentibus operibus aut voluntatibus bonis ad hoc largiatur, ut voluntatem in qua semper maneat ipsa præparet, ipsa donet, ipsa illuminet, ipsa excuset, ipsa conseruet. En tertiam gratiæ conditionem, sine eâ voluntatem præparante & dante, ne ipsam quidem gratiam desiderari posse.

Quod & in sequentibus vbetius explicat: *Vt ergo*, inquit, *gratia Dei cognoscatur, & diligatur, desideretur, & postuletur, prius donatur homini non cognoscenti, non diligenti, non desideranti, non postulanti; ipsaque se facit cognosci, diligi, desiderari, postulari.* Quam gratiæ efficaciam postquam apertis Scripturæ testimoniis comprobauit: *Sicut ergo*, inquit, *bona voluntatis initium NEMO POTEST habere, nisi fuerit gratiâ præueniente illuminatus, quia preparatur voluntas à Domino; ita eandem voluntatem bonam NEMO usque in finem POTERIT obtinere, nisi fuerit eadem misericordiâ subsequente seruatus....* *Misericordia igitur, qua gratis hominem præuenit, ut mutet in melius; & ipsa quem bonum facit, subsequendo regit, ne mutetur in peius.* Omne igitur bonum voluntatis & operis tunc inesse POTEST homini, si præuenientis gratiæ largitate detur, eiusdemque gratiæ subsequentis opitulatione seruetur; *Qua malum præuenit, ut bonam Deo largiente voluntatem habere incipiat, quam antè quia per se habere NON POTERAT, non habebat.* Subsequitur autem bonum ut perseueret & proficiat in bonâ voluntate quam ex se habere NON POTUIT, sed gratis accepit. Hinc patet ex S. Fulgentio, bonam voluntatem vel esse in homine quia per gratiam efficacem data est, vel esse non posse, quia eam non aliter habere homo potest, quàm per gratiam efficacem.

Hactenus Fulgentius acceptam ex Sanctis Patribus doctrinam retulit. In libro verò de Incarn. & gratiâ Domini nostri Iesu Christi, qui non tam Fulgentij liber, quàm Ecclesiæ Africanæ, cuius nomine loquitur, Semipelagianos contrà sentientes his verbis retundit: *Miramur quosdam dicere, si nolentes Deus facit ut velint credere, cur ergo non facit omnes velle? ... Itane verò in nemine hoc facit, quia non in omnibus facit? Deus ergo qui voluntatem præparat, ipse donat. Quam si Deus per suam gratiam homini non dederit, NUMQUAM POTEST homo in Deum velle credere, quia ipsam voluntatem gratia non inuenit, sed operatur in homine.* Contendat qui voluerit gratiam efficacem ad hoc tantum dari ut velimus, non grauatur faciebimur. Sed ex hoc quod ad volendum necessariò supponitur, inde concludat cum Fulgentio rectè dici, sine gratiâ efficaci nos velle non posse.

Idem sanctissimus Antistes lib. 1. ad Monim. c. 14. *Loquens*, inquit, *Deus per prophetas, seipsum facere confirmat, quod fidelibus donat ut faciant. ... Quid est enim: faciam ut faciatis, nisi, mei eris operis omne bonum quod operati fueritis. Ipse ergo facit ut faciamus, qui in nobis operante sit omne bonum quod facimus, de quo dicitur ad Hebræos: Apert vos in omni bono; quia quæcumque nobis facienda donat, sicut HABERE NON POSSEMVVS, nisi nobis ipse largiatur; sic FACERE NON POSSEMVVS, nisi ipse in nobis qua largitus est operetur.* Clariora ista sunt, quàm ut ullâ explicatione indigeant.

Mitto alia plurima eiusdem autoris. Vnum tantum adscribam, quod pateat hanc ipsam sententiam, sine gratiâ efficaci mandata seruari non posse, ad fidem catholicam ex S. Fulgentio pertinere. In libro enim de fide ad Petrum

Diaconum c.32. Firmissimè, inquit, crede, & nullatenus dubites, posse quidem hominem quem nec ignorantia literarum, nec aliqua prohibet imbecillitas vel aduersitas, verba sanctæ legis & Euangelij sine legere, sine ex ore cuiusquam prædicatoris audire: sed diuinis mandatis obedire NEMINEM POSSE, nisi quem Deus gratiâ suâ prænenerit, ut quod audit corpore, corde etiam percipiat; & accepti diuinis bonâ voluntate atque virtute, mandata Dei facere & velit & POSSIT. Neque enim qui plantat est aliquis, neque qui rigat; sed qui incrementum dat Deus, qui etiam operatur in nobis & velle & perficere pro bonâ voluntate.

### PETRVS DIACONVS.

Pertus Diaconus, alii que in causâ fidei à Græcis Romam missi, in libro de Incarn. & gratiâ Iesu Christi ad Africanos Præfules scripto, ita cap.6. de gratiâ loquuntur: *Vt*, inquit, falsa libertas fieret Christiana libertas, liberatore indignis, quo POSSET per eius gratiam ab occupationibus humanis auersa ea cogitare & desiderare quæ pertinent ad vitam æternam. Sine hac igitur gratiâ potest quidem cogitare & desiderare humana; NON autem POTEST cogitare aut velle, seu desiderare diuina. Quænam autem hæc gratia? Mox ipsi ita luculenter explicant, ut nemo ad aliam quàm efficacem, eorum verba detorquere possit. Frustra garrunt qui dicunt: Meum est velle credere, Dei autem gratia est adiuuare, cum etiam ipsum credere, quod est consensus præbere veritati, nobis à Deo dari testetur Apostolus. Et cap.8. Sed nos, inquit, sequentes eundem Apostolum, omnem bonarum cogitationum originem, earumque confessionem & voluntatem ex Deo, & per Deum, & in Deo dicimus, qui prauas hominum voluntates & terrenis actibus implicatas per infusionem & operationem intrinsecus sancti Spiritus absoluit & corrigit, sicut scriptum est, *Preparatur voluntas à Domino.*

### RVPERTVS.

Consultò multa Patrum testimonia omisimus, qui de ipso Petro Christum negante dicunt eum à Deo fuisse deselectum, neque potuisse reuocationem illam superare, ac se mortis pro Christo subeundi periculo obijcere. Plurima enim ex illis in Apologeticis allata sunt, quæ repetere superfluum. Vnum tantum illic prætermisimus hic repræsentare visum est, Rupertii scilicet l.8. de gloriâ & honore Filij hominis super his Christi verbis: *Noli timere eos qui occidunt corpus.* Hic restet, inquit, dicat quis, Da Domine quod habes, & iube quod vis. Ecce iubes ut non timeamus eos qui occidunt corpus, & ratio consentit eum potius esse timendum qui potest & animam & corpus perdere in gehennam. Sed quæ ratio non timeat occidi? Petrus Apostolorum primus timuit, & mori timens vitam negauit. Cur hoc? Quia nondum illi dederas ut non timeret, cui iusseras ut non timeret. Postquam illi dedisti, POTUIT facere quod iussisti. Esto igitur fortitudo nostra, & fac in nobis quod tu nos facere vis.



## ARTICVLVS. VIII.

*Sancti Thomæ, aliorumque tum veterum tum recentiorum scholæ Doctorem auctoritate eadem veritas confirmatur.*

**A** Patrum sensibus nihil deficiuerunt præcipui antiquioris scholæ Doctores, præsertimque S. Thomas, & veteres illius discipuli, qui omnes vno ore sine efficaci auxilio nihil posse profecti sunt. Ergo in se nihil ab illis nouatum est, vocabulum gratiæ ab usitatâ in Patrum scriptis significatione nonnihil deflexum, & ad aliam minùs apud Patres vulgarem notionem translatum, quod quia magnam antiquiorum Scholasticorum scriptis afferre lucem potest, hic paucis annotasse non pigebit. Patres enim & antiqui scriptores sic vtuntur gratiæ vocabulo, vt semper ferè actualem Dei operationem intelligant, quâ Deus in homine & cum homine voluntatis actum producit. Gratiæ verò habituali non simpliciter hoc nomen impertiri solent, nisi quatenus per actualem ad operandum impellitur & ad-mouetur. Contrâ verò veteres Scholastici Doctores voci gratiæ ferè semper habitualis gratiæ notionem subiiciunt; actualem verò gratiam, tarò gratiam sed auxilium Dei mouentis, speciale auxilium, motionem Dei appellant.

Eximius est S. Thomæ eâ de re locus de verit. q. 24. a. 14. *Si gratiam Dei velimus dicere non aliquod habituale donum, sed ipsam misericordiam Dei, per quam interiùs motum mentis operatur, & exteriora ordinat ad hominis salutem, sic nec vllum bonum homo potest facere sine gratiâ Dei; sed communiter loquentes viuunt nomine gratiæ pro aliquo dono habituali insufficiente. Hoc pacto conciliantur nonnulla quæ sibi primâ fronte videantur aduersa. Veteres enim Scholastici multa fieri sine gratiâ dicunt, quia nomine gratiæ habitualem intelligunt, sine quâ non à fidelibus, sed peccatoribus quos Deus nondum inhabitans adiuuat, multa bene fiunt. Vnde eadem illa, vt ex S. Thomâ vidimus, sine auxilio Dei mouentis fieri negant. Patres verò generatim docent, sine gratiâ nihil boni fieri posse; quia nomine gratiæ intelligere solent misericordiam Dei per quam interiùs motum mentis operatur, sine quâ S. Thomas concedit nullum bonum fieri posse. Quare cùm his verbis gratiam efficacem apertè designet, vt per se clarum est, & latius alibi probatum, hic ipse locus ostendit ex mente S. Thomæ, sine gratiâ efficaci nihil boni fieri posse.*

Multa alia ex S. Thomâ referri queunt; sed quia id separatim in eo commentariolo præstitimus in quo totam illius doctrinam accuratè explanauimus, vnum adhuc & alterum hic referre satis erit, ex 1. 2. quæst. 109. 2. 6. *NON POTEST homo per se ipsum preparari ad diuinâ gratiæ lumen suscipiendum. Per quid igitur potest? Sed gratiâ Dei interiùs mouentis, bonumque propositum inspirantis, quæ sine dubio gratia efficax est, auxilio indiget. Et in resp. ad primum adhuc manifestius: Conuersio hominis ad Deum fit quidem per liberum arbitrium, & secundum hoc homini præcipitur quòd se ad Deum conuer-tat. Sed liberum arbitrium ad Deum conuersum NON POTEST, nisi Deo ipsum ad se conuerterente, secundum illud Hierem. 31. Conuer-te me & conuer-tar, quia tu*

*Dominus Deus meus ; & Thren. ult. Conuerte nos Domine ad te & conuertermur. Neminem Deus conuertit nisi per gratiam efficacem. At ex S. Thoma non potest homo conuerteri nisi Deo ad se ipsum conuercente ; non potest igitur conuerteri nisi per gratiam efficacem.*

Porro antiqui scholæ Doctores à Patrum & S. Thomæ vestigiis in hac loquendi formulâ non recesserunt , ex quibus paucos hîc tantùm ad specimen afferam.

**BRADVARDINVS** Archiepiscopus Cantuariensis , & vulgò Doctor profundus appellatus in libro de Causâ Dei l. 2. cap. 6. cui titulus est, *quod auxilium Dei speciale est voluntas eius inuicta, postquam, inquit, in prædentibus est ostensum, nullam tentatum solius liberi arbitrij viribus sine gratiâ, nempe habituali, vel cum gratiâ quantacumque, habitualementer intelligi, absque alio Dei auxilio speciali POSSE tentationem aliquam superare, restat consequenter inquirere, quid sit illud auxilium, quo tentati omnia superant tentamenta, & sine quo in omnibus superantur. . . . Voluntas ergo diuina est illud auxilium ; & ea quidem inuicta, id est infallibiliter operans, ut significat in titulo capituli, est illud auxilium sine quo tentatus quilibet superatur, & per quod tentatus quilibet superans, efficaciter superat tentamentum. Vbi vides ab insigni illo Theologo, uti & à Patribus discretè doceri, sine illo efficaci auxilio, quo tentati omnia superant tentamenta, & sine quo in omnibus superantur, neminem licet iustum & quantacumque gratiâ habituali præditum tentationem aliquam superare posse.*

**GREGORIUS ARIMINENSIS**, magni nominis Theologus S. Augustini Eremitarum quondam Generalis in 2. sentent. dist. 28. q. 2. a. 2. *Ex istis puto satis patere quod etiam veri iusti & in gratiâ existentes, ut in tentationibus fortiter resistent, & in peccatum non cadant, indigent adhuc speciali auxilio Dei, & sine illo NON POSSUNT resistere, quin caderent in peccatum. Quod probat ex Scripturis, ex Ecclesiæ precibus, ex S. Augustino, & ex illo Innocentij supra allato : Necessè est ut quo auxiliante vincimus, eo iterum non adiuuante vincamur. Ex quo patet, per auxilium speciale sine quo non possunt iusti tentationibus resistere, non aliam gratiam quàm efficacem à Gregorio Ariminenfi intellectam esse.*

**IOANNES CAPREOLVS**, S. Thomæ, ut Bellarminus notat, defensor egregius l. 2. sent. dist. 28. q. 1. a. 3. doctissimè disputat de morione diuinâ, quam infaillibilem esse vult, licet voluntas per illam non necessitetur. *Inuatur, inquit, voluntas, ita ut agat ea que non sic adiuta NEQVAM AGERE POTVISSET. Et hoc est illud adiutorium speciale sine quo dicimus ; nos NIHIL BENE VELLE AVT FACERE.*

**CARDINALIS CAIETANVS**, in c. 10. Ioan. v. 39. *Si priuatio gratiæ fert secum NON POSSE credere, consequens est quod POSSE credere conferatur à gratiâ. Et hoc superius c. 6. Christus dicit : Nemo potest venire ad me, nisi Pater qui misit me traxerit eum. Quomodo verò trahit Pater, nisi per gratiam efficacem ?*

**Tota LOVANIENSIS FACULTAS**, in iustificatione suâ Censuræ anni 1586. *Aliud est, inquit, posse, in quo tam magne insunt vires per sufficientem gratiâ preparationem, ut satis sit ad agendum : per quam quidem gratiam, non iam solum ipsum posse, verum etiam agere adiuuatur. . . . Iuxta quem modum,*

*modum*, vt superius ait, *quidam dicuntur non posse credere aut sequi Dominum*, sicut dictum est Petro: *Non potes me sequi modo.*

Tota item *DVACENSIS FACULTAS*, in Censurâ anni 1588 ad assert. 14. *Neque induratus conuerti potest, nisi per gratiam auferentem cor lapideum, & tribuentem cor carneum, quam vique quamdiu induratus est, non habet: neque excecatus aspicere potest lumen veritatis, nisi per gratiam tenebras eius illuminantem, & velamen de corde eius auferentem, quam similiter quamdiu excecatus est, non habet: neque infidelis quisquam credere potest, nisi per gratiam quâ cor eius ex infidelitate ad fidem mouetur; quam gratiam cum non habere quamdiu infidelis manet, perspicuum est.*

Nihil necesse videatur post integros Theologorum ordines priuatorum Theologorum suffragia conquirere. Vnus tamen pro omnibus erit Ecltius doctissimis in Scripturas & Magistrum sententiarum Commentariis toto orbe celeberrimus. Ex quo hic annotasse sufficit, integro illum capite, nimirum in 2. sent. dist. 26. p. 42. probandum suscipere, *NEMINEM* in bono perseverare *posse sine gratiâ*, non qualicumque, sed quam superiori paragrapho se descripsisse testatur his verbis: *Intelligendum est donum perseverantie in actuali gratiâ, id est gratiâ operatione Dei, quâ facit & prestat vt homo in bonâ & iustâ conuersatione permaneat, ac perduret usque in finem vite, superetque omnes tentationes interius occurrentes, quibus à cursu bona vite retrahi poterat.* Vnde fit vt grauius admoveat, sicut iam diximus, à Conciliis, & maxime à Tridentino esse definitum, *NEMINEM* *posse in bono perseverare absque speciali Dei auxilio, quod de nouo semper à Deo petendum & expectandum sit, quo nimirum ipsum perseverare in homine operetur: Tale enim huiusmodi auxilium esse debere perspicuum est.*

## ARTICVLVS IX.

*Eadem locutio recentiorum Thomistarum autoritate asseritur, qui falsò ipsius infectatores habentur.*

**T**Antis autoribus nixa sententia faciliè quorumuis obrectatorum vocalas contemneret, neque priuatorum Theologorum contrariis opinionibus conuelleretur; sed illos potiùs Theologos, si qui sint, erroris & temeritatis argueret. Itaque cum audirem aduersarios passim tam fidenter iactantes, recentiores Thomistas in eâ damnandâ cum Iesuitis consentire, quamquam videbam illam Thomistarum dissensionem verborum potiùs esse quàm rerum, cum illi cæteroquin de gratiâ efficaci rectè sentirent, tamen nec ipsis falsò tribui putabam hanc opinionem; & illos rectè sentire, malè locutos existimabam. Verùm postquam libros ipsorum in manus sumpsi, liquidò perspexi non minorem ipsis injuriam fieri, quam mihi, quàm Patribus facta; tantùmque abesse vt ipsi hanc loquendi formulam, *sine gratiâ efficaci nihil fieri potest*, repudient & proferbant, vt eâ contineri assentant fidei catholicæ caput ab Ecclesiâ definitum aduersus Pelagianos, contrariamque propositionem, nempe *sine gratiâ efficaci aliquid fieri potest*, quam ego bono sensu admitto, ipsi falsam esse contendunt. Quamobrem cum in isto Thomistarum cum Iesuitis consensu præcipuum censuræ suæ præsidium

aduersarij mei collocent, operæpretium erit hîc ostendere, quàm fallaciter & præposterè clarissimorum Theologorum nomine abutantur ad euerrendam Ecclesiæ doctrinam.

Recentiorum Thomistarum doctrina ex nullo certius aut luculentius perspicitur, quàm ex Aluare potest, qui ob excellentem doctrinam ab Ordine suo delectus est ut catholicam de gratiâ efficaci fidem coram summis Pontificibus aduersus Molinæ patronos tueretur. Is igitur adeo non damnat hanc propositionem, *sine gratiâ efficaci nihil fieri potest*, ut eam à summis Pontificibus, à Conciliis, à Patribus sancitam velit. Id videre est disput. 88. ubi hanc statuit conclusionem: *In homine iusto præter gratiam excitantem & concursum supernaturalem simultaneum, quo Deus unâ cum libero arbitrio & habitibus infusus actus supernaturales producit, requiritur necessariò ad singulos actus speciale auxilium gratiæ adiuvantis*. Notum est autem in doctrinâ Aluaris gratiam excitantem eandem esse ac sufficientem, adiuuantem verò eandem ac efficacem; quod & alibi passim ut in disp. 71. n. 2. & in hac ipsâ disp. 88. sæpius expresse notat, & maximè his verbis n. 10. *Quia per solam gratiam habitualem non adheret iustus immobiliter bono, neque ad illud prosequendum & amandum prædeterminatur: idèo adhuc indiget speciali auxilio ADIUVANTIS GRATIÆ, QUO INDECLINABILITER ET INSUPERABILITER AD BONUM OPERANDUM MOVEATUR*. Videamus nunc quid summat ille ad hoc probandum. Nimirum ea affert loca quæ nos supra retulimus, in quibus Patres & Concilia definiunt, *sine gratiâ nihil fieri posse*, quæ, ipse de gratiâ efficaci accipienda esse contendit: Conclusio, inquit ille, est, contra autores secundæ sententiæ ( id est Molinistas ) est tamen expressa, S. Aug. l. de nat. & gr. c. 26. *Sicut oculus corporis etiam plenissimè sanus, nisi candore lucis adiutus non potest cernere; sic homo etiam perfectissimè iustificatus, nisi æternâ luce iustitiæ diuinitus adiuuetur, rectè non potest viuere*. *Sannat ergo Deus non solum ut delect quod peccauimus; sed præstat etiam ne peccemus*. Et lib. de gr. & lib. arb. c. 6. idipsum confirmat multis testimoniis Scripturæ; sed præsertim ex illo Cantic. 8. *Quæ est ista quæ ascendit dealbata incumbens super dilectum suum. Alba facta, inquit, bene ambulat, sed si supra eum à quo dealbata est, perseueranter incumbat. Propter quod & ipse Iesus super quem incumbit dealbata, dixit discipulis suis, sine me nihil potestis facere ]*

Ecce voces illas Scripturæ, *sine me nihil potestis facere*, & illas Augustini: *Homo etiam perfectissimè iustificatus nisi æternâ luce iustitiæ diuinitus adiuuetur, rectè non potest viuere*, de gratiâ efficaci & adiuuante interpretatur Aluarez. Sed id adhuc vberius & clarius sequentibus verbis ostendit.

Eadem est, inquit, sententia S. Thomæ 1. 2. qu. 109. 2. 1. ubi ait, quodd *quantumcumque natura aliqua corporalis vel spiritalis ponatur perfecta, non potest in suum actum procedere nisi moueatur à Deo*; & idem docet art. 9. Nec potest explicari S. Thomas de solâ gratiâ excitante, hoc est sufficiente; nam per illam Deus non mouet physicè liberum arbitrium ad pias operationes; sed solum moraliter.... sed necessariò debet intelligi *DE GRATIA ADIUVANTE, PER QUAM LIBERUM ARBITRIUM PRÆMOVEATUR ET PRÆDETERMINATUR AD OPERANDUM*. Præterea probatur ex definitione illa Concilij Arausicani: *Quosvis*

„*bona agimus, Deus in nobis atque nobiscum ut operemur operatur: vbi vniuer-*  
 „*saliter loquitur de omnibus operibus bonis etiam hominis iam iustificati,*  
 „*& ad huiusmodi opera necessarium esse docet speciale auxilium gratiæ ad-*  
 „*iuuantis, quo non solum nobiscum simul operetur opus bonum, sed etiam*  
 „*in nobis efficiendo, videlicet per idem auxilium, vt nos liberè coopereremur*  
 „*Deo, vt ex supradictis constat. .... Confirmatur ex Innocentio I. in re-*  
 „*scripto ad Conc. Carthag. vbi ait: Omnes sancti sine adiutorio Dei nihil se*  
 „*agere posse testantur. Et in rescripto ad Conc. Mileuit. Necessè est, inquit,*  
 „*vt restituta nobis pristini status libertate per gratiam, eam gratiam queramus;*  
 „*quippe qui neque aliis diaboli tentationes & machinas nisi gratiâ adiuuante pos-*  
 „*sumus euicare. Et Cælest. I Epist. ad Episc. Gallix c. 8. & 9. decernit gra-*  
 „*tiam ad singulos actus esse necessariam, & refert Zozimum Papam asse-*  
 „*rentem in Epistola ad totius orbis Episcopos, quòd in bonis voluntatis hu-*  
 „*mane singulis motibus, magis illius valere non dubitemus auxilium, quòdque*  
 „*omnis sancta cogitatio, omnisque motus bona voluntatis ex Deo sit; quia per il-*  
 „*lum aliquid boni possumus, sine quo nihil possumus. Et loquitur de speciali*  
 „*auxilio gratiæ adiuuantis, per quam agit Deus in nobis, vt quod vult & veli-*  
 „*mus & agamus, vt dicit idem Cælest. c. 12. eiusdem epistolæ. Propter hæc*  
 „*testimonia M. Medina 1. 2. q. 109. a. 9. c. 3. hanc nostram sententiam adedò*  
 „*veram & certam existimat, vt contrarium docere putet esse improbabile.]*

Vbi sunt nunc qui nobis Aluare tamquam sententiæ nostræ hostem, & Molinæ hæc in parte fautorem opponunt? Vbi sunt qui contendunt ex illius mente falsam hanc propositionem esse: *Sine gratia efficaci nihil fieri posse?* En ille de gratiâ efficaci interpretatur Innocentij, Zozimi, Cælestini definitiones, in quibus illi Pontifices sine gratiâ nihil fieri posse decernunt. Quàm vehementer igitur ipse illis Censoribus restitisset, qui eam sententiam, quam ipse ab Augustino à S. Thomâ, à tribus summis Pontificibus definitam censeret, blasphemiz & hæreseos notis inusserunt.

Nec verò hæc propositio verbis Aluaris congruit, principiis abhorret, imò & principiis & verbis peræquè consentit. In primis statuit disp. 79. vt alibi fustius videbimus, ex Cajetano, Ferrariensi, & Medinâ vocem, *posse*, ita nonnunquam vsurpari, vt complectatur omnia ad agendum necessaria; & hoc sensu fatetur sine gratiâ efficaci non haberi *posse*, hoc est, sine gratiâ efficaci nihil fieri posse.

2. Non solum id concedit de voce *posse* in genere, verùm etiam de *potentiâ proximâ*, quam vno sensu, qui quidem maximè vulgaris ac ferè vnicus est, sine gratiâ efficaci haberi negat, vt in tertiâ parte huius dissertationis videbimus.

3. Disput. 22. n. 33. probat & tuetur, sine prædeterminatione diuinâ in sensu composito *nihil nos velle posse*; quia non possunt hæc duo simul esse vera, quòd scilicet nos velimus in particulari aliquid, & quod Deus non præordinauerit & prædeterminauerit quod velimus illud.

Nec verò ab Aluare dissentiant hæc in parte cæteri Thomistæ. Vidimus iam Bartholomæum Medinam ab ipso citatum, eadem Patrum testimonia in quibus aiunt sine gratiâ nihil fieri posse, de gratiâ efficaci intelligere, contrariamque sententiam tamquam improbabilem reiicere. Videre etiam licet alios Thomistas iisdem Patrum locis vti ad adstruendam prædeterminationem

efficacem. Imò ipse Nauarreta hanc propositionem, *sine gratiâ efficaci aliquid fieri potest*, apertè & disertis verbis falsam esse pronunciat, cont. 19. §. 11. Ad quintum, inquit, respondetur has duas propositiones non efficere eundem sensum, scilicet, *Homo cum auxilio sufficienti, præstindendo ab efficaci, potest conuer- ti ad Deum: & hanc, Homo sine auxilio efficaci, cum solo sufficienti potest conuer- ti ad Deum*. Nam in primâ propositione denotatur quedam abstractio præcisius ex parte auxilij sufficientis considerati in ratione potentia ad operandum; & cum tale auxilium non participet rationem potentia ab auxilio efficaci, fit ut ex se ipso sit potens operari. Cæterum in secundâ propositione denotatur quadam abstractio negatiua, & per modum compositionis, denotans quod operatio potest sequi de fa- cto sine auxilio efficaci, quod tamen falsum est.

Ex illis, ni fallor, ad oculum demonstratur, omnibus Thomistis proba- ri hanc sanctorum Patrum sententiam, quâ toties sine gratiâ efficaci nihil fieri posse professi sunt; adedque eos omnes qui in eius damnationem con- senserunt, & sanctos Patres & vniuersam S. Thomæ damnasse familiam.

## ARTICVLVS X.

*Ecclesiam in suis precibus id tantum petere quod non possit; neque tamen aliam à Deo gratiam petere quàm efficacem.*

**L**egem credendi lex statuat supplicandi, inquit Cælest. in ep. ad Gallos. Nec cum hominibus quisquam sanctiùs de gratiâ loqui potest, quàm illis verbis quibus tota Ecclesia Deum in precibus suis affatur.

Duo verò ex precibus Ecclesiæ apertè colliguntur. Primum est, numquam Ecclesiam in precibus suis gratiam illam sufficientem, quæ det bonorum ope- rum possibilitatem ab effectu sejunctam, à Deo poscere. Vt enim sapienter aduertit August. de gr. Ch. c. 25. *non ait Apostolus, oramus ut possitis nihil mali facere, sed ne quid faciatis mali; nec ut possitis bonum facere; sed bonum facia- tis*. Quid igitur petimus? Ipsam gratiam efficacem quâ fit ut velimus, quâ fit ut agamus, ut amenius, ut præcepta impleamus. Poscimus à Deo ut in- serat pectoribus nostris amorem sui nominis; ut ad se nostras etiam rebelles com- pellat voluntates; ut nostra voluntatis prauitatem frangamus, & præceptorum re- titudinem in omnibus adimpleamus; ut det nobis velle & posse quod precipit; ut faciat nos suis inherere mandatis. Non petit Ecclesia ut infidelis possit crede- re si voluerit, sed ut velit & credat. Non petit ut quisquam possit non malè facere si velit; sed orat cum Apostolo *ne quid mali faciat*. Non agit gratias, quòd aliquis præceptum implere potuerit, potestare ab effectu separatâ, sed quòd impleuerit: non quod conueriti potuerit, sed quòd conuersus sit; nec vnumquam se putat exauditam, nisi cum factum fuerit quod oratur, id est, cum ad fidem vel ad pietatem conuersi fuerint pro quorum conuersione de- precatur. Loquimur, inquit Aug. ep. 107. *de ipsi initis fidei, cum homines qui erant auc. si & aduersi, conuertuntur ad Deum, & velle incipiunt quod nolo- bant, & habere fidem quam habebant; quod ut fiat in eis, oratur pro eis, quam- vis non oretur ab eis*. Cuius verò factum fuerit quod oratur, ei qui fecit aguntur gra- tia, & pro eis, & ab eis.

Alterum.



Alterum est, qui orant nihil aliud à Deo petere, quam ut possint quod nondum possunt. *Fideles*, inquit Aug. de nat. & gr. c. 53. *orantes dicunt: Ne nos inferas in tentationem. Si adest possibilitas, ut quid rogant? Quid enim flutium, ut idem ait c. 18. quam orare ut facias, quod in potestate habemus? Ecce p. 105. Impetrando quippe oratio quicquid impetrat evidenter Dei donum esse ostendit, ne homo existimet à se ipso sibi esse, quod si in potestate haberetur, non vixque posceretur. Vnde libro de dono pericu. c. 2. Irrisoriā esse petitionem dicit, à Deo petere quod ipso non donante sit in hominis potestate. Ex quo Concilium Tridentinum Dei preceptis admoneri nos dicit, ut faciamus quod possumus, & petamus quod non possumus.*

Si ergo iustus in tentatione constitutus habere tantum gratiam sufficientem supponitur, quæro utrum ille non orare debeat pro obtinendâ gratiâ efficaci. Orare non debere nemo nisi impius dicat. Si autem orare debet, nondum ergo adest possibilitas quam petit: si enim adest possibilitas, ut quid orat? Non orat ut faciat quod in potestate habet; id enim stultum est Augustino. Non orat quod Deo non donante in eius potestate sit, ne hac oratione Deum irideat. Non petit quod potest; sed quod non potest, ex Concilio Tridentino.

Ex hisce verò duobus catholicæ doctrinæ capitibus manifestò sequitur, esse quidem aliquod posse quod à Deo non postulamus; illud nimirum quod à voluntate se junctum est, & quod in nobis esse potest, etiam si nec velimus, nec agamus; esse tamen aliud posse nunquam à voluntate, nunquam ab affectu diuulsum; quod Augustinus appellat *possibilitatem cum effectu*; atque hanc possibilitatem esse, quam solemnes Ecclesiæ preces exposcant. In his enim precibus à Deo petit, *ut videre possimus quæ agenda sunt, & quæ recta sunt agere valeamus; ut ipsi valeamus implere precepta, ut peccata nostra plangere valeamus, ut diuinæ placitæ maiestatis cogitare semper, & ipsum sincerò diligere valeamus.* Quam gratiam nisi impetret, se nihil posse testatur. Ex quo Innocentius I. in Epist. ad Carthag. Conc. eo potissimum nomine Pelagij, Cælestijque doctrinam se detestari significat, quod peccatorum suorum sententiâ euerterent orationes Ecclesiæ, quibus illud adiutorium à Deo poscebat, sine quo omnes sancti nihil se agere posse testantur. Quod efficax esse & Thomistæ agnoscunt, ut iam vidimus, & satis ipse Innocentius ostendit, cum paulò post addit: *Necesse esse ut quo auxiliante vincimus, eo iterum non adjuuante vincamus.*

Vnde etiam persæpe Augustinus iisdem locis, quibus ostendit ea solum à Deo posci quæ non possumus, iisdem inquam locis gratiam efficacem ad obtinendam illam quæ non habetur possibilitatem peti testatur. Multa huius generis proferri possunt: vnum hic afferam ex lib. 1. op. ultimi in Iul. c. 93. *Absit, inquit, ut impediatur ab homine omnipotentis & cuncta scientis intentio. Deus enim, sicut homo Dei dixit Ambrosius, quos dignatur vocat, & quæcumque vult religiosum facit. Conuenit autem Scripturæ plerumque hominis voluntatem, ut quod non habet & non potest, admonitus sentiat, & ab eo à quo sunt bona omnia indigens poscat. Vides ea peti quæ non possumus. Vides nunc quâ gratiâ possibilitas illa danda sit. Si enim exauditus fueris in eo quod dicere iussimus, Ne nos inferas in tentationem, procul dubio nullâ decipietur infirmitas, nulla impediat vincetur. Quænam gratia efficax est, si hæc non est.*

per quam certò & infallibiliter peccatum vitatur? Quisquis enim, ut ait idem Aug. l. de bono perf. c. 6. in tentationem non inferitur, profectò nec in tentationem sua mala voluntatis inferitur. Et qui in tentationem sua mala voluntatis non inferitur, in nullam prorsus inferitur; unusquisque enim tentatur, ut scriptum est, à concupiscentiâ suâ abstractus & illeclus. Vt autem ei non consentiamus, inquit idem l. 2. de pecc. mer. & rem. cap. 4. deprecamur adiutorium, dicentes: Et ne nos inferas in tentationem; ut si forè cœperimus tentari à concupiscentiâ nostrâ, adiutorio eius non deseramur, ut in eo POSSIMVS vincere, ne abstrahamur illecli.

Vt ergo rem in pauca contraham, manifestum est, quamdam esse possibilitatem quæ precibus impetratur, quæ ab ipsâ voluntate numquam se juncta sit, & proinde non à sufficienti gratiâ, sed ab efficaci donetur; & hæc qui careat, ut caruit certè Petrus, de illo rectè dici *carere eum gratiâ sine quâ nihil possumus*, cum eo adiutorio careat, *sine quo*, ut ait Innocentius I. omnes sancti nihil se agere posse testantur.

Hic Christianæ pietatis sensus sic altè omnium fidelium mentibus impressus est, ut non aliter loqui vel cum Deo, vel cum hominibus possint, quoties ex affectu potiùs proprio, quàm ex anticipatis opinionib<sup>9</sup> loquuntur. Indicio erunt illi ipsi Iesuitæ, qui gratiæ efficaci doctrinam sociatis totius Ordinis viribus oppugnant: è quibus vnus nomine Sanjurius, pietatis famâ inter ipsos non postremus, in libro cui titulus est, *De cognitione Dei, & amore Domini nostri Iesu Christi*, p. 2. l. 3. c. 8. sc. 2. ita de humilitate loquitur: *Cognoscit humilis quàm imbecilla sint vires hominum, qui quantumlibet sufficientibus auxiliis instructi sint, NIHIL TAMEN SINE EFFICACIBVS BONI FACERE POSSVNT*. En blasphemias, hæreticas, impias illas voces in quas passim Iesuitæ debacchantur, à celeberrimo Iesuitâ in eo libro quem maximè ipsi commendant, disertis verbis expressas.

## ARTICVLVS XI.

### Prima Partis conclusio.

**L**ongè plura poterant ex Patribus Scholasticis congeri testimonia, ad illam loquendi rationem. *Sine gratiâ efficaci nihil boni fieri potest*, ab omni erroris suspitione vindicandam. Nam si eam quam potui copiam confectatus essem, non iam mihi libellus exiguus, ut institui, sed ingens volumen conficiendum fuisset. Illis tamen quæ raptim in hoc scriptum consuli testimoniis, ista ni fallor conficiuntur.

1. Sensum hunc catholicum & orthodoxum esse, sine gratiâ efficaci nihil bene fieri, neque hæc duo componi posse, ut qui eâ destitutus sit, bene tamen operetur.

2. De gratiâ efficaci rectè & catholicè dici, sine eâ tentationes vinci & superari non posse, cum ita loquantur Scripturæ, Pontifices, Concilia, Patres, Scholastici, tota denique Ecclesia.

3. Sententiam his verbis intellectam à Patribus, quæcumque tandem illa sit, non modò orthodoxam esse, sed ad fidem planè pertinere, cum in eâ situm esse docuerint catholicum illud dogma aduersus Pelagianos ab Ecclesia

definitum, sine gratia Dei nihil boni fieri posse.

4. Duorum sententiarum, *Sine gratia nihil possumus*; & *sine gratiâ efficaci nihil possumus*, eundem planè apud Patres sensum esse; nec alteram ad fidem pertinere posse, quin altera quoque pertineat.

De quo si quis adhuc ambigat, illud cogitet infinitis penè locis ab illis Patribus qui aduersus Pelagianos & Semipelagianos scripserunt, dictum esse, sine gratiâ nihil fieri posse; & tamen illis omnibus locis significatam esse gratiam efficacem. Vnde alterutrum consequens est, vel illis locis non probari, sine gratiâ nihil fieri posse, quod impium & nefarium; vel pariter probari, sine gratiâ efficaci nihil fieri posse; cum nomine gratiæ, efficacem ab illis intellectam esse perspicuum sit. Hoc si quis negare sit ausus, proferat ille vel vnum Augustini & eius discipulorum locum, vbi in hoc lapsæ naturæ statu, *gratia sine quâ nihil possumus* nomine intelligatur ea quæ det tantum posse, non agere. Proferat vel vnum locum vbi illa Christi verba *sine me nihil potestis facere*, ad eam gratiam referantur, quæ det posse ab omni actu separatum, & de gratiâ efficaci commodè intelligi non possit. Contrà verò plus quam sexcenta proferemus vbi hæc eadem verba, vel similia de gratiâ efficaci ita manifestè interpretantur Patres, vt aliter intelligenda esse, nulli, non dicam Molinistæ, quid enim illi non audeant, sed Thomistæ possint contendere.

Porro cui constiterit hanc locutionem, *sine gratiâ efficaci nihil fieri potest*, non modò innoxiam esse, sed etiam sacram, cuiusque sensum ex Patrum sententiâ haud dubiè ad fidem pertinere, non opinor inficias ibit, vt minimùm illis verbis significasse Patres hæc tria quibus contineri nostræ propositionis sensum docuimus: nempe sine gratiâ efficaci, quâ Petrus caruit, non haberi omnia ex parte adiutorij diuini ad agendum necessaria. 2. Eum qui careat gratiâ efficaci, catere aliquo adiutorio ad agendum necessario, quod non ex ipsius nutu, sed ex diuinâ voluntate pendeat. 3. Fieri non posse vt hæc duo inter se componantur: Petrus gratiâ efficaci caret; & tamen bene agit.

Ex illis omnibus duo constare debent. Primum est propositionem meam si verba spectes, veram, catholicam, Theologicam, Patrum & Scripturæ verbis expressam esse; si sensum, ad ipsa fidei fundamenta pertinere; quippe quæ nihil aliud contineat, quàm capitale illud dogma contra Pelagianos definitum, sine gratiâ efficaci nihil bene fieri; siue quod idem est apud Patres, nihil bene fieri posse.

Alterum est, eos qui propositionem illam Chrysostomi & Augustini censurâ inusserunt, & horrenda blasphemiarum, hæreseos, impietatis nomina in illam contulerunt, vtroque nomine Ecclesiæ honorem & fidem graui iniuriâ violasse. Nam cum ipsi hanc propositionem nullo addito sensu, nullâ exceptione damnarint, manifestum est eo sensu ab illis damnatam esse, qui verbis illis exprimi vulgò solet. Illis autem verbis catholicam sententiam ad fidem pertinentem semper à Patribus expressam docuimus. Quid igitur aliud sequitur, quàm catholicam de gratiâ efficaci fidem esse damnatam?

Nec verò etiã si sensum non attigissent, illud leue flagitium est, quod locutionem à Scripturâ usurpata, à Pontificibus sancitam, à Conciliis consecratam, à Patribus frequentatam, à Scholasticis tritam, à totâ Ecclesiâ in preces ascitam, prauâ interpretatione à quoquam corruptam esse nihil causati, hæreticam & blasphemam pronuntiarint. Non enim Scripturæ tantum

sensibus honor habendus est, sed etiam verbis, quibus tamquam inuolueris veritas continetur. Atque ut ille planè sceleratus sit & impius, qui Christi corpus sub panis specie venerari se fingens, pedibus ipsis species obterat, & indignis modis habeat; sic non leui Deum injuriâ afficit, qui Scripturæ, id est Dei verba, quæ *sancta & adorabilia* à Conciliis appellantur, quia ut sæpe dicit Augustinus, illis veritas continetur, iis notis afficiat, quæ solùm in Dæmonis verba meritò conferantur.

Non sum nescius tamen, sub ipsis Scripturæ vel Patrum verbis nonnumquam ab hæreticis nefarios errores occultatos; at tunc Concilia & Patres diligenter Scripturæ sensum ab illorū errore segregarunt, & hæretico tantùm dogmate rejecto suam Scripturæ vel Patrum verbis auctoritatem asseruerunt.

Horum exemplum si sequi potius studuissent nostri Censores, quàm iracundiæ & malevolentia suæ parere, numquam voces illas Augustini & Chrysostomi, ex Scripturis & Ecclesiæ perpetuo sermone desumptas, nullo expresso sensu damnaissent. Si enim nefarius ille sensus, quem his verbis à me inclusum suspicabantur, alicubi à me expressus erat, nihil fuit negotij illum potius locum, in quo meus hic error quisquis est tandem clarè & meis verbis enunciatus extabat, censurâ ferendum obiicere, quàm innoxia Patrum verba contumelioso anathemate percellere.

Sin autem nusquam erat expressus, sed eum in mente meâ retrusum suspicabantur, quæro quid illis iuris fuit in mentem meam, quæ soli Deo paret? Quæro cur fidem mihi affirmanti, & sensum illum ejuranti non adhibere libuit? Quæro cuius æquiritatis fuerit, propter fictitium errorem in vnius Theologi animo reconditum, perpetuam, certissimam, constantissimamque Patrum sententiam, Patrum verbis enuntiatam hæreseos damnare? Quæro denique cur illum commentitium errorem non aliquo saltem vestigio indicarint, ut à Patrum verbis in erroneum sensum aliquo pacto Centura detorqueri posset? Istud illos noluisse nemo credat. Ecce enim verisimile fiet maximum ab illis censuræ suæ præsidium sponte neglectum? Cur igitur omiserunt, nisi quia omnino non potuerunt? Nec minùs retro-neus ille sensus ipsis ignotus fuit, quàm mihi adhuc ignotus est.

Verùm illi quando lubebit, sententiam nobis suam patefacient; mea sequentibus punctis continetur, è quibus quodnam anathemate damnandum putauerint, ex ipsis vehementer scire peruelim.

Qui Petrum, dum Christum negauit, efficaci gratiâ ad vincendam tentationem necessariâ desertum negat, quid dicat non attendit.

Qui sine gratiâ efficaci tentationes viliter vinci, & aliquod siue cogitando, siue volendo & amando, siue agendo fieri bonum censet, Christianæ & catholicæ gratiæ inimicus est.

Qui propositioni Epistolæ meæ, in quâ dixi *gratiam sine quâ nihil possumus, Petro defuisse*, aliam sententiam attingit ab eâ quam in hoc scripto & apologeticis expressi, *defuisse nimirum Petro gratiam efficacem, sine quâ tentatio numquam vincitur; & sine quâ non habetur ea potestas quæ completitur omnia ad agendum necessaria*, iniquissimus est fratres & conscientia arbitet.

Qui sensum illum sic verbis Patrum expressi posse negat, *Defuis Petro gratia sine quâ nihil fieri potest*, in eorum scriptis rudem se proflitetur.

Qui vel his verbis, vel huic sententiæ censuram indigit, in Patres, in totam

totam Ecclesiam contumeliosus est, quem his Bernardi verbis in Epist. 77. ad Hugonem refellere satis fuerit: *Non querimus pugnae verborum, nonitates quoque vocum iuxta Apostolicam doctrinam evitamus. Patrum tantum opponimus sententias ac verba proferimus, & non nostra; nec enim sapientiores sumus quàm Patres nostri. Abundet sanè in suo sensu qui vult, quantum vult, dummodo nos patiamur in Patrum sensibus abundare.*





# DISSERTATIONIS SECUNDA PARS.

*Quâ conciliatur illa sanctorum Patrum locutio : Sine gratiâ effi-  
caci nihil fieri potest, cum illorum Thomistarum doctrinâ,  
qui gratiam efficacem non ad posse, sed ad velle,  
necessariam statuunt.*

## ARTICVLVS I.

*Scopus & consilium secunda illius partis aperitur.*

**H**Ac propositionis meæ defensione, quâ sensum eius & verba in tu-  
to posui, facile poteram aduersus inimicos esse contentus; nihil  
enim præterea ad me pertinet. Itaque illis meritò resistendum pu-  
taui, cum disputationem aliò auertere conarentur. Non enim illustrandæ  
veritatis studio, sed calumniandi libidine ducebantur, qui cum me ad nouas  
quotidie quæstiones pertrahere niterentur, cum alias ex aliis calumnias con-  
fingent, si quando post diuturnam patientiam à me repulsi essent, conti-  
nuò scribendi me auidum, turbidum quemdam, & iniquetum, ac pene se-  
ditiosum clamitabant; quasi rerum omnium ea conuersio facta sit, vt ca-  
lumniari impunè liceat, calumnias refellere non liceat. Ergo illis malo ani-  
mo varia quærentibus, aut nihil omnino, aut inuitus certè respondi; opti-  
mis verò & eruditissimis Theologis ab omni studio contentionis abhorrenti-  
bus, solius veritatis amore incensis, libentissimè me totum aperio, omnes-  
que meos sensus ipsis cupio esse notissimos.

In primis illa Theologis omnibus regula figenda est, Ecclesiasticam ve-  
ritatem à duobus tantum fontibus repetendam, Scripturâ scilicet & Tradi-  
tione, quâ Pontificum, Conciliorumque decreta, & Patrum sensa conti-  
nentur. Aliorum Theologorum ad hanc normam & sensus & verba expen-  
denda sunt; non autem Scripturæ vel Traditionis sententiæ & voces ad vl-  
lius priuati Theologi arbitrium reuocandæ. Equidem multum tribuo scho-  
lasticis doctoribus, nec umquam ab hac scientiâ alienus exuri; sed tamen  
non sine quâdam designatione fateor me nonnullos intueri qui scholastico-  
rum placita Patrum sententiis opponant, cum omnis recentiorum autoritas  
ex antiquitate petenda sit.

Cum igitur illud demonstraauerimus, ac fortasse prolatis omnium Eccle-  
siæ temporum & scriptorum testimoniis latius alibi si necesse fuerit, demon-



stratori sumus, hanc in omnium animis & sermonibus impressam sententiam, *sine gratiâ nihil fieri posse*, non aliter quàm de gratiâ efficaci ab omnibus Patribus intellectam; superest vt de eâ omnes Theologi conuenire, & sententias suas ac loquendi modum ad illas accommodare debeant; ne dum vt ipsam quasi priuatis opinionibus suis parùm congruentem, damnare vel improbare audeant.

Sed vt antiquitatis doctrinam inflectere ad scholasticorum sensu æquum non est; sic illud in primis pium, ostendere nihil ab antiquis Patribus primarios scholæ Doctores dissidere. Id mihi hâc in parte propositum est; ex quâ ni fallor omnes perspicient, in omnium Thomistarum tum antiquorum, tum recentiorum sententiâ peræquè verum esse, *sine gratiâ efficaci nihil nos posse*; nec quicquam interesse ad illius propositionis veritatem, vtrum illi gratiam efficacem ad *velle* solùm, an etiam ad *posse* necessariam statuunt; ad actum primum, vel ad secundum dari fateantur; potentiam proximam Thomistico sensu, siue tantùm remotam, non habentibus gratiam efficacem concedant; quod vt præstem, variæ mihi Theologorum de gratiâ efficaci rectè sentientium opiniones referendæ sunt.

## ARTICVLVS II.

### *Consensio & dissensio Thomistarum inter se breuiter aperitur.*

**I**N primis constans & perpetua est omnium Thomistarum doctrina.

1. Gratiâ efficacem ad omnia pietatis opera, & ad ipsam rationem necessariam esse per modum adiutorij physicè prædeterminantis voluntatem.

2. Certum est apud illos efficaci gratiæ numquam ita gessisti, vt effectum suum non habeat; quam doctrinam ita nuper adulterare conatus est pseudo-Thomista Nicolai ex Dominicanâ familiâ, vt diceret gratiam efficacem dici, non quia semper habet effectum, sed quia semper habere potest: aded illud non modò sanctorum Patrum Augustini & Thomæ, sed ne sui quidem Ordinis, ne omnium quidem eruditorum iudicij pudet, quorum nemo ignorat insignem hanc esse gratiæ corruptelam ante hæc tempora inauditam.

3. Certum est sine gratiâ efficaci nihil vmquam boni fieri, imò repugnare vt actu aliquid bene fiat, quia repugnat, inquit, vt causa secunda bene agat nisi præmoueat & prædeterminetur à Deo.

4. Certum est illam gratiam efficacem gratis à Deo dari, non ex meritis humanis, sed ex solâ diuinâ voluntate.

5. Certum est, etsi omnis gratia eum effectum habeat quem vult Deus, esse tamen nonnulla gratiæ diuinæ auxilia, quæ non omnino voluntatem conuertant, sed bona tantùm desideria in animâ excitent, quibus non plenè consentiatur.

6. Certum est illis moribus & imperfectis voluntatibus verè resisti in eo effectû ad quem ex naturâ suâ tendunt; non in eo ad quem ex diuinâ voluntate destinantur.

7. Certum est esse in omnibus iustis veram obseruandi mandata potentiam per gratiam interiorem.

8. Certum est istam potentiam non eiusmodi esse vt complectatur semper omnia ad agendum prærequisita. Non enim semper habet adjunctam gratiam efficacem sine quâ illam in actum prodire repugnat.

9. Certum est eos qui plurimum huic potentiz cum sola est tribuunt, talem illam cogitare, qualis est potentia visiva in homine cui vigeant oculi, sed qui in tenebris constitutus sit: certum est, inquam, non minùs esse necessariam gratiam efficacem iustis quâlibet aliâ potentiâ instructis, quàm necessarium sit lumen oculis valentibus; nec minùs repugnare, vt quis sine gratiâ efficaci bene agat, quàm vt sine lumine videat. Ita passim Thomistæ recentiores; & illorum princeps Aluarez, vt mox videbimus.

Hæc ferè inter Thomistas constant & vnanimi consensu probantur: verùm in hoc veluti doctrinæ trunco inter se conjuncti, in minutioribus deinde nascentium inde controuersiarum ramis à se inuicem disjunguntur.

Ergo de istâ possibilitate, quam iustis citra gratiam efficacem inesse certum est, quidam illorum ita sentiunt, illam esse perfectam, completam, proximam in actu primo, non autem in actu secundo. Alij contrâ ne in actu primo quidem omnino perfectam & proximam eam potentiam appellant. Ita Zumel aliisque à Ledesma citati. Primi consequenter loquentes, gratiam efficacem non ad *posse*, quod completum supponit per sufficientem gratiam, sed ad *velle* necessariam statuunt. Alij verò per gratiam efficacem potentiam proximam conferri contendunt, licet in iustis sit semper alia gratia quæ posse remotius conferat.

Rursùm Thomistæ de naturâ gratiæ illius quæ dat *posse*, inter se dissident. Quidam enim ex illis eam semper actualem esse volunt, vt Aluaris discipuli; alij, vt veteres Thomistæ Capreolus, Cajetanus, Ferrariensis, & quidam etiam nostris Censoribus, putant potestatem illam quæ iustis inest exclusâ efficaci gratiâ, per gratiam habitualement ipsi conferri, quamvis sæpe etiam iis moribus roboretur, qui consensum perfectum non eliciant.

3. De ipsis vocibus aliqua est inter gratiæ efficacis patronos disceptatio. Quidam enim vt Louanienles & Duacenses in Censuris suis gratiæ sufficientis nomen nonnihil efficaci tribuunt; adeoque negant adesse vllis Christi gratiam quæ ad iuste viuendum sufficiat, nisi illis in quibus Deus operatur velle, & facit vt in præceptis suis ambulent. *Non operatur autem*, inquirunt, *Deum velle in eo qui non vult, nec facit in præceptis suis ambulare eum, qui adhuc bene velle reus est.* Non est igitur in eo gratia sufficienter preparans. Alij verò sufficientis gratiæ nomen alio sensu accipientes, vel gratiæ habituali illud tribuunt, vel illis gratiæ actualis motibus qui ad perfectum voluntatis consensum disponunt, sed illum non omnino efficiunt; ita plerique Thomistæ recentiores. His positis quæritur vtrum in omnium illorum Theologorum sententiâ verum sit, sine gratiâ efficaci nihil fieri posse. Vehementer enim huic sententiæ repugnare videntur ij, qui citra gratiam efficacem *posse* perfectum voluntati tribuunt, nec gratiam efficacem ad *posse* necessariam ducunt, sed tantùm ad *velle*: de quo quid sentiendum sit, sequentibus articulis inquiremus.

## ARTICVLVS III.

*Exponitur & soluitur questio ex duplici acceptione vocis posse ab Aluare traditâ.*

**I**Nter omnes Theologos gratiæ efficacis assertores constat, vt iam vidimus, illam ad omnem bonam voluntatem ita necessariam esse, vt nisi adsit, hoc est, nisi bonam voluntatem in corde hominis operetur, nullus vmquam sit in homine bonæ voluntatis motus. Idque ab Apostolo his verbis traditum: *Deus est qui operatur in vobis & velle & operari.*

Dum ergo nonnulli ex iis docent gratiam efficacem non ad *posse*, sed tantum ad *velle* necessariam esse, siue dare tantum *velle*, non autem *posse*, eorum sensu id intelligere possunt, quod gratia efficax non det aliquam volendi virtutem antecedentem ad ipsum velle, & ab ipso distinctam, vt qui secutim adsecundum impellit, non dat securi nouam secandi virtutem, quam ante non haberet, sed eam quæ securi iam inerat, ad opus applicat. At verò numquam illorum Theologorum mens fuit, ante gratiam efficacem inesse omnia ad volendum & agendum necessaria, cum id contrâ expressè negent, vt videre est apud Aluarem disp. 79. n. 1. & 2. & Nauarretam Tom. 2. controu. 19. §. 1. ac cæteros Thomistas. Neque aliter sentire possunt, cum gratiam efficacem ad volendum & agendum necessariam statuunt.

Si ergo vox illa *posse* non pro solâ internâ agendi virtute sumatur, sed pro complexu omnium tum causarum tum conditionum quæ ad agendum necessariò prærequiruntur, tunc nihil repugnabit vt sine aliquo habeatur *posse* primo sensu, quia habetur agendi virtus, sine quo tamen non habetur *posse* secundo sensu, quia non habentur omnia ad agendum necessariò prærequisita; vt cui vigent oculi, potest vtique videre propter internam videnti potentiam; idem tamen dicitur non posse videre propter absentiam luminis ad videndum necessarij.

Nec vetò nobis ad arbitrium excogitata est duplex illa vocis *posse* significatio, sed ab ipsis Thomistis cognita & explanata. Quâ de re locus illustris est apud Aluarem disp. 79. n. 2. *Supponendum est*, inquit, *cum Caseriano, Ferrariensi & Medina, quod dupliciter intelligitur liberum arbitrium posse per aliquod auxilium producere aliquem actum. Primo modo absoluitè & simpliciter, hoc est sine addito, sicut cum asserimus hominem per potentiam visiuam posse videre; quia videlicet quantum est ex parte potentie, per quam constituitur in actu primo ad videndum, non requiritur vt verè dicatur posse videre, quod superaddatur illi aliqua alia potentia aut virtus tribuens in actu primo ipsum posse videre; quamuis ultra potentiam visiuam alia plura requirantur vt quis actu videat. Vnde ex solâ potentia non potest inferri usus seu operatio illius in actu exercito. Et in hoc sensu asserendum est per auxilium sufficiens verè posse hominem operari alium illum, comparatione cuius dicitur sufficiens, etiamsi numquam sit operaturus, nisi Deus auxilio efficaci efficiat vt illud posse reducat ad actum secundum. Secundo modo id potest intelligi de principio, siue auxilio, quo potest completè operari; ita videlicet vt non solum habeat quis principium quo verè possit operari, sed etiam*

*habeat complementum, quo in ipso exercitio operetur & velit.*

Non hic vnus Aluarez loquitur, sed præcipui quique de Thomisticâ scholâ Doctores. Sententiæ suæ autorem habet Cardinalem Cajetanum in 1. 2. qu. 109. a. 10. à quo illam ipsam luminis comparisonem mutuatus est. Autorem item habet Franciscum Ferrariensem illustrissimum S. Thomæ interpretem, in lib. 3. cont. Gent. c. 135. Habet Bartholomæum Medinam in eundem ac Cajetanus locum. Aluarem verò sequuntur quicumque deinceps scripserunt, & summo consensu definiunt sine gratiâ efficaci non haberi omnia ad agendum necessaria. Hinc verò quæstio nostra planè soluitur: neque vlli posthac dubium esse potest, quin Thomistæ etiam illi, quos habetenus maximè nobis aduersari iactatum est, nobiscum faciant.

Fatentur enim duplicem esse vocis *posse* acceptionem: vnâ, cùm sumitur ex parte potentiæ & actus primi, id est, pro internâ virtute; alterâ, cùm sumitur pro *posse* completo & pro complexu omnium quæ necessaria sunt ad agendum. Fatentur per solam sufficientem gratiam, id est sine efficaciâ, non haberi *posse* nisi primo sensu. Fatentur, vt docet Aluarez initio numeri sequentis, per solam gratiam efficacem haberi *posse* secundo sensu, & in hoc omnes vtriusque partis autores conuenire. Ex quo consequens est, eum qui sine efficaci gratiâ nihil fieri posse dicit, si vocem illam *posse* secundo illo sensu sumat, nullo modo ab Aluare, nec ab vllis Thomistis dissentire. Nam si affirmant, quod non ita frequenter apud illôs inuenias, imò aliqui falsum putant, *sine gratiâ efficaci homines aliquid posse*, vocem *posse* pro virtutè agendi vsurpant; non autem pro complexione omnium causarum. At cùm affirmavi in hoc scripto, & in epistolâ, *sine gratiâ efficaci nihil nos posse*, vocem illam accepi pro complexu omnium causarum & conditionum quæ necessariæ sunt ad agendum, vt testor, & sæpe aliàs testatus sum.

Ita Thomistarum sententiam nihil omnino læsi: manet ipsis defendendæ illius plenâ & integra libertas. Quod inter ipsos conuenit, non haberi completum illud *posse* quod complectitur omnia prærequisita ad agendum sine gratiâ efficaci, id asserui: quod dubium inter ipsos, vtrum sine gratiâ efficaci habeatur interna virtus perfecta, primus actus immediatus & proximus, omnino non attigi.

Superesse tantùm potest leuior contentio, vter illius vocis *posse* sensus vltimior, & rationi congruentior. Cùm enim clarum sit ex iam dictis, hominem, verbi gratia, qui sanos oculos habeat, sed careat lumine, verè dici *posse* videre, propter facultatem videndi quam habet, & non *posse*, propter absentiam luminis: quæritur, vtrum vltimior & rationi congruentior dicatur non *posse* videre, quàm *posse*. Quam quæstionem à nullo Theologo, quod sciam, ex professo disputatam, eia rectè poteram omittere; tamen vt clariùs adhuc appareat, quam verè toties dixerint Partes, sine gratiâ efficaci nihil fieri posse, non abs re erit, & ratione, & communi omnium sermone, & Traditionis perpetuo loquendi modo confirmare, vltimiorè summi vocem illam *posse* pro conjunctione omnium causarum & conditionum, ita vt si aliqua conditio, licet non ad virtutem agendi, sed ad ipsam actionem pertinens deesse supponatur, sæpius negetur *posse*, quàm affirmetur. Hoc sequentibus articulis præstabimus.

## ARTICVLVS IV.

*Visitatus de eo cui deest aliquid necessarium dici non posse, quàm posse; etiamsi illud quod deest, ad potentiam non pertineat.*

*Varia observationes circa illorum verborum usum.*

**R**ationis in rebus Theologicis minus est pondus, imò nullum est aduersus apertam autoritatem; valet tamen ipsa permultum ubi autoritati non repugnat, sed concinit: quod in presenti negotio cernere est. Est enim illud in omnium mentibus inlitum & impressum, atque inde in omnium sermonem translatum, si quid ad actionem necessarium desit, actionem illam fieri non posse; si quid ad confectionem rei necessarium non adsit, rem confici nullo modo posse. Ex quo manauit illa necessarij definitio toties à S. Thomâ repetita: *Necessarium id est, sine quo res esse non potest.*

Neque verò necessarij nomine id solum intelligi debet, quod requiritur ad agendum tanquam causa agens & efficiens, vel tanquam virtus agentis indita; sed etiam illud omne sine quo res non fit, siue sit instrumentum, ut cum penicillus dicitur necessarius ad pingendum; siue tantum conditio sine qua non, ut vulgò in scholis loquuntur., ut admotio ligni ad focum. Horum enim omnium si quid desit, rectè dicitur rem fieri non posse, actionem esse non posse.

Verùm ut istius rei ratio penitiùs perspiciatur, illud diligenter attendendum est, duobus modis quæri, vtrum aliqua causa agere possit: 1. absolutè, omnibus ad agendum necessariis nec expressis nec exclusis, ut cum quæritur, vtrum homo possit videre: 2. exclusâ aliquâ conditione ad agendum necessaria, ut cum quæritur, vtrum aliquis possit videre sine lumine.

Quod ad primam quæstionem pertinet, illud modo spectare solent homines dum huic respondent, vtrum res, de quâ quæritur an possit aliquid facere, habeat internam agendi virtutem: si habet, respondent *posse*; si non habet, *non posse*. Aliæ enim conditiones cum non sint exclusæ, supponi solent. Verbi gratiâ si de illo à natiuitate cæco, cui Christus visum restituit, quæsitum à ludæis fuisset vtrum videre posset; qui eum sanatum nouerant, posse videre respondissent; qui istud ignorabant, non posse. Quâ in responsione neutri eorum attendissent luceretne, an non luceret; sed vtrum haberet videndi potentiam, an non haberet.

Ad posteriorem verò quæstionem, in quâ negatur aliquid ad agendum necessarium, omnes vulgò homines ipsâ duce ac magistrâ naturâ negatiue respondent, siue illud quod deest ad potentiam pertineat, siue non pertineat; sed tantum sit conditio ad agendum prærequisita, & sine quâ non agitur. Ita si quærat ab aliquo, num videre possit in tenebris, nemo est qui non respondeat, se non posse; & si quis affirmetur noctu videre posse, prodigij loco res habebitur, neque alio sensu id intelligetur, quàm quomodò feles, nocturæ, & similia animantia noctu dicuntur videre. Similiter si de pictore absolutè quærat an possit pingere; posse dicent omnes qui eius in pingendo

peritiam nouerint : Si verò quæzatur, an sine penicillo possit pingere, iidem ipsi posse negabunt. Roget quis, an ignis possit lignum comburere ; quis non affirmet ? Adde hypothesium, si non admoveatur foco, sed toto milliari ab igne distitum sit ; quis tunc non neget comburi posse ? Nec tamen vel admotio ligni ad focum, vel penicillus, vel lumen ad internam comburendi, pingendi, videndique potentiam pertinent.

Ergo ut eiusmodi exempla, nam innumera proferri possent, ad nostrum institutum transferamus ; si de iusto absolutè quæzatur, an possit obseruare mandata Dei, proculdubiò posse respondendum est ; quia tum attenditur ad internam bene agendi virtutem, quam in sanctificatione accepit ; & ipsa auxilia gratiæ cum non excludantur, affore supponuntur, ut reuerà adesse omnibus iustis qui piè viuunt à posteriori rectè concluditur. Vnde si quis absolutè diceret, iustos non posse seruare mandata, vel illud dicere censetur, nullam in ipsis esse per gratiam seruandi mandata facultatem, quod erroneum ; vel cum Caluinistis sentire putaretur, numquam adesse iustis ea gratiæ auxilia quibus reuera mandata impleantur.

Sin verò de aliquo iusto, cui gratia efficax in aliquâ tentatione desit, quæzatur, an sine gratia efficaci ad vincendam tentationem necessariâ, quam supponimus ipsi defuisse, tentationem vincere potuerit ; tunc ex communi omnium loquendi ratione respondebitur, non quidem absolutè, sed in illa hypothesi, sine hac gratiâ non potuisse. Quod si quis rectè dici neget, neget etiam oportet rectè dici hominem non posse videre sine lumine, pictorem non posse pingere sine penicillo, ignem non posse comburere lignum milliari distitum. Sin verò istas loquendi rationes omnium sermonibus tritas nemo mendacij & erroris arguat, quin in omnium risum incurrat quantumuis clamitet etiam in tenebris integram esse videndi potentiam, pingendi artem totam esse in pictore qui penicillum non habeat, vim vrendi esse in igne à quo lignum distet, quis non videat non minùs absurdum esse qui præfractè neget rectè dici, hominem iustum sine gratiâ efficaci tentationem superare non posse, quantumuis existimet sine gratiâ efficaci haberi plenam, proximam, integram, tentationis vincendæ potentiam, modò fateatur, ut omnes Thomistæ fatentur, gratiam efficacem esse non minùs necessariam ad velle & ad tentationem reipsâ superandam, quàm lumen ad videndum, penicillum ad pingendum, admotionem ligni ad comburendum.

Ex iisdem exemplis intelligi licet, quàm falsò quidam præposterè subtiles sibi persuaferint, idèò non rectè dici, sine gratiâ efficaci iustum bene agere non posse, quia, ut aiunt, hæc propositio cum sit negatiua, & idèò malignantis naturæ, totam perimit potentiam. Magnifica verba, sed sensus inania ! Quasi verò idem sit dicere, aliquem in tenebris videre non posse, & illum cæcum esse : quasi verò eadem Vrbinati Raphaëli fieret injuria si diceretur ipsum pingere non potuisse sine penicillo, ac si diceretur eum omnino pingere non potuisse, nec vllam pingendi artem ac virtutem habuisse.

Quod totum contrà est ac illi existimant. Ex certissimo enim & peruulgatissimo axioma, bonum ex integrâ causâ, malum ex minimo defectu : posse autem ad bonum pertinet, non posse ad malum, nisi cum *κατασκευασθῇ* usurpatur ; ut cum Deus dicitur non posse mori, non posse seipsum negare ; quod non impotentiz est, sed potestatis. Quare propriè loquendo, longè  
plura



plura requirit *posse* quàm non *posse*. Et si enim cùm ad solam agendi virtutem attenditur, rectè dicatur agere *posse* qui eà pollet; ferè tamen in animò sic loquentis tacita inest hæc conditio, si cætera omnia ad agendum necessaria adsint. Bonum enim, quale est *posse*, ex integrâ causâ; at vero ad *non posse*, quilibet rei necessariè ad agendum defectus sufficit; malum enim, quale est *non posse*, ex minimo defectu.

Quamobrem ut iustus dicatur *posse* obseruare mandata, prout vulgò homines vocem illam *posse* usurpant; requiritur non solum ut habeat internam potentiam, sed ut præterea rectè supponantur affore aliæ conditiones ad agendum necessariae; at verò ut negetur *posse*, satis est si desit aliqua conditio ad agendum necessaria, qualis est ex omnium Thomistarum consensu gratia efficax.

Non nego tamen quin bono sensu dici possit, iustum sine gratiâ efficaci bene agere *posse* propter ipsam internam potentiam, & ut loquitur S. Thomas, *quantum ad sufficientiam operatiue virtutis*; sed illud solum contendendo, significationem illam verbi istius *posse* cùm usurpatur pro solâ potentia, etiam si desit aliqua conditio ad agendum necessaria, esse minùs vulgarem & tritam. At verò cum sumitur pro complexione omnium tum causarum tum conditionum quæ ad agendum requiruntur, esse & magis propriam, & in vfu ita frequentem, ut numquam ferè aliter homines loquantur. Viderunt hoc illi Thomistæ, qui eam ob catholicam hanc propositionem, *Potest homo bene agere sine gratia efficaci*, falsam esse pronuntiarunt. *Non enim*, (inquit Nuarezeta iam à nobis citatus Contr. 19. in 1. part. qu. 19.) *hæc due propositiones eundem sensum efficiunt; scilicet: Homo cum auxilio sufficienti, præscindendo ab efficaci, potest conuertere ad Deum: Et hæc: Homo sine auxilio efficaci, cum solo sufficienti, potest conuertere à Deum.* Prior vera est ex illo autore; quia præcinditur tantum à gratia efficaci, non autem illa negatur. Posterior falsa, quia denotat quod operatio potest sequi de factis sine auxilio efficaci; QVOD TAMEN FALSVM EST. Nonne id ipsum est, quod hoc toto articulo probauimus, multum differre, an absolutè & simpliciter de iusto quæretur, *utrum possit tentationes vincere*; an verò quæretur, *utrum id possit sine gratia efficaci*: Ad priorem enim quætionem meritò responderi *eum id posse* per gratiam in iustificatione acceptam; à quâ præcinditur tantum in illâ propositione non excluditur gratia efficax. Ad posteriorem verò, in quâ illa diserte abesse dicitur, longè rationi congruentius loqui, qui *non posse* responderit.

Sed quoniam à vulgari sermone non numquam Ecclesiastica loquendi ratio discrepat, operæpretium erit hîc ostendere notiones illas verbotum quas attulimus, antiquorum Patrum menti planè consentaneas esse.

## ARTICVLVS V.

*Idem probatur ex praeclaro Sancti Anselmi loco.*

**N**ON hîc consilium est ea congerere quæ iam attulimus in prima parte, vt illud probaremus, sine gratiâ efficaci nihil fieri posse; sed aliquot tantum Patrum locis ostendere, communem apud ipsos esse vocis *posse* notionem, vt quamuis aliunde potestas agendi non desit, dicatur tamen *non posse*, cui deest aliquid ad agendum necessarium.

Insignis ea de re locus S. Anselmi in Dial. de lib. arb. c. x. in quo luculenter ostendit primum quidem posse nos habere agendi potestatem, etiamsi ea desint sine quibus ad actum potestas illa minimè perducitur. 2. si illa desint, nos agere *non posse*, quamuis alioqui non desit agendi potestas. Nullam, inquit, potestatem habemus, vt puto, que sola sibi sufficiat ad actum; & tamen cum ea desunt sine quibus ad actum minimè perducuntur nostre potestates, non minùs *tas* quantum in nobis est, habere dicimur: sicut nullum instrumentum solum sufficit ad operandum; & tamen cum desunt illa, sine quibus instrumento uti nequimus, instrumentum nos cuiuslibet operis habere sine difficultate fatemur. Quod vt in multis aduertis, in vno tibi monstrabo. Nullus visum habens dicitur nullatenus videre posse montem: cui discipulus respondet: Qui montem videre non potest, profectò nullum habet visum.

En quod superiori articulo diximus, cum de eo qui cæcus non est, absolute quæritur utrum videre possit, sine dubio responderi debere, videre eum posse. Dispicendum vero, utrum idem responderi debeat, cum aliquid abesse supponitur eorum quæ ad videndum necessaria sunt. Sic igitur pergit Anselmus: Habet ergo potestatem & instrumentum videndi montem qui visum habet, & tamen si mons abest, & dicitur ei, vide montem, respondebis tibi, *NON POSSVM* quia abest; si adesset possem videre. Item si mons adesset & lux abesset; responderes se montem *NON POSSE* videre, quia non posset absente luce; sed si lux adesset, tunc posset. Rursum si visum habenti lux & mons presens esset, & aliquid visui obstaret, velut si aliquis illi oculis clauderet, diceret se *NON POSSE* videre montem; sed si nihil visui eius obstaret, tunc sine dubio montem videndi potestatem haberet, plenam scilicet & expeditam. Antè enim dixerat, etiam si illa deessent sine quibus non agitur, nos tamen habere agendi potestatem.

Sed quod attinet ad vocem *posse*, de quâ solâ hîc quæstio est, ubicumque deesse supponitur aliquid ad videndum necessarium, semper affirmat S. Anselmus videre non posse etiam qui perspicacissimos oculos & internam videndi facultatem omnino integram habet. Quid autem ad hæc discipulus? Hoc totum, inquit, omnibus notum est. Vt mira planè videri possit nostrorum temporum malè feriata subtilitas, quæ in iis locutionibus hæreses, blasphemias, impietates quærit, quas qui neget, ex Patrum mente communi omnium sensui bellum indicat necesse est, vel contentionis studio ed abripiatur, vt ignorare seingat quod omnibus notum est.

## ARTICVLVS VI.

*Facilius dici non posse videre qui lumine carere supponitur, quam posse, probatur ex variis locis Patrum: Iustum autem sine gratiâ efficaci sicut oculus sine luce, ex omnibus Thomistis.*

**H**oc loco Anselmi admonemur, ut argumentum illud ex lumine desumptum paulò vberius prosequamur. Eò enim validius est quod omnes Thomistæ fatentur, gratiam efficacem non minùs necessariam esse ad bonam voluntatem eliciendam, quàm lumen ad visionem exercendam; eamque potestatem quæ gratiam efficacem antecedit, à gratiâ sufficiente perfectam talem esse, qualis est potestas visiva lumine destituta. Unde quemadmodum apud ipsos gratia sufficiens est verè sufficiens, verbi gratia ad credendum, licet requiratur ad credendum actu auxilium efficax: sic visiva facultas est principium sufficiens ad videndum, licet lumine indigeat ad actu videndum: sicut gratia sufficiens dat posse bene agere, ita facultas visiva dat posse videre. *Potentia visiva*, inquit Aluarez disp. 79. n. 3. *est sufficiens principium ad videndum, etiamsi actualis visio numquam fiat nisi accedente lumine, & causâ uniuersali eam mouente. Ergo similiter auxilium sufficiens ad credendum est verè sufficiens in suo genere, quamuis ultra illud sit simpliciter necessarium auxilium efficax quo Deus efficit ut homo credat.* Et n. 2. in loco iam suprà citato vidimus Aluazem ex primariorum Thomistarum sententiâ docentem, eodem tantùm modo bene agere nos posse per gratiam sufficientem sine efficaci, quo modo possumus videre per visuam potentiam sine lumine.

Vt ergo illud exploretur, utrùm Patrum sermoni congruentius loquantur, qui aiunt *hominem sine gratiâ efficaci posse bene agere*, an qui dicunt, *non posse*, videndum est quo pacto loquantur Patres de oculo sano, sed lumine destituto. Nam si crebrius dicant *eum posse videre sine lumine*, quàm *non posse*, consequens erit rectius dici, *iustum sine gratiâ efficaci bene agere posse*, quàm *non posse*; sin autem contrà, contrarium certè colligendum erit.

Iam verò libenter quæsierim, non à Thomistis; nam illi quidem parum hæc de re sensum suum aperuerunt, sed à quibusdā Theologis quibus hæc loquendi ratio, *sine gratiâ efficaci aliquid fieri potest*, (quam Nauaretta falsam esse contendit) sic propria & vñtata videtur, vbi nam apud sanctos Patres legerint, *oculum sanum sine lumine videre posse*, quod perfectò in illorum scriptis non memini me reperire. Contrà verò sæpissime in illis legi, oculum quantumvis sanum sine lumine videre non posse: non repetam quæm ex Anselmo iam retuli locum, vbi disertè ait absente luce montem videre non posse qui videndi facultate præditus est; aliquot hæc adjungam tantùm ex Augustino loca, plura prolaturus si opus sit.

Augustinus igitur lib. 2. de pecc. meritis & rem. c. 5. sic loquitur. *Sicut enim corporis oculus non adiuuatur à luce, ut ab eadem luce clausus auersusque discedat; ut autem videat, adiuuatur ab eâ; NEQUE HOC OMNINO NISI illa adiuueris POTEST: ita Denique qui lux est hominis interioris, adiuuat nostrum*

*mentis obtutum, ut non secundum nostram, sed secundum eius iustitiam boni aliquid operemur. Et de nat. & gr. c. 26. Sicut oculus corporis etiam plenissime sanus, nisi candore lucis adjutus, non potest cernere: sic homo etiam perfectissime iustificatus, nisi aternâ luce iustitiæ diuinius adiungetur, rectè NON POTEST viuere. Et ep. 106. Sicut sanos oculos firmos dicimus ad videndum, quod tamen NULLO MODO FACERE POSSUNT, si desit lucis auxilium. Denique l. de gestis Pelagij c. 3. SUFFICIT sibi oculus AD NON VIDENDUM, hoc est ad tenebras; ad videndum vero lumine suo non sibi sufficit, nisi illi extrinsecus adiutorium clari luminis praebeatur.*

Idem habes in epistola Synodali Conc. Sardinienſis loco iam à nobis citato. Sic namque est, inquit, liberum hominis arbitrium absque dono gratiae, sicut est oculus sine luce: sicut ergo corporis oculus semper indiget lumen accipere, ut ipsum POSSIT aspiciere; sic & libero arbitrio hominis nulla potest gratia suffragari cognitiâ, nisi detur ipsius gratiae spiritalis infusio. Plurâ referre nihil necesse est. Facile enim, credo, impetrabimus ab illis Theologis, ut si nullum proferre locum potuerint ubi sine luce videri posse Patres affirmant, multa nos afferamus quibus id negent, liceat nobis eandem, quam vtiq; profitemur de gratiae efficacia necessitate sententiam, sic efferre quemadmodum Patres extulerunt. Sed obiter hic lectores moniros volo, ut vix ullam similitudinem inuenire est vndequeque perfectam: sic in illâ lucis comparatione licet aptissimâ, & ab Augustino saepe usurpatâ, nonnullam tamen diuersitatem inesse. Exprimit illa quidem necessitatem gratiae efficaciae. Nec enim minus necessaria est illa gratia ad bene agendum vel orandum, quàm lumen ad videndum. Sed in eo discrepat, quod qui lumine caret, videre non potest, etiamsi velit. At verò qui caret gratiâ efficaci, bene ageret & oraret vtiq; si veller. Totum enim illud bene agere & orare, in ipsâ voluntate situm est: & ideo fit cùm volumus. Quamobrem semper est hoc sensu in potestate voluntatis, nec vnquam impossibile esse potest, ut plene velimus bene agere, nec tamen bene agamus, si de interioribus virtutum actibus sermo sit. Verùm quia aliunde non fit ut quis velit aut bene agere, aut orare, quàm per gratiam efficacem, rectè à Patribus & scholasticis dictum est: Ut nemo potest sine luce videre; ita sine gratia efficaci, nihil bene fieri posse.

## ARTICVLVS VII.

*Idem ostenditur ex adiutoriorum diuisione ab Augustino tradita libro de gestis Pelagij.*

**P**Vdet me profectò in his probandis diutius immorari. Non dubito enim quin si honestis & intelligentibus seculi hominibus innoscesceret, illam, quæ inter Theologos tantâ animorum contentione agitur, controuersiam, eò denique redigi, vtrùm verè dici queat aliquem sine luce videre non posse; non dubito, inquam, quin tota res mecum illis ludibrium videretur, & quin stultos arbitrentur qui id negarent, ridiculos qui probare laborarent. Parendum tamen miserrimæ necessitati; & ne certissima fidei dogmata impietatis & hæreseos arguantur, illud operose probandum

probandum, de quo post homines natos ante istas contentiones, nemo unquam sanæ mentis dubitauerat.

Ergo inuictum huius rei argumentum peti potest ex distinctione duplicis adjutorij apud S. Aug.). de gest. Pel. c. i. Cum, inquit, videamus exempli gratiâ & sine tribulis aræas triturrari, quamuis adjuuent si adsint; & sine pedagogis posse pueros pergere in scholam, quamuis ad hoc non sint inutilia pedagogorum adiumenta; & multos sine medicis ab agitudine conualescere, quamuis manifesta sint adiutoria medicorum; & alia multa quæ nobis tacentibus cogitanti facile occurrunt, profecto admonemur adiutoriorum genera esse duo. Alia quippe sunt sine quibus illud ad quod adiuuant effici non potest, sicut sine navi nauigat nemo, nemo sine voce loquitur, nemo sine pedibus graditur, nemo sine luce intuetur. Vnde est etiam illud, quod nemo sine Dei gratiâ rectè uiuit. Alia uero sunt adiutoria quibus sic adiuuamur, ut etiam si desint, possit alio modo fieri propter quod ea requirimus: sicut sunt illa quæ commemorari, tribula ad fruges terendas, pedagogus ad puerum ducendum, medicamentum humanâ arte confectum ad recipiendam salutem, & cetera talia.

Multa ex hoc loco elici possunt. Primum, adiutoria adæquatè diuidi in hæc duo genera, id est vel eiusmodi esse ut sine illis illud ad quod adiuuant effici non possit; vel huiusmodi ut etiam si desint possit alio modo fieri propter quod ea requirimus. Illam uero diuisionem esse adæquatam ex eo satis intelligitur, quod Augustinus statim subiungit: *Querendum igitur ex quo duorum istorum generum sit legis scientia, id est quomodo adiuuet ad non peccandum.* Quod omninò ineptè quæreret, si præter illa duo esset etiam tertium genus ad quod referri posset.

2. Efficitur, adiutoria, sine quibus non fit, ut nauis sine quâ nemo nauigat, lucis sine quâ nemo uidet, gratiæ sine quâ nemo rectè uiuit, ad prius illud genus adjutorij, sine quo illud ad quod adiuuat effici non potest, pertinere; ac proinde & lucem sine quâ nemo uidet, & gratiam sine quâ nemo rectè uiuit, esse adiutoria sine quibus non potest res fieri.

3. Colligitur, secundum illud genus adjutorij sine quo res esse potest, ea tantum completi sine quibus res aliquando est, ut patet ex omnibus exemplis tribularum, sine quibus, inquit Augustinus, uidemus aræas triturrari; medicorum, sine quibus multi conualescunt, &c. adedque ad illud adjutorij genus gratiam efficacem referri non posse, sine quâ fatentibus omnibus Thomistis nemo rectè uiuit.

Ex quo generatim concluditur, eo ipso quod adiutorium tale est, ut sine eo res numquam fit, ad illud adjutorij genus pertinere, sine quo illud ad quod adiuuat effici non potest: & proinde rectissimè dici, sine eo rem fieri non posse. Quare cum ex omnium Thomistarum sententiâ sine gratiâ efficaci nemo rectè uiuat, quemadmodum nemo sine luce intuetur, sequitur & lucem & gratiam efficacem esse adiutoria, sine quibus res esse non potest, & proinde rectè dici, sine gratiâ efficaci nihil fieri posse; sicut rectè dicitur, sine luce uideri non posse.

## ARTICVLVS VIII.

*Explicatur alia adjutoriorum diuifio ab eodem Auguftino tradita, & ostenditur omne adjutorium fine quo aliquid non fit, effe adjutorium fine quo non potest fieri.*

**I**dem ostendi & illustrari potest ex aliâ adjutoriorum diuifione ab Auguftino traditâ lib. de corr. & gr. c. 12. *Ipsa adjutoria, inquit, distinguenda funt. Aliud est adjutorium fine quo aliquid non fit, & aliud adjutorium quo aliquid fit. Nam fine alimentis non possumus viuere, nec tamen cum affuerint alimenta, eis fit ut uiuat qui mori uoluerit. Ergo adjutorium alimentorum est fine quo non fit, non quo fit, ut uiuamus. At uero beatitudo quam non habet homo, cum data fuerit, continuo fit: beatus. Adjutorium est enim non solum fine quo non fit, uerum etiam quo fit propter quod datur. Quapropter hoc adjutorium, & quo fit, est & sine quo non fit.*

Ad hanc diuisionem rectè intelligendam quædam notanda sunt. Ac primum illam non esse eiusdem generis diuisionem, atque eam quam superiori articulo attulimus ex libro de gestis Pelagij, sed esse potius speciei partitionem, quàm generis. Communiter enim adjutorium diuiditur in adjutorium fine quo res fieri non potest, & fine quo fieri potest. Prior autem illa species rursus diuiditur in has duas species adjutoriorum, nimirum illius fine quo non fit, & illius quo fit.

Notandum 1. adjutorium quo fit, retinere semper naturam sui generis, & esse etiam adjutorium sine quo non fit. Discretè enim Augustinus de beatitudine quam in exemplum adducit adjutorij quo: *Adjutorium est, inquit, non solum fine quo non fit; sed etiam quo fit propter quod datur. Quapropter hoc adjutorium, & quo fit, est & sine quo non fit.* Quamobrem ut non includatur adjutorium, sine quo non fit, in adjutorio quo fit, addenda est negatio oppositæ speciei hoc modo, adjutorium sine quo non fit, non quo fit. Et sic cum illa species simpliciter dicitur adjutorium sine quo non fit, id ex illâ Logicæ regulâ intelligi debet, quæ monet speciem ignobiliorum nonnumquam sumere nomen generis; ut cum gratia gratis data opponitur gratiæ gratum facienti, licet utraq; gratis detur. Sed prior species, inquit S. Thomas in 1. 2. qu. 111. a. 1. *retinet sibi nomen commune, sicut in pluribus aliis contingit. Et sic opponuntur due partes diuisionis, sicut gratum faciens, & non faciens gratum.*



*Sed omnis illa adjutoriorum distinctio plaruius subjectâ  
tabellâ demonstrabitur.*

Adjutorium  
in genere  
duplex, ex  
Aug. de gest.  
Pel. c. i.

{ Quo sic adiutamur vt etiam si desit possit alio modo fieri propter quod id requirimus, vt panis ad viuendum, medicamentum humanâ arte confectum ad recipiendam sanitatem; equus ad iter faciendum &c. Hoc adjutorium vocatur à S. Thomâ secundum quid necessarium, seu vrile.

{ Sine quo illud ad quod adiuuat effici non potest. Quod rursum duplex ex eodem Augustino de Corr. & gr. c. 12. Hoc adjutorium vocatur à S. Thomâ simpliciter necessarium,

{ Sine quo non fit, non quo fit. Vt alimenta sine quibus non possumus viuere, quibus tamen non fit vt viuatur qui mori voluerit.

{ Sine quo non fit, & quo fit, vt donum perseverantiae, sine quo, vt inquit Augustinus, nunc sancti perseverantes esse non possunt, & per quod non nisi perseverantes sunt.

Dubitari verò non potest quin illæ duæ adjutoriorum species quas distinguit Augustinus lib. de corr. & gr. pertineant ad prius membrum diuisionis, quam Augustinus tradit libro de gestis Pelagij, hoc est ad illud adjutorij genus, *sine quo illud ad quod adiuuat effici non potest*. Vtrumque enim adjutorij genus, & sine quo non fit, & quo fit, sic explicat, vt sine utroque fieri non posse significet illud ad quod adiuuant. In adjutorij *sine quo non fit* exemplum offert alimenta. Quid verò de alimentis? *Nam sine alimentis*, inquit, *non possumus viuere*: in exemplum verò adjutorij quo fit, donum perseverantiae. Quid autem de illo? *Non solum*, inquit, *sine isto dono sancti perseverantes esse non possunt, verum etiam per hoc donum non nisi perseverantes sunt*.

Atque hinc ni fallor perspicitur ex Augustini mente, quoriscumque sine aliquo adjutorio res non fit, toties rectè dici *sine illo rem fieri non posse*. Cuius rei non alia ratio est, quàm quia vox *posse* usurpatur vulgò & terè semper pro complexu omnium tum causarum tum conditionum quæ ad conservationem rei requiruntur, & sine quibus non fit. Vnde si aliquod adjutorium, sine quo res non fit, defuerit, non solum dicitur non fieri sine illo, sed etiam *fieri non posse*. Hinc est quòd Augustinus sine discrimine usurpat eas locutiones: Nemo sine luce intuetur; nemo sine luce intueri potest; nemo sine gratia Dei rectè viuat; nemo sine gratiâ Dei rectè viuere potest: & sæpe in eadem periodo alteram alterius loco summutat. Quin

& eumdem Scripturæ locum nunc isto, nunc illo modo profert, vt quod Christus ait Ioan. 6. *Nemo potest venire ad me, nisi Pater qui misit me traxerit eum*, aliquando sic effert prout habetur in Euangelio; aliquando istis verbis, *nemo venit ad me*.

Et quoniam his temporibus bene multi grauissimas fidei quæstiones philosophicis tricis expendi volunt; admonendi sunt qui negant rectè dici, *sine gratiâ efficaci nihil boni fieri posse*, cùm rectè dici fateantur, numquam contingere vt sine eâ quidquam boni fiat; vt meminerint has quatuor propositiones, quas vulgò *modales* appellant, apud Logicos æquiualescentes esse: Non contingit hominem sine luce videre: Non est possibile hominem sine luce videre: impossibile est hominem sine luce videre: Necesse est hominem sine luce non videre; ad quarum exemplum illæ quatuor formari possunt: Non contingit iustum sine gratiâ efficaci tentationem superare: Non est possibile iustum sine gratiâ efficaci tentationem superare: Impossibile est iustum sine gratiâ efficaci tentationem superare: Necesse est iustum sine gratiâ efficaci tentationem non superare. Quam vltimam propositionem omnium durissimam disertè Innocentius I. expressit epistolâ ad Conc. Carth. *Necesse est, inquit, vt quo auxiliante vincimus, eo iterum non adiunante vincamur*. Quibus tamen locutionibus non negatur virtus in causâ; sed illud tantum significatur, gratiam efficacem esse principium necessariū prærequisitum ad omnem bonam voluntatem, & opus bonum; ita vt sine illâ hominem bene velle & bene agere repugnet.

---

## ARTICVLVS IX.

*Affertur necessarij definitio ex S. Thomâ, & demonstratur ex illâ, sine gratiâ efficaci nihil fieri posse; quam demonstrationem non conuelli responsione clarissimi Theologi quamuis subtilissimâ declaratur.*

**E**andem adiutoriorum diuisionem, quam vt supra vidimus, affert Augustinus lib. de gestis Pelagij in illud, *sine quo id ad quod adiunat fieri non potest*; & illud, *sine quo fieri potest*, variis etiam locis attulit S. Thomas, sed aliis verbis expressam. Quod enim Augustinus appellat adiutorium *sine quo res fieri non potest*, illud S. Thomas *necessarium simpliciter* nominat; quod verò Augustinus adiutorium *sine quo fieri potest id ad quod adiunat*, id S. Thomas *necessarium non simpliciter, sed tantum secundum quid*. Dicendum, inquit 3. p. q. 65. a. 4. quod *necessarium respectu finis de quo nunc loquimur, dicitur aliquid dupliciter: vno modo, sine quo non potest haberi finis, vel vt antè dixerat q. 1. a. 2. Sine quo aliquid esse non potest, sicut cibus est necessarius vitæ humanæ; & hoc est simpliciter necessarium ad finem. Alio modo dicitur necessarium id, sine quo non habetur finis ita conuenienter, sicut equus est necessarius ad iter: hoc autem non est simpliciter necessarium ad finem; quia, vt inquit 1. parte q. 15. a. 3. sine equo possumus ire. Vnde eiusmodi adiutoria quæ non sunt simpliciter necessaria, inter ea reponit sine quibus finis esse non potest.*

Cùm

Cum ergo necessarium simpliciter ubique à Sancto Thoma definiatur, *id sine quo aliquid esse non potest*, vel *finis haberi non potest*; manifestum est vocem *posse*, non sumi apud illum pro solâ virtute internâ, sed eo quo diximus sensu, nimirum pro complexione omnium causarum & conditionum quæ ad confectionem rei requiruntur: alioquin & vitiosa esset definitio, quia non omnia quæ necessaria sunt ad finem, comprehenderet, cum pleraque ad virtutem agendi non pertineant: & alienissima essent exempla, cum cibi ad viuendi potentiam internam non pertineant, & tamen in exemplum afferantur à Sancto Thomâ eorum quæ sunt necessaria simpliciter, & sine quibus res esse non potest. Hinc colligitur nullam Geometriæ demonstrationem illâ vel clariorem vel certiore esse, quæ ex hac necessarij definitione conficitur, quam nullus Thomista negauerit, utpote toties à Sancto Thomâ traditam, & omnium hominum mentibus à naturâ inditam.

*Sine eo quod necessarium est res esse non potest, ex definitione necessarij. Sed gratia efficax est necessaria ad omnem voluntatem bonam, ad omne opus pium, ad omnem tentationem superandam, ex omnium Thomistarum, imò totius Traditionis consensu. Ergo sine gratiâ efficaci non potest esse bona voluntas, non potest esse opus pium, non potest tentatio superari.*

Patiatur credo, imò boni consulet vir clarissimus, cuius gratiâ hæc nobis dissertatio suscipitur, ut breuiter ostendam hætenus mentem meam ipsi minus innotuisse. Renuntiatum est enim mihi demonstrationem propositionis meæ geometricâ methodo compositam sic illum accepisse, quali hic esset argumentationis contextus: *Gratia efficax necessaria est ex parte principij ad faciendum opus: sed necessarium ex parte principij pertinet ad posse: ergo gratia efficax pertinet ad posse.* Quod argumentum ita ille enucleatè distinguit.

*Distinctio maioris. Gratia efficax est necessaria ad hoc ut adsit potentia, nego; ad hoc ut adsit voluntas, concedo. Distinctio minoris: Necessarium ex parte principij pertinet ad posse, si sit necessarium ut adsit potentia, concedo; si ut adsit voluntas, nego: ergo gratia efficax pertinet ad posse. Negatur consequentia.*

Si sic argumentum in illâ demonstratione contextum esset, nihil certe subtilius responderi potuit; sed illius planè alia mens, alius scopus. Non enim probandum id suscipit, gratiam efficacem ad posse pertinere, sed illud tantum rectè dici, *sine gratiâ efficaci nihil nos boni velle posse.* Ad hoc autem planè sufficit gratiam efficacem esse necessariam *ut adsit voluntas*, quod Theologus ille concedit, etiamsi necessaria non sit *ut adsit potentia*. Hinc enim istud argumentum confici potest, quod viri doctissimi responsione nullatenus infirmatur. Id necessarium est ad aliquid ex S. Thomâ, sine quo illud esse non potest: Sed gratia efficax necessaria est *ad volentiam*, ut faceretur ipse: ergo sine gratiâ efficaci *volentia* esse non potest.

## ARTICVLVS X.

*Colliguntur in summam qua hac secunda parte confecta sunt, & supposita gratia efficacis necessitate reliquas de propositione meâ contentiones planè absurdas & ridiculas esse ostenditur.*

**V**T ergo hîc illa omnia, quæ totâ hâc secundâ parte confecimus, in summam collecta repræsentem, vidimus primò omnes gratiæ efficacis assertores in eo conuenire, quòd gratiam efficacem ad omnem bonæ voluntatis motum necessariam statuunt, & repugnare fateantur vt quis à Deo motus non sit, & tamen bene velit aut bene agat.

Vidimus secundò eos ipsos Thomistas qui gratiam aliam ab efficaci dare *posse* contendunt; efficacem verò dare tantum velle & agere; fateri tamen esse aliquam vocis *posse* significationem, secundum quam ante auxilium efficax non habeatur *posse*, cum scilicet sumitur vox illa pro complexione eorum omnium, quæ ad reipsâ agendum requiruntur, & præter quæ nullum aliud adiutorium ad agendum necessarium est.

Vidimus tertio secundum postremam illam significationem vocis *posse* rectissimè dici, *sine gratiâ efficaci nihil nos posse*; quia cum gratia efficax sit necessaria ad rectè agendum, manifestum est sine illâ non haberi illud *posse* quod complectitur omnia ad agendum necessaria.

Vidimus quartò hanc propositionem, *sine gratiâ efficaci nihil fieri potest*, nullatenus aduersari Thomistarum sententiæ, qui aiunt *per aliam gratiam quàm efficacem bonum fieri posse*; quia vox *posse* sumitur in priore pro complexione omnium necessariorum ad agendum; in posteriore verò pro solâ virtute internâ. At nihil repugnat vt aliquis habeat virtutem agendi, eâque ratione dicatur *posse agere*, vt cum visu præditus dicitur *posse videre*; & tamen non habeat omnia ad agendum necessaria, eâque ratione dicatur *non posse agere*, vt cum quis visu præditus, sed in tenebris constitutus dicitur non *posse* videre.

Vidimus quintò rationi & communi omnium sermoni longè congruentius esse, vt cui deest aliquid ad agendum necessarium, quàmuis aliàs habeat agendi potentiam, dicatur *non posse agere*, propter defectum illius rei necessariæ, quam vt dicatur *posse* propter solam agendi potentiam.

Vidimus sextò idipsum Patrum sermone longè magis frequentatum; cuius rei etsi alia nulla argumenta protulissem, id vnum tamen satis esse potuisset, quod illâ locutione, *sine gratiâ quâ facit Deus vt velimus, quâ præparatur voluntas à Domino*, & per quam Deus operatur in nobis vellet, hoc est *sine gratiâ efficaci*, bonum fieri non *posse* sexcenties vtantur antiqui Patres: gratissimum verò mihi fecerit, qui mihi in illorum scriptis

ostenderit hanc locutionem, quam tamen falsi non arguo, imò eo quo diximus sensu veram esse concedo, sine gratiâ quæ dat velle & operari, bene velle aut bene agere possumus. Fateor quidem sæpe à Patribus dici, posse iustos, imò & omnes homines mandata seruare si velint; de quorum verborum sensu alibi agemus: Sed illud in eorum scriptis non reperi, posse homines vel etiam iustos mandata seruare, etiam si non præparetur voluntas à Domino, etiam si Deus non faciat vt in præceptis suis ambulent.

Vidimus septimò ex sancto Augustino, idem planè esse adiutorium sine quo aliquid non fit, & sine quo id ad quod adiuuat effici non potest; & ex S. Thomâ, idem esse quod necessarium est ad aliquid, & sine quo aliquid esse non potest.

Ex quibus omnibus manifestò sequitur, qui vnus nostræ disputationis scopus est, ad illius propositionis, *sine gratiâ efficaci nihil boni possumus*, veritatem tuendam, superfluum esse curiosè vestigare, vtrum gratia efficax det posse Thomistico sensu, an solùm velle & agere; actum primum, an secundum: an supponat potentiam completam, an tantùm incompletam. Quidquid enim de his quæstionibus Theologi sentiant, hoc ipso quo gratia efficax necessaria statuitur ad velle & ad agere, sequitur rectè dici, voluntatem illam & actionem ad quas necessaria statuitur, sine eâ esse non posse: quibus tamen verbis non illud *posse* negatur, quod vulgò Thomistæ intelligere solent, ad solam internam agendi potentiam pertinens, sed illud tantùm quod cæteri vulgò homines intelligunt, quod complectitur omnia ad volendum & ad agendum necessaria.


Quare si vel vulgarem omnium passim hominum, vel Ecclesiasticum & à Patribus vsurpatum loquendi modum attendas, non diuersam, sed eandem planè notionem in omnium mentibus habere comperies tres illas propositiones: *Iustis aliquando deest gratia efficax necessaria ad vincendam tentationem*: *Iustis aliquando deest gratia, sine quâ tentatio nunquam vincitur*: *Iustis aliquando deest gratia, sine quâ vinci non potest tentatio*; adedque qui duas ex illis catholicas fateantur, tertiam hæreticam pronuncient, non minus absurdè se gerant, quàm si eandem sententiam Gallicè & latinè catholicam, græcè hæreticam dicerent. Illarum enim in auribus nostris diuersus sonus, in animis eadem penitus notio, idem sensus, qui certè simul & hæreticus & catholicus esse non potest.

Denique illud ex omnibus istis extat & eminet ingens illud crimen in quod omnes Ecclesiæ sæculique potestates armare student Molinistæ, in quod in concionibus suis vbique debacchantur, propter quod extruduntur ex familiis suis viri de Ecclesia bene meriti, ad quod cauendum verè in Ecclesiam hæreses inuaduntur, antiqua gratiæ efficacis fides destruitur, tota Patrum doctrina repudiatur, hæreticorum ludibrio catholica Ecclesia obijcitur; propter quod omnis seuerioris vitæ institutio, antiquitatis amor, seculi fuga, secessus consecratio, pœnitentiæ studium, eleemosynarum largitio, in hæreseos suspicionem vocantur; illud, inquam, crimen tam detestandum, illam hæresim, illam blasphemiam, illam impietatem, illam labem, illam pestem diris omnibus anathematis dignissimam, ad

hoc demum caput referri , quòd nonnulli sunt qui affirmare non verentur bono sensu dici , hominem visu præditum sine lumine videre non posse : quâ contentione tam absurdâ tamque ridiculâ concussam esse Ecclesiæ pacem boni gemunt , hæretici rident , posterì indignabuntur.







# DISSERTATIONIS TERTIA PARS.

*In quâ incidentes quæstiones, & à Propositionis veritate dis-  
junctæ breuiter explicantur.*



## ARTICVLVS PRIMVS.

*Prima quæstio: Vtrum gratia efficax det actum primum, an secundum:  
posse, an tantum velle & agere. Explanatur Quæstio & diuiditur.*

**H**ACTENVS plus aliquantò præstitimus, quàm jure à nobis po-  
tuit postulari. Non enim modò propositionis nostræ veritatem  
totius Traditionis consensione muniuimus; sed præterea, ne quis  
præcipuos Scholæ Doctores infestos nobis esse, falsò licet, sibi tamen  
persuaderet, etiam cum ipsis nullum nobis certamen esse docuimus. Re-  
liquum est vt de ipsis controuerhiis scholasticis quid sentiam, quàm maxi-  
mâ potero & fide & breuitate demonstrrem. Minus necessarium illud qui-  
dem aduersus inimicos, aduersus veritatis amantes Theologos, qui non-  
nullas attigerunt in scriptis ad me missis, officiosum & pium. Vt pla-  
niùs tota res perspiciatur; dubia à non dubiis, certa ab incertis secernen-  
da sunt.

Primum quidem fatentur omnes gratiæ efficacis assertores (nam Moli-  
lianos in hac tota controuerhiâ nihil moror) per gratiam efficacem dari  
nobis & velle & facere. *Certum est*, inquit Aug. de gr. & lib. arb. c. 16. *nos  
velle cum volumus, sed ille facit ut velimus bonum, de quo dictum est: Prepara-  
tur voluntas à Domino; de quo dictum est: A Domino gressus hominis dirigen-  
tur, & viam eius vult: de quo dictum est: Deus est qui operatur in vobis & vel-  
le. Certum est nos facere cum facimus, sed ille facit ut faciamus præbendo vires  
efficacissimas voluntati, qui dixit, Faciam vt in iustificationibus meis ambulatis,  
& iudicia mea obseruetis & faciatis.*

Cum ergo quæritur vtrum gratia efficax det *posse*, an solùm *velle* & *age-  
re*, non ambigitur vtrum det *velle* & *agere*: neque vtrum sic necessaria  
ad vtrumque; hæc enim constant: sed vtrum det aliquod *posse* antecede-  
nter ad ipsum *velle* & *agere*, quod se habeat tamquam actus primus ad  
secundum.

Notandum porò quæstionem illam, vtrum gratia efficax det actum  
primum, siue *posse*, intelligi vel respectu voluntatis ipsius seu volitionis, vel  
respectu ipsius actionis, hoc est bonorum operum, & obseruationis man-  
datorum; quæ duo diuersa esse patebit ex iis quæ dicentur. Priùs igitur di-  
spiciendum, vtrum gratia efficax det *posse* respectu ipsius bonæ volunta-  
tis (seu volitionis) ab ipsâ voluntate distinctum tamquam actum primum  
à secundo.

## ARTICVLVS II.

*Gratiam efficacem quatenus est principium bonæ voluntatis, ab aliis in misericordia Dei & formâ inherente constitui, ab aliis in solâ misericordiâ Dei, quæ interim motum mentis operatur.*

**I**N hac quæstione soluendâ non vnum, vt quidam putant, sed duplicem video esse Theologorum sensum. Quidam gratiam efficacem ad actum primum pertinere sentiunt, & sine eâ non haberi actum primum omnino completum: deesse enim saltem complementum actus primi. In hac sententiâ est Zumel to. 3. ad 1. 2. disp. 4. sect. 1. & multi à Ledesma citati tr. de Aux. q. vnicâ 2. 3. Alij autem, vt Ledesma ipse, gratiam efficacem nullo modo ad actum primum, sed tantum ad actum secundum pertinere volunt; Quæ videtur esse sententiâ clarissimi Theologi, cuius scriptum ad me perlatum est. Harum sententiarum vtrâ sit probabilior, judicari non posse existimo, nisi prius expendatur quâ ratione secundum varias Theologorum opiniones Deus in homine efficaciter bonam voluntatem operetur.

Certum est quidem apud Thomistas diuinæ illius operationis efficaciam ex præscientiâ conditionatâ euentus futuri minimè pendere, vt nuper Molina commentus est, sed ex illius nutu *qui magis habet in potestate suâ voluntates hominum, quàm ipsi sui.*

Certum est præterea voluntatem diuinam ita operari in homine bonum ipsum voluntatis motum, vt tamen ipsa voluntas humana etiam operetur, & quidem liberè; quia vt ait S. Thomas in Opusc. 2. c. 140. *ad efficaciam diuinæ voluntatis pertinet, ut non solum fiat quod Deus vult, sed ut hoc modo fiat quo illud fieri vult;* ac proinde vt infallibiliter & tamen liberè fiat, quod ab homine liberè fieri vult.

Verum in hoc inter se discrepant, quod nonnulli præcipuè ex recentioribus Thomistis, præter voluntatem diuinam, quæ liberam voluntatem ipsâ etiam in iustis habituali gratiâ instructam ad opus applicat, requiri volunt vel qualitatem quamdam transeuntem, vel saltem motionem quamdam virtuosam, quæ sit instrumentum Dei ad producendum in libero arbitrio primum voluntatis motum. Alij autem mediam illam vel qualitatem vel motionem virtuosam omnino repudiant, & ipsam gratiam efficacem, prout est principium bonæ voluntatis, nihil aliud esse volunt, quàm gratuitum Dei fauorem, misericordiam, & ipsam diuinam operationem (illa autem non est aliud reipsâ quàm Deus operans) quæ simul cum libero arbitrio, prius tamen ordine causalitatis quàm liberum arbitrium, bonam voluntatem in nobis producit.

Hanc sententiam præter alios è veteribus scholasticis apertissimè docuit Thomas Bradwardinus, qui speciale illud auxilium quo præter gratiam habitualement iusti indigent, nihil aliud esse vult, quàm *voluntatem Dei semper innitendam.* Inter recentiores verò doctè illam & explicat & confirmat eruditissimus Estius. Et propterea in 2. sent. dist. 26 §. 1. *Gratiam intelligi posse* ait *vel ex parte Dei, vel ex parte nostrâ: ex parte Dei significare gratuitum Dei*

fauorem, misericordiam, liberalitatem, & omnino quamcumque gratuitam & beneficam Dei operationem. Quod postquam multis Scripturæ testimoniis ostendit, adiungit: Loquitur ad hunc modum de gratiâ Augustinus ep. 106. ad Paulinum, & alibi cum dicit gratiam precedere voluntatem hominis, quia nimis prius est Dei voluntas quâ homini bene vult, quâ voluntas hominis accipiens Dei beneficium, iuxta illud psal. Misericordia Dei præueniet me. Consimili sensu dicit libro de grat. & lib. arb. c. 6. Gratiam se interdum subrahre; quia videlicet Deus suam gratuitam operationem interdum subrahitis. Sic in Conc. Araus. c. 3. dicitur gratiam Dei facere ut Deus innocetur a nobis, id est, Deum gratuito in nobis operari hoc bonum, ut eum innocemus. Et alia quàm plurima secundum hanc acceptionem de gratiâ dicuntur. Gratia igitur hoc modo accepta, reipâ non est aliquid à Deo, diuinâque essentiâ diuersum. Est autem hac acceptio gratia frequens etiam apud scholasticos, ut quoties dicunt gratiam Dei hæc aut illa bona in nobis operari. De ea S. Thom. de verit. q. 24. a. 14. dicit: Quamuis communiter loquentes utuntur nomine gratia pro dono habituali inefficacite; generalius tamen gratiam intelligi posse misericordiam Dei, per quam interioris bonum mentis operatur & exteriora ordinat ad hominis salutem, & sic nullum bonum facere posse hominem sine gratiâ Dei. De ead. sic scribit 3. p. q. 86. a. 2. Gratia Dei causat bonitatem in homine grato, eo quod bona voluntas Dei, qua nominè gratia intelligitur, est causa omnis boni creati: Hactenus Estius.

Idem Duacensis Facultatis Cancellarius, cum gratiam habitualement ab habitu charitatis minimè distinguendam esse docuisset; sic eiusdem dist. §. 5. Soluit argumentum ex illo Augustini loco repetitum, Gratia præuenit charitatem. Gratia, inquit, qua secundum Augustinum, præuenit charitatem, non est gratia habitualis, sed ea que secundum eundem præuenit omnia nostra bona opera; id est benenolentia Dei, que non est aliud quàm ipse Deus, quatenus hac omnia nobis gratuito largitur. Hoc igitur modo etiam verè dicere possumus, quod gratia præuenit gratiam, id est benenolentia Dei gratiam nobis inherentem, scilicet ut causa sumus effectum. Et eodem sensu charitas præuenit charitatem; nimirum charitas quâ Deus diligit nos, charitatem quâ nos eum vicissim diligimus.

Denique §. 19. celeberrimam illam Conciliorum sententiam, gratiam ad singulos actus dari, primum quidem non de gratiâ habituali, sed de gratiâ actuali intelligendam esse docet. Deinde verò non de creatâ, sed de increatâ. Respondet, inquit, in hac sententiâ, Gratia ad singulos actus datur, gratiam intelligi increatam, id est diuinam operationem (qua non est aliud reipâ quàm Deus operans) gratuito producentem in nobis effectum salutes. Datur autem hac gratia ad singulos actus, quomodo Scriptura sapienter dicit Spiritum sanctum, qui utique Deus est, dari hominibus ad hæc aut illa opera, dum scilicet ea in illis operantur; & quomodo dictum est: Mitte auxilium de sancto; & Misere Deus misericordiam suam; cum tamen auxilium illud & misericordia, non sine aliud secundum rem quàm Deus ipse. Sensus igitur sententia clarus & facili hic est: Deus gratuito per Christum in nobis operatur singulos actus bonos ad pietatem pertinentes.

Eandem sententiam aliquot ab hinc annis propugnauit in galliâ in ipsâ Iesuitarum scholâ Tiphanius scientiæ mediæ impugnator, & efficacia Dei operationis propugnator acerrimus. Multis ille in lib. de Ordine contendit,

4

Deum efficaciter prædeterminare voluntatem; sed sine ullâ opẽ ullius forme inharrentis, vel qualitatis realis siue physica, siue intentionalis ipsi voluntati à Deo impressæ; idque sensisse S. Thomam ultimo capite eius libri probat. Harum sententiarum vtra sit verior, nihil hîc definitio: duo tantum dico; primum quidem illam quæ qualitates vel motiones virtuosas reicit, Molinistis displicere non posse, cum ipsi vulgò sentiant gratiam actualem non esse qualitatem fluentem (Lescotij Carnotensis Episcopi verba sunt tr. de gr. qu. 2. art. 9.) sed ipsasmet mentis nostræ actiones, prout à Deo pendentes: deinde qui ex duabus illis sententiis hanc vel illam amplectuntur, si consequenter philosophari velint, non idem de propositâ quæstione, vtrum gratia efficax pertineat ad actum primum vel secundum, sentire debere, vt distinctis articulis explicabimus.

### ARTICVLVS III.

*Qui gratiam efficacem formam inharrentem esse volunt quæ sit principium bonæ voluntatis, consequenter dicere debere, gratiâ efficaci non dari tantum actum secundum, sed etiam primum; siue, quod idem est, complementum actus primi.*

Non hîc attendo quid quisque dicat, sed quid cuique dicendum sit, si constanter loqui & sentire voluerit. Non sum enim nescius inter illos Theologos qui gratiam efficacem esse formam inharrentem volunt, siue qualitatem illam appellent, siue motionem virtuosam, non vnum esse de propositâ quæstione iudicium. Verum hâc in parte immeritò dissentire videntur, etsi verbis potius quàm re dissentiant. Hoc ipso enim quo statuunt gratiam efficacem esse formam inharrentem, ab ipso voluntatis motu quem producit distinctam, hoc ipso concedunt illam ad actum primū pertinere. Nullam enim aliam actus primi notionem habemus, quā vt sit forma aliqua inharrens quæ sit principium actus secundi. Ex quo patet eos qui gratiam efficacem in forma inharrente vel motione virtuosa constituunt, quæ sit principium actuum voluntatis, & tamen ipsam ad actum primum pertinere negant, idem reuerā & affirmare & negare; quia esse actum primum nihil aliud esse videtur quàm esse principium actus secundi. Aut certe si sibi non repugnant, aliam notionem habere actus primi ab obuiâ & vulgari longè diuersam: quā explicata patebit eos aliter quàm cæteros loqui, non aliter sentire.

Itaque omnes illi Thomistæ cum Zumel dicere deberent gratiam efficacem ad actum primum pertinere, & sine eâ non haberi actum primum completum & adæquatum. Quod idem aliis verbis agnoscunt Aluarez & Nauarreta, dum ajunt sine gratiâ efficaci haberi quidem actum primum, non autem complementum; quod idem est ac si dicerent, sine illâ actum primum non esse completum. Vnde idem Aluarez de Auxiliis Disp. 18. sæpius agnoscit, causas omnes tam naturales quàm libera per efficacem Dei motionem in sua operatiua virtute compleri.

# ARTICVLVS IV.

*Gratiam efficacem non pertinere ad actum primum, sed ad secundum, in eorum sententiâ, qui illam quatenus est principium bonæ voluntatis, in misericordiâ Dei, non in formâ inharrente constituunt.*

**A**T verò qui supra explicatam Braduardini, Estij, Tiphani, aliorumque multorum sententiam sequuntur, à quâ me non alienum esse fateor; & qui cum eodem Estio in lib. 2. sent. dist. 28. §. 1. gratiam efficacem constituunt in gratiâ & benignâ Dei operatione, quâ propriè in libero hominis arbitrio operatur ipsi conversionem, seu alium quemcumque actum vere pietatis, scilicet ipsum voluntatis motum efficienter attingendo, hoc est voluntatem ipsam applicando & determinando ad volendum & eligendum, ita ut fieri non possit quin gratia ista habeat suum effectum; quoniam fieri nequit ut Deus voluntatem determinet, & non ipsa voluntas determinetur, agatque id ad quod tamquam secunda causa applicatur à Deo: qui, inquam, ita sentiunt, consequenter loquuntur, cum gratiam efficacem non ad actum primum, sed ad secundum; non ad posse, sed ad velle, necessariam statuunt. Non enim potest pertinere, ad actum primum, cum operatio diuina non aliquam formam transeuntem imprimat in voluntate, sed immediatè ipsum actum secundum simul cum voluntate, vel solâ, vel etiam habitualibus donis instructâ producat.

Quamuis autem rectè & suis principiis congruenter illi Theologi gratiam efficacem ad solum actum secundum pertinere existiment, atque ita non dare posse, sed velle; rectè nihilominus iidem cum Patribus agnoscunt, sine gratiâ efficaci nihil nos posse. Sic Estius eâdem distinctione §. 19. *Sine diuinâ operatione seu cooperatione* (quibus verbis efficacem gratiam semper intelligit) nullum actum vere pietatis à nobis exerceri posse, quasi certissimum statuit.

Sic etiam (quod in priori parte iam attulimus) negat iustum in bono perseverare posse sine speciali Dei auxilio, hoc est, ut ipse explicat, *sine gratiâ Dei operatione, quâ facit ut homo in bonâ & iustâ conversatione permaneat.*

Sic denique idem Estius, qui gratiam efficacem ad velle non ad posse requirit, negat tamen eâdem dist. §. 21. sine eâ in cuiusquam esse potestate ne in peccatum prolabatur; quod eorum exemplo probat qui reuerti labuntur. Quoties enim aliquis, qui magnâ cum alacritate & facilitate currunt viam mandatorum Dei, contingit ex illo sanctitatis gradu prolabi in aliquod grande peccatum, satis ipsâ re manifestum fit, non fuisse in illorum potestate ut absque continuo Dei auxilio & cooperatione in bonorum operum exercitio permanerent. Quod postquam Davidis exemplo comprobasset, adjungit. *Vnde ipse in ps. 118. ita loquitur, Viam mandatorum tuorum cucurri cum dilatasti cor meum. Et iterum: Deduc me in semitam mandatorum tuorum; quasi dicat: Nisi te deduceres & continuo dilatante cor meum, per semitam mandatorum tuorum incedere, & currere non possem.*

In quo Estius accuratè S. Augustini vestigia persecutus est. Cum enim



Pelagius tria distinxisset, posse, velle, agere; & gratiæ adiutorium ad posse tantum requireret: duo simul aduersus illum statuit Augustinus, quæ pugnare inter se videntur, neque tamen villo modo pugnant, vt in secunda parte ostendimus: primum quidem, gratiam Christi non dare nobis possibilitatem ab effectu. secundam, per quam posse dicamur, etiam si nec velimus, nec agamus: alterum est, sine illâ gratiâ quâ Deus facit vt bonum velimus & faciamus, adeoque sine efficaci, de quâ solum hoc libro agit, nihil omnino boni, quod ad pietatem pertinet veramque iustitiam, quemquam aut facere aut omnino velle posse. Quod ad primum enim pertinet: *Quomodo*, inquit de grat. Chr. c. 25. *quod possumus bene agere Dei est, quod autem agimus nostrum est, cum dicat Apostolus, orare se ad Deum pro iis ad quos scribebat, ne quid mali faciant, & vt quod bonum est faciant. Non enim ait: Oramus vt possitis nihil mali facere, sed ne quid faciatis mali; nec vt possitis bonum facere, sed vt bonum faciatis. Et quomodo dicit Pelagius, quod bene loquimur nostrum est, cum dicat Dominus: Spiritus Patris vestri est qui loquitur in vobis. Neque enim, ait, Spiritus Patris vestri est qui vobis dat vel dedit posse bene loqui, sed ait, qui loquitur in vobis: non significans possibilitatis profectum, sed exprimens cooperationis effectum. Hoc loco & multis aliis confirmat Augustinus gratiam Christi non dare posse à voluntate distinctum, sed ipsum velle & facere largiri. Et tamen id non impedit quin capite sequenti, vt innumeris aliis locis, disertè tradat, illam eandem Dei gratiam sic esse confitendam ab eo qui vult veraciter confiteri, vt omnino NIHIL BONI sine illâ, quod ad pietatem pertinet veramque iustitiam, PERI POSSE non dubitet.*

Nec modò docet sine gratia efficaci hominem bonum facere non posse, sed etiam velle non posse. Ita enim lib. 4. contra Iul. c. 8. *Omnes qui salui sunt & in agnitionem veniunt veritatis, eo volente salui fiunt, eo volente veniunt. Qui enim iam veniunt voluntatis arbitrio, nisi eo volente & inueniente VELLE NON POSSUNT. Vbi si dixeris mihi: Cur ergo non conuertit omnium nolentium voluntates, respondebo, cur non omnes morituros adoptat lauacro regenerationis infantes. Si hoc profundum esse perspicis, quàm vt abs te valeat inueniri: utrumque utrique nostram profundum sit, cur & in maioribus & in minoribus Deus velit alteri, & nolit alteri subuenire.*

Et ep. 143. *Proprium arbitrium nisi Dei gratiâ inuenitur, NEC IPSA BONA VOLUNTAS ESSE IN HOMINE POTEST. Deus est enim qui operatur in nobis & velle & operari pro bonâ voluntate. Et in ult. op. contra Iul. c. 97. CVM displicet tibi hominem non posse bonum velle nisi adiunetur ab eo qui malum non potest velle, nonne respicis ei te contradicere qui dixit: Sine me NIHIL POTESTIS FACERE; & Scriptura ubi legitur: Paratur voluntas à Domino; & ubi legitur: Deus est qui operatur in vobis & velle. Vbi videmus ab Augustino non aliud gratiæ efficacitribui, quàm vt det velle. Sed quia adhuc necessaria est, rectè concludit, nos sine ea velle non posse. Quod breuius etiam exprimit Fulg. de Ihe. & gr. c. 21. *Deus qui voluntatem preparat, ipse donat; quàm si Deus per gratiam suam homini non dederit, NUMQUAM POTEST homo in Deum VELLE credere; quia ipsam voluntatem gratia non inuenit, sed operatur in homine.**



## ARTICVLVS V.

*Gratiam efficacem respectu bonorum operum dare posse, esse non ab ipso velle distinctum.*

**H**ACTENVS de efficaci gratiâ cum ipsâ bonâ voluntate comparatâ: ubi ostendimus probabilius esse efficacem gratiam non dare possibilitatem ab ipsâ bonâ voluntate separatam, quâ illius principium sit; id est, quæ ad actum secundum potius pertinere quàm ad primum; sed tamen hoc ipso quo necessaria est, rectè dici hominem sine eâ velle non posse. Nunc de eâdem gratiâ efficaci agendum est cum bonis operibus ac victoriâ temptationum collatâ, de quâ tunc aliter paulò sentiendum videtur. Non enim solum *velle* dat, sed etiam *posse*, non quidem ab ipsâ voluntate, sed à bonis operibus aliquo modo distinctum; quia ipsa bona voluntas, quam efficax gratia dat, est potentia respectu bonorum operum, cum ab illâ velut à radice prodeant. Sic Aug. de gr. Christi c. 18. cum duas arbores bonam & malam, de quibus in Euangelio loquitur Christus, duas voluntates esse dixisset, bonam quæ charitas est; malam quæ cupiditas. *Fructus autem*, inquit, *harum radicum atque arborum facti sunt, dicta sunt, cogitata sunt, quæ bona de bonâ voluntate procedunt, & mala de malâ.*

Huius rei ratio ex illâ Moralis disciplinæ certissimâ regulâ petenda est, intentionem finis causam esse electionis mediorum. *Bona autem voluntas quæ nihil aliud est quàm charitas*, ut sæpe ait Augustinus, est amor finis, & quidem ultimi; ex quo amore deinde nascitur quidquid ad consequendum ultimum finem ab homine suscipitur. Vnde sæpe dicit Augustinus, *nullum esse fructum bonum qui de charitatis radice non surgat; & tunc solum victa vitia deputari debere, cum Dei amore vincuntur.*

Ex hac doctrinâ apud Augustinum certissimâ, manifestum est bonam voluntatem, id est, charitatem, dilectionem, amorem Dei, & quidem actualem, fontem, principium, radicem esse bonorum operum, & proinde ad illa facienda potestatem esse. Vera autem Christi gratia ex ipso Augustino l. 4. ad Bonif. c. 5. Nihil aliud est, quàm *inspiratio dilectionis ut cognita sancto amore faciamus*. Vnde lib. de gr. Chr. c. 55. gratiam de quâ cum Pelagio disputat, his verbis describit: *Adiutorium bene agendi adiunctam naturæ atque doctrinæ, per inspirationem flagrantissimæ ac luminosissimæ charitatis*. Ex quo colligitur gratiam efficacem dare potentiam ad bona opera facienda & tentationes vincendas, in quantum dat bonam voluntatem & amorem. Et propterea idem Aug. op. ult. in lul. l. 1. n. 131. *Gratia præuenit hominem ut diligat Deum, quâ dilectione operetur bona*. Et in exposit. quarundam propos. ad Rom. *Nisi Deus det dilectionem, nemo potest esse misericors*.

Sed quemadmodum omnis ignis vrendi virtutem & potestatem habet, non tamen quidvis vrendi, verbi gratiâ auri liquefaciendi, vel lapidis in calcem redigendi; ita vtrû de igne generatim queratur, an possit vrerè, absolute respondendum sit, posse; sed si queratur vtrum exiguus ignis possit lapidem in calcem redigere, vulgò non posse respondebunt. Sic omnis charitas, vel exigua, potestas est bonorum operum; & si queratur vtrum

qui bonam voluntatem habet, possit bene agere, posse proculdubio respondendum est. Non tamen omnis bona voluntas ad quidvis efficiendum ita sufficit, ut non aliquando plenior voluntatem requirat; quia ut egrègiè Aug. l. 2. de pecc. mer. & rem: c. 5. *Ad nonnulla superanda vel que malè cupiuntur, vel quæ malè metuntur, magnis aliquando & totis viribus opus est voluntatis.* Et ser. 3. de verb. Apostoli c. 10. *Volo, inquit, ut velis; sed non sufficit ut velis; adjuuandus es, ut plene velis, & impleas quod velis.* Et in ep. 143. ad Iulianum de eo qui continentiam à Deo poscit, *quam nemo potest habere nisi Deus det*, ita loquitur: *Nique tantas voluntatis vires, tantum dilectionis ardorem volebat accipere spiritu sapientiæ, qui sufficeret ad implendam magnitudinem continentia.*

Igitur qui bonam voluntatem habet, sed imperfectam & inualidam, certorum bonorum operum potestatem illam nondum habere dicitur, cui nihil deest ad reipsâ agendum; quia non nisi per voluntatem magnam atque perfectam actu impleri possunt.

Nihil hæc doctrinâ in Augustino frequentius. Sed nusquam illustrius ab eo explicatur, quàm lib. de gr. & lib. arb. c. 15. & sequentibus. *Gratia Dei, inquit, semper est bona; & per hanc fit ut sit homo bona voluntatis, qui prius fuit voluntatis male. Per hanc etiam fit, ut ipsa bona voluntas quæ jam esse cœpit augeatur, & tam magna fiat ut possit implere diuina mandata quæ voluerit, cum valde, perfectè quæ voluerit. Ad hoc enim valet quod scriptum est: Si volueris conseruabis mandata, ut homo qui voluerit, & NON POTERIT, nondum seplene velle cognoscat, & oret ut habeat tantam voluntatem, quanta sufficit ad implenda mandata; sic quippe adiuuatur ut faciat quod iuuatur.* Et ibid. c. 17. *Qui ergo vult facere Dei mandatum & NON POTEST, iam quidem habet voluntatem bonam, sed adhuc paruum & inualidam: POTERIT autem cum magnam habuerit & robustam. Quando enim Martyres magna illa mandata fecerunt, magnâ utique voluntate, hoc est magnâ charitate fecerunt. Ipsam Charitatem (hoc est magnam voluntatem, siue ut infra ait, diuino amore ardentissimam voluntatem) Apostolus Petrus nondum habuit, quando timore Dominum ter negauit: Et tamen quamuis parua & imperfecta non deerat, quando dicebat Domino: Animam meam pro te ponam; putabat enim se posse quod se velle sentiebat.*

In eandem sententiam dicit lib. 1. Retr. c. 22. *Cum foris & potens preparatur voluntas à Domino, facile fit opus pietatis, etiam quod difficile atque impossibile fuit.*

## ARTICVLVS VI.

*Superioris Doctrina quadam maximi momenti consecraria.*

**E**X superius exposita doctrinâ ista consequuntur.

1. Bonam voluntatem esse potestatem respectu bonorum operum, cum sit illorum principium & radix. 2. Non omnem bonam voluntatem, sed tantum magnam & robustam, esse potestatem sufficientem, quæ nullam aliam desideret respectu cuiusvis boni operis, verbi gratiâ ardui & difficilis.

3. Ei cui deest magna charitas & magna voluntas, deesse potestatem illam

illam integram & omnia necessaria complectentem, quā magna & ardua opera actu impleri possunt. 4. Petro nominatim defuisse potestatem illam vincendæ tentationis, quia defuit magna charitas & magna voluntas, sine quā non poterat quod se velle sentiebat, vt ait Augustinus.

5. Duplici nomine verè dici, iustos quibus gratia efficax deest, mandata seruare non posse: primò, quia sine gratia efficaci quæ necessaria est ad bene volendum, ex communi omnium Patrum locutione verè dicuntur velle non posse, quamuis ipsa gratia non der potentiam volendi ab ipsa volitione se junctam: secundò etiam magis propriè, quia sine gratia efficaci non habetur magna illa charitas, & robusta voluntas, quæ potestas est quā implentur mandata; & proinde propositionem meam, in quā post Augustinum & Chrysostomum dixi, *Petro defuisse gratiam sine quā nihil possumus*, dupliciter veram esse: tum quia Petro defuit gratia efficax, sine quā plenè velle non poterat ex sensu Patrum; tum quia defuit magna voluntas, vt ait Augustinus, sine quā graues tentationes vinci actu non possunt.

6. Et si de iusto qui gratia efficaci destitutus à tentatione vincitur, rectè dicatur ipsum in illa hypothese tentationem superare non potuisse, actu scilicet & effectiue; si tamen quærat quare non superauerit, malè responderi, quia non potuit; sed omnino respondendum esse, quia noluit, seu, quia non tantum voluit, quantum necesse erat ad illam tentationem superandam; nam si voluisset, vtique potuisset. Si autem quærat quare noluit, respondendum est, quia vel ignorantia cœcabatur ipsius mentis acies, vel praua aliqua cupiditate quasi visco retinebatur & deprimebatur, ne ad ardua illa præcepta sese erigeret. Viscus autem ille prauæ cupiditatis nihil aliud est, quàm ipsa carnalis & mala voluntas temporalium rerum amore implicata, cuius nulla alia causa quærenda est præter ipsam voluntatem deficientem. Et qui illuc peruenit, ad primam causam peruenit, ultra quam nulla sit: malæ enim voluntatis vna causa est voluntas ipsa deficiens. Quare si de Petro quærat, quare non confessus sit Christum, ne utquam respondendum est, quia non potuit, sed, quia noluit. Quærentibus autem quare noluit, respondendum, quia timuit mori, quia ignauus fuit. At si ultra interrogas quare ignauus & timidus fuit; prompta adhuc responsio est, quia nimis amauit vitam. Verum si interrogare pergas, quare nimis amauit vitam, primæ causæ causam quæris, & idè vitiosè quæris.

7. Qua ratione ostenditur omnia bona opera Deo ascribenda esse, quia bonæ voluntatis est autor, ex qua bona opera profluunt, eadem ostendit numquam mala opera Deo ascribi debere, quia malæ voluntatis, ex qua nascuntur, numquam est autor. Potest quidem Deus malam voluntatem omnipotentissima facilitate in bonum convertere, & inspirare pro concupiscentia mala concupiscentiam bonam: Potest vtique; sed cum facit, misericordia facit; & cum non facit, iudicio non facit. Et quis dicet illi; Quid fecisti, cui misericordia & iudicium pia sanctorum mente canatur? vt inquit Aug. l. 2. de peccat. mer. & rem. c. 19.

## ARTICVLVS VII.

*Secunda quæstio : An potentia quæ iustus inest ante gratiam efficacem ,  
debeat dici proxima , completa , & expedita ?*

**Q**uid de prima quæstione, vtrum gratia efficax det actum primum, an secundum, probabilius dicatur, secundum varia Theologorum placita dilucidè, ni fallor, & perspicuè ostendimus. Sequitur altera, vtrum potentia bene agendi quæ habetur ante gratiam efficacem, sit proxima, an remota; completa, an incompleta; expedita, an impedita?

Huic quæstioni dissoluendæ magnam lucem afferet tradita ab Aluare distinctio duplicis sensus, quo voces illæ *potentia proxima* accipiuntur. Sic enim ille de Aux. disp. 117. n. 11. *Ad tertium respondetur, quod potentia potest dupliciter dici proxima & expedita ad operandum. Primo quia nihil aliud requiritur ex parte ipsius potentie, quo in actu primo constituatur ad actualiter operandum, siue ad volendum & nolendum; & hoc modo liberum arbitrium positis omnibus requisitis ad operandum potest potentia proxima & expedita operari & non operari, velle & nolle. Vnde S. Thomas 1. p. q. 83. ar. 2. ad secundum ait, quod facultas nominat quandoque potentiam expeditam ad operandum, & sic ponitur in definitione liberi arbitrij. Secundo modo potest dici facultas vel potentia proxima & expedita ad operandum, quia in sua operatione non dependet ab alia priori causa efficienter ei tribuente ipsum cooperari, vel actualiter concurrere: ET IN HOC SENSU NULLA CAUSA SECUNDA QUANTVMVIS PONATUR PERFECTA, EST SECUNDVM SE, ET SECLVSA PRÆMOTIONE DIVINA, EXPEDITA AD OPERANDVM; quia vti supra dictum est ex S. Thoma, nulla causa secunda quantumvis perfecta, potest in suum actum prodire nisi virtute motionis diuina.*

Ex hac Aluaris doctrinâ liquet iuxta postremum illum sensum *proxime potestatis*, cum scilicet sumitur pro eâ quæ in suâ operatione non dependet ab aliâ priori causâ efficienter ei tribuente ipsum cooperari & actualiter concurrere, potestatem proximam haberi non posse sine gratiâ efficaci, & præmotione diuinâ, vt Aluarez agnoscit. Et quia potestatem proximam numquam alio sensu Molinistæ accipiunt, numquam alio sensu accepi, sequitur rectè me in Apologeticis meis aduersus illos contendisse sine gratiâ efficaci non haberi potestatem proximam; quia vulgò huic voci non illa prior, sed hæc posterior notio subiicitur. Vnde quamuis potestatem proximam sine gratiâ efficaci haberi negauerim, non idèò vllis Thomistis contradixi. Eâ enim notione negaui, quâ negandum ipsi asserunt, & nominatim ipse Aluarez.

Verùm si quis vlteriùs quærere pergat, quid de proximâ potentiâ priori sensu acceptâ, id est in actu primo, quam admittit Aluarez, sentiendum putem, distinctione vtendum hic existimo. Nam omnes illi Theologi qui gratiam non in qualitate aliquâ creatâ, vel in motione virtuosâ constituunt, sed in efficaci Dei operatione, quâ ipsum velle in homine operatur, vt consequenter dicere debent gratiam efficacem non esse necessariam ad posse,

sed ad *velle*; non ad actum primum, sed ad secundum: ita rectè possunt admittere potentiam proximam in actu primo sine gratiâ efficaci, in illo priori Aluaris sensu. Nam, vt ait idem Aluarez l. 3. Resp. c. 5. n. 27. *Vt aliqua potentia & facultas verè dicatur hoc sensu proxima & expedita ad producendum aliquem actum, solum requiritur quòd inter ipsam potentiam & talem actum nihil mediet tribuens subiecto potestatem seu virtutem in actu primo, quâ possit operari talem actum; non autem requiritur vt nihil mediet tribuens vltimum complementum, quo actus primus reducatur ad secundum.* At verò illi Theologi omne id quod ad potentiam proximam Aluarez requirit, longè prolixiùs quàm ipse concedunt. Fatentur enim inter potentiam & actum volendi nihil mediare quod det actum primum; imò nec illud complementum actus primi inter potentiam & actum secundum inserunt. Ergo in illorum sententiâ rectè admitti potest potentia proxima in hoc sensu, qui non aduersatur gratiæ efficacis necessitati.

At si cum ipso Aluare & aliis recentioribus Thomistis, sentias gratiam efficacem esse qualitatem aliquam vel motionem virtuosam *quæ mediet inter potentiam & actum*, & sit complementum actus primi; incommodiùs planè & minùs consequenter proximam potestatem sine gratiâ efficaci admitteris. Quocumque enim illam nomine afficias, modò fatearis illam esse principium actus secundi voluntati inhærens; hoc ipso fateris illam ad actum primum pertinere; & idèd sine illâ non esse potentiam omnino perfectam, proximam, & completam. Indiget enim alio auxilio quod ad actum primum pertineat, & ipsum compleat. Vnde cum Aluarez negat gratiam efficacem ad actum primum pertinere, & tamen concedit illam esse principium necessarium & inhærens actus secundi; non satis constare sibi videtur. Esse enim actum primum, vt iam diximus, nihil est aliud, quàm esse principium inhærens actus secundi.

Quapropter quod valde in hoc negotio mirari licet, Estius, Tiphanius, qui de proximâ potentiâ numquam loquuntur, rectè in suâ sententiâ possunt proximam potestatem Aluareziano sensu defendere; & quia ab illorum opinionem non sum alienus, cur proximam potestatem hoc eodem sensu non admittam, nulla causa est. At verò ipse Aluarez, & qui ab eius discipulâ sunt, vix satis commodè illam possunt admittere, magnamque inconstantiam suspicionem præbent. Non enim satis cohæreere videtur quod illi docent, sine motione diuinâ efficaci haberi potentiam proximam & completam, & quod animosè tuentur, *causas omnes per motionem diuinam*, quam formam inhærentem esse volunt, *in sua virtute operatiua compleri.* Quod ipse Aluarez de Aux. disp. 18. n. 11. 18. 19. sæpius repetit. Quomodò enim causa aliqua potentiam ad operandum omnino completam iam habet, si adhuc illam vltiori compleri necesse est *in sua operatiua virtute.* Quia propter constantiùs & rationi congruentiùs Zumel, multique alij à Ledesma citati, sine gratiâ efficaci potestatem proximam haberi negant. Ad quos alluisse videtur Lescotius, dum agnoscit qu. 2. art. 10. quosdam Theologos ita sentire potentiam, quam dat gratia sufficiens, non esse omnino completam & adrequatam.

Eadem ferè de expeditâ potentiâ ratio est. Video enim duplicem huius vocis acceptionem à clarissimo Theologo traditam, vt potentia dicatur

expedita, vel quia *expedita est ab omni impedimento impotentia*, vel quia etiam *expedita est ab omni impedimento operationis siue nolentia*. Quare nulla hinc difficultas in concilianda doctissimi illius viri sententia cum nostræ propositionis explicatione. Admittit enim ille potentiam bene agendi non esse semper in iusto expeditam ab impedimento operationis, quod vnum asserui; contendit verò esse expeditam ab omni impedimento impotentia, quod numquam negavi. Imò si impotentia sumatur pro defectu virtutis agendi ab ipsa bona voluntate distincta, ut sumit ille Theologus, verum esse concedo. At si de vocum illarum usu quid sentiam liberè dicendum sit, illud magis proprium existimo, ut potentia expedita dicatur, quæ ab omni impedimento actionis libera est. Nam si quis oculos quamlibet sanos aliquo velo obductos habeat, & de illo quærat, verum habeat potentiam expeditam ad videndum, vix inuenietur qui aliter respondeat, quàm eiusmodi hominem visum impeditum habere, licet potentiam habeat expeditam ab omni impedimento impotentia, & impeditam tantum impedimento actionis.

## ARTICVLVS VIII.

*Tertia questio de gratiâ sufficiente; sufficientis nomen variè usurpari posse.*

**C**VM tota fere de gratiâ sufficiente disputatio à nominis intelligentiâ pendeat, operæpretium erit, ut ante omnia veram illius vocis (*sufficientis*) notionem, & varios usus inuestigemus.

Sufficiens igitur generatim dicitur id præter quod non requiritur aliud; diuiditurque in id quod est sufficiens in certo genere tantum, & illud quod dicitur absolutè sufficiens.

Sufficiens in certo genere est, cum nihil aliud ex isto genere requiritur ad id cuius respectu dicitur sufficiens. Isto modo dicitur panis sufficiens ad conseruationem vitæ, non quia nihil aliud ad conseruationem vitæ requiratur; sed quia nihil aliud requiritur absolutè in genere cibi. Sic sufficiens lumen dicitur ad videndum, cum nullum aliud lumen requiritur, etsi præterea sanitas oculorum requiratur, & multa alia. Sic Alvarez disp. 76. nu. 3. agnoscit gratiam exterius excitantem dici nonnumquam posse sufficientem ad salutem in suo genere, videlicet in ratione predicationis, vel alterius suasionis & excitationis externæ, quia talis esse potest, ut ex parte illius nihil amplius requiratur ad credendum, vel pie operandum, & vitam æternam consequendam.

Sufficiens autem absolutè est, cum nihil omnino aliud requiritur. Sic solis præsentia sufficit ad illuminandam terram, quia nihil aliud requiritur.

Has notiones si ad gratiam transtuleris, primò liquebit, cum gratia dicitur sufficiens vel ad posse, vel ad agere, id intelligendum in genere gratiæ, & significari præter illam gratiam quam sufficientem dicimus, nullam aliam necessariam esse vel ad potestatem agendi, vel ad recipiendum.

Etgo si gratia sufficiens comparatur cum ipsa actione vel motu voluntatis, nulla est gratia verè sufficiens præter efficacem; quia nulla est gratia



nisi efficax, de quâ dici possit, nullam aliam præter ipsam ad reipsâ agendum requiri.

Sep si comparetur gratia sufficiens non cum ipsâ actione, sed cum sola internâ agendi potestate, sic præter gratiam efficacem est alia gratia, quæ tribuit potestatem illam internam agendi, & quæ hoc respectu verè dicitur sufficiens; quia nulla alia gratia requiritur ad tribuendam virtutem & potentiam internam, licet alia requiratur ad mouendam & applicandam ad actum potentiam. Sufficit ergo illa gratia ad posse, non sufficit ad agere; siue dat omnia necessaria vt possis virtute internâ, non dat omnia necessaria vt agas; quemadmodum sanitas oculi est principium sufficiens vt possis videre, non tamen sufficit vt actu videas, quia lumen est necessarium.

De his omnibus mihi cum recentioribus Thomistis conuenit, quorum non postremus Aluarez disp. 79. duplicem sufficientis auxilij acceptionem agnoscit: vnâ quâ significatur illud auxilium vltra quod nullum est absolute necessarium, vt illa operatio actu producatur, quod soli gratiæ efficaci competere agnoscit: alteram quâ auxilium sufficiens dicitur, quod tribuit tantum posse, & vltra quod nullum aliud absolute necessarium est, vt homo dicatur posse illam operationem producere; hoc tantum sensu sufficientis gratiæ nomen alij gratiæ quàm efficaci tribui posse docet.

## ARTICVLVS IX.

*Sufficientis nomen in alio sensu à Patribus acceptum, quàm à recentioribus Thomistis vulgò usurpetur.*

**S**ed cum illud inter Thomistas & me conueniat, duplicem hanc tribui significationem posse gratiæ sufficientis voci, in quam potissimum vsurpari debeat, alia quæstio est, quæ præcipuè ex duabus animaduersionibus diiudicanda.

Prima est, recentioribus Theologis valde cauendum esse, non modò ne à Patrum sensibus, sed etiam ne à Patrum verbis temerè discedant. Retinetur enim fides & eadem in seculorum labentium decursu perseverat, dum iisdem verbis inclusa ad posteros propagatur. At si nouandi in verbis licentia ferpat, metuendum est ne in ipsam Ecclesiæ doctrinam multa novitas inuehatur. Hoc consilio Ecclesiæ ne quidem solemnes, quæ Deo adhibentur preces, vulgari & patria lingua fieri sinit, ne sermone vernaculo, cuius penes vulgus lex & arbitrium est, immutato, aliquid in Dei cultu mouetur & immutetur. Ergo vt gratiæ sufficientis nomen in scholas catholicas introduceretur, dispiciendum fortasse fuerat quis illius vsus apud Patres: quod si satis attendissent qui primi hoc verbo vsi sunt, numquam illud alij gratiæ quàm efficaci tribuissent. Illud enim certum existimo, hoc verbo, *sufficit*, ita semper vsus Augustinum & alios Patres gratiæ defensores, vt referatur non ad potentiam, sed ad actionem, significetque illud auxilium, præter quod nullum aliud necessarium est vt actu operemur; & idèd numquàm id nomen alteri gratiæ tributum videas præterquam efficaci.

Hinc est quòd apud Augustinum non nisi magna voluntas, magna

charitas, plena & perfecta voluntas, quæ per gratiam efficacem & adjuvantem confertur, sufficere dicitur. *Qui voluerit*, inquit ille l. de gr. & lib. arb. c. 15. *& non potuerit, nondum se plenè velle cognoscat, & oret ut habeat tantam voluntatem, quanta SUFFICIT ad implenda mandata.* Et c. 16. *Certum est nos mandata servare si volumus; sed quia preparatur voluntas à Domino, ab illo petendum est ut tantum velimus, quantum SUFFICIT ut volendo faciamus.* Et ep. 143 in loco jam citato de eo qui continentiam à Deo poscit: *Utique tantas voluntatis vires, tantum dilectionis ardorem volebat accipere spiritu sapientia, qui SUFFICERET ad implendam magnitudinem continentia.* Et lib. de sp. & lit. c. 35. *Fieret enim perfecta iustitia, si tanta voluntas adhiberetur, quanta SUFFICIT tanta rei.*

Hinc 2. idem Augustinus infirmam voluntatem, quæ per gratiam excitantem, quam Thomistæ sufficientem vocant, à Deo confertur, sæpe negat ad bene agendum sufficere, nunquam dicit sufficere. Propterea ep. 208. *Oras ut non intres in tentationem; & utique si homo sibi prestare posset volendo, non posceretur orando. Quapropter ut non intremus in tentationem, si voluntas SUFFICERET, non oraremus, quæ tamen si deesset, nec orare possemus. Adsit ergo ut velimus; oremus aut. m ut valeamus.* Et serm. 3. de verb. Apost. *Volo ut velis; sed NON SUFFICIT ut velis*, hoc est non satis est te velle per gratiam excitantem, *adjuvandum es ut plenè velis*; hoc est, impetranda tibi gratia efficax. Et in expositione quarundam propositionum ex Epist. ad Rom. *Cum voluerimus, NON SUFFICIT voluntas nostra, & cursus noster, nisi Deus vires currentibus præbeat.* Denique lib. 2. de pecc. mer. & rem. c. 19. *Idcirco etiam sanctos & fideles suos in aliquibus vitiis tardius sanat, ut in his eos minùs quam implende omni ex parte iustitia SUFFICIT, deleat bonum.*

3. Oculum sanum, qui solet à Thomistis in exemplum afferri sufficientis potestatis, negat Augustinus ad videndum sufficere sine lumine; & ait tantum ad non videndum sufficere. *SUFFICIT sibi*, inquit ille de gestis Pelagij c. 3. *oculus ad non videndum, hoc est ad tenebras: ad videndum verò lumine suo non sibi SUFFICIT, nisi illi extrinsecus adiutorium clari luminis præbeatur.*

Hinc 4. liberum arbitrium ad malum faciendum sibi dicit sufficere, quia nullum requirit auxilium, ut actu malum operetur. Sic enim l. de corr. & gr. c. 11. *Libertum arbitrium ad malum sufficit, ad bonum autem nihil est, nisi adjuvetur ab omnipotenti bono.*

Ex his perspicuè constare arbitror verbum, *sufficit*, apud Augustinum illud significare, quod sine alio auxilio satis est ad actu & effectivè operandum; & ideo Augustiniano sensu tantum efficaci gratiæ tribuendum.

Neque verò aliter ab aliis Patribus gratiæ defensoribus usurpatum est; è quibus vnum proferam Fulgentium, qui lib. 2. de verit. prædest. & gr. c. 4. negat sine gratiâ efficaci voluntatem sibi sufficere. *Voluntas*, inquit, *non suâ virtute, sed Dei prævenientis operatione confurgit; & postquam surrexerit, ut non cadat sola sibi non potest SUFFICERE; sed sicut ad surgendum beneficio misericordie prævenientis erigitur, sic ad perseverandum misericordie subsequenti iuvamine custoditur.* Gratiam autem quâ iuvamur ad perseverandum, esse apud illum efficacem, nemo doctrinæ Fulgentianæ gnarus negaverit. Et ib. c. 7. *Ut deficiat voluntas, potest sibi sola SUFFICERE; ut proficiat verò, in-*

*diget semper divina miserationis auxilio. Quo in loco planum est, ideò Fulgentium asserere voluntatem sibi sufficere vt deficiat, quia nihil ei aliud necessarium est vt deficiat.*

Pluribus locis commemorandis supersedeo. Satis erit eos qui aliam huius verbi significationem apud Patres esse vellent, hinc compellare, vt vel vnum locum proferant, vbi ea gratia sufficere dicatur ad agendum, quæ numquam in actum prodeat sine alterius gratiæ auxilio. Denique vbi eadem gratia quæ negetur sufficere ad *agere*, dicatur sufficere ad *posse*.

## ARTICVLVS X.

*Cauendum esse ne gratia sufficientis voce ad gratia efficacia necessitatem auertendam abutantur Molinista.*

**A**LTERA observatio est, catholicis Theologis valde providendum esse, ne vocibus vtantur, quarum popularis significatio fideles in errorem possit inducere. Barbarè mauult loqui Augustinus, vt nonnumquam testatur in expositione Psalmorum, quàm à populo non intelligi; quanto studio idem eas voces deuitasset, quæ non modò à populo non intelligerentur; sed etiam prauo & erroneo sensu acciperentur. Certum est autem vocem *sufficientis gratia* vulgò à mulieribus, ab imperitis viris, imò ab omnibus seise accipi pro eà gratiâ, quæ nullam aliam requirat ad agendum, & necessitatem alterius auxilij excludat. Quæ vna ratio Theologos deterrere debuerat, ne istud verbum alteri gratiæ quàm efficaci tribuerent, & ne passim apud populos sufficientem aliquam gratiam quæ non sit efficax venditarent. Hoc enim imperiti, (quorum salus non minori nobis curæ esse debet, quàm eruditorum, sapientibus enim & insipientibus debitores sumus) hoc, inquam, imperiti sic accipiunt, quasi sit quædam gratia, quâ, Deo ipsum velle & operari in nobis efficaciter non operante, nonnumquam tamen & velimus & operemur. Quamobrem si res integra nunc esset, nullo modo fuero autor, vt verbum illud numquam à S. Patribus & ipso S. Thoma alij gratiæ tributum quàm vel efficaci, aut habituali, sed cum aliquâ exceptione, velut *in suo genere, quantum est de se*, passim nunc ita excitanti gratiæ tribuatur, vt etiam gratia sufficiens ipso nomine ab efficaci distinguatur.

Et sanè quantum mali secum hoc vocabulum in scholas Christianas inuexerit, facile animaduerti potest. Quo enim alio furo in populi animos irrepunt gratiæ efficacia aduersarij, quàm fallaci sufficientis gratiæ æquiuocatione. Nam cum rudes à concionatoribus audiunt gratiam sufficientem prædicari, hanc accipiunt vtique quæ nullo alio superaddito auxilio in actum nonnumquam prodit; atque ita in eum errorem inducuntur, sine gratiâ efficaci nonnumquam aliquid bene fieri, neque illam ad piè agendum necessariam esse. Hâc arte tantas sibi vires confluxit Molinismus, hoc vno sufficientis gratiæ nomine in cautiùs sibi à Thomistis concessio, ipsos apud populum deridiculo habet, pro Calvinistis & Manichæis traducit, & efficacem gratiam, quam vnam sufficientem Patres vocant, passim eli-

misnat. Tolle præjudicium illud ex nomine sufficientis gratiæ petitam, Molinam funditus sustuleris. Aliunde enim Traditionis autoritate ita nudus & inermis est, ut in Theologorum confesum, in Doctorum disputationem prodire non audeat; aut si audeat, continuò antiquitatis pondere suffocetur.

Quare meritò non modò SS. Patres, sed hoc sæculo tota Louanienſis Facultas sufficientis gratiæ nomen soli tribuit efficaci, & quaecumque aliam sufficere negavit. *Dicimus*, inquiunt doctissimi illi Theologi de gratiâ Christi optimè meriti in Iust. censuræ c. 13. *non esse gratiam sufficienter preparantem voluntatem, nisi quæ faciat ut velimus, & consentiamus. Quamdiu enim voluntas nondum sic affecta est ut velit, sed adhuc resistit & contradicit, NONDUM SUFFICIENTER est à Domino preparata.* Et ibid. c. 12. *Addimus & hoc quaecumque subsidium, quod aliquando subministrari dicitur iis qui neque credunt neque conuertuntur ad Dominum, NON FUISSE SUFFICIENTES ad fidem aut conversionem; quippe gratia aut conversionem SUFFICIENTES ipsa conuertit; quæ verò non conuertit, NON SUFFICIT.*

Eodem modo Duacensis Facultas locuta est, cum illam Iesuiticam propositionem damnet: *Omnes infideles semper & ubique habent sufficiens auxilium ad salutem ex parte Dei.* Neque infidelis, inquit in censuræ assertionem, quisquam credere potest, nisi per gratiam, quâ cor eum ex infidelitate ad fidem mouetur, quam gratiam eum non habere quamdiu infidelis manet perspicuum est. Si ergo donum fidei nondum habet infidelis, quomodo dicendus est habere SUFFICIENTES auxilium ad salutem ex parte Dei, cum absque dono Dei non possit esse fidelis.

Sic etiam Duacensis Facultatis insigne lumen Guillelmus Estius ex his Scripturæ locis: *Omne quod dat mihi Pater ad me venit; & infra: Nemo potest venire ad me, nisi Pater qui misit me, traxerit eum, & similibus, colligit non omnibus dari auxilium simpliciter ex parte Dei sufficientem ad hoc ut veniat ad Christum; quia non omnes ad Christum veniunt, neque omnes à Patre trahuntur, & quicumque non veniunt, non trahuntur efficaciter.* Quibus locis perspicuum est sufficientis gratiæ nomen eo quo diximus sensu usurpari. Ab illis vero Theologis non multùm recedunt celeberrimi S. Thomæ discipuli, qui licet gratiæ sufficientis nomen non respuant, agnoscunt tamen solam efficacem esse simpliciter & absolutè sufficientem. Sic Medina ex Cajetano in 1. 2. q. 109. ar. 10. *Ad hoc, inquit, argumentum optimè respondet Caietanus, quid dupliciter aliqua res potest esse sufficiens ad aliquem actum exercendum; uno modo simpliciter sufficiens, quod accidit quando ipsa res sola sine adminiculo alterius potest absolutè operationem producere. Alio modo potest dici sufficiens, non simpliciter, sed in suo genere. Verbi gratia visus in genere potentia est sufficiens ad videndum; & qui visum habet, dicitur posse videre. Est tamen sufficiens ut potentia, non tamen simpliciter; nam sine objecto atque lumine non potest videre: Ita habens gratiam & habitus virtutum potens est perseverare, tametsi egeat auxilio gratiæ tum ad operandum, tum ad perseverandum; quod auxilium efficax esse vel hinc satis patet, quod loquitur de auxilio non quo perseverari potest, sed quo perseveratur, quod apertè infra appellat *auxilium efficax.**

Cum igitur sufficientis gratiæ ab efficaci distinctæ nomen nec Patres, nec Concilia, nec summi Pontifices vlli commemorent; improbet & reiciant

reijciant duæ celeberrimæ Theologicæ Facultates, repudiet doctissimus Estius, cuius scripta in omnium catholicorum manibus cum laude versantur, minus proprium esse fateantur etiam qui illud vsurpant, illius vocis in Ecclesiâ introducendæ nulla necessitas extitit, multò minus verò ylla causa subest, cur illa vox quasi catholicæ fidei tessera à quoquam exigatur, cum in suo notissimo significato, id est Moliniano, erroneum sensum habeat, ut omnes Thomistæ contendunt: in Thomistico autem sensum eo quidem iudicio rectum, in Molinistarum verò mentibus & auribus intolerandam absurditatem contineat. Non satis autem Ecclesiæ honori consulere videatur, qui ab eâ præcipi velit illius vocis usum, quæ cum duos tantum significatus habere possit; altero erroneum sensum, ut Thomistis videtur, altero ridiculum, ut Molinistis placet, complectatur.

Verùm, ut meo quidem iudicio providentiùs fuisset, illud nomen nequam initio in scholas catholicas admittere, sic jam receptum per vim abigere & præfractius de voce contendere, durius & ab Ecclesiæ pace alienius videri potest. Ergo cum Thomistis numquam de illâ voce litigabimus; rogabimus tantum, dum apud imperitos verba facient, ut vel ab illâ voce abstineant, vel saltem admoncant illam à se vsurpari in eo significato qui à Moliniano longè disjunctus sit. Ita nullam mihi cum ipsis certamen est, nec de nomine, quia non reijcio; nec de sensu, quia sensum illius vocis Thomisticum admitto. Admitto quippe iustis gratiam quæ det *posse*, ultra quod nulla virtus interna requiratur, sed tantum applicatio, motio, prædeterminatio, impulsio illius virtutis, quæ sit per auxilium efficaciter prædeterminans ex omnium Thomistarum sententiâ.

## ARTICVLVS XI.

*Sufficientis gratiæ nomen Thomistico sensu vsurpatum habituali gratiæ rectius tribui quàm actuali.*

**S**UPPONAMVS igitur esse aliquam gratiam ab efficaci distinctam, quæ conferat illud posse cui desit sola applicatio & motus; quod concedo & profiteor. Supponamus 2. illam gratiam rectè sufficientem vocari Thomistico sensu, quod non aspernor, modò à Moliniano errore sejungatur. Vna quaestio superesse poterit de naturâ illius gratiæ sufficientis quæ det *posse*, vtrum scilicet sit vel habitualis vel actualis; siue vtrum sit aliquid in anima permanens, etiam si minimè de eâ cogitemus; an potiùs pius intellectus & voluntatis motus, de quo non video inter ipsos Thomistas constare.

Veteres enim Thomistæ ut Capreolus, Fetrariensis, Caietanus: & nonnulli ex recentioribus, ut Louaniensis Facultas, & Estius, *posse* illud quod gratiam efficacem antecedit, habituali gratiæ tribuunt, non autem actuali. Ita sentiunt adhuc aliqui Hispanienses Theologi; imò hæc sententia plerisque Parisiensibus Doctoribus probatur, nec ingrata est ipsis Censoribus, dummodò ab amicis suis, non à me propugnetur.

Contra verò plerique recentiores Thomistæ gratiam illam quæ dat iustis *posse*, actualem esse volunt, & eandem cum illâ, quæ alio nomine dicitur, de quâ mox vberius agemus.

In illâ Theologorum dissensione non diffiteor, in eorum me Thomistarum partes cedere qui posse illud antecedens gratiam efficacem, per gratiam habitualem tribui docent; & idè illam potiùs quàm actualem sufficientis gratiæ appellatione afficiunt. In eam sententiam his rationibus adducor. Primò quia S. Thomas, quem in scholasticâ Theologâ ducem sequor, omnino istius mihi videtur esse sententiæ. Sic enim loquitur q. 110. a. 2. *In eo qui dicitur gratiam Dei habere, significatur esse quidam effectus gratuita Dei voluntatis. Dicitur est autem supra quod dupliciter ex gratuita Dei voluntate homo adiunatur; & vno modo in quantum anima hominis mouetur à Deo ad aliquid cognoscendum, vel volendum, vel agendum. Et hoc modo ipse gratuitus effectus in homine non est qualitas, sed motus quidam anima; actus enim mouentis in moto est motus, ut dicitur in 3. Physic. Alio modo adiunatur homo ex gratuita Dei voluntate, secundum quod aliquod habiiale donum à Deo anime infunditur. Et hoc idè quod non est conueniens, quòd Deus minùs provideat his quos diligit ad supernaturale bonum habendum, quàm creaturis quæ diligit ad bonum naturale habendum. Creaturis autem naturalibus sic provides, ut non solum moueat eas ad actus naturales, sed etiam largiatur eis formas & virtutes quasdam, quæ sunt principia actuum, ut secundum seipsas inclinentur ad huiusmodi motus; & sic motus quibus à Deo mouentur, sunt creaturis conuenientes & faciles, secundum illud Sap. 8. Et disponit omnia suauiter. multò igitur magis illis quos mouet ad consequendum bonum supernaturale æternum, infundit aliquas formas seu qualitates, secundum quas suauiter & promptè ab ipso moueantur ad bonum æternum consequendū; & sic donum gratiæ qualitas quedam est. Ex hoc loco elici potest, idem præstare in rebus supernaturalibus gratiam habitualem ad actus supernaturales, quod formæ naturales præstant in naturalibus ad actus naturales. Sed illæ formæ naturales tribuunt illam potentiam quæ antecedit motionem Dei præmouentem & prædeterminantem, ex omnibus Thomistis. Igitur formæ seu qualitates supernaturales debent etiam præstare potentiam illam, quæ antecedit prædeterminantem & præmouentem gratiam.*

2. S. Thomas nullam agnoscit motionem generalem Dei per gratiam. Sic enim loquitur 1. 2. q. 9 a. 6. *Dicendum quod Deus mouet voluntatem hominis sicut vniuersalis motor ad vniuersale objectum voluntatis quod est bonum; & sine hac vniuersali motione homo non potest bonum velle; sed homo per rationem determinat se ad volendum hoc vel illud, quod est vere bonum & apparet bonum. Sed tamen interdum specialiter Deus mouet aliquos ad aliquid determinatè volendum quod est bonum, sicut in his quos mouet per GRATIAM. Ex quo colligi licet motionem per gratiam non esse communem omnibus, nec semper adesse. Disserè enim S. Thomas motionem per gratiam non communem, sed specialem; non semper adesse, sed interdum tantum; non omnibus, sed quibusdam tantum tribui dicit. At verò cum quaritur potestas in iustis gratiæ efficaci destitutis, ferè quaritur eiusmodi potestas quæ semper adsit, quæ proinde repeti non potest ex motione Dei, quæ non semper adest.*

3. Gratiam habitualem S. Thomas expressè asserit dare quantum est de se sufficiens auxilium ad non peccandum. De ea enim, ut alibi probauimus, intelligitur locus ille qui extat 1. 2. q. 105. a. 2. *Nec tamen propter*



*Hoc dicitur quod lex noua iram operatur; quia quantum est de se, sufficiens auxilium dat ad non peccandum. Iam verò numquam de illa motione actuali quæ mouet ad bonum imperfectum, in qua Thomistæ recentiores gratiam suam sufficientem constituunt, dixit S. Thomas illam quantum est de se dare sufficiens auxilium ad bonum perfectum.*

4. Thomistæ illi qui gratiæ sufficientis nomen actuali gratiæ concedere solent, iidem nihilominus quidquid gratiæ sufficienti competit, habituali conuenire vtrò agnoscunt. Quid enim ampliùs habere potest gratia sufficiens ab efficaci distincta, quæcumque tandem illa sit, quàm vt det homini sufficientem virtutem in actu primo, quò possit seruare omnia mandata & perseuerare in finem si velit. Id verò ipse Aluarez, qui inter præcipuos gratiæ sufficientis actualis patronos vulgò censetur, per gratiam habitualement iusto conferri profiteretur, eamque esse S. Thomæ sententiam. Sic enim ille Resp. l. 3. c. 5. n. 10. *Ex doctrinâ, inquit S. Thomæ 1. 2. q. 109. per gratiam habitualement & virtutes infusus habet homo sufficientem virtutem in actu primo, quò possit seruare omnia mandata & perseuerare vsque in finem si velit; & tamen de facto cum solâ gratiâ habituali & virtutibus in usibus secluso quocumque auxilio actuali preuenientis gratiæ, numquam seruabit eadem mandata, nec perseuerabit vsque in finem, vt ostendit sanctus Doctor a 9. & 10. eiusdem questionis. Ex hoc autem non sequitur, QVOD GRATIA HABITUALIS NON SIT SUFFICIENS AD OPERANDVM BONVM. Fallaciam enim huius consequentia deiecit S. Thomas a. 9. citato ad primum argumentum, ubi objectionem factam dissoluit. Frustra ergo requiritur gratia actualis ab efficaci distincta, tamquam necessaria vt habeat iustus sufficientem virtutem in actu primo ad mandata seruanda, & tentationes vincendas, cum id iam habeat ex S. Thoma, fatente ipso Aluarez per gratiam habitualement & virtutes infusas.*

5. Id ipsum docet Bartholomæus Medina in t. 2. q. 109. a. 10. super illo S. Thomæ loco: *Nunc autem per gratiam Christi multi accipiunt, & donum gratiæ quò perseuerare possunt, & vterius eis datur quò perseuerent. Ex quo euident est, inquit, esse distinctum donum posse perseuerare, ab eo quod est perseuerare. Hoc vltimum, nimirum actu perseuerare, gratiæ efficaci esse nemo non videt. Discipiamus igitur ad quam gratiam posse, referat, actualẽ an habitualement. Possẽ, inquit, perseuerare habet homo ex eo quòd habet gratiam iustificantiẽ, per quam natus est ex Deo, & efficitur particeps diuinæ naturæ; ex quo fit potens operari omne bonum, & vitare omne malum. Et infra: licet gratiæ habitualis de se sufficiens sit ad omne peccatum vincendum, & ad omne opus bonum præstandum; nihilominus ratione subiecti in quo residet, & ratione pugne quæ semper est à carne, demone, mundo, eget homo dono perseuerantiæ, vt victor euadat.*

6. Auxilium gratiæ quod eiusmodi est, vt possit esse, & frequenter sit piz operationis principium physicum, licet non sine gratiâ efficaci, longe potiori iure dicitur gratia sufficiens in actu primo ad illam piam operationem, quàm quod eius generis est, vt etiam cum gratiâ efficaci piz operationis principium esse non possit nisi morale. Ex omnibus enim Thomistis causa moralis non est propriè causa, sed metaphoricè, vt docet S. Thomas de malo q. 3. a. 3. Certum est verò gratiam habitualement esse piarum

operationum principium physicum; non item gratiam illam excitantem, quam sufficientem Thomistæ recentiores appellant. Ipsi enim docent testō Aluare Resp. l. 3. c. 4. n. 6. *Auxilium praueniens gratia excitantis non habere physicum influxum in consensum, seu piā operationem liberam, sed tantum morale, etiam cū illi adiungitur gratia efficax. Quod multis ille rationibus probat, quāum præcipua est quā affert n. 7. Motu gratie excitantis, quz ipsi gratia sufficiens, solet esse minū perfectus, quā actus supernaturalis ad quem mouet. Solet enim Deū viūā quādam mortis representatione, aut timore gehenna, excitare & mouere ad actum contritionis, aut dilectōis Dei super omnia, qui actus & accidentaliter & specificē sunt præstantiores motibus excitantis gratie. Ergo huiusmodi gratia excitans non erit physico in fluxu causa efficiens horum actuum. Probatur consequentia. Nam causa efficiens debet esse ad minū æque perfectā, sicut est eius effectus, cū tota perfectio effectus virtute contineatur in causā. Vnde sic concludit n. 17. Dicendum gratiam praueniētem adiuuantem ( hoc est efficacem ) vires efficaces tribuere voluntati ad consensum eliciendum, & physicum influxum habere in eundem consensum, ut dictum est. Gratia autem excitans licet tribuat libero arbitrio vires sufficientes, quibus possit pie operari si velit, non tamen concurrat efficienter ad piā operationem, quia mouet voluntatem ex parte finis alliciendo, inuitando, & suadendo. Quāto igitur magis gratia habitualis dici potest sufficiens Thomistico sensu ad bene agendum & mandata seruanda, de quā sic ipse Aluarez in Resp. ad 8. objectionem, quæ erat eiusmodi: *Auxilium praueniens gratia excitantis non minū trahit & inclinat voluntatem ad opus bonum, quā habitus; sed multo magis. Atqui habitus præsertim infusi cooperantur physico influxu cū libero arbitrio in opus piū seu consensum. Ergo similī cooperabitur gratia excitans praueniens. Ad octauum, inquit, responderetur quod gratia excitans inclinat moraliter voluntatem ad opus bonum, eam mouendo ex parte obiecti, alliciendo, inuitando, & suadendo. Habitus verò supernaturalis inclinat eam habitualiter ex parte potentie per modum principij effectiui. Auxilium autem efficax praueniēti gratie adiuuantis inclinat voluntatem, id est inclinare eam facit actualiter & infallibiliter. Nulla ergo gratia omnibū modis ad opus bonum sufficiens, nisi quæ ipsum in nobis atque nobiscum efficaciter operatur, ut alibi fateatur ipse Aluarez. Sed si inter gratiam excitantem respectu actus perfecti ad quem disponit, & gratiam habitualem comparatio instituitur, hæc perfectio quæ ex parte potentie per modum principij effectiui ad opus bonum voluntatem inclinat, sufficientis gratiæ nomen magis meretur, quā quæ illam tantum moraliter inclinat ex parte obiecti, neque vñquam boni operis principium verum & physicum esse potest.**

7. Gratia habitualis nullam aliam requirit habitualem ad agendum actū, & idēd est verē sufficiens in genere gratiæ habitualis. At minū propriē gratia excitans actualis dicitur sufficiens, quia ad ipsam actionem actū producendam requirit aliam gratiam actualem, nempe efficacem. His rationibus moueor, ut meliū habituali, quā excitanti actuali, sufficientis gratiæ nomen dari existimem.

## ARTICVLVS XII.

*Bono atiam sensu gratiam excitantem dici posse sufficientem.*

**A**T T A M E N si quis pertinaciùs obtinere nitatur gratiam excitantem sufficientem appellari posse, dummodo Molinianam huius verbi significationem excludat, & alterius gratiæ efficacis necessitatem ad ipsam actionem admittat, faciles nos præstabimus; nec enim de nominis quæstione, in quo vel sanciendo vel abrogando nulla Ecclesiæ autoritas intercessit, libenter certauerimus. Quam volent igitur excitantem gratiam, sufficientem appellent recentiores Thomistæ, nos omnino repugnantes non habebunt, dummodò ut faciunt, eo tantum sensu sufficientem dicant, quòd in nobis initia bonæ voluntatis producat, atque aded quamdā bene agendi potentiam & virtutem largiatur: quòd talis sit, ut nisi validior ei concupiscentia resisteret, non modò boni operis desiderium fructu vacuum, sed ipsum bonum opus reipsā produceret: quòd talis sit, ut qui illi resistit, in eo sit culpandus: quòd talis sit, ut nisi praua voluntas in nobis inesset, ad bene viuendum sola sufficeret: denique quòd talis sit, ut ei homo, plenè consentiat si voluerit; quòd autem nolit, ex eius vitio & prauitate nascatur.

His, inquam, omnibus sensibus rectè excitantem gratiam sufficientem dici tacitè concedi potest. Hæc enim omnia de gratiā excitante quæ imperfectam voluntatem largitur, verè dicuntur, stent modò illa duo, de quibus nulla cum Thomistis contentio est. Primò gratiam illam excitantem quæ imperfectos actus producit, semper eum effectum habere ad quem absolutā Dei voluntate ordinatur, quod omnes Thomistæ vnanimi consensu docent, ut ait Aluar. dist. 30, & alibi passim.

Alterum est, illi gratiæ excitanti, quæ mouet hominem ad imperfectum bonum & ad actus imperfectos, neminem vmquam sine amplioris gratiæ præsidio ad actum perfectum consensisse, imò repugnare ut reipsā consentiat; nec illam gratiam complecti omnia agendum necessaria: quæ peruulgata item est omnium Thomistarum doctrina. Sic enim Nauarretta contr. 24. n. 56. & contr. 19. n. 1. Aluar. disp. 76. n. 1. & 91. n. 14. Silu. in 1. 2. q. 111. ait. 3.

Quibus addi potest quod ait Aluares disp. 99. n. 2. Gratiam sufficientem, quā sufficiens est, & quatenus tribuit tantum homini posse piè operari si velit, non autem facit ut velit, etsi detur ex meritis Christi, non esse tamen propriam Christi gratiam; quia propria Christi gratia est gratia adiuuans, quā Deus facit ut velimus. Ergo in his omnibus, quia de re ipsā conuenimus, in verborum vsu faciles esse possumus.

Sed cum in eo quidam è censoribus præcipuum sententiæ suæ fundamentum locarint, quòd Petro omnem gratiam actualem à me negari dicerent, paulò accuratiùs explananda est excitantis illius gratiæ natura, ut exus expli catione clareat, quando a dñt, quando non a dñt.

## ARTICVLVS XIII.

*Quarta questio: Vtrum semper adsit gratia excitans, quam Thomistæ sufficientem vocant. Accuratiùs explicatur illius gratiæ natura.*

**I**mprimis constans est Thomistarum doctrina, gratiam sufficientem actua-  
lem, & gratiam excitantem, eandem prorsus esse gratiam duobus af-  
fectam vocabulis. Sic Aluarez disp. 76. n. 5. *Gratia excitans ut complectitur non  
solum illuminationem externam & internam intellectus, sed etiam motionem super-  
naturalem receptam in voluntate, idem est realiter quod gratia sufficiens, ita ut  
omnis gratia prædicto modo excitans sit gratia sufficiens comparatione effectus ad  
quem excitat, ut si excitet ad credendum, erit gratia sufficiens comparatione actus  
fidei; & si excitet ad diligendum Deum super omnia, erit gratia sufficiens respectu  
actus dilectionis Dei.*

2. Et si disputent inter se Theologi, vtrum gratia excitans siue sufficiens  
sit actus intellectus & voluntatis, quatenus à Deo productus, ut quidam  
existimant; an verò eorum causa, ut Aluarez & plerique Thomistæ: con-  
uenit tamen inter illos nullam esse gratiam sufficientem siue excitantem,  
vbi nulla est cogitatio, nulla voluntas. Quamobrem excitantem gratiam  
vel constituunt vel semper comitantur præ cogitationes, præ voluntates;  
quas ita explicat Aluarez disp. 73. *Dicendum est enim, inquit, Deum per gra-  
tiam excitantem efficere ut homo euigilet, & attendat ad illa quæ ad amplectien-  
dum bonum & respuendum malum conducere possunt, ut verbi gratiâ cum per pec-  
catum est à Deo auersus, gratia excitante intellectum eius Deus illustrat, ut videat  
quàm malum, & quàm amarum est reliquisse Dominum. Per eandem gratiam cau-  
sat Deus quosdam actus supernaturales licet imperfectos, quibus remote disponit ho-  
minem ad iustificationis gratiam consequendam; vel si est iustificatus, per eosdem  
actus imperfectos liberum eius arbitrium inclinât, ut Deo excitanti & vocanti  
consentiat & cooperetur.*

Similiter Lescotius olim Theologiæ professor, nunc Carnotensis Epif-  
copus in scriptis suis gratiam excitantem sufficientem explicat qu. 2. art. 8.  
*Excitans, inquit, est per quam sæpe rebus humanis, fortè etiam malis occupati,  
sensimus nos de repente inspirari & quasi de somno excitari, parim illustratione  
quâdam & bona cogitatione, quam intellectui nostro Deus immittit, partim præ af-  
fectione quam voluntati.*

Notandum porro nomine gratiæ sufficientis & excitantis non contineri  
solum actus indeliberatos, sed etiam actus liberos & deliberatos imperfe-  
ctiores, quatenus ad perfectiores disponunt; verbi gratiâ actus fidei, spei,  
& charitatis imperfectæ, quatenus per ipsos disponimur ad obseruationem  
mandatorum, licet isti actus non solum per excitantem, sed etiam per ad-  
iuuantem conferantur, & sic sub diuersâ consideratione ad excitantem  
gratiam pertinent, quia disponunt & excitant ad perfectiores actus: ad ad-  
iuuantem, quia consensum deliberatum inuoluunt, quem Deus in homine  
efficaciter operatus est. Sic Aluarez disp. 75. n. 4. Imò ex eadem Thomista-  
rum scholâ Navarretta contr. 17. in 1. p. qu. 19. art. 8. multis probat, *auxilium*

*excitans quatenus denotat actum voluntatis, per se loquendo esse actum liberum eisdem voluntati.*

Sed quoniam ex doctrinâ Apostoli non sumus sufficientes cogitare aliquid ex nobis tamquam ex nobis, sed sufficientia nostra ex Deo est; multò minùs autem desiderare & piam vllam affectionem habere: sequitur hæc duo inter se retrò commutare, vt quisquis piam cogitationem habet, piam affectionem, pium conatum, habeat etiam gratiam excitantem: & rursus: vt quisquis habet gratiam excitantem, habeat etiam pios motus, pia desideria, pias cogitationes. Ex quo sequitur quicumque piam cogitationem, piam voluntatem de peccato vitando non habet, non habere gratiam excitantem sufficientem: & rursus: Quicumque non habet gratiam excitantem ad peccatum vitandum, non habere piam cogitationem, & piam affectionem.

#### ARTICVLVS XIV.

*Quando admittenda sit excitans illa gratia.*

**C**onstitutâ gratiæ excitantis sufficientis Thomistico sensu naturâ, diluiscere potest an admittenda sit illa, & quibus & quando concedenda.

Primum enim certum est, illam gratiam repudiari in totum & negati non posse. Quam multi enim experiuntur istiusmodi pias cogitationes, pias affectiones? Quàm multos subit nonnumquam timor inferni, cura & sollicitudo suæ salutis? Quàm multos allicit cœlestis quædam suauitas, quâ ad amorem rerum cœlestium quasi furtim rapiuntur? Quàm multi denique à peccato se deterreri, ad bona opera allici eiusmodi motibus quotidie sentiunt?

2. Certum est, illam excitantem gratiam omnibus piè cogitantibus, volentibus, & conantibus adesse. Vnde enim piè cogitarent, vnde vellent, vnde conarentur, nisi per excitantem gratiam illos in animo motus operaretur Deus? Quamobrem nihil verius quàm iustis volentibus & conantibus non deesse gratiam excitantem seu sufficientem Thomistico sensu. Neque enim sine illâ gratiâ vellent & conarentur. Nihil verius quam illis iustis volentibus & conantibus adesse possibilitatem illam in actu primo quæ non complectitur omnia ad agendum prærequisita. Habent enim & actualem & habitualement gratiam, quarum alterutra ad id præstandum satis esse possit. Sed quoniam gratiæ excitanti, quâ volunt & conantur iusti, non semper adiungit Deus gratiam efficacem, quâ plenè velint & plenè conentur, nec vllus tamen gratiæ sufficienti ad illum effectum consentit, comparatione cuius dicitur sufficiens, sine efficacis auxilio; idè deest sæpe iustis volentibus & conantibus per gratiam excitantem efficax gratia, quæ vna complectitur omnia ad agendum necessaria; adeoque illis iustis gratiam sufficientem habentibus, sed non plenè consentientibus mandata Dei non sunt possibilia, cā possibilitate quæ complectatur omnia ad agendum necessaria; licet alio possibilitatis genere, Thomistico scilicet, possibilia semper sint.

Ex his colligi licet affuisse Petro tum cum præsumpsit gratiam illam excitantem ad mortem pro Christo subeundam. Tunc enim Petrus & volebat & conabatur; *nec defuit ipsi*, ut ait Aug. de gr. & lib. arb. c. 17. *parua & imperfecta charitas, quando dicebat Domino: Animam meam pro te ponam. Putabas enim se posse quod se velle sentiebat. Et quis istam, etsi parvam, dare cœperat charitatem, nisi ille qui preparat voluntatem, & cooperando perficit, quod operando incipit.* Quamvis autem parua illa charitas quæ Petro non defuit non esset sufficiens Moliniano sensu ad mortem pro Christo subeundam, quia fieri non potuit ut cum illâ solâ mortem pro Christo reipsâ subiret; ac propterea Petrum tunc Augustinus infirmum fuisse, & mori pro Christo non potuisse pronuntiet; nihilominus tamen rectè sufficiens dici potest Thomistico sensu. Omnis enim gratia excitans in voluntate recepta, qualis illa fuit, sufficiens est apud illos, ut testatur Alvarez loco jam citato. Et reuerà illa Petri charitas, quamvis infirma, satis fuisset ad mortem pro Christo oppetendam, nisi proprio vitio Petrus vitæ cupidior, timidior, ignavior, sui amantior fuisset, ut supra notauimus.

Quòd si quis quærat an infirmam illam charitatem tum habuerit Petrus, cum Christum negauit: respondeo id liquido sciri non posse, cum nec ex Scripturâ, nec ex Patribus satis certa habeamus argumenta, ut præcisè definiamus quid tum in mente Petri sit actum. Quare nihil absurdius fieri potest ijs, qui quod in epistolâ meâ post Chrysostomum & Augustinum dixi, magnam esse veritatem, Scripturarum & Patrum autoritate sancitam, Petro justo de fuisse gratiam sine quâ nihil possumus, ita contra mentem meam interpretantur, quasi Petro defuisse dixerim omnem omnino actualem gratiam siue sufficientem siue efficacem.

Egone magnam esse veritatem dicerem, Scripturarum & Patrum autoritate definitam, Petro omnem gratiam actualem defuisse, cum eo nihil incertius esse, nihil in Patribus, in Scripturis obscurius & ignotius iudicem? Affuit planè, si voluit & conatus est; sed an voluerit & conatus sit, mihi quidem planè dubium est. Dubia verò pro certis affirmare à Theologi officio alienum censeo. Quamobrem id de quo mihi non constabat non dixi: illud dixi, Petro gratiam sine quâ nihil possumus defuisse, quia defuit gratia efficax, de qua verè dicitur, sine illa nihil boni fieri posse, ut Conciliorum & Patrum concinentibus testimoniis in priori huius disputationis parte ostendimus.

## ARTICVLVS XV.

*Utrum adsit in omnibus generatim peccatis gratia excitans, siue sufficiens Thomistico sensu.*

**C**UM quæritur utrum adsit gratia sufficiens actualis in omnibus peccatis, id quæritur utrum adsint in omnibus peccatis mortalibus & venialibus piæ cogitationes quibus peccatum innotescat, pia desideria quibus ad illud fugiendum voluntas exciterur: de quo quid sentiamus duabus conclusionibus aperiemus; quarum hæc prima sit.



Hominibus ignorantibus, errantibus, incogitantibus, nec volentibus, nec conantibus euitare peccatum, non adest cognitio, scientia, cogitatio de peccato diuinitus immissa; non adest voluntas & desiderium fugiendi peccati; non adest conatus ad abstinendum à peccato, idest, non adest gratia excitans siue sufficiens actualis.

Non arbitror argumentis opus esse ad illam conclusionem stabilendam. Quid enim per se manifestius, quàm non adesse cognitionem ignorantibus, scientiam errantibus, cogitationem incogitantibus, voluntatem nolentibus, conatum non conantibus?

Hinc habes quàm absurdè nonnulli ex summi Pontificis Innocentij X. Constitutione gratiâ actualem in omnibus peccatis semper præsentem eliciant. Quid enim? Damnavit summus Pontifex hanc propositionem: *Quædam Dei præcepta hominibus iustis volentibus & conantibus secundum præsentem quas habent vires sunt impossibilia; deest quoque gratia quâ possibilia fiant.* Quid inde? Ut liberalissimi simus in aduersarios: ut non urgeamus verbum, iustis, de omnibus iustis intelligendum, cùm propositiones indefinitæ in materiâ dogmaticâ pro vniuersalibus accipiantur; adcòque eam doctrinam à Pontifice esse damnatam quæ legem Dei ita omnibus nunc hominibus impossibilem esse contendit, ut nulli prorsus ei observandæ pares sint, vtrumque spiritu Dei adiuuentur. Ut demus gratiæ nomen in hac Propositione de actuali non de habituali accipi debere. Quamquam ne cogitavit quidem Pontifex de eo definiendo, vtrum per gratiam habitualement, an per actualem mandata Dei sint possibilia: Quid inde tandem efficitur? Nimirum iustis volentibus & conantibus adesse gratiam actualem. Si hoc vnum postulant, ultro concedimus. Sin autem volunt ut etiam nec volentibus nec conantibus adsit: non vident primùm quidem propositionem à Pontifice damnatam de *volentibus & conantibus* esse, adcòque ad nolentes, & non conantes ridiculè detorqueri. Deinde pugnantia se loqui, & intestinum dissidium in summi Pontificis verbaintrudere. Ut enim nec volentibus nec conantibus adsit gratia actualis tam repugnat, quàm adesse voluntatē non volentibus, conatum non conantibus. Quid est enim gratia actualis, nisi voluntas, nisi conatus. Adest ergo volentibus & conantibus; fatemur. Ergo etiam nec volentibus nec conantibus. Quis tam ineptam, tam sibi aduersantem consecutionem non irrideat, non aspernetur, non summi Pontificis Constitutioni contumeliosam iudicet?

Altera conclusio est, quosdam etiam iustos peccare per ignorantiam, idest, carere cognitione peccati quod committunt; peccare per errorem, id est, approbare falsa pro veris; peccare per incogitantiam, id est, non cogitare de peccato quod admittunt; denique non habere semper boni faciendi desiderium nec conatum, siue quia latet an iustum sit, siue quia non delectat.

Quis enim de se spondere audeat nunquam vllum sibi subrepsisse peccatum per improuisas fratrum offensiones, per tacitas libidinis illecebras, per occultas sensuum insidias, per ignorantiam, per errorem, per subitōs æstus, per linguæ intemperantiam, quin præcesserit in animo per piam cogitationem peccati illius cognitio, infirmitatis suæ notitia, excitatio ad orandum, pium desiderium voluntatem à peccato retrahens.

Quid causæ superesset sanctis, ut ad Deum assidue clamarent: *Ab occu-*

*tis meis munda me Domine, & ab alienis parce sermo tuo, si nullum unquam peccatum occultè sese in animum insinaret? Quid causæ esset, cur ita Dominum deprecarentur: Et ignorantias meas ne memineris, si nulla per ignorantiam culpa posset admitti? Cur vigilarent aduersus diaboli insidias, si peccare non possent, quin priùs illa peruigili cogitatione excitarentur?*

Quis sibi in mentem possit inducere numquam sibi cognitionem peccati defuisse, qui præclarum illum Augustini locum meminerit, cuius veritatem omnes sancti ex intimo sensu pietatis agnoscunt. *In multis*, inquit ille de sp. & litt. c. 36. *offerdimus omnes, dum putamus Deo, quem diligimus, placere vel non displicere quod facimus, & postea per Scripturam eius sine certâ & perspicuâ ratione commoniti, cum didicerimus quod ei non placeat, poenitendo deprecamur ut ignoscat. Plena humana vita est documentis talibus.*

Qui potest illa doctrina præuiarum cogitationum in omnibus peccatis à peccato retrahentium consistere cum illâ Concilij Palæstini definitione, quâ proferbitur propositio illa Cælestij: *Obluionem & ignorantiam non subjacere peccato, quoniam non secundum voluntatem eneniunt, sed secundum necessitatem.*

Porro & ignorantia sæpe peccari, & tamen illa peccata voluntate fieri præclare explicat Aug. lib. 1. tetr. c. 15. *Nam & qui nesciens peccauit, non incongruenter nolens peccasse dici potest, quamuis & ipse quod nesciens fecit, volens tamen fecit. Ita nec ipsius esse potuit sine voluntate peccatum. Quia voluit ergo, fecit; etiamsi non quia voluit peccauit. Ita nec tale peccatum sine voluntate esse potuit, sed voluntate facti, non voluntate peccati. Quod tamen factum peccatum fuit: hoc enim factum est quod fieri non debuit.*

Quamlibet multa hîc conferre possem Patrum testimonia, quibus discretè docent sæpe sine præuiâ peccati cognitione peccari: sed in re tam perspicuâ satis erit vnumquemque hîc admonere, vt adeat conscientiam suam, vt vitam suam vel per vnum diem diligenter exploret; nec vllum fore puto, qui affirmare audeat de omnibus culpis venialibus, quæ innumera subsunt vel sanctissimis viris, illis se cogitationibus semper admonitum fuisse. Imò verò longè plurima sunt in quibus omnes delinquimus, quæ nobis numquam detegentur, nisi cum Deus reuelabit operata tenebrarum, & manifestabit consilia cordium. Quò quisque puriorem conscientiam habet, eò plures eiusmodi detegit nzuos, sicut in solis lumine volitantes pulueris minutia deprehenduntur. In communi verò vitâ latent hæc omnia, & à nescientibus ferè committuntur.

Pænalter peccare se fatetur Augustinus, si quando plus illum cantantis sonus, quam psalmi sensus delectaret. Religioni duebat purissimus animus vel lucem ipsam aspicere alicujus consecratione voluptatis; itemque oculos in araneam, in leporena transeuntem subitâ quâdam curiositate conijcere, culpam esse putabat. Idem vt aduersus Pelagium probaret, non idè credendum esse Abelem omnis peccati expertem fuisse, quòd nulla eius peccata Scriptura commemorat: *quasi vero*, inquit lib. de nat. & gr. cap. 37. *commemorandum fuerit, si Abel quamuis merito iustus appellatus est, paulo immoderatius aliquando risit, vel animi remissione iocatus est, vel vidit aliquid ad concupiscendum, vel aliquando immoderatius poma decerpit, vel plusculo cibo cridior fuit, vel cum oraret cogitauit aliquid unde eius in aliud auocaretur intentio, & quoties illi ista ac similia multa subrepperint.*

Interrogentur nunc plurimi christianæ licet ac probatæ vitæ, num ex illis multa inter culpas vñquam habuerint, numquam vel cogitalle respondebunt. Quid officiosa vel jocosa mendacia loquar, quid verba ociosa, ociosas cogitationes, ociosas actiones, quàm multi in peccatis non habent, & per totam ferè vitam in illis leuibus culpis sine vñlo conscientiz morfu perseuerant? Quis porro confidat omnia se suæ professionis officia nosse, nec vñli se vñquam per ignorantiam defuisse? Magnus ille est quisquis illud de se polliceri cum veritate potest. Sed metuo ne qui spondeat, ob id ipsum magnus non sit; quia istud de se profiteri audet, nec profundas humanæ mentis tenebras satis cognitas habet.

Repugnat igitur Patrum authoritati, repugnat Christianorum omnium sensibus illa præuiarum peccati cogitationum in omnibus culpis sententia; nec minùs abhorret à veritate, vt adit semper pius voluntatis motus, qui nullus esse potest si desit cogitatio. Omitto innumera Patrum loca, in quibus asserunt liberum arbitrium solum nonnumquam esse cum peccat, & nullatenus gratiæ auxilio, cum peccat, adutum. Vnus sufficit in præsens Augustini locus qui extat l. 6. op. vlt. contra Iul. c. 41. *Nec huius*, inquit, *concupiscentia reatus nisi in renascentibus soluitur, vt eo post absolutionem non in-*  
*gineatur, nisi qui ei ad perpetrandum opus malum spiritus aduersus eam vel NON*  
*CONCUPISCENTE, vel non fortius concupiscente consentit.*

Nec verò præuias illas pias cogitationes & pios motus diuinitus immis-  
sos in omnibus peccatis præsentis à me negari quisquam mirari debet, cum  
ab aduersariis meis vulgò negentur. Negauit in scriptis suis Illustrissimus  
Carnotensis Episcopus gratiam actualem semper adesse, cum ad multas  
tentationes superandas, ad multa peccata mortalia vitanda, gratiam ha-  
bitualem satis esse contendat. Sic enim ille tr. de gr. qu. 4. 2. 10. *Vt nunc*  
*se res habent, ad naturam totam legem, tum diuinam, tum verò vsque ad finem vite*  
*implendam, præter habituales requiruntur actuales. Non tamen auxilia ista re-*  
*quiruntur ad vincend. singulas tentationes (nisi fortè aliqua sit vehementissima)*  
*sed ad multas; quia Concilia & Patres loquuntur de auxilijs ad persenerandum,*  
*ad persistendum & perdurandum necessarijs. In quo quidem homo iustus ET S I*  
*FORTE OMNIBVS ACTUALIBVS AUXILIIS DESTITVTVS,*  
*adhuc differrer ab eo, qui nullam gratiam haberet, neque actualem neque habi-*  
*tualem, quòd homo iustus beneficio gratia habitualis posset aliquas saltem ten-*  
*tationes vincere, etiam graues; alter verò nullas posset, nisi fortè leues. Item si ser-*  
*mo sit de aliquibus solum peccatis mortalibus, ad hoc sufficere potest habitualis*  
*gratia reipsa perse & sine actuali. ubi nulla est vehemensissima tentatio.*

Hanc doctrinam duo ex Censoribus, nimirum P. Nicolai, & Alphonsus le Moynes catholicam esse & orthodoxam graui authoritate pronuntia-  
runt. Ego quid de ipsa sentiendum sit, hoc loco non dico. Tantum illud  
colligo, apud aduersarios meos pro certo non haberi, gratiam actualem in  
omnibus peccatis, etiam mortalibus adesse, eamque possibilitatem, quàm  
iusti semper possunt euitare peccata, semper ipsis conferri per gratiam  
actualem. Quare si ipsis non consentientibus modò, sed etiam approban-  
tibus licet defendere tantam vim esse gratiæ habitualis, vt nonnumquam  
eius vnus ope habeatur illa Moliniana potestas cui nihil desit ad agendum  
necessarium; quid est quod ægrè ferant eidem habituali gratiæ tribus  
d ij

nonnumquam eam potentiam Thomisticam, quæ non complectatur omnia necessaria ad agendum, & quæ numquam in actum prodeat sine efficacia gratiæ præsidio. Nam si hoc contendant, Molinisticam potestatem rectè tribui habituali gratiæ, Thomisticam non posse: quis illos non videat non considerare, sed quasi fortiri quid dicant: nec sic tamen vim istius argumenti declinabunt. Consequens enim semper erit, gratiam actualem non semper in omnibus peccatis & temptationibus adesse.

Negant etiam illas præuias cogitationes quicumque sufficere dicunt, affuisse aliquando in peccato veniali piam cogitationem & pium motum, cui si non consenserimus, meritò in aliis actuali gratiâ priuemur. Negant quicumque præuias illas cogitationes & pios motus tantùm in grauib. temptationibus requirunt, quæ sententia nunc inter Molinistas prioris opinionis absurditate commotos seſpere incipit. Negant quicumque contendunt istiusmodi motus in iis tantùm culpis semper reperiri, quæ neque per errorem, neque per ignorantiam committuntur; quam sententiam nonnullis ex ipsorum numero probari video. Negant denique vniuersi Molinistæ, qui libenter numero suo aggregarunt vnum ex doctoribus qui gratiam habitualement sufficiens esse Thomistico sensu, actualemque gratiam sæpe dari, non semper publicè professus est.

Soli ergo Lescuitæ nunc vrgent illud præuiarum cogitationum in omnibus peccatis commentum: verùm illud ipsi pessimè teneant. In eas enim angustias redacti sunt, vt grauiam actualem sitam doceant in cogitationibus, de quibus non cogitetur; in piis motibus quos non sentiamus; quasi vel fieri possit vt aliquis incogitans cogitet, vel eâ cogitatione ad non peccandum adiuuetur, quam ipse non aduertat; & ideo reus sit apud Deum, quia piæ cogitationi quam non aduertit, non consenserit. Quo quidem nihil absurdius dici posse arbitror; & idcò Cardinali Bellarmino meritò illud exploditur l. 2. de gr. & lib. arb. c. 6. *Non potest, inquit, vllus conuerſi ſine gratiâ praueniēte. Gratia verò iſta praueniens non ſemper adest, vt vel experientia ipſa ſeſtatur. Non enim ſentimus aſſiduè nos illuminari à Deo, aut imminuſi bona deſideria quibus excitemur ad conuerſionem. Non igitur ſemper habemus auxilium ſufficiens ad conuerſionem. Dicunt aliqui Deum quidem perpetuò pulſare ad oſtium cordis, & peccatores vocare; ſed eos aliis rebus intentos non percipere vocationem Dei. Sed hæc reſponſio cum ipſo experimento apertiffimè pugnat. Nam cum vocatio pulſus, tractus, excitatio illa Dei ſit actio noſtra, quamuis non libera; nempe bona cogitatio bonumque deſiderium repente ac diuinitus immiſſum, quomodo poteſt fieri vt non ſentiat in nobis, ſi ſit non ſolum in nobis, ſed etiam à nobis.*

Exploditur item ab Illuſtriſſimo Lefcotio tr. de gr qu. 2. a. 11. vbi cùm ſibi obiectiſſet, peccatores non ſentire in ſeipſis ſingulis momentis vel horis diuinas motiones vel inſpirationes; non ergo eos habere gratiam ſufficientem: non reſpondet cogitationes illas tales eſſe, vt ſæpe non aduertantur; verùm conſequentiam negat. Nam, inquit, vt gratia dicatur ſufficiens, neceſſe non eſt eam dari ſingulis momentis vel horis, ſed ſatis eſt quod deſur certis temporibus: ſicut etiam rectè dicimur amicū ſufficenter admonere offici j ſui, eſi cum quidem non perpetuò admonearus. Quibus ex verbis intelligi licet, primùm ex Lefcotij ſenſu non a deſſe gratiam actualem in ſingulis temptationibus; aliàs ſingulis

horis adesset, quod ab ipso negatur: vix enim fieri potest vt non singulis horis aliquâ peccati tentatione sollicitemur: deinde ex eodem non adesse gratiam actuale, cum nullæ diuinæ motiones vel inspirationes sentiuntur.

Nec mouere quemquam debet quod nonnumquam Augustinus asserit, Deum miris & occultis modis agere vt velimus & occulto ac ineffabili modo-pias cogitationes immittere. Modum enim operationis istius arcanum esse dicit Augustinus, non ipsam operationem. Itaque sæpe fieri potest, vt bonam aliquis cogitationem habeat, & tamen vnde habeat nesciat; vel omnino ignoret, aut saltem dubitet an bona sit. Sed illud fieri nullo modo potest, vt aliquis cogitet, & se tamen cogitare omnino nesciat, vt illud peccatum ignoret de quo per illas cogitationes sexcenties sit admonitus.

## ARTICVLVS XVI.

### *De peccatis mortalibus accuratiùs.*

**P**LURA non dicam ad refellendum nuperum illud Molinistarum commentum Vnum tantum admonebo. Cum hic dixi audiendos non esse qui in omnibus peccatorum tentationibus bonas illas cogitationes & pias affectiones tam liberaliter largiuntur, id me de omnibus generatim peccatis intelligere, quatenus hoc nomine & venialia & mortalia cõprehenduntur.

De venialibus certa res est & frequentissima; de mortalibus certè longè infrequentior. Non video tamen quibus rationibus adductus quisquam certò definire possit, nemini vmquam dum in peccatum mortale prolapsus est, defuisse illius peccati cognitionem, eiusque vitandi desiderium diuinitus immisissum. Equis enim spondeat propter aggesta multa venialia peccata, propter vitam negligenter actam, propter occultam superbiam, tametsi veniale, diuinum lumen non se penitus aliquando menti in graui tentatione subtrahere? Quis spondeat pueris illis baptizatis quidem, sed apud hæreticos educatis, cum in primâ ad hæresim adhæsiõne peccant mortaliter, semper adesse illius peccati cognitionem cœlitus inspiratam? Quis solidâ ratione decernat malè institutos pueros numquam baptismi innocentiam amittere violatâ lege naturæ, quin illius criminis cognitionem à Deo priùs acceperint?

Quid illi qui Ecclesiæ bona & dignitates vel capeffunt vel ambiunt, vel ad hæredes & propinquos carnali affectu sæpe transmittunt? An illos semper hos conscientia morsus experiri, & illius flagitij notitiâ per gratiam illustrari pronuntiare velles? Quid potro de illis dicemus, qui falsâ illâ persuasionem imbuti sunt, licitum illud & tutum in moribus esse, quod alicuius doctoris Theologi autoritate nitatur? An quoties illi vel cæcos duces sequuntur, vel cæcis cæci ducatum præstant, toties vel ipsi à peccato immunes erunt, vel de eo diuinitus admonebuntur? Quid illi quos Bernardus mitificè describit serm. de Assumpt. *Via videre, inquit, mundatam, ornatam, & vacantem domum? Hominem insuere qui confessus est & deseruit manifesta peccata precedentia ad iudicium, & nunc solas mouet manus ad opera mandatorum,*

corde penitus arido, ductus consuetudine quâdam, planè quasi vitula Ephraim docta diligere iritram: exteriorum videlicet quæ ad modicum valent nec unum iosa præterit; sed camelum gluit, dum culicem liquat. In corde enim servus est propria voluntatis, cultor avaritiæ, gloria cupidus, ambitionis amator, aut hæc omnia, aut singula, intus vitia fovens, & mentitur iniquitas sibi. Videas enim interdum sic palliatum hominem ut seducat etiam semetipsum, non attendens vermem, qui interiora depascitur; manes enim superficies, & salua sibi omnia arbitrat.

In hunc statum vitam non multi imprudentes prolaberentur! Sed quis illos semper de casu suo admonitos affeueret, cum se cecidisse ad mortem usque frequenter ignorent? Nonne propter occultos eiusmodi lapsus de quibus nemo potest esse securus, dicebat Apostolus: *Nihil mihi conscius sum, sed non in hoc iustificatus sum?* Alioqui si semper quisque dum cadit aduertit, quid est quod se quisquam cecidisse nesciat, aut se stare certò non confidat? Magis perspicua sunt quæ per corpus committuntur peccata; sed illa quæ in intimis animi recessibus peraguntur, quàm obscura nonnumquam, quàm soli sæpe Deo nota sunt?

Aliquos ad infernum viuentes descendere dicit Augustinus, quia scientes & prudentes peccant. *Cum scis*, inquit, psal. 54. *malum esse quod facis, & tamen facis, nonne viuis descendis ad inferos?* Sed ibidem quosdam esse tradit qui non nisi mortui descendant; quia quod agunt malum, ignorant.

Definiam ergo qui volent neminem umquam lethale flagitium sine præviâ illius cognitione committere, mihi satius videtur diuinæ iustitiæ profundum non scrutari, sed pertimescere. Neque enim frustra dictum est, inquit Aug. de pecc. mer. & rem. c. 24. *Iudicia tua sicut abyssus multa; cuius abyssi altitudinem velut expauescens exclamat Apostolus, O Altitudo &c. Valde enim paruum sensum habemus ad discutiendam iustitiarum iudiciorum Dei, ad discutiendam gratiam gratuitam nullis meritis precedentibus, non iniquam, quæ non tam mouet cum præstatur indignis, quàm cùm æquè indignis aliis denegatur.* Nihil autem in diuinis iudiciis inscrutabilius, ut idem ait de dono pers. c. 9. *quàm curex duobus piis illi donetur perseuerantia usque in finem, huic autem non donetur, quamvis illud fidelibus debeat esse certissimum, hunc esse ex prædestinatis; illum non esse.*

Interim tamen totam hanc de peccatis ignorantie disputationem libet egregio Bernardi loco ad Hugonem concludere, quo illa omnia quæ hîc dicimus in summam colligit. *Veritas*, inquit ille aduersus nescio quem qui per ignorantiam peccati negabat, *testimoniis paucis & manifestis manifestum mendacium confutatur.* Is forsitan qui asserit non posse peccari per ignorantiam, numquam pro suis ignorantibus deprecatur, sed potius Prophetam irridet deprecantem & dicentem: *Delicta iuuentutis mea & ignorantias meas ne memineris.* Forsitan & reprehendes Deum exigentem pro peccato ignorantie satisfactionem. Si ignorantia numquam peccatum est, cur dictum est in epistola ad Hebræos, quia in secundo Tabernaculo semel in anno solus Pontifex intraret, non sine sanguine quem esseret pro sui & populi ignorantia? Si peccatum ignorantie nullum est, non ergo peccauit Saulus, cum persecutus est Ecclesiam Dei; quoniam quidem ignorans hoc fecit, manens in incredulitate. Bene itaque faciebat quod erat blasphemus, & persecutor, & contumeliosus: quòd erat spirans minarum & calis in discipulos Domini, in hoc quippe abundanter amulator existens patrum suarum traditionum.



*Non ergo debuit dicere : Misericordiam consecutus sum, sed mercedem recepi; quippe quem ignorans à peccato reddebat immunem, insuper & emulatio remunerabilem indicabat? Si, inquam, ignorantia numquam peccatur, quid causamur adversus occisores Apostolorum? Quoniam quidem non solum malum esse nescierunt interficere illos, sed insuper quoque id faciendo, arbitrari sunt obsequium se præstare Deo.*

Verum quidquid tandem de præiis illis cogitationibus statuatur, nihil hoc prorsus Epistolæ meæ propositionem attingit, quæ omnem actualement gratiam non negat, sed tantum efficacem, ut supra ostendimus.

## ARTICVLVS XVII.

*Nullam gratiam necessariam esse ut homini peccatum imputetur.*

**E**X hoc capite sequitur alterum, nimirum gratiam Dei necessariam non esse, ut ei qui legem Dei violarit, peccatum imputetur. Integrum volumen de hoc vno argumento facile confici potest; quædam hic tantum mihi breviter indicasse satis erit.

1. Ex Augustini mente infideles Iudæi, excæcati, omni prorsus gratiâ caruerunt; ut innumeris locis probari potest. quam non dubiam esse S. Augustini doctrinam Vasquesius agnoscit; & tamen & infideles, & Iudæi, & excæcati à peccato non excusantur.

2. Ut vidimus articulo præcedenti, multis saltem in peccatis venialibus deest pia cogitatio, & pius motus, id est gratia actualis: & tamen isti venialiter peccant.

3. Plusquam vigesies Augustino à Pelagianis obiectum est in ipsius sententiâ injustè hominibus peccata imputari, & mandata esse impossibilia; & tamen numquam idèd possibilia dixit mandata, idèd justè imputari peccata, quia numquam deest gratia actualis.

4. Negat disertè Augustinus gratiæ defectum à peccato excusare; sic ep. 105. *Sed excusabunt se, inquit, homines qui nolunt rectè & fideliter vivere, dicentes: Quid nos fecimus, qui malè vivimus; quandoquidem gratiam vnde bene viveremus, non accepimus? Et paulo post: Quid de nobis sit querela, quòd Deum offendamus malè vivendo, cum iuvini voluntatis nemo possit resistere, qui nos obdormantis misericordiam non prestando? Quid ad hoc responderet Augustinus? An illos accepisse gratiam actualem & pias cogitationes? Si ergo, inquit, illos non pudet hac excusatione non nobis, sed Apostolo contradicere, cur nos pigeat eis quòd dixit Apostolus idem atque identidem dicere: O homo, tu quis es qui respondas Deo? Idem verò qu. super Deuteronom. q. 50. adhuc luculentius: Simul ostendit Moyses & sine adiutorio Dei homines intelligere & obedire NON POSSÈ oculis cordis & auribus cordis. Et tamen si adiutorium Dei desit, non idèd excusabile esse hominis vitium; quoniam iudicia Dei, quamvis occulta, tamen iusta sunt. Eodem modo Prosper eam excusationem refellit in Carm. de ingr. c. 32.*

*Non autem rectè nec verè dicitur, illos  
Quòd sunt exortes divini muneris, & quos  
Gratia neglexit degentes mortis in umbra,*

*Peccati non esse reos, quia recta gerendi  
Non data sit virtus.*

Denique sic retundit illam excusationem Fulg. de ver. prxd. l. 2. c. 20. *Solent homines in tenebris propria cecitatis extantes, cum audiunt gratia Dei præniri atque immutari hominum voluntates, videntque se pro tenetis cordis perversitate culpari, excusationi suae de justâ Dei voluntate injustum capere suffragium, ut exinde majus recipiant punitionis augmentum. Accusant enim Deum à quo gratiam non accipiunt; & se ipsos excusant, qui Deum justum vitio sua iniquitatis offendunt: ipsi suis manibus inferunt plagas, & medico non dubitant irrogare calumniam. Quod toro deinde capite persequitur, ostenditque peccatores idèdè justè culpari, non quia semper pias cogitationes & pia desideria accipiunt, sed quia suâ voluntate peccant.*

5. Si nemo peccaret, nisi qui gratiam actualem à Deo accepisset, falsum planè esset quod S. Augustinus post Apostolum sexcenties docuit: *Litteram sine spiritu occidere: Legem sine gratiâ fecisse magis reos: Legem apud eos, quos non adiuvat gratia, esse virtutem peccati: Legem iis intulisse mortem, quos Dei gratia non adiuvit.* Sed contrâ dicendum erit: Legem sine gratiâ reos facere non posse, sed cum gratiâ sufficiente semper facere: Legem sine gratiâ neminem occidere, sed cum gratiâ sufficiente semper occidere: Legem iis, quos non adiuvit gratia, mortem non intulisse, sed illis semper inferre mortem, quos gratia sufficiens adiuvat.

6. Falsum erit quod ait Aug. de spir. & lit. c. 3. *Neque liberum arbitrium quidquam nisi ad peccandum valet, si lateat veritatis via.* Sed contrâ Augustino reponendum erit: Liberum arbitrium nihil ad peccandum valet, si lateat veritatis via.

7. Falsum erit quod ait Aug. l. 3. ad Bonif. c. 8. *Liberum arbitrium captivatum, non nisi ad peccatum valet; ad justitiam verò nisi diuinius liberatum adiutumque non valet.* Sed contrâ aduersus Augustinum statuendum erit, liberum arbitrium ad peccandum nihil valere, nec peccare posse, nisi diuinitus adjutum.

Denique vt alia innumera prætermittam, quæ gratiam actualem sufficientem ad peccandum necessariam statuunt, in hanc incurrunt horribilem planè consequentiam, Christum idèdè pro reprobis mortuum, vt illis promeretur gratiam, sine quâ peccare non possent, & quâ acceptâ infallibiliter peccant. Verùm ad alienandos ab hac doctrinâ Theologos, sufficit quòd Patrum auribus prorsus inaudita sit, nec illius apud ipsos vllum omnino vestigium reperiatur.

Quæres verò an hominibus omni prorsus gratiâ destitutis mandata Dei impossibilia fuerint? Respondeo neutiquam. Nam ex Augustino illud est in potestate nostiâ quod fit cùm volumus, non fit cùm nolumus. Eiusmodi semper est obseruantia mandatorum; seruat ea quicumque seruire vult, cùm ista obseruantia nihil aliud sit, quàm firma voluntas obseruandi mandata. Quare quæ voluntate constant, numquam impossibilia dici possunt: sunt enim semper cùm volumus. Hinc fit vt de hominibus à gratiâ planè desertis verè dicatur, peccare illos non quia bene agere non possunt; sed quia nolunt. Possent enim non peccare si vellent; totaque illorum impotentia nihil aliud est, quàm mala voluntas, mala cupiditas, & animus ter-

renis rebus constanter affixus. Id vidit Cardinalis Bellarminus l. de gr. & lib. arb. c. 15. qui cum sibi obieciſſet, *conuerſionem hominis non fore in ipsius potestate, si semper requiratur excitatio praeueniens, cum excitatio illa non sit in hominis potestate; respondet, conuerſionem semper esse in potestate liberi arbitrij, quoniam potest semper conuerſi quando voluerit. Id enim dicitur esse in potestate, ut Aug. definit l. de sp. & lit. c. 31. & l. 5. de ciuit. Dei. c. 10. Quod adest quando volumus, & quando nolumus non adest. Quo sensu admittit Augustinus ibid. fidem esse in potestate liberi arbitrij, quia credit homo si vult, & si vult non credit. Ceterum ipsum velle credere aut conuerſi non potest homo habere, nisi per gratiam praeuenientem acceperit ut possit.*

Quare Doctores illi quos ad admittendam in infidelibus sufficientem gratiam actuale compulit istius argumenti quasi terriculum, quod aliquin mandata ipsis forent impossibilia, non satis distinxisse videntur duplex impotentiae genus; quorum alterum excusat à peccato; alterum ad id non excusat, ut etiam augeat. Alia est enim impotentia à voluntate planè sejuncta, quae manet etiam si nolis, quam pro voluntate non exuas, quam odisse, nec ramen deponere valeas. Eiusmodi est impotentia ambulandi in homine cui fractae sint tibiae, impotentia scribendi in homine cui praecisae sint manus, denique impotentia non moriendi in homine mortali. Non enim etiam si velit homo non morietur, nec ambulabit ille cui crura fracta sunt, nec scriber ille cui praecisae manus, etiam si maxime id optent ac velint. Haec impotentia planè excusat à peccato. At verò longè dissimilis est illa impotentia, quae peccatores ab obſeruandis Dei mandatis praepediuntur; in ipsa enim voluntate posita est, imò nihil aliud est quam constans peccandi voluntas, nihil aliud est quam deprauatus cordis affectus, terrenis rebus penitus addictus. Itaque non haec impotentia est, sed prauitas. Non potest in hoc statu homo diuinis obsequi mandatis: utique, sed quia non vult; quia totus ad se conuersus est; quia totus à Deo alienus est. Amare Deum non potest, sed quia creaturam amat & amare vult; & in hoc amore ita pertinax est, ut ab eo nolit desistere, nolit auelli. Absurdum autem planè fuerit, ut idèd quis à criminibus sit immunis, quia toto voluntatis impetu incumbit in crimina.

Postremam hanc impotentiam à peccato non excusare Bernardus mirabiliter ostendit. Nam quod surgere, inquit ille in Cantica serm. 81. *Anima perse jam non potest, quia perse cadere potuit, voluntas in causa est, quae corrupti corporis vitio ac vitioso amore languescens & jacens, amorem pariter iustitiae non admittit. Ita nescio quo prauo & miro modo ipsa sibi voluntas peccato quidem in deterius mutata necessitatem facit, ut nec necessitas cum voluntaria sit, excusare valeat voluntatem; nec voluntas, cum sit illecta, excludere necessitatem. Et iterum: Premebatur iugo non alio quam voluntarie eiusdem seruitutis. Et erat pro seruitute quidem miserabilis, sed pro voluntate inexcusabilis. Vbi nam quae hanc necessitatem sentis, nonne in voluntate? Non ergo parum firmiter vis quod & necessarium est. Multum vis quod nolle nequeas, nec multum obſtans. Porro ubi voluntas, ibi libertas. Atque vtiā prohibitio hac & hac compulſio ita esset violenta, ut non esset voluntaria. Forsitan enim sic possem excusari; aut certe ita esset voluntaria, ut non esset violenta. Proſcilo enim si possem corrigi. Nunc verò nusquam exitus: misero patet, quem & voluntas, ut dixi, inexcusabilem, & incorrigibilem necessitas facit.*

Nemo difficile id in Adamo percipiat, postquam ab amore Creatoris in sui defluxit amorem. Nam si in suo amore contumaciter hærens, idèd conuertere non poterat, quia se nimis amabat; quis illum idèd à peccato liberet, quis non eam impotentiam ad augendum eius peccatum, potiùs quàm ad minuendum valere fateatur? Difficiliùs id in eius posteris intelligimus, quia peccatum originale ferè tamquam ab illis alienum cogitamus. At si attenderimus per originis labem ad ipsos pertinacem illum sui & creaturarum amorem simul esse transmissum, iustoque licet arcano Dei iudicio etiam in illis prauum & vitiosum esse, faciliùs intelligemus, si quid ex illo corrupto fonte profluat, non idèd innoxium esse, quia aliquo modo necessarium; sed idèd culpandum, quia voluntarium: istam enim necessitatem nihil aliud efficit, quàm corrupta & deprauata voluntas. Atque hæc in præsens de isto argumento sufficient, quod vberius prosequi non est huius loci.

Hanc dissertationem tres tantùm in partes distribuere initio nobis propositum fuerat, verùm cùm tertia longiùs jam processisset quàm putarmus, non alienum visum est reliquas quæstiones Scholasticæ Theologiæ minùs affines in quartam potiùs partem reiiicere, ne huius tertiæ partis abnormis magnitudo ab aliarum modo nimium abhorreret.



# DISSERTATIONIS IV. PARS.

*In quâ varîe quæstiones de mandatorum possibilitate explicantur.*

## ARTICVLVS PRIMVS.

*Quam gratiam intellexerit Augustinus, sufficientem an efficacem, cum in lib. 2. de pecc. mer. & rem. dicit, voluntate humanâ, gratiâ adjuuante diuinâ, posse homines in hac vitâ esse sine peccato?*

**C**V in hanc partem rejecerimus varias de possibilitate mandatorum quæstiones, quæ magis ad sanctorum Patrum intelligentiam, quàm ad scholasticam Theologiam pertinent, commodissimè illam ordiemur ab eâ disputatione, quam doctissimus Theologus mouit de celeberrimo Augustini loco lib. 2. de pecc. mer. & rem. vbi ait: *Voluntate humanâ, gratiâ adjuuante diuinâ, hominem in hac vita posse esse sine peccato, neminem tamen esse, vel fuisse, vel futurum esse qui vim hanc peragat.* Ex quo vir ille clarissimus concludi posse existimat, duplicem ab Augustino gratiam agnoscî; alteram sufficientem, quæ dat hominibus posse vitare peccatum, neque tamen faciat ut reipsâ vitent: alteram efficacem, quæ facit ut actu à peccato abstineant; quæ quia non semper datur, hinc fit ut homines non sint sine peccato, licet alterius gratiæ ope, quam sufficientem appellat, tales esse potuerint.

Ego verò multis & grauissimis, nisi fallor, rationum momentis adducor ut credam, de nullâ aliâ quàm efficaci gratiâ in hoc toto libro Augustinum disputare, & vbi cumque ait, homines gratiâ adiuuante diuinâ esse posse sine peccato, aliam non esse illorum verborum sententiam, quàm illam, fieri quidem posse ut sit homo sine peccato, si illi gratia diuina tantum adiuuet, quantum necesse est, *ut nihil eorum quæ pertinent ad iustitiam eum lateat, & eas sic delecent animum, ut quidquid aliud voluptas sine dolor impedit, deletatio illi superet*, sicut loquitur Aug. de sp. & lit. c. 35. Neminem tamen in hac vitâ esse sine peccato; quia Deo pro summâ suâ sapientia visum non est, eam semper homini gratiam conferre, qua adiuuante posset actu & reipsâ omni ex parte vitare peccatum. Itaque non loqui Augustinum de sufficienti aliqua gratia quæ semper adsit, sed de efficaci quæ semper adesse possit, si Deus velle; nec semper adest, quia Deus non vult.

Quâ in re mecum sentiunt præstantissimi ex schola sancti Thomæ Theologi, qui hunc Augustini locum de gratia efficaci interpretantur, ut Aluarez de aux. disp. 102 n. 9 Et Barth. Medina in 1. 2. qu. 109. art. 8. vbi ex hoc loco colligit, *secundum Augustinum hominem esse posse sine peccato, sed per gratiam Dei. Nam aliis, i. quit, derogaretur euidenter libero arbitrio, &*

*gratia Dei BEFFICACI.* Hanc ergo sententiam aliquot argumentis, vt mihi videntur longè valdissimis confirmabo & vberiùs paulò prosequar, quod ex eâ pendeat grauioris quæstionis explicatio, quo sensu scilicet dixerint Patres gratiæ diuinæ aduersus Pelagianos defensores, mandata Dei non esse impossibilia, etsi fieri nequeat vt à nobis seruentur, nisi cùm Deus in nobis atque nobiscum vt operemur operatur.

## ARTICVLVS II.

*Augustinum hic agere de vitando per totam vitam omni peccato etiam veniali, quod iustum omnem posse per gratiam sufficientem sibi collatam Tridentina Synodus dici vetat.*

**P**RIMUM argumentum ex eo repeti potest quod in toto libro 2. de pecc. mer. & rem. sibi tractandum proponit Augustinus. Illud enim tale est, vt ad gratiam sufficientem à Deo homini datam & ab homine acceptam nullo modo referri queat. Nemo enim dicat, omnibus etiam iustis tantam gratiam à Deo collatam esse, quanta sufficit ad vitanda omnia omnino peccata etiam venialia. At de hoc vno agit Augustinus, vt ipse initio libri profitetur. *De baptismo*, inquit, *parvulorum*, *Marcelline charissime*, *priori libro satis disputa um est.* In hoc autem, *vinatne* aliquis *in hoc seculo*, *vel vixerit*, *viæturn ne sit*, *sine vilo omnino peccato...* *quanta ipse donat diligentia vel facilitate differendum enodandumque suscepi.* Ecce totius libri argumentum: An sit aliquis in hac vitâ sine vilo omnino peccato. Vnde constat non de solis lethalibus culpis, quæ crimina vocant Patres, sermonem esse; sed præsertim de venialibus. *Multi quippe*, inquit idem Aug. ad Bonif. l. 1. c. 14. *baptizati fideles sunt sine crimine*, (hoc est, sine mortali peccato.) *Sine peccato autem in hac vitâ neminem dixerim, quantalibet Pelagiani, quia hac dicimus, aduersum nos insentur & dirum; antur insaniâ.*

Hæc igitur quæstio ab Augustino tractanda suscipitur, an sit vllus iustus qui vitam hanc agat sine vilo omnino peccato, etiam veniali; sicut ipse vberiùs c. 2. his verbis explicat: *Huius autem*, inquit, *quæstionis solutio, de hominis vitâ sine vllâ subreptione vel præoccupatione peccati, propter quotidianas nostras orationes maxime necessaria est. Sunt enim quidam tantum præsumentes de libero humana voluntatis arbitrio, vt ad non peccandum, ne c adiuuans nos diminutis opinentur, semel concesso libera voluntatis arbitrio: vnde fit consequens, vt nec orare debeamus, ne intremus tentationem, hoc est, ne tentatione vincamur, vel cùm fallit & præoccupat nescientes, vel cum promissis atque urget infirmos.* Hinc etiam cap. 16. *Neque negandum est*, inquit, *hoc Deum iubere, ita nos in faciendâ iustitia esse debere perfectos, vt nullum habeamus omnino peccatum: nam neque peccatum eris, si quid erit, si non diuinitus iubeatur vt non sit.* Cùm igitur in hoc libro Augustinus asserit posse hominem in hac vitâ esse sine peccato gratiâ adiuuante diuinâ, & dum hoc homini præcepit Deus, *nihil illi præcepisse quod esset humana impossibile voluntati*, non de alicuius seorsim peccati fugâ, nec de aliquo particulari præcepto, & in aliquâ tantum singulari occasione seruando agit; sed de illo generali præcepto, quo iubet Deus ne



peccemus, & vitam istam agamus sine vllâ subreptione vel præoccupatio-  
ne peccati. Atqui non solum nemo iustorum in hac vita sine peccato est,  
verum etiam sine errore dici non potest, tantam cuiuslibet iusto gratiam à  
Deo conferri, quanta sufficit ad vincendum omni ex parte peccatum, &  
implendam omni ex parte iustitiam. Id enim præter Christum soli B. Vir-  
gini concessum fuisse prædicat Aug. de nat. & gr. c. 36. & Tridentino ana-  
themate percelsitur sess. 6. c. 23. *Si quis dixerit hominem semel iustificatum  
posse in tota vita peccata omnia etiam venialia vitare, nisi ex speciali privilegio,  
quemadmodum de B. Virgine tenet Eccl. sia.*

Dum ergo ait Augustinus, posse hominem in hac vitâ esse sine vllò om-  
nino peccato gratia adiuuante diuinâ, de eâ gratiâ intelligi nequit quæ de-  
tur omnibus iustis, ita vt per eam sibi à Deo collatam possint in totâ vitâ pec-  
cata omnia, etiam venialia vitare, quod canon Tridentinus hæreticum esse  
docet; sed obuius & planus propositionis Augustinianæ sensus est quem  
diximus, posse hominem per totam vitam esse sine vllò omnino peccato  
gratiâ adiuuante diuinâ; quia reuerâ esset homo sine peccato, si gratiâ ad-  
iuuante diuinâ, (& eâ quidem efficacî, imò efficacissimâ) nihil umquam  
eorum qua pertinent ad iustitiam eum lateret, & ea sic delectarent animum, ut  
quidquid aliud voluptas, sine dolor impedit, delectatio illa superaret, vt inquit  
Aug. de sp. & litt. cap. 35.

### ARTICVLVS III.

*Gratiam, quâ adiuuante ait Augustinus hominem esse posse sine peccato,  
efficacem esse, & quâ non semper homines adjuuentur.*

**A**LTERVM argumentum est, quod ita Augustinus affirmat hominem  
esse posse sine peccato gratiâ adiuuante diuinâ, vt simul doceat & il-  
lam gratiam esse efficacem, & non semper ab illa iustum adiuuari. Vnde fit  
eatenus solum verum esse, hominem esse posse sine peccato gratia adiuuan-  
te diuina, quatenus teipsa fieret vt esset sine peccato, si semper & vbique  
quantum sufficit ad vitandum peccatum à gratia diuina iuuaretur. Primum  
quidem id patet quod cap. 2. vt iam vidimus, huius questionis solutione de  
hominis vitâ sine vllâ subreptione vel præoccupatione peccati, propter quotidianas  
etiam nostras orationes maxime necessariam esse dicit: ne scilicet quis opinetur,  
nos ad non peccandum diuinitus non adiuuandos; unde fit consequens, vt nec orare  
debeamus ne intremus in tentationem, hoc est, ne tentatione vincamur, vel cum fal-  
lit & præoccupat nescientes, vel cum premit atque urget infirmos. Et c. 3. ex concu-  
piscentiâ fieri docet, vt homo in hac vitâ non sit sine peccato. Vt autem ei,  
inquit, non consentiamus, deprecamur adiutorium, dicentes: Et ne nos inferas in  
tentationem; vt si foris tentari experimus à concupiscentiâ nostrâ, adiutorio eius non  
deseramus, vt in eo possimus vincere, ne abstrahamur illece.

Quænam autem illa gratia quam sancti postulant ne tentatione vincan-  
tur, nisi illa per quam reipsâ fiat vt non vincantur, hoc est efficax, vt in pri-  
mâ huius dissertationis parte luculenter ostensum est: nisi illa quâ vt ait san-  
ctus Doctor de sp. & litt. c. 29. petimus à Deo vt det quod iubet, atque inspi-

ratâ gratiæ suauitate faciat plûs delectare quod præcipit, quàm delectat quod impedit: nisi illa, quâ deprecamur certam scientiam, vt aperiat quod latebat; & victricem delectationem, vt suaue faciat quod non delectabat, vt ait idem de pecc. mer. & rem. c. 17. & c. 19.

Sed longè adhuc luculentiora quæ addit c. 5. *Ad peccandum namque non adiuuamur à Deo; iusta autem agere, vel iustitiæ præceptum omni ex parte implere non possumus, nisi adiuuemur à Deo. Sicut enim corporis oculus non adiuuatur à luce, vt ab eadem luce clausus auersusque discedat; vt autem videat, adiuuatur ab eâ, neque hoc omnino, nisi illa adiuuerit, potest: ita Deus, qui lux est hominis interioris, adiuuat nostræ mentis obitum, vt non secundum nostram, sed secundum eius iustitiam boni aliquid operemur. Si autem ab illo auertimur, nostrum est, & tunc secundum carnem sapiamus; tunc concupiscentiæ carnis ad illicita consentimus. Conuersos ergo Deus adiuuat, auersos deserit; sed etiam vt conuertiamur ipse adiuuat, quod certe oculis corporis lux ista non præstat.*

Præclara hîc omnia. Primò enim gratia efficax est, quâ Deus nos adiuvat vt boni aliquid operemur; quâ Deus nos adiuuat vt adiplum conuertamur. At ex August. nisi per illam gratiam adiuuemur, iusta agere vel iustitiæ præceptum omni ex parte implere non possumus. Gratia ergo illa, qua adiuuante potest homo esse sine peccato, & sine qua non potest esse sine peccato, quia non potest iustitiæ præceptum omni ex parte implere, efficax est, non sufficiens. Deinde adiuuamur à Deo cum ad Deum nos conuertimus, cum boni aliquid operamur; non adiuuamur autem, cum à Deo nos auertimus, cum concupiscentiæ carnis ad illicita consentimus. Ergo agnoscit Augustinus per gratiam illam, qua adiuuante possunt homines esse sine peccato, non semper homines adiuuari: non enim per illam adiuuantur ex Augustino, cum concupiscentiæ carnis ad illicita consentiunt. Iam verò in eodem c. 5. multis Scripturarum testimoniis docet, nihil Deum iubere vt faciamus, quin ipsi continuo dicamus: *Da quod iubet*; quod cum per solam gratiam efficacem præstetur, per quam Deus dat quod iubet, faciendo vt faciamus, dum operatur in nobis velle & perficere pro bona voluntate, & aptat nos in omni bono, faciens in nobis quod placeat eorum se, manifestum est per illam gratiam, qua adiuuante potest homo esse sine peccato, & sine qua non potest, non aliam ab Augustino intelligi quàm efficacem, per quam Deus in nobis atque nobiscum vt operemur operatur, vt in 2. synodo Arausicana c. 9. ex Augustino definitum est.

Hinc autem manifestò sequitur, diuinam illam gratiam adiuuantem & efficacem, sine quâ iusta, vel iustitiæ præceptum implere omni ex parte non possumus, ne omnibus quidem iustis semper dari. Neque hoc nobis diuinandum reliquit Augustinus. Vt enim apertè docet, posse iustum in hac vita esse sine peccato gratiâ adiuuante diuinâ, non posse verò nisi adiuuetur: ita non minùs apertè declarat, eum à Deo adiuuari, illum non adiuuari, pro solo nutu & arbitrio diuinæ voluntatis. Cur illum, inquit, Deus adiuuet, illum non adiuuet; illum tantum, illum autem non tantum; istum illo, illum isto modo, penes ipsum est & æquitatis tam secreta ratio, & excellentia potestatis.

Denique totum illud opusculum de peccatorum mer. & rem. sic conclusit, vt non obscurè significet, idèd. iustos, qui Deo adiuuante sine pec-

cato esse possunt, non esse tamen in hac vita sine peccato; quia cœlestis ille medicus, qui ordinem sanandi non accipit ab aegroto ad perficiendam iustitiam in quibusdam eos non adiuuat, ut gratiarum actionem semper indulgentiæ eius debeant, & à tumore superbiæ sancta humilitate sanentur. *Notat, inquit lib. 3. cap. vlt. ille medicus qui non est opus sanis, sed agrotantibus, quemadmodum nos curando perficiat in eternam salutem, qui & in quibusdam etiam iustos suos, quoniam adhuc extolli possunt, non adiuuat ad perficiendam iustitiam, ut dum non iustificatur in conspectu eius omnis viuens, actionem gratiarum semper indulgentiæ ipsius debeamus; & sic ab illâ primâ causa omnium vitiatorum, hoc est, à tumore superbiæ, sancta humilitate sanemur.* Quis post hæc sibi persuadere queat, ad gratiam sufficientem, quæ semper omnibus iustis adsit, pertinere quod ait Augustinus; *iustos esse posse sine peccato gratia adiuuante diuinâ, cum ipse contrâ disertè statuât, posse quidem eos esse sine peccato gratiâ adiuuante diuinâ, non tamen esse; quia ne in superbiam extollantur, in quibusdam eos ad perficiendam iustitiam gratia illa diuina non adiuuat.*

#### ARTICVLVS IV.

*Idem esse Augustino, posse hominem esse sine peccato, & fieri posse ut homo sit sine peccato; quod postremum ad gratiam efficacem sine dubio pertinet.*

**T**ERTIVM argumentum est, quod pro eodem sumit Augustinus, hominem esse posse sine peccato, & fieri posse ut homo sit sine peccato. Sic enim ipse se explicat c. 35. l. de sp. & lit. qui ad illam sententiam explanandam & confirmandam conscriptus est. *Tu autem, inquit, quid mihi proposueris aduerse. Mouet te cerè quemadmodum dictum fuerit FIERI POSSE UT SIT HOMO SINE PECCATO, si voluntas eius non desit ope adiuuante diuinâ; quamuis nemo iam perfectæ iustitiæ in hac vitâ fieri, vel sit, vel futurus sit.* Sic enim hoc ipsum in illis prius ad te conscriptis libris proposui. Si à me queratur, inquam, virum HOMO SINE PECCATO ESSE POSSIT in hac vita, consuebor posse per Dei gratiam & liberum eius arbitrium, ipsum quoque liberum arbitrium ad Dei dona pertinere non ambigens; nec tantum ut sit, verum ut bonum sit, id est ad faciendâ mandata Domini conuertatur; atque ita Dei gratia non solum ostendat quid faciendum sit; sed adiuuet etiam ut fieri possit quod ostenderit. Tibi autem absurdum visum est sine exemplo rem esse quæ fieri potest. Videmus idem esse Augustino, hominem esse posse sine peccato, & fieri posse ut homo sit sine peccato. At istud vltimum ad gratiam sufficientem referri non potest, sed solum ad efficacem: ergo nec primum. Nemo enim qui gratiam efficacem ad non peccandum necessariam arbitretur, vquam dixerit, fieri posse ut sit homo sine peccato per solam gratiam sufficientem ad efficaciam distinctam. Fatentur enim omnes Thomistæ, ut videre est apud Alu. Resp. l. 3. c. 5. n. 8. & 10. has propositiones: *Nemo potest conuersi sine auxilio efficaci: Nemo potest saluari sine dono perseuerantiæ, verissimas esse si in illo sensu accipiantur: Fieri non potest ut quis conuertatur, & tamen non habeat auxi-*

lium efficax: Fieri non potest ut quis saluetur, & tamen non habeat donam perseverantiae.

Cum igitur Augustinus huius suæ propositionis, *Potest homo esse sine peccato ro gratiâ adiuuante diuinâ*, in libro eâ de re conscripto hunc sensum esse significet, *Fieri potest ut homo sit sine peccato gratiâ adiuuante diuina*, manifestum est de alia gratia quàm efficaci id intelligi non posse, cum ex omnium Thomistarum sententia certissimum sit, fieri non posse ut homo sit sine peccato cuiuscumque gratiâ ope quæ efficax non sit. Quare D. Augustinus satis se ipse de gratiâ efficaci loqui significat, dum ad illam gratiam, per quam homo potest esse sine peccato, pertinere ait, non solum ut sit liberum arbitrium, verùm etiam ut bonum sit, id est ad facienda mandata Domini conuertatur. Quâ enim quæso gratiâ id efficitur, nisi efficaci?

## ARTICVLVS V.

*Hominem viuere sine peccato opus esse diuinum, ideoque possibile, quia omnia possibilia sunt Deo.*

QVARTVM argumentum est, quod Augustinus sæpe se ipse luculenter interpretatur, neque aliter intellexisse se significat, fieri posse ut homo sit sine peccato gratiâ adiuuante diuina, quàm quia Deo possibilitas non deest sic per gratiam suam hominem adiuuandi, ut tanta semper ab homine voluntas adhibearur, quanta sufficit tantæ rei. Omnino id Augustinus possibile esse statuit, sed possibile Deo non homini, nisi quantum ei Dominus donare voluerit, quem nemini iustorum in hac vita tantam gratiam conferre voluisse, Scripturarum oraculis discimus. Cap. enim 6. l. 2. de pecc. mer. & rem. in quo primû hanc quaestionem sibi proponit, Vtrûm possit homo esse sine peccato; postquam concessit fieri id posse per illam Dei gratiam *ad quam pertinet ut liberum arbitrium bonum sit & ad mandata Domini conuertatur*, quæ sine dubio efficax est, ut iam diximus, multis Scripturæ testimoniis efficacis illius gratiæ, quam iusti ipsi à Deo continuis gemitibus postulant, necessitatem probat. Tum verè ita concludit. *His atque huiusmodi aliis innumerabilibus testimoniis dubitare non possum, nec Deum impossibile aliquid homini præcepisse*, dum ei præcepit ut esset sine vllò omnino peccato, *nec Deo ad opitulandum & adiuuandum quò fiat quod iubetur, impossibile aliquid esse. Ac per hoc potest homo si velit esse sine peccato, adiutus à Deo*; hoc est si diuinâ adiuuante gratiâ tantû velit, quantum sufficit & necesse est, ut volendo semper faciat quidquid faciendum est, & semper vitet quidquid vitandum. En clarè ab Augustino explicatum, idèd posse esse hominem sine peccato, quia Deo ad opitulandum quò fiat quod iubet (quod gratiæ efficacis est) impossibile aliquid non est.

Sed ne quis de eius mente dubitaret, librum ipse integrum de hoc argumento composuit; in quo declarat idèd se in libris de pecc. mer. & rem. negare noluisse, iustitiæ perfectionem, per quam homo sit sine vllò omnino peccato, in hac vita esse possibilem, quia omnia possibilia sunt Deo. Is est, ut iam diximus, liber de spir. & litt. quem in Retract. l. 2. c. 37. ad eam sententiam

tentiam explicandam à se scriptum fuisse testatur. Rescripserat enim Marcellinus eo se fuisse permotum, quod dixerat Augustinus, fieri posse ut sit homo sine peccato, si voluntas eius non desit ope adiuuante diuina, quamuis nemo tam perfectæ iustitiæ in hac vita vel fuerit, vel sit, vel futurus sit. Quærebat enim quomodo id diceretur fieri posse cuius rei deesset exemplum. Propter hanc eius inquisitionem, inquit Augustinus, scripsi librum, cuius est titulus de spiritu & litera.

Cum ergo Augustinus optimus sit sui interpres, ipsum se in hoc libro interpretantem audiamus. Absurdum, inquit c. 1. tibi videtur, dici aliquid fieri posse, cuius desit exemplum, cum sicut credo, non dubites inquam esse factum, ut per foramen acus camelus transiret; & tamen ille hoc quoque dixit Deo esse possibile. Legis etiam 12. millia Legiones Angelorum pro Christo ne pateretur pugnare potuisse, nec tamen factum. Legis fieri potuisse ut semel gentes exterminarentur à terra quæ daturus filiis Israel; Deum tamen id paulatim fieri voluisse. Iam illa exempla satis ostendunt, quo pacto Augustinus intellexit quod dixerat, fieri posse ut sit homo sine peccato, quia scilicet id Deo possibile, & utique fieret si Deo ita videretur. Sed quam ipse sibi objectionem proponat audiamus, cum ex eius solutione miramur huic difficultati explanandæ, tum vniuersæ de gratiâ Christi doctrinæ lux affulgeat. Hic fortasse respondeas, inquit c. 3. ista quæ commemoravi facta non esse, & fieri potuisse, opera esse diuina; ut autem sit homo sine peccato, ad opus ipsius hominis pertinere, idque opus esse optimum, quo fiat plena & perfectâ, & ex omni prorsus parte absoluta iustitia; & idèò non esse credendum, neminem vel fuisse, vel esse, vel fore in hac vita, qui hoc opus implenerit, si ab homine implevi potest. Sed cogitare debes. quamuis ad hominem id agere pertineat, hoc quoque munus esse diuinum; atque id non dubitare opus esse diuinum. Deus est enim qui operatur in vobis, ait Apostolus, & velle & operari pro bona voluntate. En quâ gratia adiuuante potest homo esse sine peccato; cû scilicet quâ Deus operatur in nobis & velle & operari pro bona voluntate, ac proinde efficaci. En quomodo id fieri potest, nec tamen fit; quomodo scilicet multa à Deo fieri possunt quæ non fiunt, quia Deus non vult. En cur de hac re, sicut de iis quæ Deo volente non fiunt, licet à Deo fieri possint, iudicandum sit; quia quamuis ad hominem id agere pertineat, opus tamen diuinum est, quod in hominis voluntate, & per hominis voluntatem Deus operatur. Vnde statim Augustinus non errati perniciosè ait, si quisquam sine peccato vixisse existimetur, sed illis acerrimè resistendum esse, qui putant sine adiutorio Dei per se ipsam vim voluntatis humana vel iustitiam posse perficere, vel ad eam tendendo proficere. Verum quia Pelagiani negabant, se asserere id fieri posse sine ope diuina, sed opis diuinæ nomine, quo se occultabant, vel liberum arbitrium, vel legem atque doctrinam intelligebant, quid contrâ Augustinus aduersus eos intelligendum esse dicat per illud adiutorium, cum quo potest homo esse sine peccato, & sine quo non potest, egregia illa & planè diuina capit. tertij verba demonstrabunt. Nos autem dicimus humanam voluntatem sic diuinitus ad iunari ad faciendam iustitiam (notandum hæc dici ab Augustino ut explicet qua ratione dixerit, hominem esse posse sine peccato gratia adiuuante diuina) ut præter quod creatus est homo cum libero arbitrio voluntatis, præterque doctrinam quæ ei præcipitur quemadmodum vivere debeat, accipiat Spiritum

*sanctum, quo fiat in animo eius delectatio, dilectioque summi illius atque incom-*  
*mutabilis boni quod Deus est .... Nam neque liberum arbitrium quidquam nisi ad*  
*peccandum valet, si lateat veritatis via; & cum id quod agendum est, & quo*  
*nitendum est, coeperit non latere, nisi etiam delectet & ametur, non agitur, non*  
*suscipitur, non bene vivitur. Ut autem diligatur, charitas Dei diffunditur in*  
*cordibus nostris, non per liberum arbitrium, quod surgit à nobis, sed per Spiritum*  
*sanctum qui datus est nobis.*

Quid de gratia efficaci, per quam solam bene vivitur, manifestius dici  
 possit profecto non video. At illa ipsa gratia est quâ adiuuante dixit Augusti-  
 nus hominem esse posse sine peccato. Non ergo de aliâ gratiâ quàm de effi-  
 caci id intelligi potest; neque alio sensu id accipi, quàm quia Deo possibili-  
 le est per gratiam suam efficacem sic in omnibus hominem adiuuare, ut sit  
 sine peccato. De quo si quis adhuc dubitet, en verba sole ipso clariora ex  
 cap. 5 deprompta, quæ omnem ipsi dubitationem eximant. *Cum appa-*  
*reris, inquit, bene vivere donum esse diuinum, videbis ut existimo frustra dici illa*  
*tantum esse possi illa sine exemplo, quæ Dei opera sunt, sicut de cameli transitu*  
*per foramen acus commemorauimus, & quæcumque alia sunt apud nos impossi-*  
*bia, apud Deum autem facilia. Hoc ergo frustra dici satis apparebit, cum & ip-*  
*sam humanam iustitiam operationi Dei tribuendam esse claruerit, quamuis non*  
*fiat sine hominis voluntate; & ideo eius perfectionem, etiam in hac vita esse possi-*  
*bilem negare non possumus, quia omnia possible sunt Deo, sine qua facit sola sua*  
*voluntate, sine qua cooperantibus creatura sua voluntatibus à se fieri posse consti-*  
*tuit. At per hoc quicquid eorum non facit, sine exemplo quidem est in operibus*  
*factis, sed apud Deum & in eius virtute habet causam qua fieri possit, & in eius*  
*sapientia quare non factum sit; quæ causa etiam si lateat hominem, non se obliuisc-*  
*catur esse hominem, nec propterea Deo det insipientiam, quia non plene capit eius*  
*sapientiam.*

Si iudex in hac controuersia sederet Augustinus, quibus verbis vel cla-  
 rioribus vel diuinioribus litem hanc posset dirimere? Dixit ipse, *hominem*  
*posse esse sine peccato gratia adiuuante diuina;* verborum illorum sensum  
 quaerimus. Eum esse nonnulli sentiunt, nulli non adesse gratiam sufficien-  
 tem, non per quam sit ut sit sine peccato, sed per quam esse possit. Ego sic  
 sentio, posse hominem esse sine peccato gratia adiuuante diuina; quia pos-  
 sibile est Deo ita hominem per gratiam suam adiuuare, ut re ipsa sit sine  
 peccato; & cur hoc non faciat Deus, penes ipsum esse æquitatis tam secre-  
 tæ rationem. Quid verò Augustinus pronuntiat, eadem de re à Marcellino  
 interrogatus? Multa à Deo fieri posse quæ non fiunt. Perfectionem huma-  
 næ iustitiæ inter illa esse numerandam; quia & ipsa opus diuinum est, quam-  
 uis non fiat sine hominis voluntate. Negari itaque non debere eam esse  
 possibilem, quia omnia possible sunt Deo. Habere ergo illam non in ho-  
 mine per gratiam sufficientem sibi collatam, sed apud Deum & in virtute  
 eius causam qua fieri possit; & in eius sapientia quare factum non sit. Idem  
 reperit in duobus postremis huius libri capitibus, ubi in summam colligit  
 quod vniuerso opere tractauerat. Tibi, inquit, *absurdum visum est sine exem-*  
*plo esse rem quæ fieri potest. Hinc exorta est huius libri quaestio; ac per hoc ad nos*  
*pertinebat ostendere fieri posse aliquid, quamuis desit exemplum. Hinc ex Evan-*  
*gelio & ex lege quedam posuimus in sermonis huius exordio ... quæ possible sunt Deo*



*negare non possumus, quamvis eorum desit exemplum; sed quia dici potest illa opera esse divina, iuste autem vivere ad nostra opera pertinere; suscepi ostendere etiam hoc opus esse divinum; & hoc egi libro isto loquaciùs fortasse quàm sat est; sed contra inimicos gratie Dei etiam parum dixisse mihi videor... Nam si propterea non est opus Dei quia per nos agitur, vel quia illo donante nos agimus, nec illud est opus Dei ut mons transferatur in mare, quia per fidem hominum fieri posse Dominus dixit, & hoc ipsorum operi attribuit... Et tamen hoc nullo modo facit homo, nisi illo donante & operante. Ecce quemadmodum sine exemplo est in hominibus perfecta iustitia, & tamen impossibilis non est (Deo scilicet ut autè dixerat, atque etiam homini; sed cum Deus eam illi donare voluerit) Fieret enim, si tanta voluntas adhiberetur, quanta sufficit tante rei. Effet autem tanta, si & nihil eorum que pertinent ad iustitiam nos lateret, & ea sic delectarent animum, ut quidquid aliud voluptas sine dolor impedit, delectatio illa superaret. Quod ut non sit, non ad impossibilitatem, sed ad iudicium Dei pertinet: quia, scilicet, ut iam vidimus in loco supra citato ex cap. ult. lib. 3. de pecc. mer. & rem. consultius supremo illi & iustissimo iudici medicoque visum est, etiam sanctos suos, quoniam adhuc extolli possunt, in quibusdam non adjuvare ad perficiendam iustitiam, ita ut in his eos minùs quàm implende omni ex parte iustitie sufficere, delectet bonum, sine cùm lateat, sine cùm manifestum est, ut dum non iustificatur in conspectu eius omnis vivens, actionem gratiarum semper indulgentia ipsius debeamus, & sic ab ipsa primâ causâ omnium vitiorum, hoc est à timore superbia sanctâ humilitate sanemur.*

Ni locorum & testimoniorum copiâ odiosus vereretur esse lectoribus, hîc exscriberem tria libri secundi de pecc. mer. & rem. integra capita planè divina, nimirum 17. 18. & 19. quibus evolutis & paraphrasticè declaratis perspicere liceret, duabus ex causis pendere quòd homo possit esse sine peccato, nimirum voluntate humana, & gratiâ divinâ, quarum neutra semper adsit. Non adest semper voluntas, quia lateat aliquando an iustum sit; aliquando non delectat. Ignorantia verò quâ fit ut lateat, & infirmitas quâ fit ut non delectet, vitia sunt quæ impediunt voluntatem ne moveatur ad faciendum opus bonum, vel ab opere malo abstinendum. Non adest semper gratia, quia ut innotescat quod latebat, & suave fiat quod non delectabat, gratia Dei est, quæ hominum adiuvat voluntates, quâ gratia tamen non omnes nequidem sancti adiuvantur, licet ut non adjuvantur, in ipsis causâ sit, non in Deo; quod toto deinceps capite & sequentibus probat: sed cui minùs hæc quæ jam attulimus sufficient, vix quidquam satis futurum puto. Hoc unum tamen addam, S. Hieronymum adversus Pelagianos scribentem non alio sensu intellexisse, posse hominem in hac vita esse sine peccato, quàm quo, ut ostendimus, D. Augustinus id intellexit: quia scilicet id Deo possibile est. Sic enim ille l. 1. Dial. Neque homo potest esse sine peccato, quod habet sua sententia, sed potest si voluerit: Deus hominem servare sine peccato, & immaculatam suam misericordiam custodire. Hoc & ego dico, quod Deo cuncta possibilia sunt, hominibus autem non quidquid voluerit possibile est. Vbi vides Hieronymum Pelagio non concedere quod ipsi non negandum existimavit Augustinus, hominem scilicet posse esse sine peccato. Neque tamen inter se reuera dissentiant. Uterque enim agnoscit negandum non esse quin homo possit in hac vita esse sine peccato, si Deus velit, apud quem sunt omnia possibilia, ut inquit Augustinus de nat. & gr. c. 48.

## ARTICVLVS VI.

*Illustrantur varia Augustini loca de possibilitate preceptorum.*

**F**Vs rvs aliquantò huius loci expositionem persecuti sumus, quodd eius intelligentia latius manet, & ad varias Augustini sententias, quibus nihil homini impossibile præcipi docet, explanandas aditum aperiat.

In primis dilucescit quo sensu in libro de perfectione iustitiæ Cælestio sæpe concedit Augustinus, peccatum non esse quod vitari nullo modo possit. Idè enim concedit, quia omne peccatum vitari potest per gratiam, non qualemcunque, sed efficacem. *Respondemus*, inquit c. 2. *vitari posse peccatum si natura vitata sanetur gratiâ Dei. In tantum enim sana non est, in quantum id quod faciendum est aut cecitate non videt, aut infirmitate non implet.* Hanc gratiam, quâ vnâ peccatum ait vitari posse, qui semper in omnibus tentationibus adesse velit, contendat oportet omnium naturam ita sanam esse, vt numquam contingat aliquem cecitate non videre quod faciendum sit, aut infirmitate non implere.

Verùm illam opinionem satis refellit tum illa locutio, *si natura sanetur*, conditionalis, non absoluta; tum quod passim docet hanc gratiam, quâ impleri possunt præcepta, precibus impetrandam esse: ex quo inuictè conficitur illam & efficacem esse, & nonnumquam abesse. Nemo enim petit ex Augustino, nisi quo destituitur. Nemo aliud à Deo petit, nisi *ut det quod iubet, & inspirata gratia suauitate faciat plus delectare quod præcipit, quàm delectat quod impedit*: tum denique quia hoc loco & in toto illo opere agit de vitando omni ex parte peccato, quod præceptum quidem hominibus agnoscit, impossibile autem esse negat, non quia semper est in hominis potestate, non quia omnibus datur gratia quâ possit impleri (vtrumque enim reiciit Augustinus) sed quia Deo ad opitulandum nihil est impossibile, vt ait idem lib. 2. de peccat. mer. & rem. c. 6.

Dilucescit quo sensu Augustinus in lib. de nat. & grat. c. 43. dicat: *Non igitur Deus impossibilia iubet, sed iubendo monet & facere quod possu, & petere quod non possu.* Itemque c. 69. *Eo quippe ipso quo firmissimè creditur, Deum iustum & bonum impossibilia non potuisse præcipere, hinc admonemur & in facilibus quid agamus, & in difficilibus quid petamus.*

Non enim idè dicit præcepta non esse impossibilia, quia semper adest gratia: quem sensum manifestè excludunt illa verba, *petere quod non possu* (nemo enim petit nisi quod abest, cum gratia iam data non precibus euocanda sit, sed gratiarum actione in Deum refundenda) sed quia per illam gratiam quam petere debemus, impleri possunt: quam efficacem esse passim docet, nec omnibus adesse, vt cum paulò superiùs nimirum c. 42. dicit: *Neque de ipsâ possibilitate contendo, cum sanata & adiuta hominis voluntate possibilitas ipsa simul cum effectu in sanctis proueniat.* Et post illum locum c. 69. cum explicaret quænam essent illa difficilia in quibus opem Dei implorare debeamus: *Omnia*, inquit, *sunt facilia charitati, cui vni Christi sarcina leuis est.... secundum hoc dictum est: Præcepta eius gratia non sunt; ut cui gratia sunt,*

consideret non potuisse dininitus dici, *gravia non sunt, nisi quia potest esse cordis affectus cuius gravia non sunt, & petat quo destituitur, ut impleat quod jubetur.*

Ex quo loco colligas talia quibus homines destitui illo cordis affectu cui mandata Dei gratia non sunt, & quo quod jubetur impletur.

2. Cùm ille cordis affectus sit magna charitas, efficacem procul dubio esse: nihil enim aliud est efficax gratia, quàm victrix delectatio, seu amor Dei quo fit ut plus delectet quod præcipit Deus, quàm delectat quod impedit.

Omitto dicere, his item locis Augustinorum agere de vitando omni ex parte peccato, cuius rei potestatem nemini unquam præter Christum & beatam Virginem concessam esse, constans est ipsius, imò totius Ecclesiæ doctrina.

Dilucescit etiam quo sensu Augustinus lib. de grat. & lib. arb. c. 16. ita loquatur: *Magnum aliquid Pelagiani se scire putant, quando dicunt, non inberet Deus quod sciret non posse ab homine fieri. Quis hoc nesciat? Videamus quare hoc nemo nesciat, an quia hæc gratia semper adest: an verò quia adesse potest. Sed ideo, inquit, iubet aliqua quæ non possumus, ut sciamus quid ab illo petere debeamus. Ergo illa potestas non semper adest; aliàs nihil unquam iuberet Deus quod non possemus.*

Nusquam verò illustrius quàm in isto libro docet Augustinus, gratiam illam, quæ præcepta impleri possunt, esse efficacem. *Certum est, inquit ille c. 16. nos velle cum volumus, sed ille facit ut velimus bonum, de quo dictum est quod paulò antè posui, preparatur voluntas à Domino: de quo dictum est, à Domino gressus hominis dirigentur, & viam eius volens de quo dictum est, Deus est qui operatur in nobis & velle: Certum est nos facere cum facimus, sed ille facit ut faciamus, præbendo vires efficacissimas voluntati, qui dicit: Faciam ut in iustificationibus meis ambuletis, & iudicia mea obseruetis & faciatis. Cùm dicit, faciam ut faciatis, quid aliud dicit, nisi auferam à vobis cor lapideum, unde non faciebatis; & dabo cor carneum, unde faciatis? Et hoc quid est, nisi auferam cor durum unde non faciebatis, & dabo cor obediens unde faciatis?*

Ex Illo Augustini loco discere est alium sensum, quo semper mandata homini possibilia sunt; quia scilicet implet ea qui voluerit, quamvis ut velit dininitus voluntas præparanda sit. Sufficit autem ex Augustino ut aliquid esse in potestate dicatur, quod fiat quando volumus, non fiat quando nolumus. Propterea in libro de spir. & litt. fidem quam non omnium esse docet Apostolus, quam toties quibusdam dari, quibusdam non dari, occulto Dei iudicio asserit Augustinus, semper tamen in potestate hominis esse docet. Quod solerter vidit Cardinalis Bellarminus, ut jam diximus, & hæc ratione affirmavit; semper in hominis potestate esse conuersionem.

Verùm ne cætera testimonia de possibilitate mandatorum frustra recenscā, ut omnia quæ hinc petuntur argumenta ad sufficientem gratiā astruendam semel præciantur, vnum monere satis fuerit, sententiam illam Augustinianam toties ab ipso repetitam: *Deus impossibilia non jubet*: de omnibus generatim hominibus intelligi, ut ex locis iam supra citatis constare potest, & ex ipsorum aduersariorum consensu. Quare non potest in de gratia sufficiens actualis elici respectu iustorum, quoniam etiam eadem respectu infidelium eliciatur. At verò ipsorum Censuram iudicio non potest ex illis locis

certò demonstrari gratiam actualem sufficientem infidelibus adesse, cum eam opinionem, quæ negat infidelibus gratias actuales & sufficientes, problematicam esse dixerint. Igitur nec ex illis locis certò elici potest, gratiam sufficientem actualem numquam iustis deesse. Siue ut brevius astringam argumentum. Possibilitas illa præceptorum, quam his locis tradit Augustinus, peræquè ad infideles ac iustos pertinet. Sed in infidelibus non requirit gratias actuales. Ergo nec in iustis. Huius argumenti solutionem in ipsis comitiis Facultatis à Censoribus flagitarunt eruditissimi Doctores, nec tamen impetrare potuerunt.

## ARTICVLVS VII.

DE GRATIA ORANDI. *Explicatur nuperum Alphonsi le Moine super illà commentum: & ad Propositionem controuersam minimè pertinere ostenditur.*

**E**X iis quæ superius disseruimus manifestum est, præcepta diuina ex Augustini doctrinâ impleri non posse, nisi per eam gratiam, quæ magnis, ut ait Innocentius, *precibus implorata descendit*, adeoque illam non semper adesse, nec consequenter proximam illam potestatem Molinianam, quæ nihil aliud requirit ad agendum. *Non enim*, ut ait Augustinus, *à Deo petimus, nisi quo destituimur.*

Non sum autem nesciùs, esse quosdam Theologos qui sibi pulcherrimam horum locorum solutionem inuenisse videntur, cum gratiam agendi ab orandi gratiâ secernentes, illam agendi & semper efficacem esse, & nonnumquam deesse, & ided præcibus impetrandam dixerint: hanc autem orandi & libero arbitrio subiici, & semper præsto esse. Quod significatum ab Augustino volunt, dum ait sæpe, *Deum iubendo monere & facere quod possis, & petere quod non possis*, quasi Deus nihil umquam jubeat, quin homini vel ipsam agendi gratiam, quam efficacem esse concedunt, largiatur; vel saltem orandi gratiam, quâ impetrari possit.

Huius commenti, quo gratia orandi ab agendi gratia hoc duplici discrimine sciungitur, quod illa sit tantum sufficiens, hæc semper efficax; illa semper adsit ubi præceptum obseruare conuenit, hæc autem non semper, sed tantum cum oratione impetratur, parens & propagator hoc sæculo fuit Alphonsus le Moine, qui licet sub eorum, quæ contra illam de hoc argumento edita sunt, voluminum mole jacuerit oppressus, multi tamen ex ipsis Censoribus ad illam distinctionem confugerunt, & nihil aliud in propositione mea criminati sunt, nisi quod Petro non solum agendi, sed etiam orandi gratiam subtraheret; quod contrarium putant huic Augustini sententiæ à Concilio Tridentino consecratæ: *Deum iubendo monet, & facere quod possis, & petere quod non possis*: ex quo eliciunt semper adesse iustis si non agendi gratiam, saltem orandi. Verum istius & criminationis & consecutionis inanitate operæ præteritum fuerit hic breuiter ostendere.

Primum enim fatetur non adesse semper gratiam agendi qua proximè possumus implere præceptum, adeoque multa Deum præcipere quæ non possumus secundum præsentis vires, cum ampliores nobis impetrandæ

sint; hoc ipso sensum omnem probant quem sub propositione contouërfa complexus sum. Concedunt enim Petro defuisse gratiam efficacem sine qua proximè præceptum implere & tentationem vincere *non possumus*, quod vnum illâ quam inuaserunt propositione continetur. Vtrum autem habuerit gratiam actualem orandi, an non habuerit, alia quæstio est ab Epistolæ propositione planè diuersa, de quâ nihil mihi affirmandum aut negandum fuit, cùm ea res inter Annatum & me non ageretur.

Contendebat ille, vt pote Molinista merus & simplex, nec illâ nouâ temperationis mitigatus, *adesse semper hominibus proximam & expeditam seruandorum mandatorum potestatem*: Hoc enim ab Innocentio X. definitum, & fide ab omnibus credendum assererebat *Canillorum* p. 29. *Eum qui lib. r. transgreditur præcepta, habere PROXIMAM & expeditam potentiam ad ea seruanda*. Ego aduersus illum proximam potestatem agendi & seruandi mandata non semper adesse defendi: de gratiâ orandi nihil dixi, quod abhorrerer ab ea quæstione quæ tum inter nos versabatur. Ne quis igitur aliorum propositionem Epistolæ meæ accipiat, atque ego scribens intellexi, iterum hic profiteor, solam me efficacem gratiam, non orandi, sed confitendi Christum, à Petro remouisse; de gratia illa orandi aut affirmanda aut neganda ne quidem cogitasse.

Ne quis tamen suspicetur aliquid me de illa sentire quod proferre non audeam, breuibus conclusi vnculis sententiam meam explicabo, ne Censoribus necesse sit diuinationibus indulgere.

Sic igitur existimo. 1. Gratiam per se efficacem, & effectum suum infallibiliter sortientem, non minùs ad orandum necessariam esse, quàm ad agendum. Ita cum Patribus omnes Thomistæ.

2. Quibuscumque defuit fides nullam omnino gratiam orandi adfuisse. Quomodo enim inuocabunt in quem non crediderunt, vt ex Paulo docent Patres & Concilia.

3. Iustos aliquando in tentationibus carere gratiâ efficaci, ad orandum sicut oportet necessariâ. Aliter enim & orarent semper & impetrarent.

4. Omnibus iustis conantibus & volentibus orare non deesse gratiam actualem adorandum Thomistico sensu sufficientem. Neque enim sine ea orare vellent & conarentur.

5. Iustis nec volentibus orare nec conantibus nullam orandi gratiam actualem adesse. Nulla enim actualis gratia sine voluntate quadam atque conatu.

6. Non omnes iustos in omnibus tentationibus orare velle & conari; quod in peccatis ignorantix manifestum est. Quis enim Deum deprecetur pro vitando illo peccato, quod esse peccatum non credat.

7. Etiam illis iustis qui nec orare volunt neque conantur, adesse tamen potestatem orandi in actu primo Thomistico sensu sufficientem, sed per gratiam habitualement tantum non, per actualem.

8. Vtrum Petro affuerit actualis orandi gratia hoc quo dixi sensu sufficiens, id est, vtrum habuerit aliquas excitationes internas ad orandum, nescire me ingenuè fateor. Habuit quidem si voluit & conatus est, sed vtrum voluerit & conatus sit id omnino mihi non liquet, malimque super eo aliorum audire sententias, quàm meam expromere.

Habent Censores meam de gratia orandi mentem meis verbis enunciatam, inuadant illam si voluerint, & suas illi blasphemias & hæreseos notas inurant. Quod si non audeant, fateantur necesse est nouum hoc & antea inauditum genus hæreseos esse, quod claris & distinctis verbis expressum, catholicum sit & orthodoxum; in Augustini autem verbis à me allatis nec expressum nec intellectum, sed per vim & calumniam intrusum, hæreticum fiat.

## ARTICVLVS VIII.

*Gratiam orandi omnibus semper presentem malè elici ex illis Augustini verbis: Deus iubendo monet & facere quod possis, & petere quod non possis.*

**H**Æc de criminationis vanitate: consecutionem nunc expendamus. His, inquit, Augustini vocibus: *Deus iubendo monet petere quod non possis*, significat adesse semper gratiam orandi, cum gratia agendi deest. Itane idem est *admonere*, quod *gratiam dare*? Idem est lex iubens & spiritus adiuuans? Si hoc dicere voluit Augustinus, non poterat clarius exprimere. Saltem aliquo loco indicasset tam insolentis metaphorsæ sensum. Saltem alicubi sine metaphora apertè elocutus esset, semper legi adiunctam esse orationis gratiam. Quòd si nusquam fecisse reperietur, eccui verisimile fiet tam absurdum Augustinum fuisse, vt grauissimam doctrinæ suæ sententiam tam inusitatè & à communi sensu alienà tralatione semper efferret.

Quid quod multis locis & ipse, & eius discipuli Prosper & Fulgentius, postquam admoneri homines lege dixerunt vt petant auxilium, gratiam orandi non semper adesse, nec minus efficacem esse, quàm illam agendi, apertè significant. *Qui ergo*, inquit Augustinus de corr. & grat. c. 1. *legitimè lege utitur, discit in eà malum & bonum, & non confidit in virtute si à confugia ad gratiam, quâ præstante declinet à malo & faciat bonum. Quis autem confugit ad gratiam, nisi cum à Domino gressu hominis diriguntur, & viam eius vult; ac per hoc desiderare auxilium gratiæ, initium gratiæ est, de quo ille: Et dixi nunc cœpi, hæc mutatio dextera excelsi. Quis dicere auit aut illam gratiam, quâ diriguntur gressus hominum, & de quâ dicitur: Hac mutatio dextera excelsi, efficacem non esse; aut illam gratiam omnibus dari? \**

Et apertius adhuc sanctus Prosper cont. Collat. c. 23. non semper legi adiunctam esse orandi gratiam docet: *Imperantur*, inquit, *ista homini, vt ex ipso præcepto Dei, quo ei hoc quod accepit indicitur, agnoscat id se suo vitio perdidisse, & non ideo iniquam esse exactionem, quia ad reddendum quod debet idoneus non est; sed à litera occidente confugiat ad spiritum viuificantem. Quod si facis magna est misericordia Domini: si non facis, iusta est poena peccati.*

Nec minùs apertè Fulgentius lib. 2. de verit. prædest. & grat. c. 4. *Dum præcipitur nobis vt velimus, ostenditur quid habere debeamus; sed quia id ex nobis habere non possumus, admonemur vt à quo nobis datur præceptum, ab ipso petamus auxilium; quod tamen non possumus petere, nisi Deus in nobis optet & velle.*



## ARTICVLVS IX.

*Absurda quedam Moliniane istius orandi gratiæ consecutaria.*

**V**ERSATILEM illam & se in omnibus tentationibus ingerentem orationis gratiam ita disturbauit Apologia Patrum, vt illius ruinas nemo adhuc erigere sit ausus. Quare nihil necesse est de integro hoc argumentum persequi, quod in illo quem indicamus libro petoratum videtur: nonnulla tantum absurda quæ ex illo figmento necessario consequuntur, ad specimen hîc afferemus.

In primis ingens nobis videtur absurditas, quod illius gratiæ ope Augustino longè peritiores & intelligentiores Molinistæ probantur. Quod enim ille ignorauit, quod neminem scire putauit, hoc ipsi & sciunt & ita dilucidè exponunt, vt nulli nunc non reſeratum sit, quod Augustino clausum fuit.

Nescire se fatetur Augustinus, cur illi detur gratia fidei, illi non detur. *Fides* igitur, inquit ille de prædest. Sanctior. c. 9. & *inchoata & perfecta*, donum Dei est; & hoc donum quibusdam dari, quibusdam non dari omnino non dubitet, qui non vult manifestissimis sacris litteris repugnare... Cur autem istum potius, quàm illum liberet (per fidei gratiam) inscrutabilia sunt iudicia eius, & inuestigabiles viæ eius. Melius enim & hîc audimus, aut dicimus: O homo tu quis es, qui respondeas Deo, quàm dicere audeamus, quasi nouerimus, quod occultum esse voluit, qui tamen aliquidi in iusti velle non potuit.

Verum quod Augustinus nescit, nouit Alphonsus. *Fides*, inquit, & *inchoata & perfecta* in Christum, datur orantibus per fidem in Deum, cuius semper adest potestas; negatur autem non orantibus. Quid facilius aut promptius, aut quæ tandem Augustino causa fuit, cur in re perspicuâ tot clamores excitaret.

Nescire se fatetur Augustinus, imò neminem scire asserit, cur illi detur perseuerantia; illi non detur. Ex duobus, inquit lib. de dono pers. c. 9. *per uulnibus originali peccato pariter obstrictis* cur iste assumatur, ille relinquitur; & ex duobus *arate iam grandibus impiis*, cur iste ita vocetur, vt vocantem sequatur; ille autem aut non vocetur, aut non ita vocetur, vt vocantem sequatur, *inscrutabilia sunt iudicia Dei*. Ex duobus autem pîis, cur huic donetur perseuerantia usque in finem, illi autem non detur, *inscrutabiliora sunt iudicia Dei*. Idem verò lib. de dono pers. c. 16. Deum ait alia etiam non orantibus, sicut initium fidei; alia non nisi orantibus praparasſe, sicut usque in finem perseuerantiam.

Certum igitur Augustino fuit perseuerantiam orantibus sicut oportet concedi, nega: non orantibus. Quamobrem ergo inscrutabile dicit esse, cur huic donetur perseuerantia, illi non detur: nisi quia nondum detexerat arcanum illud hoc demum sæculo inuentum, ipsam gratiam orationis omnibus adesse: quo reſerato patent subito quæ inuoluta & inaccessa Augustino fuerunt. Quis enim tam iners Alphonsi discipulus, qui non faciliè videat illis dari perseuerantiam qui gratiâ orandi benè vti sunt,

illis, negari qui malè. Itaque huius opinionis præsidio non aliter quàm ab euigilantibus somnia, sic illarum difficultatum, quibus impeditus hæsit Augustinus, ludibria momento euanescent.

Denique clausum ipsi Apostolo mysterium esse docet Augustinus, cur ex eadem massa alij eligantur ad vitam, illi in debitâ sibi damnatione relinquantur. *Vniuersa*, inquit ille Ep. 105. *ista massa merito damnata est: contumeliam debitam reddidit iustitia, honorem donat indebitum gratia, non meriti prærogatiuâ, non fatis necessitate, non temeritate fortuna; sed altitudine dimittarum sapientia & scientia Dei, quam non aperit, sed clausam miratur Apostolus, & ibidem. Cur autem illum prius quàm illum liberet, aut non liberet, seruetur qui potest iudiciorum eius tam magnum profundum, verumtamen caueat præcipitium.*

Irrideri se putarent Alphonso discipuli, si quis hæc ipsis tacito Augustini nomine proponeret. Quodnam enim, dicerent, ibi profundum? quod præcipitium? Omnibus datur orationis gratia. Hâc quidam benè vtuntur, quidam malè. Illi eliguntur ad regnum, hi reprobantur ad supplicium. Quid magis expeditum & obuium? Nonne qui in rebus ita planis profunda & scopulos extimescat, illo infanix genere laborare videatur, quod festiuè poeta Venusinus sic expressit:

————— *Est genus unum*  
*Stultitia nihilum metuenda timentis, ut ignes*  
*Vt rupes, stultosque in campo obstrare queratur.*

Ab hoc cerè stultitiæ genere non aliter vindicari poterit Augustinus, nisi repudiatis illis humanæ rationis commentis, rejeçtâque Molinianâ orandi gratiâ, quam omnibus tam liberaliter largiuntur, id ipsum cur vnus oret alter non oret ad inscrutabilia Dei iudicia pertinere fateamur. Si quidem cùm propter perseverandum orare oporteat & non deficere, vt ait Augustinus de dono pe. seu. c. 14. *audiunt hæc & faciunt quibus datum est, non autem faciunt: siue audiunt siue non audiant quibus non datum est.*

Id verò luculentius adhuc perspicere licet ex iis libris quibus Adrumetini orum & Massiliensium obiectis respondet Augustinus. Nam si quis eâ se opinione imbuat, gratiam orandi omnibus semper præsto esse, atque ita sensisse Augustinum, affirmanti credat Alphonso tantum ineptiarum in ille- rum querelis, & in Augustini responsis offendet, vt hæc à sanis profecta arbitrari non possit.

Quid enim sibi volebant Adrumetini illi monachi, qui se corripere ægrè patiebantur. *Apostolus*, inquiunt apud Augustinum de corr. & grat. c. 6. *ait, quis enim te discernit? Quid autem habes quod non accepisti? Si autem accepisti, quid gloriaris quasi non acceperis? Cur ergo corripimur, arguimur, reprehendimur, accusamur? Quid facimus qui non accepimus? Et c. 3. Precipiant tantum nobis quid facere debeamus qui nobis præsent, & ut faciamus orent pro nobis, non autem nos corripant & arguant.*

Obijciat hoc quisquam Alphonso. Quàm grauius ille eiusmodi querelarum terundet insaniam. Te ne, homo ignauissime, non arguam, non corripiam, qui semper auxilium ad orandum in manibus habeas, quo cætera consequi possis? Non potes præcepta seruare nisi gratiam efficacem à Deo acceperis: audio, at vt accipias in te situm est. An non quotiescumque te

titillat concupiscencia, aut quocumque modo subtepit tentatio, toties animum tuum piis cogitationibus illustrari, piis affectibus accendi sentis; toties ad Dei opem implorandam excitari? Quid tu igitur inopiam aut infirmitatem tuam lamentaris? Quasi verò meritò ille devotus queratur penuriâ, qui cibum paratum præ sociâ deposcere grauetur.

Numquam aliter respondeat Alphonsus, & rectè. Neque enim aliter in ejus sententiâ responderi potest. Quid igitur Augustino nunquam in mentem venit tam expedita responsio? Cur multis frustra capitis sudat, ut eos ostendat meritò corripì, qui perseverantiam non acceperint? Cur ad primam parentis culpam omnia renocat? Cur illâ orationis gratiâ non continuo Adrumetinis Monachis os opprimit?

Quam verò in Massiliensium quæimoniis sensus communis venam reperiatis, si quamdam orandi gratiam nusquam absentem ab Augustino admissam putes. Fatum illi ex Augustinianâ doctrinâ, & libertatis interitum sequi queruntur, ignaviam aut desperationem hominibus per illam afferri, exhortationes & correptiones tolli, orationes extinguì, duas massas cum Manicheis induci, omnes hominum conatus obtundi, personarum acceptione diuinam justitiam pollui. Quis hoc unquam objecit Alphonso? Aut si quis fecit, non ille potius risu explosus, quàm responsione repulsus est.

At quo pacto hæc objecta diluit Augustinus. De orationis gratiâ nusquam absente ne verbum quidem: sufficientis & ex libero arbitrio pendulæ gratiæ meminit quidem; sed illam ad Adami statum pertinere docet, non ad nostrum: vocationem secundum propositum ubique confirmat. Nusquam queritur malè suam doctrinam à Massiliensibus intelligi, ad inscrutabilia Dei judicia ubique confugit. Postremo tam insolè respondet, si gratiam orandi semper præsentem ab illo admissam statuas, ut ille cui sanctorum Patrum principatum tota detulit antiquitas, omnium quotquot fuerunt scriptorum imperitissimus appareat, omniumque minimè dignus: qui diuina mysteria tractaret, cum in apertis & obuiis rebus cæcutiret, nec obscura scriptis illustraret, sed perspicuis tenebras offunderet.

## ARTICVLVS X.

*Inferuntur alia quedam non minùs absurda.*

**S**EQUITVR primò illis Ethnicis, quibus fides non est annuntiata, multoties in die Deum sese manifestasse, non per creaturas, sed quâdam internâ reuelatione. Illos enim sæpius quoque die peccasse certum est. Porro peccare non potuerunt, nisi saltem impetrare non peccandi potestatem potuerint: impetrare autem non potuerunt nisi orando, nec orare nisi credendo: sed credere nemo potest nisi vel diuinâ reuelatione, vel humanâ prædicatione fides proponatur: caruerunt autem externâ prædicatione multi gentiles: igitur illis quotidie fides diuinitus reuelata est, atque ita reuelata, ut à Deo sibi eam reuelari cognoscerent; aliter enim nec credere, nec orare, & idè nec peccare potuissent. Accutiam ista concessimus;

sed ea latè pertractata videre potes in Apologia SS. Patrum lib. 6. c. 147.

Sequitur Caligulam, Neronem, Heliogabalum, & alia ejusmodi hominum monstra tum eùm in omnium sordium & flagitiorum cœno se voluntarent sexcenties in die pijs illis cogitationibus, & affectionibus ad orandum Deum excitatos esse.

Sequitur Philosophos illos, qui mundum negabant providentiâ regi, qui pro virtute neminem vmquam Deo supplicasse sentiebant, sapius tamen de orando pro virtutibus Deo diuinitus admonitos.

Sequitur Pelagianos, qui gratiam dininam ad peccata vitanda necessariam non habebant, sapius quotidie de eâdem gratiâ implorandâ commonitos fuisse.

Sequitur Atheos illos, qui in corde dixerunt Deum non esse, de illo tamen orando sapius in die cogitare.

Sequitur bonos christianos nullum in se peccatum ignorantiam, cupiditate, subreptione, incogitantiam suscipere, ad quod cauendum illâ prauitiam orandi cogitatione non extimulentur: imò sequitur neminem jam per ignorantiâ peccare; neque enim illud peccatum ignorari potest, de quo vitando & pijs cogitationibus, & ejusmodi orandi desiderijs moneamur; adedque planè falsum est quod ait Augustinus lib. de pecc. mer. c. 17. eùm omnium peccatorum causas enumerat, *Nolite homines facere quod justum, siue quia latet an instum sit, siue quia non delectat.* Nullus est enim quem lateat, aut quem non delectet quod justum est, saltem quantum sufficit ad fugiendum peccatum. Quare Augustinus dum peccata omnia vel ad ignorantiam reuocat, vel ad delectationis defectum, alienas planè imò falsas peccatorum causas recenset. Nihil hic amplius de illâ commentitiâ orandi gratiâ à me disputabitur: tantum dicam nominem pejùs de christianâ religione mereri, quàm eos qui ejusmodi opiniones Traditionis autoritate planè nudas pro fidei dogmatis venditant, quas ipsi nec ab argumentis validissimis quibus impugnantur, imò nec à risu quo iure excipiuntur, defendere valeant.

## ARTICVLVS XI.

*De Concilij Tridentini circa præceptorum possibilitatem mente, non una sed triplex Catholicorum Theologorum opinio.*

**N**ON aliud frequentius iactauerunt Doctores illi qui propositionem Augustini & Chrysostomi hæreticam pronunciarunt, quàm illam Concilio Tridentino aduersari, & ad ipso sessione 6. c. 11. his verbis esse damnatam: *Deus impossibilia non iubet, sed iubendo monet & facere quod possis, & petere quod non possis & adiuvat ut possis* quàm falsò & immeritò hic. excutiendum.

Statuendum est in primis, non ferendam in priuatis Theologis tenerritatem esse, aliquam Conciliorum sanctionem, de cuius sensu variæ sint, apud Theologos opiniones, ita suo iure ad certum sensum alligare, vt hæreticos habeant eos omnes qui illam aliter interpretentur: Possunt illi qui-

dem si quo valeant acumine canonum sententiam indagare, possunt rationibus convincere veram se illorum mentem assecutos: at illum sensum totius Ecclesiæ fide tenendum imponere sine manifestâ iniuriâ & tyrannide non possunt.

Hoc posito Tridentinam illam sententiam tripliciter à catholicis Theologis acceptam reperio.

Primum illam de sufficiente gratiâ & possibilitate Thomisticâ intelligendam esse docet Alvarez disp. 71. n. 6. Ita ex illius Theologi mente, quem plerique ex S. Thomæ Scholâ sequuntur, hoc definiuit Concilium: Iustis numquam deesse possibilitatem illam sufficientem, quæ auxilii vberioris & efficacis necessitatem non excludat.

Secunda interpretatio est eorum Molinistarum, qui gratiam agendi non semper adesse fatentur, siue illam efficacem esse velint, siue nolint. Illi Concilium sic accipiunt quasi definierit, semper in iustorum esse potestate (& quidem Molinianâ, quæ omnia complectatur ad agendum necessaria) ut Dei mandatis parcant; vel enim hoc eos proximè posse per gratiam agendi, vel saltem remotè per gratiam orandi.

Huic adiungenda est alia veterum Molinistarum interpretatio. Qui gratiam agendi numquam deesse volunt, idque à Concilio definitum illis verbis: *Et adjuuari ut possis*. Quamquam non video quo pacto illorum sententia consistere possit cum istis Concilij verbis: *Et petere quod non possis*. Nam si semper adest illa potestas, falsum est nos à Deo petere quod non possumus. Sed tamen quia utraque sententia in eo convenit, quòd gratiam quamdam sufficientem & Molinianam à Concilio significatam velit, non incommode ambæ conjungentur ut conjunctim quoque repellantur.

Tertia interpretatio est Bellarmini & Estij, qui hoc tantum definitum à Concilio aduersus hæreticos contendunt, præcepta Dei à iustis observari posse, imò semper observari, dum in iustitiâ perseuerant, adeoque non esse impossibilia simpliciter. Quod ex aduerso Lutheranorum errori opponitur, qui omnibus iustis etiam dum Spiritu Dei aguntur, Dei mandata impossibilia esse sentiebant; quia concupiscentiæ veneno singulas illorum actiones vitiati credebant.

Sic intellectum à Bellarmino Concilium Tridentinum latè in secundo Apologetico probauimus. Et quoniam iis quæ protulimus testimoniis nullus ex Censoribus respondere tentauit, nihil hic attineret vel repetere, vel operosius confirmare quod inuictè jam comprobatum aduersarij si non voce, at certè silentio suo confessi sunt.

Eodem modo & sanctos Patres & Concilium Tridentinum interpretatus est Estius, magnum Duacensis Academiæ imò totius Belgij lumen. Is enim in 3. sent. dist. 27. §. 6. multis probat nihil homini impossibile præcipi. Ac primò hæreticorum errore sic exponit: *Quæ questio*, inquit, *est diligentius tractanda est, quòd magis circa eam hodie à sectariis erratur, docentibus neminem posse in hoc corruptionis statu legem Dei implere, ac neminem operatione virtutum iustum esse coram Deo.*

Quo sensu autem nihil homini impossibile præcipiat Deus, his verbis explicat: *Dicimus autem impossibile, non quod homo propriis nature viribus facere nequit, quomodo sine dubio impossibilia sunt homini præcepta Dei, quem-*

*admodum ostendimus ad dist. 26. lib. 2. sed quòd secundum modum gratia quam in hac vita iustificatis communicat Deus fieri ab homine non potest. Talem enim impossibilitatem præceptorum Dei, contra doctrinam catholicam, defendunt huius temporis hæretici.*

At quibus locis hunc hæreticorum errorem reuincit Estius? Non aliis fere quàm Augustini testimoniis, quibus Calvinianos & Lutheranos tantò antè damnatos esse contendit. Quos (hæreticos) post Scripturam, inquit, ille, maximè refellit autotitas Augustini compluribus locis. Nam lib. 2. Retr. c. 10. profetens ex lib. 1. de gen. contra Manich. c. 3. verba quædam, quibus dixerat *psse omnes homines præcepta Dei implere si velint*, omnino verum id esse confirmat: *sed*, inquit, *preparatur voluntas à Domino, & tantum augeatur munere charitatis ut possint.* Et lib. de grat. & lib. arb. per gratiam fieri dicit, *ut bona voluntas augeatur, & tam magna fiat, ut possit implere divina præcepta.* Vnde proximo capite approbat illud quod catholicis obijciebant Pelagiani: *Non iuberet Deus quod sciret non posse ab homine fieri.* Deinde percurrit alia vulgaria Augustini testimonia ex libro de nat. & gra. ex opere in psal. & ex variis sermonibus, quibus expositis subiungit: *Idèò porro eam sententiam, quâ dicitur impossibile aliquid à Deo præceptum, Pelagiani catholicis odiosè impingebant, & catholici studiosè à se repellebant, quid ea ad hæresim Manichæorum pertineret, ponentium hominem propter naturam malam ex quâ compositus esset, non posse peccatum vitare.* Hoc autem ita damnant catholici, ut non tantum ex malo principio, cuiusmodi reverà nullum est, verum etiam ex corruptione nature factâ per Adam negent homini simpliciter impossibile esse, ut Dei legem impleat; quod enim natura, & legi impossibile est, possibile facit, **IMO ET PRÆSTAT**, ut proximo capite ostendatur, **GRATIA** Dei per Christum.

Illam verò possibilitatem præceptorum cum effectu coniunctam hæreticis oppositam à Tridentino Concilio definitam vult: *Huius, inquit, dogmatis definitionem & claram explicationem videre licet in synodo Tridentinâ sess. 6 c. 11. & c. 18.*

Obiter hæc duo animaduertas velim. Primum eodem planè modo ab Estio quàm à nobis accipi Patrum loca de possibilitate præceptorum: Ideoque ex ipso mandata Dei negari à Patribus impossibilia, quia non sunt simpliciter impossibilia, sed per gratiam impleri possunt, imò & implentur. Propterea autem mandata dici possibilia; quia semper adest gratia ad non peccandum necessaria, alienissimum est ab Estij mente, ut vel hoc vno loco satis perspicui potest. *Obijcies, inquit dist. 26. §. 41. auxilium illud (quo videlicet vno impleri præcepta posse superius definit) non esse in potestate hominis præsertim eius qui de gratiâ Dei nihil umquam audivit, sed tantum ducitur lumine rationis humane, & proinde totius legis observationem tali homini esse simpliciter impossibilem.* Quid ad hoc Estius? Quidam, inquit, respondent nullum esse hominem cui non semper adsit obuium, & paratum à Deo auxilium gratiæ, per quam possit totam legem servare & vitare peccata, modò velit, ut potest, eo auxilio vii per liberum suum arbitrium. Sed hac responsio neque scripturis sacris, neque doctrinæ sanctorum Patrum consonat, neque cum efficaci operatione Dei consistit: ac neque Augustinus tametsi vehementer hoc argumento pressus, à Pelagianis umquam istiusmodi responsionem adhibuit, quod specialiter obser-



*ware est in toto libro de perfectione iustitie, ut alia eius loca, quibus contrarium, docet, taceamus.*

Secundo loco aduerti potest, quàm infirmo nitantur argumento, qui nolunt sententias Patrum de possibilitate præceptorum sumi in sensu Caluinianis opposito, & hujus rei præclaram illam afferunt rationem: *quia, inquit, sanctus Augustinus nihil cogitauit de Caluino.* Quasi verò damnari error non possit, antequam defensores habuerit? Quasi Augustinus non omnes penè hæreses, quæ post ipsum exorta sunt, in scriptis suis antè confutarit? Quasi non ille Calvinum in quæstione de Ecclesiâ, validissimè fregerit, quàmuis de eo numquam cogitauit? Stabilita enim veritas non modò præsentibus erroribus aduersatur, sed etiam futuris, id agente Spiritu veritatis, qui Patribus scribentibus affuit, ut in illorum sæ ipitis extet quidquid ad futuras hæreses coarguendas necesse est. Verum est igitur Augustinum non cogitasse de Caluino, falsum est tamen impossibilitatem præceptorum non ab eo damnatam in Caluiniano sensu. Cogitauit ille quidem de solis Manichæis, qui præcepta Dei idè observatu impossibilia dicebant, quia naturale peccandi principium hominibus inerat: sed dum hos refelleret, docuit præcepta Dei nullâ ex causâ ita esse impossibilia, ut gratiâ adiuuante impleri non possint, adeoque illa ab omnibus piis impleri.

Demiror verò eos qui in egregiâ illâ ratione sibi placent, non animaduertere pugnantia se loqui. Nam si Caluinianum sensum non damnatum esse ab Augustino volunt, quia de Caluino non cogitauit, quomodò iidem his Augustini verbis quorundam huius temporis Theologorum sensum contendunt esse damnatum? Non enim magis, credo, de illis Augustinus, quàm de Caluino cogitauit.

## ARTICVLVS XII.

*Aluarezianus sensus nihil officit controuersæ propositioni. Reiiicitur tamen ut alienus, Molinisticus autem ut falsus.*

QVemadmodum Aluareziana de Gratiâ sufficiente doctrina nihil omnino istam de quâ nunc agitur propositionem labefactat, sed potius confirmat, ut latè antè demonstrauimus; sic illa explicatio, quam Tridentino decreto subiecit, omnino causæ nostræ nihil obest. Contendit enim possibilitatem præceptorum Thomistico sensu à Concilio Tridentino definitam; sed eam nos libenter in iustis admittimus, adeoque in ipso Petro, qui iustus fuit ante casum. Vult ille quidem possibilitatem illam semper conferri per gratiam actualem, nos gratiam actualem tantum volentibus & conantibus concedimus, nec omnes velle & conari arbitramur. Verum de gratiâ naturâ, quâ possibilitas confertur, nihil habet Concilium, nec tam absurdus fuit Aluarez ut id vellet à Concilio hoc loco sancitum.

possum minus illam mihi arridere, non quòd quidquam falsi contineat, sed quia à Concilij mente alienior videtur. Nam cùm hoc loco Tridentini Patres Calvinum & Lutherum damnare proposuerint, si solam possibilitatem Thomisticam, quæ suo effectu in perpetuum carere potest, sanciverunt, intactum videtur illorum hæreticorum errorem reliquisse. Fieri enim posset, ut omnes justi possibilitatem Thomisticam haberent, nec ullus tamen mandatis Dei obtemperaret, si nulli eorum gratiam efficacem à Deo acciperent.

Sequitur Moliniana explicatio, quæ ex Concilio hoc dogma elicit, semper justis adesse gratiam actualem, quâ reipsâ & effectivè mandata Dei possint observare.

Libenter hic primò ab aduersariis quæsierim, utrum hanc explicationem Concilij Tridentini de fide esse censeant. Si dixerint, jam apertè Thomistas omnes, quibus illa minimè probatur, imò erronea judicatur, hæreticos faciunt. Si negent, quæro quid rationis & æquitatis habeat propositionem Epistolæ meæ propterea hæreseos damnare, quòd Tridentino Concilio aduersetur eo sensu accepto quem de fide non esse fateantur.

Deinde vel definitum à Concilio volunt, omnibus justis immediatam agendi gratiam semper adesse, vel disjunctim aut agendi gratiam aut saltem orandi quâ impetretur. Si primum statuatur, manifestè repugnant Concilij verbis, quibus monentur justi petere quod non possint. Ex quo inuictè probatur quædam illos non posse, ac proinde non semper agendi gratiam præsto esse: ut quid enim orarent, ut acciperent quod jam accepissent. Sin autem à Concilio Tridentino definitum dicat, omnibus justis vel agendi gratiam adesse, vel saltem orandi cogitent quæso quantam absurditatem adscribant sacratissimæ Synodo, quæ nobis fidem tam obscuris & alienis metaphoris exposuerit. Quis enim sanæ mentis hanc sententiam: Deus omnibus justis dat vel gratiam actualem agendi & observandi præceptum, vel saltem gratiam orandi, sic expresserit: *Deus jubendo monet & facere quod possis, & petere quod non possis, & adjuvat ut possis*. Illis enim verbis: *adjuvat ut possis*, planum est significari eam gratiam quæ impetratur orando, id est agendi gratiam. At illa orandi semper præsens gratia unde eruetur? Erit ne qui contendat, duas illas propositiones: *Deus jubendo monet petere quod non possis: & Deus jubendo dat gratiam petendi quod non possis*: eundem planè sensum habere; quod per se absurdum, idè omnem absurditatem superat, quòd qui id existimet, illarum propositionum synonymiam & æquivalentiam non modò veram esse & certam, sed etiam ad fidem pertinere contendere debeat: adeoque præclarum illum canonem sancire: *Si quis dixerit alium esse sensum istius propositionis: DEVS JUBENDO MONET PETERE QUOD NON POSSIS: QUAM ILLIUS: DEVS JUBENDO DAT GRATIAM UT PETAS QUOD NON POSSIS, anathema sit*.

Postremò si hæc Moliniana Concilij Tridentini explicatio necessariò esset admittenda, sequeretur Concilium Tridentinum à maximâ Ecclesiæ patre reiectum esse, imò ne ipsos quidem Tridentinos Patres id sensisse quod definirunt. Certum est enim ante & post exortum Molinam gravissimos Ecclesiæ Theologos sancti Thomæ de gratiâ efficaci doctrinam amplexos, à quibus illam interpretationem improbari necesse est. Quod  
argumentum

argumentum eò grauius videri debet, quòd ex historiâ constat numquam Concilij Tridentini mentem fuisse, vigentes hoc tempore inter catholicos domnâre sententias, imò Marcellum Ceruinum hæc ipsa de gratiâ decreta variè sentientibus Theologis, antequam confirmarentur, permisisse vt ex ijs detraherent quiddid auersum putarent sententiæ suæ. Sapienter enim sacrosancta Synodus de catholicorum controuersijs pronunciare alienum ab his temporibus esse iudicauit, & antiquam aduersus hæreticos fidem retinere satis habuit. Eccui ergo verisimile fiet, his de gratia decretis, quæ Thomistis qui multi aderant, permissa sunt, ipsam Thomistarum doctrinam esse damnatam.

### ARTICVLVS XIII.

*Bellarmini & Estij interpretatio quatuor rationibus confirmatur.*

**C**ONFUTATIS aliis, Bellarmini & Estij interpretatio satis confirmata videri potest. Ne tamen sola alienarum explicationum reiectione niti videatur, quibusdam hîc rationibus ostendendum est, quàm illam meritò & Aluarezianæ & Molinisticæ antetulerimus.

I. Significat Tridentinum Concilium damnatum se jam à Patribus sententiam damnare. *Nemo*, inquit, *temerariâ illâ & à Patribus damnatâ voce utatur*. Imò decreti sui verba mutuatur ex Augustino: *Dei impossibilia non iubet, sed iubendo monet & facere quod possis & petere quod non possis*. Non igitur existimandum est, aliam præceptorum impossibilitatem à Concilio Tridentino damnatam, aliam à Patribus. Et quod grauius est, eandem sententiam & eadem verba à Concilio ex Augustino descripta, alium in Augustino sensum habere, alium in Concilio. Sed vt ostendimus, hæc verba in Augustino nihil aliud significant, nisi mandata Dei non esse absolutè & simpliciter impossibilia sensu Manicheorum, quia possunt impleri per gratiam efficacem: non igitur alia istorum verborum mens est in Concilio Tridentino.

Hoc solum supra Augustinum addit Concilium; quod non modò mandata Dei esse possibilia dicit, si detur gratia efficax; sed illam gratiam affirmat aliquando conferri: *Et adiunat*, inquit, *vt possis*: dixi aliquando, non semper, quia patet ex Concilio gratiam illam quæ his significatur verbis: *Et adiunat vt possis*: non semper dari, nec omnibus, sed tantum petentibus. Quod non omnes facere palam est. *Iubendo*, inquit, *monet & facere*.

Non cadit, inquam, in Aluarezianam; quia ut jam diximus, hæreticorum errorem ne attingit quidem. Nec dissimili vitio Moliniana explicatio, sed in contrariam partem tenetur. Id enim à Concilio statuit definitum, quod in Concilio ne quidem tractatum est. Numquam enim in Tridentinâ synodo quæsitum, an alicui iusto gratia nonnumquam deesset; siue an mandata Dei impossibilia essent non habentibus gratiam: sed illud solum, vtrum iustis gratiâ instructis essent impossibilia, quod assererant hæretici. Vnde in Canone 18. nominatim addit: *Homini iustificato & sub gratiâ constituto*. Quod Ecclesiasticâ loquendi consuetudine significat hominem sub actuali Spiritus sancti motione constitutum. Si quidem esse sub gratia, & esse sub lege, opponuntur apud Augustinum. Esse sub lege, excludit potestatem proximam implendæ legis: esse sub gratia, illam includit ab actuali gratia profectam. Vnde de eo qui sub lege est, disertè ait ser. 18. de diuers. *Qui sub lege est, legem implere non potest. Qui autem sub gratiâ est, ut ibidem subdit, non sub lege, IPSE IMPL'ET LEGEM. Quia non est ei pondus, sed decus: nec timenti tormentum, sed amanti ornamentum: Spiritu enim dilectionis accensus est*. Et de spir. & litt. c. 19. *Ille lex sine adiuuante spiritu procul dubio littera est occidens. Cum verò adest vinificans spiritus, hoc ipsum intus inscriptum facit diligi, quod foris positum lex faciebat timeri*.

Non igitur verisimile, imò planè falsum est, id definisse Concilium, quod ne in disputationem quidem adductum erat, atque ita definiuisse ut omnium Patrum sententias damnaret. At verò Bellarmini & Estij interpretatio hæreticorum errorem, possibilitatem præceptorum in hac vitâ cum quâlibet gratiâ negantium, directè petit, & præcisè condemnat nec alienas ac dubias quæstiones attingit. Neutro igitur vitio laborat, quo superiores duæ.

III. Quæ Concilij interpretatio certam & constantem inter catholicos omnes sententiam complectitur, ea meriti præfertur ijs quæ dubiam & minimè in totâ Ecclesiâ receptam continent. Alienum enim à Tridentinæ synodi dignitate esse videtur, ut aliquid definierit, de quo non omnes catholici inter se consentiant. De Thomisticâ verò possibilitate quam hoc loco à Concilio definitam contendit Aluarez, Molinistæ planè, dissentiant, & eam in scriptis suis passim ineptiæ accusant. Rursus Molinisticam possibilitatem quæ nihil aliud requirit ad agendum penitus Thomistæ rejiciunt. Neutram igitur hoc loco à Concilio sancitam dicere præstat. At illud in Bellarmini interpretatione vitij non est; quam enim sententiam Concilio tribuit, de eâ omnes omnino catholici idem sentiunt, solis hæreticis aduersantibus. Quis enim non profitetur *mandata Dei per gratiam esse possibilia*?

IV. Postremâ ratio, eâque omnium grauissima, ex illâ regulâ petitur, ad omnium scriptorum maximèque sacrorum mentem intelligendam opportunissimâ, scilicet non ex vno quodam loco sententiam scriptoris inuestigandam, sed ex omnium locorum ad eam rem pertinentium consensione, quod maximè in Conciliorum decretis locum habet, in quibus cum vnum spiritum loqui credamus, nullam vtiq; in illa sensuum varietatem & discrepantiam conferre sine flagitio possumus. Quare verus & legitimus sensus hanc habere notam debet, ut cum omnibus Concilij locis consen-

tiat. Ad cuiuslibet autem sensus falsitatem demonstrandam sufficit, ut cum aliquo Concilij loco pugnet.

Hoc constituto faciliè demonstratur, Molinisticum sensum de gratiâ semper præsentè aduersari multis Concilij locis. Repugnat enim primùm doctrinæ Concilij de perseverantiâ. Nam si ea gratia quæ nihil aliud requirit, semper homini, ut illi volunt, præsto est, falsum esset quod Concilium ait: *Neminem sibi quidquam absolutâ certitudine de perseverantiâ suâ sibi polliceri posse.* Quid enim temeritatis est de eo quod in suâ quisque potestate semper futurum esse fide tenet, aliquid sibi absolutâ certitudine polliceri.

Repugnat etiam Canoni 22. *Si quis dixerit iustificatum vel sine speciali auxilio Dei in acceptâ iustitiâ perseverare posse, vel cum eo non posse, anathema sit.* Nam cum auxilium ad non peccandum, idem sit quod auxilium ad perseverandum, quia perseverat ille qui non peccat, si auxilium illud Molinianum ad non peccandum omnibus præsto est, falsò auxilium perseverantiæ speciale vocatur: non enim speciale est quod omnibus datur.

Deinde quemadmodum ex eo quod Concilium statuit, cum auxilio perseverantiæ perseverari posse, rectè concluditur, gratiam illam non semper abesse, ne de eâ hypothèsi loquatur Concilium quæ numquam contigerit. Cur similiter ex eo quod Concilium statuit, sine perseverandi auxilio perseverari non posse, non colligatur illud auxilium non semper adesse, ne frustra de hypothèsi impossibili Concilium sanctiones ediderit: nam si nullum esse credidit cui deesset illud auxilium ad non peccandum, sine ad perseverandum, quantò clariùs ita Canonem expressisset: si quis dixerit auxilium ad perseverandum alicui iustificato deesse, anathema sit.

Repugnat denique rationi quam subiungit Concilium post illa verba: *Deus impossibilia non jubet, sed jubendo monet & facere quod possis, & petere quod non possis .... qui enim sunt filij Dei, Christum diligunt: qui autem diligunt eam, ut ipsemet testatur, servant sermones eius, quod utique cum divino auxilio præstare possunt.* Hæc enim ratione proflus ineptè probatur gratiam semper adesse. At ex illâ Concilij ratione mitiè confirmatur Bellarmini expositio. Nam si filij Dei Christum diligunt, si qui Christum diligunt servant mandata, si mandata non servantur sine gratiâ, sequitur falsum & hæreticum esse quod Calvinistæ docent: Præcepta à nemine observari etiam cum gratiâ. Servantur enim ab omnibus qui Christum diligunt, diligunt autem Christum omnes filij Dei, dum filij Dei sunt.

Ex his omnibus liquiddè pernosci potest, quàm immeritò Censores hunc Concilij Tridentini locum propositioni controversæ aduersâ fronte oppositum passim venditauerint. Ostendimus enim illum quem afferunt sen-

sequitur aliqua non posse homines eam jubentur, ac proinde falsum esse quod pro fidei articulo toti Ecclesie obtrudit Annatus: *Eum qui liberè transgreditur præceptum, habere semper proximam & expectatam eius observandi potestatem*: non enim habet illam quam precibus impetrare neglexit. Et contra verum esse, quod vnum docet Epistolæ propositio: *Gratiam illam quæ immediatè tentationes vincere possunt, quibusdam iustis aliquando deesse*.

Hactenus de Concilij sententia, ex quo Constitutionis innocentij X. intelligentia pendet ipsis aduersariis fatentibus, qui illa ipsius verba, *antè damnatam declaramus*, ad Concilium Tridentinum referunt. Sed quoniam de hoc argumento plura in Apologeticis jam diximus, ea hoc loco iterare superfluum est. Tantum monebo, quod alibi dictum est, quocumque demum modo exponatur illa Constitutio, non posse ex eâ elici nisi gratiam sufficientem Thomisticam, idque respectu volentium & conantium, quibus eam libenter concedimus. Ut verò nec volentibus nec conantibus tribuatur manifesta in re pugna est. Nec ineptius quidquæ cogitari potest, quàm si quis ex eâ propositione: *Iustis volentibus & conantibus non deest gratia sufficiens Thomistico sensu*: duas illas deriuat planè diuersas & alienas: *Iustis nec volentibus nec conantibus adest gratia sufficiens*. Quod contradictione explicatur: vel: *Iusti omnes volunt atque conantur*, quod à sensu communi, imò à fide penitus abhorret.

Falsum est ergo hominibus iustis volentibus & conantibus aliqua Dei præcepta esse impossibilia secundum præsentis vires, & deesse illis gratiam excitantem & sufficientem Thomistico sensu, quæ possibilia fiant eâ potestate quæ non complectatur omnia ad agendum necessaria. Et qui hoc damnatum à summo Pontifice velit, aduersus illum minimè pugnabimus.

Falsum est item, iustis volentibus & conantibus deesse gratiam actualem: sed nihilominus verum, catholicum, & orthodoxum est, omnibusque generatim Thomistis probatum, quosdam iustos per gratiâ excitantem & sufficientem conantes & volentes imperfectè, id est ei non plenè consentientes, non habere eam potestatem implendi mandata, quæ complectatur omnia ad agendum necessaria, & carere efficaci gratiâ quæ una talè possibilitatè affert.

Verum est item ignorantibus, nec volentibus, nec conantibus implere mandata, deesse cognitionem, voluntatem, conatum, id est gratiam actualem. In quibus duobus capitibus quamuis tota quæstio resideat, nemo tamen Censorum audeat alterutrum erroris arguere.

## ARTICVLVS XIV.

*Totius operis conclusio, in qua turbarum istarum origo, & intoleranda Censuræ iniquitas paucis aperitur.*

**H**ABENT cruditi Theologi, quorum scripta ad me perlata sunt, meam de tota hac controuersia sententiam sincerè & idèò enucleatè explicatam: verum non satis ipse totum illis animum meum aperirem, nisi de miserimâ horum temporum conditione apud ipsos liberè conquererer.

Diu est cum Molinæ sequacibus Augustini doctrinam inuadentibus ne-



cessariò resistimus. Sed quamquam odiosa illa pugnandi necessitas esset aduersus homines factione validos, erat tamen idèò tolerabilis, quòd interim ex ipsâ contentione grauissimis quæstionibus lux afferre batur. Nunc verò eorum fautores alio post aliud munimento depulsi, eò rem redegerunt, vt planè nesciam quæ res agatur. Incredibile videatur, & tamen verū est, penitus mihi ignotum esse, quid in eâ propositione quam tot horrendis notis inusserunt, communi eorum iudicio reprehensum sit. Sed illud adhuc incredibile, neomittens tamen certum, ipsos accusatores meos, ipsos Censores, ipsos totius factionis duces quid in còmunè accusauerint, quid damnauerint penitus nescire; vt hæc mira planè & ante hunc diè inaudita iudicii forma fuerit, in quâ accusatores quid ipsi objecerint nesciant, reus quid sibi objectum sit ignoret; denique quid iudicatum sit, à iudicibus, à reo, ab omnibus pariter ignoretur. Id quoniam ad ostendendam Censuræ iniquitatem mitticè pertinet, paucis hoc loco declarandum.

Animaduertendum est enim aduersarios meos etsi in odio mei & maleuolentiâ consentiant, non minùs tamen à se inuicem quàm à me dissidere, non modò in aliis quæstionibus, sed in eâ ipsâ quæ nunc agitur controuersia, & in ipso controuersæ propositionis sensu. Quidam illorum, & quidem præcipui duces, Molinisticis partibus jam diu conjuncti, id vnum in propositione meâ reprehendunt, quòd gratiam sufficientem Molinianam semper adesse omnibus iustis in tentatione positis neget siue ad agendum, siue saltem ad orandum; omnia enim sua consilia conferunt ad gratiæ efficacis necessitatem euertendam. Puduìt tamen, illos hoc præ se ferre, & idèò ad putidam de præceptorum impossibilitate calumniam in sententiâ suâ confugerunt.

Alij verò qui Thomistæ haberi volunt, gratiam Molinianam omnino repudiant; aliam astruunt actualem quidem, sed quæ illo semper careat effectu, comparatione cujus dicitur sufficiens, nisi Deus illi gratiam efficacem adjungat. Hæc tamen sufficiente gratiâ conferri volunt proximam & completam agendi potestatem, in quo se putant à me diuersos. Verùm ipsis primùm de gratiâ actuali semper præsentem multi resistunt, qui ad certos pietatis actus solam gratiam habituales sufficere arbitrantur; repugnant alij, qui sufficere aiunt, gratiam actualem aliquando in aliquo veniali peccato multò antè commisso præsto fuisse.

De potentiâ proximâ ipsi Molinistæ, non illi veteres & horridi, sed hi noui & temperati cum Thomistis illis non consentiunt; nam sine efficaci gratiâ, quam ad operandum necessariam statuunt, negant proximam operandi potentiam haberi; licet ex ipsorum sententiâ per gratiam sufficien-

tæ propositionis sensu inter ipsos Censores non constare, nullumque proferri posse qui non vel mihi per summam calumniam affingatur, vel ipsis Censoribus probetur, aut in suis sodalibus omnis erroris expers iudicetur.

Omnis error, omnis falsitas idèd falsitas & error est, quia veritati aduersatur; nec certa falsitas aut error esse potest, vbi de veritate oppositâ errori nō constar. Vniuersè id in omnibus verū, multoque magis in ipsâ fide. Neque enim hæreticum aliquid iudicari potest, nisi ueritatem aliquam oppugnet quam fide teneamus, & quia in fidei capitibus debent omnes catholici conuenire, debent etiam de iis sententiis consentire, quibus hæreses aduersantur. Diuinitatem Filij oppugnauit Arius; de diuinitate Filij tota Ecclesia consentit. Negat in Eucharistiâ verum Christi corpus adesse Caluinus; in Eucharistiâ Christum totum verè, realiter, & substantialiter contineri tota Ecclesia constituitur. Dicant nunc quæso nostri Censores, quænam sit illa catholica veritas propositioni meæ opposita, quam ipse negem, de quâ tamen non dicam vniuersi catholici, sed ipsi inter se Censores vniuersi conueniant.

An illam afferent: Possibilia esse semper omnibus iustis mandata? Quasi verò hoc à me negatum sit. De possibilitatis naturâ quæstio est. Molinianam illam, quæ nihil aliud requirit vt in actū prodeat, numquā admittam; sed plurimi ex ipsis non admittunt. Thomisticam alij ex ipsis irridunt, alij probant; ipse & probō & admitto, nec vñquam fateri recusabo, sic omnes iustos mandata semper obseruare posse, etiam cū deest gratia efficax, quemadmodum homines visu præditi in tenebris videre possunt ob internam videndi potentiam. Id verò vel ipsis fatentibus sufficit; & quidam ex illis, quos deosculantur & probant quia Censuræ subscripserunt, ita possibilitatem præceptorum etiam post Censuram gratulantibus aut certè ferentibus Molinistis explicarunt.

An illud causabuntur, gratiam sufficientem actualem quæ semper in omnibus tentationibus præsto sit, esse de fide? At illud multi ex ipsis non credunt, qui sufficere aiunt gratiam habitualement ad certos pietatis actus; multi etiam irridunt, nec illud vñquam pro fidei capite haberi sinent, in omnibus peccatis & venialibus & mortalibus adesse semper in animo cognitionem peccati, & desiderium vitandi illius diuinitus immissum, vt nullum jam peccatum ex ignorantia, ex errore, ex subitâ cupiditate fieri possit. Deinde, vt jam dixi, nihil hoc ad propositionem meam. Non enim omnem gratiam actualem sufficientem Thomistico sensu à Petro amoui, sed tantum efficacem.

An confugient ad suum illud tantopere iactatum potentia proxima nomen; sed prius illius æquiocationem tollant. Molinianam enim eius verbi significationem repudiamus quidem, sed cum multis ex ipsis Censoribus. Thomisticam non aspernamur; incommodius hoc vocabulo expressam contendimus.

An illud fidei caput in sufficientis gratia nomine locabunt, quod excitanti gratia tribuendum præfractè quidam obtinere nituntur. Primum, ridiculum, in nomine quod nulla Scripturæ autoritas, nullum Ecclesiæ decretum consecrauit, fidem esse positam. Deinde sufficientis gratia vocem usurpent quantum volent, non repugnabimus, dum ne nobis sub il-

lo nomine Molinianum fermentum obtrudatur.

Ita noui planè generis est illa hæresis, illa blasphemia, quam in me insectantur: nulli enim catholicæ veritati aduersatur. Patientur enim credo illud me nec hæreticum nec blasphemum habere, quod ipsi iudices in suis vt orthodoxum probant. Et tamen his sepositis, non iam leuis, sed planè nulla de propositionis meæ sensu controuersia esse potest.

Omnino enim sic existimo vnâ in hac totâ materiâ solidam esse controuersiam, de gratiæ efficacis necessitate. De hac qui conueniunt, vix aliter quàm verbis dissentire possunt; ceteræ de actu primo & secundo, de potentiâ propinquâ & remotâ, de nomine ac naturâ gratiæ sufficientis, & leues per se, & maximam partem non de re, sed de nomine sunt, quas vel omittere omnino consultissimum sit, aut si non omittantur, intra scholarum angustias placidè disceptare. Nihil verò indignius fieri potest, quàm vt ad illas quæstiunculas fidei maiestas detrudatur, & propter illas sollicitetur Ecclesia, fideliumque concordia dirimatur. Victix multis in locis volitat hæresis; magna Europæ parte sæuit & regnat; bellis, seditionibus, omnium vitiorum eluione catholicus orbis premitur: nos cum maximè decebat omnes vires ad communes hostes propulsandos conuertere, vel precibus ad flectendam Dei misericordiam incumbere, de actu primo & secundo digladiari cogimur. Dum vitalia periclitantur, de vnguibus laboramus. Dum tota religio ab externis & domesticis hostibus oppugnatur, ad metaphysicas disputationes petramur.

In me certè nemo illorum malorum culpam meritò conferat. Difficultates illas, ad quas nunc aduersarij mei confugiunt, numquam tractaui, numquam commoui. Cum Patribus sensi & locutus sum; & me in istas subtilitates immittere à simplicitate christiana semper alienum duxi. Sexcentis legi apud Patres, sine gratiâ quâ Deus in nobis & velle & perficere operatur, nihil fieri posse: id innoxie affirmare posse credidi post tot auctores. Incidentium quæstionum spinas nec attingi nec attingendas omnino putavi. Hæc ars, hoc consilium fuit eorum, qui non aliud labantis existimationis suæ præsidium inuenerunt, quàm vt controuersiam in scholasticarum contentionum dumeta compellerent, ne suam in grauissimis rebus infirmitatem detegere cogerentur. Hoc consilio illud solertissimi homines aff: qui volunt, vt illarum controuersiarum specie tota Augustini doctrina eijciatur ex Academicis Christianis, imò ex orbe Christiano. Id agunt, id moliuntur illarum turbarum incentores Iesuitæ, & ipsorum gregales, quibus ita resistendum est, vt non prius de illis inanibus controuersijs litigare sinantur, quàm de ipsius gratiæ efficacis necessitate cum Ecclesiâ consen-

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARRISTER AT LAW  
IN GREAT BRITAIN  
AND OF THE COUNSELLOR AT LAW  
IN MASSACHUSETTS  
VOL. I.  
BOSTON: PUBLISHED BY  
J. B. ALLEN, 1825.  
NEW-YORK: J. B. ALLEN, 1825.  
LONDON: J. B. ALLEN, 1825.